

光緒三十三年六月二十五日發行

售例

- 一 本雜誌零售每册大洋銀二角伍分預定全年十二册大洋銀二圓伍角本埠外埠外國一律詳後
  - 二 郵局郵章見第二册本雜誌加增報紙寄費輪船火車直達之處為口岸如購一册郵費伍分全年伍角日本同輪船火車未能直達之處為腹地惟郵局新定章程如行駛小輪之處每購一册郵費壹角伍分全年壹圓伍角外國同率未通郵政之處民局寄資閱者自給
  - 三 凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀二角伍分計算寄足應得册數為止
  - 四 在總發行所定購者本埠按期派送不取酒資
  - 五 凡一人定購五份寄送一處者照價九折拾份者八折
  - 六 在總發行所定購者如遷徙他處務託安人代收一面知照總發行所改寄惟已寄原處之册不能複寄其在代售處定購者請自向代售處商辦總發行所不能接寄
  - 七 總發行所按期寄送以郵局民局同單為憑中途遺失閱者自理
  - 八 凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算除二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折再折扣悉依原定全年報資核算如一千份者六折即每份以大洋壹圓五角核算是也惟郵費分文不扣
  - 一 代售處收到資費即寄總發行所如定購者不將資費照章寄足照第三條辦理至代售處遺人送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局  
有正書局 保定府官書局 長沙集益書社 常德啓智書局 武昌文明書局 中東書社 新政書局 總派  
報處 漢口 商務印書分館 江左漢記 廣東開新書報公司 聖教書樓 英文書莊 南昌廣智書莊 南  
京明達書莊 中西書局 杭州崇實齋 採辦書報處 史學齋 蘇州開智書室 日本東京金港堂書店

商務印書館出版  
歷史類教科書

學務大臣審定  
**中國歷史教科書**  
中學用

每部二册  
價洋一元

本館編輯○學室科目莫要於本國歷史今各省已設中學而所用尙無善本殊爲學界遺憾本館特聘通儒搜集各種歷史課本撮其菁英編成此帙分爲七卷歷朝大事無不備載繁簡適當斷制謹嚴可爲現時中學教科善本

**最新中國史教科書**  
高等小學用

每部二册  
價洋四角

臨安姚祖蔭編輯○上起五代下迄兩宮同鑒下詔變法之日凡分兩册共二百四十頁其言文辭雅馴體例精實至敘述國朝事實立言得體無一毫時下囂張之習並附歷代圖表十片以爲查教授法及外國史續出

**國史初級教科書**  
高等小學用

每部一册  
價洋三角

本館編輯○凡分三卷一上古史自太古至戰國一中古史自漢至隋一近古史自唐至今摘要提綱有不紊展讀一過可以瞭然於四千年來之大勢文詞亦

商務印書館出版  
 歷史類教科書

普通新歷史

高等小學用

每部一冊  
 價洋二角

普通學書室編輯○是書以日本中等學科教授法研究會所著東洋歷史為藍本取其序次即斷記簡  
 要適合教科之用原書本以我國為樞紐今悉刪其參附者尤為繁簡得宜且近世之事較詳亦合教育公  
 理洵善本也

清史攬要

每部二冊  
 價洋四角

日本增田實著本館譯訂○是書為日本所撰而引用各書悉皆我國人所著故摺摺無國朝二百數十年之  
 大事提綱挈領頗得體要以本朝之人而不知本朝之事可恥就甚學堂之人固宜讀是書即非學堂中人  
 亦宜家置一編也

學務大臣審定  
 西洋歷史教科書

每部一冊  
 價洋五角

日本本多淺治郎著出洋學生編輯所譯○書凡六編首古代史二中代史三四五皆近代史六最近史條  
 理井然首尾貫串每事皆按舉綱要列為款目尤便記憶地名人名均附注原文亦便查檢學堂之教科書  
 本編推此種

商務印書館出版  
格致類教科書

學務大臣審定格致教科書

洋裝一册  
價洋五角

本館編譯○格致之要世人皆知新定學制各學堂皆有此科可知其要本館特借通才編為是書首總二物三熱學四光學五聲學六電學七磁學八重率密率彙輯名著采摭善華簡要不煩最便初學

學務大臣審定化學教科書

洋裝一册  
價洋一元

英國史低爾著山陰謝洪香譯○化學教科書無善本本館特請謝君取史氏最新刊本譯成是編綜覽書蓋有三善一獨詳功用最宜實驗二操券發問易於記誦三證繁圖隙兼便自修可為化學善本矣

學務大臣審定生理學教科書

洋裝一册  
價洋二角五分

本館編譯○是編以法儒包培爾原著為本旁據他書略加增損分論行動養生覺悟諸具由人及物逐圖明次章更推及植物尤足以見生理之蕃變辭旨淺顯最便初學

學務大臣審定鑛質教科書

每部一册  
價洋二角

本館編譯○我國鑛產甲於全球近畿開採需材尤亟本館據日本鑛學諸書輯為是編官舉其最要且用必需者言之共分四章圖繪詳明

學務大臣審定鑛物學教科書

每部一册  
價洋二角

本館編譯○是編與前書性質不同前書注重綱要此則條分縷析務便學者書分二編上編為鑛物詳於形體理化下編為鑛物分論詳於品類區別與前書有相得益彰之用

商務印書館出版  
地理類教科書

學務大臣  
審定  
**瀛寰全志**  
中學用

洋裝每部一冊附瀛寰全圖一冊  
價洋二元

企英學館編輯○輿地之學尙矣而足備學堂教科之需者尙未之見本館特聘名宿搜集東西輿地家所著地理佳本精心翻譯竭一年之力始成此書以備中等教科之用文筆條暢校對精詳末附中國名表洵屬完全無憾並向日本定製銅版圖畫數百幅插印卷內精緻美麗光彩照人 總理學務審定評語曰蒐輯精審詳略得當可爲是書真評

**萬國地理新編**  
高等小學用

每部二冊  
價洋四角

懷甯陳乾生編輯○凡分六編首全球總論次亞洲次歐洲次非洲次澳洲次美洲凡疆域氣候政教民情物產紀載明晰綱舉目張文詞雅飭淺顯易解選用地名皆沿舊稱絕無近日譯本新奇駭怪之弊供小學教授最爲合宜

**日本政治地理**

每部一冊  
價洋七角五分

日本矢津昌永著秀水陶銘譯○凡分七編一國土二人民三邦制四經濟五交通六生物產七外交具組織新義圖標專限於日本然可以爲新學之指南也

商務印書館出版  
國文類教科書

文學初階 初等小學用

卷一卷二卷三卷四每册一角  
卷五卷六每册一角五分

紹興杜亞泉著○書分六卷自淺入深循循善誘始以一二字相聯綴導其先路繼以三四字成詞句按其進步依次遞進如升階然篇中詞句淺近意取明晰務期童蒙易悟附圖數百幅凡飛潛動植服飾器用等類靡不惟妙惟肖首卷並列教授諸法尤便講解學生約半年讀一册足敷三年教課之用

學務大臣審定 馬氏文通

洋紙洋裝  
價洋一元五角

丹徒馬建忠著○馬眉叔觀察精通臘丁法蘭西文字會惠敏文集紀其在法國學校卒業考試情形可為我國言西學者之先進矣是書專論中國文法疏解詳明開數千年未宣之秘觀察自序謂積十餘年之勤求探討方成此編可想見其下筆不苟今承書主以是書歸本館專印專售現售馬氏自印石印本

漢文教授法

每部二册  
價洋六角

偉廉主人譯輯○作文之學中國向少法程初學恆以為苦是書獨探古大家名文辨別體裁區分門類由句法而段法而篇法逐一講明條理清晰教授之法此為捷訣

伊索寓言

每部一册  
價洋三角

國縣林紆侯官嚴培南嚴璩合譯○伊索產自希臘距今二千五百餘年是書藉草木鳥獸問答之言指實人情世態使人知所勸懲泰西各國學堂無不譯成本國文字用為課本是書據英文本譯出詞筆雅雅足解原書聲價林君並逐譯附加案語發明真意旨深詞隸附圖數十最資啟發誠少年絕妙之教科書也

商務印書館出版  
各種教科書

學務大臣審定論理學綱要

每部一册  
價洋四角五分

日本十時彌著江陵田吳昭譯○論理學吾國舊譯辨學近人侯官嚴氏以其學精深廣大譯為名學方與本義相副是編譯自日本故仍其稱原書條理井然便於教授本館特聘湖北全省學務處參議官田伏侯先生譯為漢文句斟字酌務合原意而詞旨曉暢亦能不為原文所束縛

學務大臣審定教育心理學

每部一册  
價洋三角五分

日本高島平三郎著江陵田吳昭譯○教育程度必以心理為衡否則誤等以幾必傷學者腦力求益反損我國教育近始萌芽各學堂學科程度亟待參酌故斯學才關緊要是有著者自序謂力求平易便於自修田伏侯先生亦謂為從事教育者不可不讀特代本館編譯詞達理畢足供教授

學務大臣審定普通珠算課本

每部一册  
價洋一角

無錫諸芬室主人編輯○珠算在尋常日用中最高為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

東西洋倫理學史

每部一册  
價洋六角

日本木村鷹太郎著本館譯○倫理學為德育之大本大學堂新訂高等學堂章程首列人倫道德一科可知其要是書彙集東西洋各家學說東洋共三十三人西洋共三十二人名論畢覽可謂集倫理學之大成矣



商務印書館出版  
各科教科書

理財學課本

每部一册  
價洋五角

美國華克著上海顏惠慶譯○我國財政困乏非人工物力使然實籌財政者不知計學公理故也是書取計學精要之義逐條指出最便初學揣摩顏君留學美國多年精於彼國語言文字故能取深奧之理而譯以淺顯之詞誠理財學之階梯也

中國通覽

每部一册  
價洋五角

本館譯輯○各國學校皆有本國法制一門誠以學為民者不可不自知其國也是編即據此意編輯成書凡我國地理官制政體時事風俗民情無不詳載門分類別井井有條讀之於本國之事可明大要

新說教授學

每部一册  
價洋一角五分

日本橫山榮次著本館譯○今各省皆設學堂而師範未立猶之帆船未備而欲駕舟以航海也其教育不能適宜無待言矣師範學堂不易獨立而教授之法蓋人宜知是編首緒論二教授之目的三教授之材料四教授之作用為教習者果能會通而仿行之亦可收師逸功倍之效矣

讀書法

每部一册  
價洋一角

日本澤柳政太郎著本館譯○凡十章一讀書法之必要二讀書之歷史及其性質三讀書適宜之時四精心讀書五選書專修六專修書選擇之標準七寫讀法及暗記法八撮要分法及解法九讀書之分量十讀書法難則名言證論以資借閱之可知開卷之益

商務印書館出版  
問答書

中國歷史問答

世界歷史問答

普通博物問答

地文學問答

生理學問答

富國學問答

學校管理法問答

詳載中國歷代史事自上古迄國朝上下數千  
間依次敘述瞭如指掌並設為問答俾易明瞭  
史學中最新最善之書每本洋二角五分

研究實學歷史為先但欲貫注古今於紀事編  
等書中尤以問答體者為易明晰此編分上古  
古近世一切大事無不備載每本洋二角

是書發明飛潛動植聲光化電一切原理窮奧  
微推究盡致設為問答詞旨簡明最合格致教  
之用每本洋三角

地文為天然科學研究地理者不可不知若空  
之水分陸界之組成生物之分布皆格致學之  
要者是編詞簡意賅允推初學善本每本洋三

泰西各邦莫不以研究生理為學術之要為衝  
之源是編討論營衛出顯入微尤使推關允宜  
置一編以為強固形體之助每本洋二角五分

富國之學為當今急務是書取一切理蘊行爲  
答無理不達無蘊不呈盡人能讀教授初學十  
每本洋五分

歷舉一切管理學校之法簡明詳備今各省學  
校起爭端實由管理未善其進取閱本編當知  
良之策學者受益不少每本洋二角

商 務 印 書 館 出 版  
英 文 教 科 書

|         |  |         |
|---------|--|---------|
| 初階      | English Primer                                     | 每本洋伍分   |
| 進階初集    | English First Reader                               | 每本洋捌分   |
| 進階貳集    | English Second Reader                              | 每本洋壹角二分 |
| 進階參集    | English Third Reader                               | 每本洋壹角五分 |
| 進階肆集    | English Fourth Reader                              | 每本洋參角   |
| 進階伍集    | English Fifth Reader                               | 每本洋肆角   |
| 英文初範    | Grammatical Primer                                 | 每本洋壹角二分 |
| 英語文規    | New Language Lessons                               | 每本洋肆角   |
| 綴字規程    | Guide to Spelling                                  | 每本洋壹角五分 |
| 文規啓蒙    | Grammar for Beginners                              | 每本洋壹角   |
| 亞洲啓蒙集   | New Orient Primer                                  | 每本洋壹角   |
| 科學入門格致學 | Physics (Science Primers) Prof. B. Stewart         | 每本洋肆角   |
| 科學入門地質學 | Geology (Science Primers) Sir A. Geikie            | 每本洋肆角   |
| 科學入門名學  | Logic (Science Primers) Prof. Jevons               | 每本洋肆角   |
| 科學入門植物學 | Botany (Science Primers) Sir G. B. Hooker          | 每本洋肆角   |
| 科學入門計學  | Political Economy (Science Primers) Prof. Jevons   | 每本洋肆角   |
| 科學入門地文學 | Physical Geography (Science Primers) Sir A. Geikie | 每本洋肆角   |

商務印書館出版

中西文合璧教科書

|           |   |          |
|-----------|---|----------|
| 華英亞洲課本    | English and Chinese New Orient Fifth Reader | 每本洋柒角    |
| 華英國學訓蒙編   | English and Chinese Royal Primer            | 每本洋壹角    |
| 華英國學文編 一冊 | English and Chinese Royal First Reader      | 每本洋貳角五分  |
| 華英國學文編 二冊 | English and Chinese Royal Second Reader     | 每本洋肆角    |
| 華英國學文編 三冊 | English and Chinese Royal Third Reader      | 每本洋柒角五分  |
| 華英國學文編 四冊 | English and Chinese Royal Fourth Reader     | 每本洋壹元貳角半 |
| 華英文件指南    | English and Chinese Complete Letter Writing | 每本洋陸角    |
| 華英繙譯捷訣    | A Manual of Translation                     | 每本洋伍角    |
| 華英要語類編    | English and Chinese Conversation            | 每本洋貳角    |
| 華英智環啓蒙    | Circle of Knowledge                         | 每本洋肆角    |
| 增廣英字指南    | Method for Learning English                 | 每本洋壹元    |
| 英法尺牘譯要    | Select Correspondence                       | 每本洋柒角伍分  |
| 法語陟遐      | Course Progressives des Leçons Françaises   | 每本洋伍角    |
| 德文法程初集    | Deutsche Lektionen                          | 每本洋柒角五分  |

務印書館出版  
字類

華英音韻字典集成

洋裝 每部一冊 價洋七圓五角

企英譯書館編校○共集字語十餘萬言注以發音標其讀法繼以英字注釋華字譯義並綴文法字類韻以英儒稍納耳本為宗譯義以英國羅布存德本為主並加增訂附圖千有餘幅異物奇器一覽便明附英國假借他國俗語解義減筆字解記號彙釋及中西地名表全書一千九百十四葉鴻博精審據所有侯官嚴先生謂為獨出冠時世所寶貴非過譽也

華英字典

每部一冊 洋裝布面 價洋一圓二角  
華裝紙面 價洋六角

本館編譯○諸君其照會輯華英字典頗便學界願世人尚嫌缺略茲特增益二萬餘字全書計四萬言義詳明注詞編雅并以文字聯綴成句以便選用附錄減筆字解各種記號有志西文者不可不手一編

袖珍華英字典

洋裝 每部一冊 價洋一圓

上海南洋公學教習<sup>謝文甫</sup>先生編譯○詔興學堂習外國文字者益衆而英文為尤本館先輯華英字典集成華英字典兩種猶不足以供學界之用乃酌刪繁重輯為是編全書約四萬餘字製成小冊納諸袖最便翻檢嚴侯官先生題序謂取了大義期於捷速爾當誠知本館之意矣

商 務 印 書 館 出 版  
中 西 文 合 璧 教 科 書

|                          |  |         |
|--------------------------|--|---------|
| 華英初階                     | English and Chinese Primer                   | 每本洋壹角   |
| 華英進階初集                   | English and Chinese First Reader             | 每本洋壹角五分 |
| 華英進階貳集                   | English and Chinese Second Reader            | 每本洋貳角五分 |
| 華英進階叁集                   | English and Chinese Third Reader             | 每本洋肆角   |
| 華英進階肆集                   | English and Chinese Fourth Reader            | 每本洋伍角五分 |
| 華英進階伍集                   | English and Chinese Fifth Reader             | 每本洋柒角五分 |
| 華英進階全集                   | English and Chinese Readers                  | 每本貳元貳角半 |
| 華英英文初範                   | English and Chinese (Grammatical) Primer     | 每本洋貳角五分 |
| 華英地理問答                   | English and Chinese (Catechism of Geography) | 每本洋貳角五分 |
| 華英亞洲啓悟集                  | English and Chinese New Orient Primer        | 每本洋貳角   |
| 華英亞洲課本 <small>冊壹</small> | English and Chinese New Orient First Reader  | 每本洋叁角   |
| 華英亞洲課本 <small>冊貳</small> | English and Chinese New Orient Second Reader | 每本洋肆角   |
| 華英亞洲課本 <small>冊叁</small> | English and Chinese New Orient Third Reader  | 每本洋伍角   |
| 華英亞洲課本 <small>冊肆</small> | English and Chinese New Orient Fourth Reader | 每本洋陸角   |

商 務 印 書 館 出 版 類 政

政 治 學

每部一册  
價洋四角

德國那特經著日本李家陸介小崎哲藏譯述房縣賦翼章東湖王慕陶合譯○此那特經曾為日本帝國大學教授數年集講義共成政治學三編是為其上卷國家編首論國家之要素次論國家之生理後續衆說持論不偏譯筆豐達亦足與原書相稱

政 治 汎 論

每部二册  
價洋一圓二角

美國威爾遜著日本高田早苗原譯本館重譯○是書綜論歐美政治遠溯希臘羅馬以迄今世列強凡中央政府與地方制度靡不窮源竟委綱舉目張都十六章約三十萬言有志政學者不可不家置一編也

政 治 一 斑

每部四册  
價洋七角五分

日本檜前保人上野岩太郎池本吉治緒方直清合著出洋學生編輯所譯○是書開論普通人民合具有政治思想知國家為人民所公有人人有擔任國家之義務○中於各國政治之要領載錄詳明曰一斑者作者謙詞也

歐 美 政 體 通 覽

每部一册  
價洋二角

日本上野真吉著出洋學生編輯所譯○歐美政體互殊而各有所以致治之道是書詳舉德奧英法美等國君主民主之責任議院之組織政府之成立提綱挈領據理明晰為政治學書之佳本

商務印書館出版  
政治類

萬國憲法比較

每部一冊  
價洋三角五分

日本辰巳小二郎著房縣鐵翼譯○是書於各國政體之得失憲法之異同比較明晰評論精確讀之可知各國憲法之體裁及憲法之沿革

憲政論

每部一冊  
價洋四角五分

日本菊池學而君著侯官林英譯○凡事皆先有理論而後有實事我國渴望憲政已久願理論尙未完備是書陳義甚精而譯者亦能達其論旨不失分毫

議會政黨論

每部一冊  
價洋五角

日本菊池學而而著譯○歐洲政界操其柄者為議會為政黨日本步武泰西遂雄東亞肝衝中原大勢必當同循此軌菊池法學士政學湛深著為是書夙推佳本亟譯印行以為將來立憲之先導

萬國國力比較

每部六冊  
價洋二圓五角

英國默爾化著日本專門學校譯出洋學生編輯所重譯○是書廣集各國政府統計報告而成於五洲萬國貧富強弱文野程度之差考察精詳纖悉無遺分領地人口動力蒸汽力農林漁礦製造等業貿易運輸銀行貨幣租稅公債諸大綱分目數百經表百餘詳細無匹



國際公法大綱

每部一册  
價洋二角五分

德國雷士特著本館編譯所譯○國與國交必有交誼交誼必依據法律然後無侵暴之虞此國際公法所以行於今日也是書宗其大旨言簡意賅凡三十四章首言其淵源中言其作用末言其條例次序井然足為學者尋途之助

德國學校制度

每部一册  
價洋四角

日本加藤駒二著中國國民叢書社譯○德國學校制度舊時雖有譯本然撮舉一二殊多挂漏是編綜德籍初等高等文科實科平民專門大學等公私學校一切章程規則課程費用及養成教員試驗任用之法官吏監督之法無不詳列德國學術冠絕歐美則其教育之法自必處於最優我國盛興學校洵足資為師範也

日本學校章程彙編

每部一册  
價洋八角

實地調查甲編輯○我國創立學校不得取法他國日本學制本同我國維新以後兼資歐美沿革之故為我先導梁林觀察前游彼國購取各學校章程彙為一編以政法理財文學美術理學工學商學農學醫學醫學普通學法學女學雜部十三類次之所舉官立公立私立之學校百三十餘所表其課目條其規則博而有要言學務者宜取法也

商務印書館出版  
政治類

近世陸軍

每部一册  
價洋四角

實業博士編輯出洋學生編輯所校訂○前編敘日本陸軍後編論各國陸軍國家多故亟須修明武備是書在兵學中最高新穎最爲詳備治兵學者不可不讀

日本武備教育

每部一册  
價洋一角五分

日本某某著本館譯○日本以區區三島戰勝第一雄國使非教之有素烏能獲此地步近來學者方提倡軍國主義誠以處此競爭世界有不容已之故也爰譯是編以資先導

普魯士地方自治行政說

每部一册  
價洋二角五分

德國莫塞著日本野村靖原譯本館重譯○地方自治即俗稱工部局以地方之人辦地方之事自較親切且可以補官吏之不足近日武局府試以此命詞視爲割據之事實係誤解是書詳言普魯士地方自治行政之法體用爰備我國民智識未驟臻此境然欲內政之完善不可不亟爲講求也

日本監獄法

每部一册  
價洋四角五分

日本佐藤信安著中國國民叢書社譯○我國監獄之慘酷人人知之願空言改良而無所據以爲模範亦

# 東方雜誌第六期目錄

日俄陸戰方面地圖 旅順營口錦州奉天黑龍城

法國歷任總統

德皇威廉第二

俄太弟密喀爾

俄道路部大臣喜勒廓甫

日本明石城

日本富士山初春之景

日本阿波祖谷山中之藤橋

## 社說

選論附

論中俄戰敗以後結果之不同 還初

政教合一論 可權

論中國階級制度 維三月二十六日晉維報

論蒙蔽 維五月初五日中外日報

論士民宜自盡其責任 維五月十八日中外日報

論滿洲當為立憲獨立國 維五月二十日時報

論中國治亂由於人口之衆寡 維五月二十五日晉維報

論英法經營西藏之政略 維五月二十六日中外日報

論中國宜設法勿使列強干涉遠東 維甲辰第十三號外

目錄

論中國於日俄之勝敗不宜誤用其意 維六月初八日 中外日報

## 諭旨

## 時評

政府謀收回治外法權

正陽門之大工程

路權不可授於外人

故相翁常燕

袁犯未遽提省之原因

潘川博山兩縣之煤礦

石頭礦收回官辦

臺灣用金之影響於中國

長沙開埠

旅順果得歸還乎

英人論日俄軍事

專制國之難募兵

俄人違犯國際法

俄國芬蘭總督之遇害

英人侵畧西藏

巴拿馬新設苛例

## 內務

一

甲辰

改良地方董事議 錄六月二十三日時報  
論近政 錄五月中外日報  
各省內務彙誌  
各國內務彙誌

### 軍事

改兵制私議 錄五月二十六日時報  
論以哈爾濱比莫斯科之誤 錄六月初五日中外日報  
兵部奏酌定考驗水陸營員畫一章程摺  
兩江總督魏江蘇巡撫恩會奏妥籌淞滬地方情形併  
營添勇摺  
兩江總督魏飭籌防局考查職位札  
改營爲旅  
練管緩裁  
速練新兵  
布置防邊  
廣西軍事紀要  
藏英戰事紀要  
日俄戰事紀要  
分水嶺戰  
摩天嶺戰  
俄國防務  
戰事紀要

### 外交

中國中立  
各國中立  
各國軍事紀要  
論中國大臣宜速講外交之術 錄五月二十一日中外日報  
論外交之真相 錄甲辰第十五號外交報  
駐美大臣梁譯送墨西哥新定中國及東方諸國移民  
入境章程咨粵督文  
日韓漁業協約  
中外交涉彙誌  
各國交涉彙誌

### 教育

論中國學堂程度緩進之原因 錄甲辰六月第七十一號  
江報  
論中國亟宜教育律師 錄六月二十二日時報  
敬告學堂教習諸君 錄六月初六日羊城日報  
學務大臣孫等奏議擬推廣學堂辦法摺  
政務處議覆前署湖廣總督端奏請獎派赴日本游學  
畢業學生摺  
山東巡撫周奏辦理山東各學堂情形摺片

兩江總督魏奏派委設局開辦官報片

擬訂各省政治速成科簡明章程

直隸天津縣詳送試辦女學堂章程

各省教育彙誌

各省報界彙誌

游學彙誌

僑民與學

各國教育彙誌

### 財政

論日部銀行續六月初一日時報

論日俄公債 續中法第十五號外交  
報譯日本國民新聞

論俄國外債 續中法第十五號外交  
報譯日本國民新聞

漕運總督陸署蜀浙總督李浙江巡撫聶會奏浙江屯

田繳稅擬議辦法章程摺

兩廣總督岑奏擬息借民款舉辦地方要政摺

奉天將軍增奏試造銀銅各圓酌定變通行銷辦法摺

河南巡撫陳奏設立東鹽加價總局懇 飭部立案片

福州將軍兼管船政大臣崇奏請就船廠鼓鑄銅元片

兩江總督魏札各關道准外務部咨會訂膠州青島設

開徵稅辦法文

兩江總督魏咨浙江巡撫聶查復英商運貨文

各省理財彙誌

各國財政彙誌

### 實業

杜截請辦鑛路諸弊策 續五月初三日中外日報

論士人不講求實業之非 續五月初八日中外日報

商部等會同議覆山西道監察御史夏奏請推廣工藝

摺

商部奏機器造紙公司酌擬章程請准試辦摺

兩江總督魏兩湖總督張會奏江南製造局移建新廠

辦法摺

署兩湖總督端奏陳籌辦鑛務並酌撥官本先購鑛山

摺

署四川總督錫奏擬興川省農工商鑛諸務現辦情形

摺

前會詳請船政大臣魏奏請造魚雷艇片

中英合辦山西製鐵廠約款

山東樹膠總公司招股章程

江西創辦機器造紙有限公司集股章程

各省農桑彙誌

各國農桑彙誌

各省鑛務彙誌

各省工藝彙誌

各國工藝彙誌

### 交通

論聖浦鐵路 雜誌四月二十九日中外日報

論膠濟鐵路與德國權力之關係 雜誌五月十二日時報

論德國東方海底電線之計畫 雜誌六月二十五日時報

外務部奏議准湘省開辦鐵道枝路摺

河南巡撫陳督辦鐵路大臣盛會奏盧漢鐵路展造枝路與比國公司議訂合同摺

直隸總督袁准外務部咨據總稅司擬具郵政專章轉飭各海關遵照辦札

直隸總督袁電政大臣吳札電話參贊吉田正秀文

督辦鐵路大臣盛咨浙江巡撫聶聖浦鐵路批飭不准文

浙江布政司釐捐局會詳浙江巡撫聶內港行輪文

駐重慶法國安領事致四川總督錫包禮川路照會

膠州青島行駛小輪章程

西江新開口岸稅則行輪章程

鎮江關酌定小輪暨拖船章程

### 小說


### 叢談

# 日俄陸方地方地圖

(一之八分) 城鳳凰天奉州錦口營順旅



# 法 國 歷 任 總 統



麥 自一千八百七十八年至一千八百八十九年  
 馬 一千八百七十八年至一千八百八十九年  
 韓 一千八百七十九年

加 自一千八百九十年至一千八百九十五年  
 西 一千八百九十年至一千八百九十五年  
 美 一千八百九十五年

亞 自一千八百七十八年至一千八百九十三年  
 斐 一千八百七十八年至一千八百八十七年  
 利 一千八百七十九年至一千八百八十九年  
 畢 自一千八百九十年至今

勞 自一千八百九十年至今

戈 自一千八百八十年至一千八百八十四年  
 諾 一千八百八十四年至一千八百八十九年

福 自一千八百九十年至一千八百九十五年  
 爾 一千八百九十年至一千八百九十五年





小川一眞製

廉威皇德

爾 喀 密 弟 太 俄



甫廓勒喜臣大部路道國俄






城石明本日



日本富士山初春之景



橋藤之中山谷祖波阿本日

# 社說

選論附

論中俄戰敗以後結果之不同 本社撰稿

還初

世界有大國二。曰中。曰俄。十年之間。皆大敗於日本。考中俄兩國。同點甚多。民族之複雜也。政體之專制也。官吏之貪墨也。俄國官吏以舞弊中飽為習憤其最近者西軍紀之腐敗也。俄國海軍大員多有售機密重函於敵國之舉其他要案將文牘之虛飾也。財政之紊亂也。俄國陸軍大員多有售機密重函於敵國之舉其他要案將文牘之虛飾也。財政之紊亂也。俄國陸軍大員多有售機密重函於敵國之舉其他要案將文牘之虛飾也。財政之紊亂也。

無一不同者。且開戰以前。日本政府。兢兢業業。不輕言戰。而戰備畢具。中俄兩政府。則杓然自大。輕啓戰釁。而戰備實不可恃。亦同。開戰以後。日本屢戰屢勝。雖中俄抵抗力若有堅澁之不同。而戰域如故。戰略如故。亦若有同者。綜是數端。而益以心理上推想聯想之交互。歷史上故事循環之例證。於是見甲午以後。中國內蘊畢露。外力深侵。釀成瓜分之局。援是旨。推以為俄國之結果。亦必如是。於是。有比照瓜分中國之說。而為分割俄國之論者。一若此戰以後。中國甲午以後之現象。將重演於俄國矣。是大不然。

凡結果。決於現象。而現象。發於原因。中俄同點。皆就現象言之也。然現象之中。固已有大不同者。則中國之戰。敗在國中。而俄國之戰。敗在國外。且中國敗於國中。幾無抵抗力之可言。

社

社說  
九十六  
六頁  
而俄國敢於國外則旅順之扼遼陽之守不得不謂之頑強此其大不同之點而所以不同之原因則在乎民氣之強弱

中國民氣至弱朝野上下其力皆在若有若無之間於是外力內侵則政府之力不足以當之而民人之力更無論矣是以削其藩屬入其疆域勢如破竹而以城下之盟終彼俄國則反是方其政府之壓制也人民以強力抵抗之政府恐不能勝則又務爲自強故厚其憲兵密其偵探務使其强度高於人民之抵抗力而不意人民之所以自保衛自秘密者其强度又隨之而高於是政府又不得不加強焉相摩相盪以交致於強力至高之度而政府忽出奇策利用民間至強之抵抗力以施於國外彼民人者方且眩惑於閱牆禦侮之論歎動於忠君愛國之談以爲我不同仇則且與政府同盡焉故不得不姑移吾抵抗政府之力以抵抗外力於是俄兵之強遂爲世界各國所震懾於是政府自以爲得計乃益勤遠略擴領土蓋開發地寶足以厚政府之力而派遣兵隊且以殺民黨之勢也然而其政策忽爲民黨所窺破以爲我之對外非以外人之劫我財產害我生命而不得不籌自衛也徒爲政府驅除相與藉寇兵齎盜糧耳自今其相戒勿爲盡力而仍悉力以對政府於是募兵則避之籌餉則抗之不得已而從軍焉則願爲俘虜嗚呼彼其政府固恃并合民之力以對外者也而孤



立。如此。不敗。何待。

雖然。俄之敗。政府之不幸。而人民之幸也。今者旅順未陷。遼陽未拔。彼政府得以苟延殘喘。耳。然以兵勢推之。則旅順遼陽無論矣。即哈爾濱之兵力。亦決不可恃。當其孤城落日。全軍皆墨。政府之爪牙摧折。既盡。則國中之神聖政府者。亦皆爽然。知其無能為。而民黨之志得矣。於是舊俄國破壞。而新俄國遂立。

所謂新俄國者如何乎。俄國之民人。其語言風俗不同者六十餘族。是必不能統一也。其必為聯邦。然其所持之主義。則無政府主義也。社會主義也是。雖未可以驟。然必取其近。似者。則必為北美合衆國之選舉總統。而不為德意志聯邦之世襲君主。夫以俄疆域之廣。刑勢之便。民人之堅。而純潔。觀俄國民黨歷史。無論男女。莫不堅忍。而純潔。者。流傳俄人。廢敗之事。皆出於貴族及官吏耳。脫專制之軛。而入自治之界。其國力之膨漲。決非北美合衆國之所望。於是俄國之強。真將使世界各國無不為之震懾。然俄國民黨所持之社會主義。則又嫌忌國界。而以非攻寢兵為宗旨者也。俄皇之倡弭兵會也。實感觸於社會黨某氏之言。然以素抱野心之君主倡之。故雖有一隙之明。而無以取信於世界。若社會主義之新俄國既立。則優足以破列強之帝國主義。以實達其裁撤軍備公斷紛爭之目的。而國際公法之成效。將與各國之憲法同矣。而其事必託。

始於俄政府之大敗。蓋俄政府者俄之疾也。得日本之大醫生以去之。而俄人健全之體魄始有以自效也。嗚呼。民氣誠強。則百折千回。而終立於不敗之地。豈與夫藁人木偶。一觸卽倒者同日語哉。

政教合一論 本社撰稿

可權

天下之大萬物之衆一人與神所分而治者也。人所治者有貴賤尊卑之叙。有親疏遠近之情。於是乎爲之等差。致其節文。使無凌躐凶殘。以害一羣之秩序。則謂之政。神所治者有離合生滅之緣。有禍福吉凶之感。於是乎托之冥報。造其因果。使無恣睢暴亂。以擾斯世之和平。則謂之教。故政以治君子。教以治小人。語其所異。隔若雲泥。而百千萬年以來。政治代興。廢終不能使幽杳無憑之神道。失其勢力者。則以羣生之中。君子少而小人多也。夫惟君子少而小人多。故哲學家亦不甚掙擊。且幸其有迷信人心之故。反利用之。以助政法之所不及。於是政與教遂有合而爲一之勢矣。

且夫政者。法律之所由出也。教者。道德之所由出者也。當其初締造時。皆不必有互相結托之思想。及乎勢力鞏固。則彼此可以相敵。敵不可久也。故授之以和。和而後教。依政而行。政恃教而立。談道德者。必曰如此則爲善。如彼則爲惡。善則賞至。極樂而升於天堂。惡則罰隨。

至苦而入於地獄。故無論爲多神教爲一神教皆不能離此而自成者也。講法律者必曰如此則爲公。如彼則爲私。公則合於天理而得福。國以之治。家以之存。私則拂乎人情而得禍。國以之亂。家以之亡。故無論爲君主政爲民主政皆不能舍此而獨立者也。夫道德本虛器。而其究也乃趨重於賞罰。或於本身。或於子孫。或於現世。或於來生。業鏡照心。一若絲毫不爽者。則豈非政之變相耶。法律本實事。而其竟也必歸結於禍福。驗之山川。驗之風雨。驗之昆蟲。驗之草木。讖緯橫陳。一若至誠如神者。則豈非教之宗旨耶。今試以定名宗教與無定名宗教。各各關係於政體之原因析言之。

何謂定名宗教也。若佛若回若耶。此皆確然自立主名者。雖其宗派不一。而東西洋諸大國。要無不於是三者爲皈依。入者主之。出者奴之。各以其國力之強弱。判信徒之多寡。佛教之盛在於印度。婆羅門之世。其時判國民階級爲四等。一婆羅門。僧族掌祭祀。二刹帝利。王族掌軍國事。三吠舍。平民從事實業。四頭陀。奴隸服賤役。蓋儼然一國之政體。注於是焉。至於釋迦。雖能倡平等主義。大與婆羅門相反。然至其確定爲國教之時。則仍不能廢尊卑上下之等級。惟解脫圓寂則一耳。回教之盛。在大食建邦之世。摩哈默德之後。有俄瑪爾爲哈利發者。欲廣傳新教於亞拉伯以外。使教旨光被世界。於是西侵東羅馬。東伐波斯。遂踰葱嶺。

陷于闐。經營數世。殆有統一中央。亞細亞之勢。凡遇屬地。居民皆以嚴法迫脅之。使從摩哈默德教。故至今波斯。突厥。猶延其緒。云耶教之盛。在十字軍興之世。十字軍一役。前後百餘年。歐亞之戰。凡七次。是時歐人狂熱。奉羅馬皇帝為神聖。以爭不值一噓之耶穌墓地。至於金鐵飛鳴。血肉狼籍。而不悔。母亦沉迷。信仰有過。生命之保護。耶雖然亦以其勢力。增加於政界。為多耳。夫佛教回教耶教。其始皆不過一私人創設。黨會托於不可知之靈魂。簧鼓愚氓。而卒能使王公貴人。捨身拜祝。則亦可為人心有鬼神之一證也。

何謂無定名宗教也。若中國是。中國舊無確定宗教。或欲以巫祝當之。九黎神惑。傳於前世。陰陽五行。代為天文家所祖述。漢之張道陵。一變符籙之事。伏魔降妖。使人迷惑。失據。而不知伏魔亦魔也。降妖亦妖也。不可謂之教。或欲以道教當之。若費長房。呂洞賓之類。服食修煉。長生久視。然第為山居出世之人所宜。而未嘗有影響於社會。則亦不可謂之教。或又欲以儒學當之。奉孔子為教主。其說近似。而實非也。孔子言教。當以易繫辭為專書。神以知來。智以藏往。探賾索隱。往往使人費解。倘亦所謂魔力者耶。然其序述。五帝功業。則亦以前民利用為重。至宋以後。諸儒講學。乃始創道統之說。蓋中有不足姑假托之。以自尊貴耳。而兩廡。特豚為所攘竊者。已不知凡幾矣。故夫孔子之教。實教育之教。非宗教之教也。

雖然。孔子非宗教之教。巫祝道教。又不得爲中國之宗教。然則中國竟無宗教矣乎。此又非通論也。中國宗教。實爲無定名宗教。與西方諸教不同。西方諸教。教自爲教。政自爲政。其後乃強爲附合。故有教派之爭。中國宗教。教即是政。政即是教。始終不能相離。故孔子曰。聖人以神道設教。其謂之教者。卽所以治天下之具也。而特托之神道。使民易從耳。洪範之九疇也。則托之。洛書之八卦也。則托之。其他如五祀八神。以及以死勤事。能禦大災。能捍大患之鬼物。罔不有。而由明禋之典。蓋教之所在。卽政之所出。非徒以靈奇怪異。互相驚詫。可知也。今日世界交通。人羣進化。住代之政體。既不適於當世之用。則夫所以愚民。非以明民之宗教。亦必改良進步。無任其長。此鄙封大多數之耳目。是在主持教育者轉移之而已。夫中國之大教育家。莫過於孔子。論語以德行言語政事文學分爲四科。史記稱孔子之徒。身通六藝者七十有二人。則豈但如後世學者。僅以箋注語錄爲心傳者耶。故欲去今日之教惑。當自孔子之罕言命。不語神。始不必以中國無定名宗教爲有歉於西方之定名宗教。卽西方之定名宗教。亦將蹈瑕抵隙而攻之。蔑不勝矣。蓋神者可以治盲昧之國民。不可以治開明之國民。前乎此者。神與人共域。以居。故能確立宗教。或隱寓宗教。以與一國之政體相維繫。後乎此者。人道伸而神道屈。風霆雨露水火木金。無非供給人類養生之資料。不能復以之。

炫惑羣盲也。然則有政治之責者，盍亦於中國政與教之前途，加意抉擇而審所去取乎。

論中國階級制度錄 三月二十六日警鐘報

昔印度當上古之時，區國民為四級，而希臘羅馬各邦，亦有貴族平民之別。是階級制度，固野蠻社會必經之級也。中國古代，貴有常尊，賤有等威，而階級制度，亦與西國差同。昔漢族東遷，戰勝苗族，以種色而區階級，至稱苗族為黎民。音黎民，猶西人法原那之稱。若出一轍，此固因種族而區貴賤者也。若漢族之民，則大抵盛行宗法，而宗有常尊。見周詩之言曰：君之宗之，是則天子者，即王室之宗子也。天子有推恩之典，封其同姓者為諸侯，即小宗之制度也。諸侯有推恩之典，封其同姓者為大夫，即羣宗之制度也。而大夫之家，又各分子弟，以采邑則又羣宗之支孽也。故尊卑之位，緣是而區降及平民，亦守宗法。見禮記宗法：凡宗子而宗子之對同族也。有特別之權利。三代之制，宗子統族，人於外主，正祭不可舉，於內死雖瘞也，必喪以成人，雖七

徒入其門，見禮記。此皆宗法之可考者也。若田賦之制，則大抵舉天下之田歸之天子，而天子按畝授民，以行畫井分疆之法，與歐洲十五世紀之田制，即農僕。大約相符。是則君臣之關係，皆宗法之制度也。君民之關係，皆農僕之制度也。然卑賤之士，亦得進身於朝。如周禮：凡國事共其法，是為公羊注。

古者王公之子孫不能屬於禮義則歸諸庶人庶人則又古制之勝於歐洲者矣若奴隸之起  
 之子孫能種文子孫正身行則加諸上位此確證也  
 原其故有二一為刑法上之關係虞夏之時凡身嬰重罪者大抵行孥戮之典降及周代刑  
 法稍寬而身伏上刑者悉籍家族為奴見周禮男子入於春者入於罪犯輕刑者亦以為奴而贖罪正命  
 使吾謂左傳與臣隸臣隸係臣僕隸皆入罪亦因滅族而沒為奴隸也故僮僕奴隸之名皆  
 由罪人而立說文云童男有鼻為奴即僮字也又漢代之奴必髡也著於別見汪容甫釋童  
 至東周之世爭戰頻興鄰國之民囚為俘虜季如孟子言齊人伐燕係累其左傳義視敵人也  
 用為奴隸亦而操賤役者愈衆矣一為財政上之關係戰國以後生計愈艱而民之以身償債  
 者屢見於史冊漢書如循注釋贊子云賣身為奴名曰贖子三年不得贖遂為奴婢又顧師  
 而為債價也觀匈奴名奴婢為贖見三國志注引魏略而南齊書河南傳亦則野蠻各邦  
 財產奴隸語無區別是猶歐洲上古視奴隸為財產之一也見那特書故鬻身為奴者至秦  
 漢之時猶未盡絕如賈高託言趙王家奴而季布鬻身此皆中國古代之賤民也孰謂中  
 國無階級制度哉  
 至孔子倡譏世卿之說以等貴族於平民孔子此旨乃抑臣權伸君權非抑臣降及秦漢封  
 建變而宗法湮六國君臣既降所封之庶即秦之公族平民亦井田更而農僕廢井田廢而為

社說

一五三

甲亥

其田賦實富不能如三代之均故富身為則三代階級制度雖謂廢於秦漢可也然秦皇之時

賤視贅壻賈人西漢之初賤視司空城旦則舍奴隸而外固別有所謂賤民矣漢文帝雖有免奴隸之令

殊觀下所謂上品無寒門也東漢以來漸崇門第此如東漢之袁陳氏是吾謂而九品中正之制與寒門貴族榮悴

面少年動以閥閱自矜杜坦抱為隱憂楊佺期因之切齒加以袁鄧申好覘其異圖見南

滿聯嫻亦駭物聽得足證貴族世之平民不降及唐代習俗相仍朝廷不能折其衰宗天子

且自援為士族主見傳公不可謂非貴族之一大階級矣然貴族制度溯源實難將謂因氏族區

別則長孫尉遲亦得以異族而躋貴姓將謂因官職區分則王道降位極人臣蔡興宗不與

抗禮見南趙邕權傾中外而盧氏恥與結姻抑又何耶是則門第之分不過因積俗之相沿

已耳政當時賤姓亦得居高位而貴族不同族至唐代尙科第而門蔭之制以衰仍沿此制然此實中

國之一特別階級也故備論之

自異族入主中夏而階級之分愈密昔周隋平定江南清門士女駢為賞口南賦于山嘉江及

契丹金元屠毒中夏其賤視漢族者無論矣人如元人置南人下漢即諸將南征亦多掠漢民為

私戶如遼天祚元年以崇德宮戶分賜襄戴人戶及諸王院大年賜駱馬阿禿以江甯民千戶

私戶如遼天祚元年以崇德宮戶分賜襄戴人戶及諸王院大年賜駱馬阿禿以江甯民千戶



不。遷。臣。討。所。得。無。而。逃。民。降。民。無。不。據。為。已。有。見續氏二十二史劄記元自。是。以。降。奴。隸。愈。繁。

然。溯。其。原。起。復。有。二。端。一。則。異。族。宅。夏。役。視。漢。民。而。漢。民。之。殷。實。者。亦。互。相。效。尤。以。行。蓄。奴。

之。制。一。則。強。佔。民。田。橫。征。暴。斂。民。窮。財。盡。非。以。身。償。債。即。無。以。保。旦。夕。之。生。存。觀金太

與履其人及借讀直者大宗時詔權勢之家毋置貧民為奴元中統二年李德輝為山西宣武使凡權勢之家籍民為奴者咸按而免之五十五年詔官民無得抑良為奴足證金元之時蓄

奴之風甚盛此。蓄。奴。之。制。所。由。視。古。代。為。尤。甚。也。明。代。繼。興。此。制。未。革。如明太祖令各處抄割丁

子同妻小收充軍後其餘人口給軍中。葉。以。降。而。役。獻。田。產。之。例。興。為奸民所藉沒厥諸權

官為奴此則沾胡元之惡俗者也致。權。勢。之。家。欺。凌。佃。役。凌如鄧茂七之亂即由田主家欺慘。禍。頻。仍。不。可。謂。

非。吾。民。之。巨。厄。矣。吾。觀。西。人。之。言。社。會。學。者。謂。等。級。制。度。之。進。化。大。抵。由。家。奴。而。田。僕。由。田。

僕。而。雇。工。而。中。國。之。階。級。制。度。也。則。又。由。雇。工。而。田。僕。由。田。僕。而。家。奴。如秦漢之時大

田僕家奴之制若今日之中國則與。社。會。進。化。之。公。例。相。背。而。馳。此。誠。吾。中。國。不。可。思。議。之。

一。事。矣。能。勿。嘆。哉。

雖。然。此。皆。歷。史。之。往。事。耳。試。觀。近。二。百。六。十。年。之。中。其。以。民。族。區。貴。賤。者。姑。不。必。言。即。吾。民。

之。遭。劫。略。者。亦。不。復。論。然。中。國。民。人。猶。有。因。階。級。區。別。不。獲。為。自。由。之。民。者。約。有。二。端。一。凡。

科。舉。者。必。身。家。清。白。乃。克。應。選。若。倡。優。隸。卒。之。家。無。應。試。權。利。一。凡。執。賤。役。者。固。多。行。履。

工之制。但習身於人而終身為僕役者亦佔國民之一分子。由以上二者觀之。則前之所言。大抵沿魏晉門第之制者也。後之所言。大抵沿元明奴僕之制者也。然釋迦說法以衆生平等為歸。同此圓顛方趾之倫。何容軒輊於其間。而高下之殊。若此。此不得不歸咎於立法之失矣。今欲情得其平。莫若泯主僕之稱。使世之乏資財者。悉行作工。自由之制。則階級制以爭存於社會之中。即昔之身列賤民者。亦使之與齊民一體。以同享平等之權。則階級制度消滅無存。謂中國階級制。度仍舊。有當改革者。如皇室下而階級重。文而階級亦不平等。各階級之而中國之民。悉享自由之幸福矣。豈不善哉。

論蒙蔽 錄五月初五日中外日報

專制不與蒙蔽期而蒙蔽至。蒙蔽不與腐敗期而腐敗至。腐敗不與覆亡期而覆亡至。是則蒙蔽者固專制之效果。而覆亡之原因也。夫專制之國家。非果欲其臣下之蒙蔽也。然而大小臣工。苟非習於蒙蔽。即無容身之術。而遂其固寵希榮之願。望則固有使之不能不蒙蔽者矣。今請舉其例於下。

專制之國。視皇帝為神聖者也。皇帝一言。當代遵為科律。皇帝一行。全國奉為模楷。然萬幾決於一人。而物情之蕃變。豈輔座所能盡悉。天下統於共主。而國門之外。其情狀即不能上

達。於是。樞。臣。疆。臣。凡。其。所。作。所。爲。所。言。所。行。有。不。可。使。皇。帝。知。者。一。皆。匿。不。上。聞。甚。或。譎。張。其。詞。不。患。皇。帝。之。不。信。此。其。易。於。蒙。蔽。者。一。

專。制。之。國。清。議。又。最。無。權。者。也。皇。帝。所。是。天。下。誰。敢。非。之。皇。帝。所。非。天。下。誰。敢。是。之。於。是。其。人。雖。極。不。肖。而。但。使。工。於。掩。飾。能。令。皇。帝。信。其。所。言。視。共。繇。如。稷。契。誤。盜。跖。爲。夷。齊。則。便。可。泰。然。無。憂。高。踞。於。一。人。之。下。萬。人。之。上。而。自。以。爲。無。患。卽。在。中。材。以。下。亦。不。能。不。出。於。一。途。以。爲。藏。身。之。固。此。其。習。於。蒙。蔽。者。又。一。

專。制。之。國。又。好。責。人。以。所。難。者。也。其。人。精。力。幾。何。而。既。責。以。錢。穀。復。責。以。刑。名。其。人。廉。俸。幾。何。而。所。入。既。不。償。所。出。復。又。責。以。賠。墊。責。以。報。效。爲。臣。下。者。既。不。能。將。此。等。苦。情。上。陳。於。當。軸。而。如。其。奉。公。守。法。則。又。不。可。以。一。日。居。於。是。不。得。不。置。身。於。法。之。中。舞。弊。於。法。之。外。以。自。顧。其。私。然。此。等。情。狀。又。皆。不。可。使。皇。帝。知。於。是。大。官。小。吏。相。率。聯。爲。一。氣。但。期。有。辭。以。搪。塞。卽。不。患。奸。狀。之。發。露。此。其。藉。蒙。蔽。以。容。奸。者。又。一。

專。制。之。國。又。最。惡。人。之。干。與。者。也。其。人。或。欲。有。所。爲。而。如。衆。情。不。協。既。懼。人。之。掣。其。肘。更。或。指。摘。交。集。更。不。能。遂。其。私。於。是。乃。借。皇。帝。之。威。權。以。與。無。數。之。輿。論。相。抗。但。使。皇。帝。信。爲。實。然。則。可。以。無。所。顧。忌。成。則。居。其。功。敗。亦。不。居。其。過。而。國。事。之。敗。壞。於。其。手。者。又。不。知。凡。幾。此。

其藉蒙蔽爲護符者又一

有此四端。而蒙蔽之流弊。乃不可紀極。試分列如下。

一如此。則吏治之敗壞。可以不使皇帝知。例如近者某省參案。文武大員。臚列不遺。其中雖不無傳聞之詞。然亦豈盡失實。乃覆奏之摺。竟悉爲開脫。一若盡屬冤誣者然。甚至如某員者。去冬曾奉嚴札詰責。乃此次原奏中。曾連類而並及之。而覆奏之摺。則竟置之不論。不議之列。試取其去冬之札飭。與夫此次之奏摺。並列而同觀之。不知何以自解也。

一如此。則民生之困苦。可以不令皇帝知。例如近者各處民情。憔悴已極。而勒捐之令。尙重疊而下。竭澤而漁。不顧其後。向百姓言。則曰。食毛踐土。理宜急公報效。向朝廷言。則曰。並無絲毫勒索。而又錙銖而取之。泥沙而用之。脂膏所入。歸公者一。歸私者九。貢獻孝敬。不知紀極。而豈知被捐之戶。已吞聲飲泣。痛呼籲之無路哉。

一如此。則內患之鬱積。可以不使皇帝知。例如曩者某提督在廣西統兵十餘年。剋扣軍餉。供其揮霍。遂致營兵散勇。無所得食。聚而爲匪。腹地邊界。匪類縱橫。迄無甯宇。及其中丞繼之。其於兵事本不諳曉。而又急圖見功。虛報大捷。遂致匪以愈辦而愈多。亂以愈久而愈甚。幾於招致外憂。坐釀大變。雖其後亂情彰著。人言嘖嘖。不可復諱。於是或受嚴譴。或被逮問。

而繼其後者已萬分棘手矣。苟使無人力發其覆，則養癰貽患，或致一敗塗地，未可知也。一如此，則外患之憑陵，可以不爲。皇帝知例如曩者甲午之役，艦隊已燬於海面，而捷書尙達於宮中，又如庚子之役，聯軍已入京師，而深宮尙懵然不知。又如近者日俄交戰於東三省，俄人蹂躪我宮殿，土芥我人民，幾於通國皆知，而執政諸公尙因恐拂聖意之故，不敢上聞，禍在眉睫之前，而猶泄沓如故，託庇宇下者尙有容身之地哉！

以上四端，皆舉其一事言之，而弊已如此。嗚呼！搏搏大地，昔嘗雄視亞東，長夜漫漫，奚竟忍而終古。欲革專制之弊，殆非立憲不爲功。而政府既非所願，國民亦無此資格，然則中國前途，殆於不可復問歟。

論士民宜自盡其責任 錄五月十八日中外日報

近日朝廷諭旨，實有許民與聞政治之意。如十四日之旨，令各督撫年終考察州縣，開列簡明事實，刊入官報，與民共知。雖尙難語於立憲之規模，然已有與立憲政體漸行漸近。專制政體漸離漸遠之勢。蓋專制政體，最不欲百姓與聞政治者也。故君民之間，若有官以爲之障蔽，其向百姓之一方面，則其威嚇之語，不能使皇帝知也。其向皇帝之一方面，則其奏對之語，又不能使百姓知也。百姓既不能知，故其奏對之詞，可以稱心而言，無不如志。既

無而爲有。復又指曲以作直。但冀一人之傾信。不顧公議之隨其後。此專制之所以爲極  
 弊。而政治之所以日壞也。今朝廷既令將疆吏之奏摺。登諸官報。冀以通君民之郵。而革  
 蒙蔽之習。於吏治誠不無裨益。顧執筆人之意。竊謂朝廷既許民與聞政治。則爲士民者  
 亦急當擴其知識。盡其責任於地方利害所在。皆視爲切己之事。實能留意於平日而講求  
 治理之方。以研究夫興革之法。而後爲州縣與疆吏者。知入告之詞。若一有不實不盡。必不  
 免於清議之指摘。斯平時之設施。自不敢不從事於實際。以期見信於上下。否則國家予  
 士民以糾察之權。而士民自放棄之。則雖有良法美意。亦且終於無效。而更不能爲國家  
 咎。此亦一定之理矣。蓋皇帝之諭旨。本有權而無權者也。皇帝一言。而天下遵爲科律。皇  
 帝一行。而天下奉爲模楷。可謂有權矣。然下一號令。而官吏以其不便於己之故。相率陽奉  
 而陰違。設一科條。而官吏且束諸高閣。則亦無如之何。故無論何事。雖有諭旨以提倡於  
 先。必賴有士民之鞭辟於後。而後所辦之事。乃有明效之可收。否則設法縱極。精詳降旨。  
 縱極嚴厲。亦同於具文而已。請卽以此次所奉諭旨言之。若士民不之過問。卽已難必其  
 有效。按向例督撫例有年終甄別屬吏之舉。然大抵非憑愛憎爲褒貶。卽視人言爲從違。今  
 除刑名錢穀各舊事外。復責令將學堂種植工藝巡警諸新政。詳細開列。試問督撫以一人

之身。居事機繁雜之地。能一一查究而考核之乎。度不過憑州縣之自行開報。與夫道府之轉詳而已。則試問州縣之開報。可盡信乎。道府之轉詳。可盡信乎。從前雖無官報而未嘗無京報。徒以士民不留意於此。故疆吏入告之詞。雖與地方之實情截然相反。而初不以爲嫌。而於參案則尤甚。近如江省吏治之積疲。甲於天下。去冬參案之嚴厲。亦爲當世所共聞。而江督覆奏之摺。乃竟顛倒是非。任情欺瞞。幾欲以一人之手。掩盡天下之目。則疆吏奏報之不足據。蓋可知矣。又總計全國州縣。共有一千五百餘缺。其數不可謂不多。今諭旨以奏報之事。責諸疆吏。以查核之事。責諸政務處。誠提綱挈領之善策也。然政務處諸公。不出國門一步。則京師以外之事。恐卽非其所知。假如奏報到京後。政務處將派遣無數人員。親往各省。一一查核乎。則既無此政體。且恐多延時日。虛糜經費。若卽召各省在京之人。詢以本省之情狀。以爲證據乎。則言人人殊。既不知孰爲可信。勢仍有所不行。無已。則惟有卽據奏報所言。信爲實然耳。是則雖有查核之名。並無查核之實。而內外官吏。以空文相欺。斷可知也。又中國官吏積習。遇有不利於己之事。而勢又不能不奉行者。率先以敷衍之法。相爲撓塞。繼而揣知上之人亦漸有倦意。於是始而遲延。繼而廢閣。直可將最重要之事件。付諸不議之列。比比然矣。此次諭旨。令以督撫之奏陳。刊諸官報。誠爲杜絕欺蔽之策。然

報之事既繁。而政務處之查核。又操有任意遲速之權。即難免不藉查核爲名。故爲延宕。大約辦理之第一年。必即時遵奉。諭旨刊登官報。不敢遲也。稍緩數年。必將於第六七年之間。刊登前三四年之奏報。而其人已杳其事已付諸淡忘。則雖有欺蔽。亦無從責之矣。此又斷然可知者也。故綜此以觀。竊謂朝廷責成督撫。將各州縣之政蹟。據實奏陳。刊諸官報。與民共知。誠盛意也。而爲士民計。則先時之考究。臨時之詰問。亦誠宜自盡其責任以爲朝廷之後盾。庶不虛此一知。以辜負盛意。此亦理所宜然者矣。嗚呼。中國士民。自棄其權利也久矣。論者輒歸咎於政教。以爲專制之政體。實使之然。豈知因果相嬗。如影隨形。必人民先自放棄其責任。而後專制之手段。乃有以相加。今朝廷既許百姓與聞政治。以爲整飭吏治之計。卽爲振作民氣之漸。吾願爲士民者。勿妄自菲薄可也。

論滿洲當爲立憲獨立國 錄五月二十日時報

滿洲之國體問題。本報昨已僭論之矣。今請更舉其詞。滿洲歸還中國之後。其善後政策。不出數端。一曰官職制度。一切依舊。毫無改變也。二曰全仿內地各行省。置督撫司道府縣。而屬之於中央政府也。三曰立爲藩鎮。以親支天潢王之。如元帖木兒之分王。亞洲諸國。法拿破崙之分王。歐洲諸國是也。四曰立爲特別行政區域。假以重大權力。而仍半隸屬於中央。



政府。如英之印度總督。日本之臺灣總督是也。五曰以之爲一獨立國。而以大清帝國大皇帝兼王之。如奧大利王兼王匈牙利。瑞典王兼王挪威。英王兼王愛爾蘭。德皇兼王普魯士是也。今且比論五者之得失。

其第一說則行之二百餘年。至今而情見勢絀。其不可復用。殆無待言。其第二說則現時最有力者。而數月以前。政府已有意舉辦者也。雖然。各行省制度之有缺點。今亦既經試驗。而較然不能揜矣。吾中國督撫之性質與各國之行政官。有大相異者。謂其無權耶。有時其威力之大。雖立憲國之君主不能望也。謂其有權耶。而種種掣肘。往往一小事而不能自由。且掣肘者不必中央政府也。中而兩司下而州縣。亦或有爲督撫所不能左右者。若夫論旨朝降印綬。夕解毫不能自主之權者。更無論矣。今日中國而不改革。則此等制度皆在淘汰之列者也。今者既欲再造滿洲甯當尤而效之。是第二法不可用也。其第三說亦今日聞諸道路。謂朝廷將欲試行者也。然封建制度久已爲文明社會之殭石。豈其今日而可復用小之釀成淮厲。梁孝驕汰之習。大之或爲吳楚。燕棣意外之變。即不爾而今後之中國其主權不可以不統於一。今若爲此是導分裂之漸也。故第三法不可用也。其第四法。幾善矣。然以中國今日行之。其結果必至變成與第二法無異。欲求真能如英之治

印度日之治臺灣必不可得。也是與各行省督撫異名而同實也。吾故謂五者之中，惟第五法，其至矣。

今欲實行第五法，其綱領奈何。一、以滿洲為獨立之立憲王國。滿洲王位，永由大清帝國之大皇帝兼任。二、滿洲王國自設議會為立法部。以上下兩議院組織而成。上院由國王所命，以天潢及勳舊貴族任之。下院由國民選舉。三、滿洲王國自設政府為行政部。其大宰相由國王任命。四、滿洲王國外交軍事之大權，統歸國王。即大清帝國大皇帝之手。故不必別置常備兵。不必別派駐劄各國之外交官。五、滿洲王國之財政，純為獨立體。建國伊始，種種設備，以公債辦理之。其公債或借諸北京政府，或借諸中國內地各行省，或借諸外國，皆可。惟須依文明例償還。六、滿洲王國之稅則，貨幣郵運諸要政，悉與中國本部聯絡一體。此其大略也。若夫詳細節目，則俟朝廷有欲實行之意，乃更貢之。問者曰：子之說得毋外滿洲於中國乎？得毋導分裂之漸乎？應之曰：不然。此正所以聯合之也。夫德之帝位既已，以普王兼之矣。而普國何以仍自有政府議會？謂此為外普於德可乎？謂此為德與普分裂可乎？夫治大國向非用專制，則幾不得治。治大國而不用專制者，必其大國中含小國。大政府中含小政府。大議會中含小議會。若美國是也。若德國意國是也。即英國亦是也。雖其內容

之組織各有不同而其大體罔不如是。今吾所謂滿洲獨立王國者亦如德帝國中普魯士撒遜等如英帝國中加拿大澳洲等耳。何分裂之有。且吾之持此論非但爲滿洲之將來中國之將來計。即以目前國際問題之關於滿洲者其助力實大也。苟以此方針宣示於各國則於日俄戰役終結時收還滿洲之事必大得各國之同情而滿洲之永遠獨立可期。昔在列強有事於非洲之時特劃出一剛果自由國以比利時王王之至今獨立故以滿洲爲一新建之自由國以酬大清帝皇帝兼王之使永世獨立他國無得覬覦此實解決東方問題之最妙法門也。惟有責任者熟審而厲行之則大局之福也。

論中國治亂由於人口之衆寡

錄五月二十五日警鐘報

孟子之言曰。天下之生久矣。一治一亂。斯言也。雖與進化之公理大相背馳。然按之中國歷史。則此語誠然。蓋中國之治亂與人口之衆寡相比例者也。中國之治非真有求治之道也。徒以人口之寡少耳。中國之亂亦非真有致亂之道也。徒以人口之增加耳。吾觀中國自古代以來。其戶口之數大抵以五六千萬爲極盛。漢平帝時戶口五千九百五十九萬四千九百七十人。爲西漢戶口極盛之時。而卒有王莽赤眉之亂。東漢桓帝時戶口五千六萬六千有奇。爲東漢戶口極盛之時。而卒有黃巾董卓及三國之亂。隋文帝時戶口四千六百一萬

九千九百五十六。為隋代戶口極盛之時。而卒有隋末羣雄之亂。唐天寶時。戶口五千二百九十萬有奇。為唐代戶口極盛之時。而卒有唐末羣雄之亂。宋大觀時。戶口四千三百八十一萬有奇。為北宋戶口極盛之時。而卒有女真之亂。明萬曆時。戶口六千六十九萬。為明代戶口極盛之時。而卒有張李之亂。豈非大亂之生。皆由於人民之過庶哉。及觀大亂既平之後。即光武中元時。戶口僅二千一百萬七千有奇。晉武帝時。戶口僅一千六百一十六萬三千有奇。唐高宗時。戶口僅三百八十萬。唐元和時。戶口僅二百四十四萬二千五百四十四。宋澶熙時。戶口僅一千二百萬有奇。國朝順治九年。戶口僅一千四百四十八萬三千八百五十一人。以統計之學言之。則昔之養給數人者。今僅為養給一人之用。焉有不家給戶足者哉。中國人民舍溫飽而外。別無遠大之圖。故當此家給戶足之時。則昔之懷不逞之心者。莫不伏處鄉閭。厭棄兵革。養生送死。歌詠太平。此一亂之後。所以有一大治也。吾觀歷史之形容治世。有曰黎民淳厚。刑措不用者。有曰行百里者不裹糧。長子孫者不知兵。大抵以德教之覃敷。表太平之景象。而豈知天下之大治。皆由於民數之減少哉。管子曰倉廩實而知禮義。孟子曰五穀熟而民人育。

此言太平生于富足也。然人雖然。大易之道。在於生生。人類者。孳乳而寢多者也。英國計學家馬爾達。謂人類孳乳。雖較物類為遲。然使衣食裁足。則二十五年。其數自倍。不及千年。一

男女所生。將徧於大陸。而日本加藤弘之之統計先世也。亦謂即九百九十年上溯之。當有祖先八百三十萬萬三千三百九十三萬四千五百九十二人。見天則百話我宗九百九十年前之祖條雖按之社會事實。未必盡然。然以均平之法計之。則百年之中。戶口必增十倍。譬如一家之中。當高曾時。有屋十間。有田一頃。一夫一婦。寬然有餘。以一人。生三子。計之。則父子四人矣。及子各娶婦。則又由四人。增為八人。以八人。而居屋十間。食田一頃。已覺其僅足。而無餘矣。及子又生孫。孫又娶婦。雖衰老者。或已代謝。然已不下二十餘人。以二十餘人之衆。而居屋十間。食田一頃。已有不給之虞。何況至曾元之世。人口又增加數倍。哉。吾觀古代戶口之數。以東漢桓帝時之戶口。共五千六百六十二千有奇與光武時之戶口較。僅二千一百一十一千有奇以唐天寶時之戶口。共九十五千二百九十萬有奇與高宗時之戶口較。僅八十三萬三千三百一十千有奇已增至二十倍有奇。以元世祖之戶口。共八十五萬三千八百與宋淳熙時之戶口較。僅二百一十一萬一千已增至四倍有奇。以國朝乾隆時之戶口。約三萬七百萬餘與順治時之戶口較。共四十八萬四千四百已增至三十倍有奇。時代之相隔。大抵不越百年。而戶口之增加。若此。不知者。每以為休養生息之效。然吾觀於小民之生計。則民之所恃以生者。食貨二者而已。以今日田畝計之。每畝之所獲。歲約一石。此指今日中國普通之田而言又以人民之所食計之。每日之所食。人約一升。率一歲之所食。統計之。約以四畝供一人之食。今每戶

社說

一百十七

甲辰

之口。增至十人。則所食須得四十畝矣。使十口之家。而所有之田不足四十畝。則所食之穀。勢不得不轉而他求。使他求者不止一人。則所求之數必浮於所供之數。而物之索價日昂矣。物價日昂。則財之輸出者愈廣矣。又如戶口減少之時。每一里之中。操工商業者僅一二人。則此地之利權必爲此一二人所專擅。及戶口日增。則一里之中。操工商業者必至有二十三十人。是昔日一二人獨擅之利權。今爲二三十人所分擅。而財之所入愈微矣。嗟乎。以一人養給之用。分而養給兩人。歷久且憂其不足。今也所入之財益微。所出之財日廣。是不啻以一人養給之用。分爲養給數十人之用矣。雖欲生計之不觀。豈可得哉。此段約洪稚存先生說及生計既艱之後。或則以布惠施仁望之君。或則以謹身節用律其躬。然此僅足抒一時之困耳。及至仰無可仰。節無可節。在潔身自好者。固將有填身溝壑之憂。其在不肖之徒。則必有饑寒迫人不顧廉恥者矣。因饑寒而標畧。因標畧而聚衆。衆而稱兵。而大亂之生。遂基於此。此大治之後。所以有一大亂也。其在淺識之流。每以生齒熾昌。日增月益。可臻郅治之隆。而豈知大亂之兆已伏於此時。及大亂起。平郡邑凋殘。白骨盈野。其因戰爭而傷亡者。必其民質之稍劣者也。其歷戰爭而獨存者。必其民質之稍優者也。以人爲之戰爭。而隱寓天然之淘汰。此大亂之後。所以又有一大治也。治亂循環。有如轉轂。中國適儒。每盛稱氣化流行。

以輔其五德盛衰之說。然究之天下治亂。悉視戶口之減增。按之公理。有不爽者。然據此以限民數之庶。則又不然。泰西各國民日增。而財亦增。近世且闢地殖民。故民無過庶之慮。若中國致亂之道。則大抵坐民日增。而財不增耳。蓋財用不增。其故有三。一曰生財之地不增。有曠土而不知耕。有礦山而不知關。其商民之經商域外者。則又無國權保護。勢力甚微。不能團結。視西人之關土墾荒。以興殖民之業者。瞠乎後矣。二曰生財之人不增。生財之多寡。與分財之多寡。相比例。生財之多寡。視其地之廣狹。分財之多寡。視其人之貧富。以中國之民人計之。則分財之人。大抵占國民之多數。如元其子弟。無業游民。及全屬女子。大抵占國民三百餘兆。焉有不貧之理哉。三曰生財之術不增。凡中國之士農工商。莫不墨守舊章。因循不革。於良法美意。可以助生財之術者。每斥之不用。中國之民。不知謀生之術。工不知則雖終身勤動。畢生經營。而所入之財。亦稀矣。中國民人。具此三故。以有限之財產。供無藝之消費。將何以善其後乎。況中國治民之法。又與古代不同。古代治民之善法。共有兩端。一則擇種留良。三代之於民數。最重人爲之淘汰。民之不率教者。有遠方之屏。見王民之不材者。有四裔之投。所謂投之四裔。以逐惡也。所以謀人種之改良。而慮劣種之敗吾民族也。殷書盤庚篇曰。乃有不吉不迪。頑梗不遜。暫遇奸究。我乃劓殄滅之。無遺育。無俾易種於茲。新邑。非擇種留良之確證哉。

社說

故。乳。雖。蕃。卒。有。所。以。限。之。之。策。無。過。庶。之。慮。也。一。曰。貧。富。能。均。井。田。之。法。雖。以。便。君。主。專。制。之。私。均。歸。天。下。之。田。然。即。古。代。之。宗。法。觀。之。則。大。宗。者。授。田。百。畝。者。也。小。宗。者。授。田。二。十。五。畝。者。也。大。約。大。宗。之。長。子。受。田。四。百。畝。大。宗。之。次。子。受。田。二。十。五。畝。孟。子。所。謂。餘。夫。也。羣。宗。者。亦。授。田。二。十。五。畝。者。也。宗。之。小。宗。者。亦。授。田。二。十。五。畝。者。也。是。三。代。以。上。無。一。非。授。田。之。人。矣。宗。法。可。見。安。農。宗。法。可。見。安。農。吾。觀。殷。周。之。世。有。亂。臣。而。無。亂。民。有。戰。爭。而。無。暴。動。則。以。民。日。增。而。財。亦。增。耳。近。世。以。來。中。國。之。民。號。四。百。兆。此。由。歸。丁。於。糧。故。昔。時。之。隱。戶。皆。為。人。數。遂。繁。而。民。數。之。衆。度。越。前。朝。然。擇。種。留。良。之。說。既。未。易。行。難。為。可。見。擇。而。貧。富。之。均。亦。無。實。行。之。一。日。不。喜。交。通。故。中。國。人。民。不。能。收。富。民。之。效。人。滿。之。憂。深。可。太。息。循。是。以。往。而。不。求。生。存。之。策。恐。富。者。漸。失。其。富。貧。者。愈。趨。於。貧。四。百。兆。漢。族。之。民。且。將。槁。項。以。消。滅。也。

論英國經營西藏之政略 錄五月二十六日中外日報

天下事有謀之於數十年以前。發端甚遠。初若無與於此事。及其效已著。而猶不知其所以然者。則今日英兵侵入西藏之一舉。是已。夫英與藏人相戰。數月以來。警報頻聞。所謂世界之秘密國者。其危狀已為人所共悉。而論者於英人用兵之意。則所以揣之者。不過曰為開通商利耳。為屏蔽印度耳。其較進者。則曰遙為日本之聲援。以震懾俄人耳。凡此數者。於事勢未必不合。然要皆蔽於一孔之見。不足以盡英人高掌遠矚之圖也。嘗以英國全局之勢。



推而言之。則知今日西藏之事。乃其非洲政略之終。轉其鋒以向於此土而已。茲以其大概陳之。蓋英若於東方之中國。欲有所進取。則不能不以印度緬甸爲根據。以先謀滇藏。滇藏爲法國獨從事於藏固人所易知者也。此爲英之第一重用心。然以印緬爲根據。則又以先聯本國與印度之脈絡爲要。而蘇彝士河爲列國之公航路。且勃白爾門海頸甚狹。時有阻塞之虞。則海道之聯絡不足恃也。故更不憚其迂繞。仍欲從往日運道之好望角。以縱貫埃及。而遙通印度。以求本國與印度陸路之聯絡。中間惟須過好望角海峽耳此爲英之第二重用心。英人勞特者。世所稱爲阿非利加之無冠王者也。於千八百九十餘年之間。屢謀建築好望角至埃及之鐵路。而其事未成。及戊戌之秋。英兵始據法壽達。法壽達地處埃及泥羅河之上游。而遙與好望角相連。英人既經略此地。則好望角與埃及之氣脈已通。而聯絡印度之願。亦不久可遂矣。此爲英之第三重用心。既得法壽達。方將有所擴張。而南非特蘭斯法耳之事。適以其時而起。爲英人計。固當先定其亂。然後可以徐圖他方。而不患掣肘也。於是遂與特人戰。此爲英之第四重用心。今者特事已定。後顧無憂。始可進言阿非利加與印度之聯絡。頗聞埃及之鄰阿刺伯東南模司格德之酋長。夙通款於英國。親暱有年。此地僅隔一水。卽英屬之亞丁。故英人近日方謀築鐵路於模司格德與亞丁之間。而後再展其路線於俾路芝之

以通於印度之西境。一平國 二小水而經行印度全部焉。事雖未行。其謀已播。此爲英之第五重用心。如是則自本國越好望角以抵埃及。更自埃及阿刺伯俾路芝以迄於印度。其聯絡之效。漸有成功。而向日之所謀畫者。將見諸實行矣。遂更無所顧慮。而乘機以爲侵入西藏之舉。此英之第六重用心。綜其行事而窺其秘略。蓋其始也。因有心於滇藏而愈注重於印度。其繼也以注重於印度而更著手於非洲及其終也。則非洲之政略已成。而後轉其鋒以向於西藏。如環無端。莫知所以起伏。然成蹟可按。固不難深究其原也。其深謀遠略有若是者。而舉世猶不知其命意之所在。且不知其何以必發於今日。則其惑不已。甚乎俄之築鐵路於西伯利亞也。起於聖彼得堡。而迄於東三省。舉世之人。睜眙而視之。徬徨而道之。而英之所圖自非洲以通亞洲者。其策果成。則異日軌線縱貫。汽車交馳。恐未必無朝發倫敦。而夕宿拉薩之一日也。英人近數十年以來。於東方交涉之大者。每斂手而聽他人。獨於非洲一方。則規畫不遺餘力。旁觀者異之。卽其國人亦往往以此之故而詬其當路。然而無印度則不能進取東方。失非洲則亦不能利用印度。是則所以規畫非洲者。卽無異肆力東方而已矣。自緬甸之亡於英也。英之印度政府。助英駐兵於大吉嶺。將以拊扼西藏。而至今逾二十年。兵端始著。此其布置之次序。自非洲埃及亞丁。早有成算。必至今日而始出之。固灼

然無可疑也。夫英兵近日入藏之舉。在英人自謂藏民阻之。以致爭鬩。猶未與中國政府。顯有違言。不敢謂其必以拓土政略施之於我也。而察其前後措施之迹。顯著若此。覘世變者。其亦知所處乎。語曰作始也簡。而將畢也鉅。於英人之行事見之矣。

論中國宜設法勿使列強干涉遠東 錄甲辰第十三號外交報

日俄戰爭起。天下爲之震盪。然惟其震盪之極。而其外象。遂反若寂然不動者然。故自此半年以來。世界之外交界。其機關皆若暫時止息。萬目炯炯。視線咸集於三韓濊貊之一隅。伺日俄之勝負。以自謀其位置之所。其機也至駭。而其出之也。又至靜。誠今日政界之異象矣。願我之當路。若狃於此一時之靜。以爲日俄之戰。於列國無大關涉。卽於中國亦無大關涉。瞻烏爰止。聽其所歸。俄勝則所失者僅東三省。而十八省固無恙。日勝則并東三省而亦將不失舊物。於是嚴守中立之說。非惟視爲權宜。實已奉爲至計。端拱默視。有自來矣。本報因此之故。曾爲再三之續。一則謂俄人不得於東。將責於西。一則謂日俄戰止之日。列強將開大會。而不利於我。凡此所陳。雖云臆度。然亦事勢之所能有也。惟中國今日所立之地位。誠不宜與俄宣戰。而欲謀所以自救之道。實大不易。反覆思之。終無術以處此。今戰局之延。又及月矣。時日稍久。則事機稍顯。前之幽闇不明者。至此若髣髴如有所見。其所見者。非能出

乎前說之外也。但其解稍著耳。攷此次日俄戰罷議和之日。列強有無大會。其事尙不可知。而就我國之地位言之。則可分爲三級。列強大會。而我國不得與會。一聽客之所爲者一也。此於我爲最險。列強大會。而我國得容喙於其間。以謀挽救於萬一二也。此於我爲稍可。但從日俄二國自行議和。而列強不與聞三也。此於我爲最利。謀國之道。必先其最利者。然則我國之宜設法阻止列強之干涉也明矣。然本報之爲此言。吾國人將毋以爲僞耶。原吾人之意。必以爲我國今日之勢。求自保且不懈。安有勢力能運動列強。而使爲我之利。不知此事。若但惟我國欲之。則其勢誠難遂志。而今則與我同利者。正大有人合力焉。以求達其目的。亦未見其甚難也。日人以列強干涉戰事爲不利者也。俄人亦以列強干涉戰事爲不利者也。皆與我同利者也。日人之不願列強干涉。以阻撓其進步。百計心求解免。此其事已見諸報章。播爲國論。爲吾人所耳熟矣。而俄人之亦不願列強干涉。人猶有不信者。俄人雖屢發此言。而論者皆謂俄人已用盡其能力。運動列國。合縱禦日。以自掩其敗而保其名。不聽干涉之言。特其門面語。適以見其情之急而已。然平心論之。殆未必然。俄人今日雖形見勢絀。然究爲歐洲著名之大國。數百年來更事多矣。俄之大臣庸闇如阿力喀塞克夫者。固不乏人。然俄廷臣工。決非盡皆如此。豈無一二稍明外交政策者。知引列強干涉戰事之害。將

過。於。與。日。本。戰。敗。所。得。之。害。使。非。至。於。財。力。皆。窮。急。於。救。死。殆。無。求。列。強。干。涉。之。理。而。以。日。俄。戰。事。之。究。竟。論。之。俄。人。亦。終。不。至。於。財。力。皆。窮。急。於。救。死。也。何。以。言。之。俄。人。幅。幘。既。廣。其。國。都。與。戰。地。相。距。遼。絕。日。兵。由。陸。路。攻。之。則。至。聖。彼。得。堡。之。期。渺。不。可。計。由。海。道。攻。之。沿。途。無。可。以。碇。泊。購。物。之。處。是。日。之。於。俄。即。使。大。勝。至。得。東。三。省。而。止。矣。欲。其。如。德。之。於。法。破。其。都。俘。其。君。固。不。能。也。日。既。不。能。則。俄。敗。所。失。至。於。失。東。三。省。而。止。而。其。他。固。無。恙。若。不。忍。一。敗。之。憤。而。引。列。強。以。為。干。涉。夫。國。家。之。為。物。固。非。可。藉。他。人。一。毫。之。力。者。今。既。因。人。以。自。存。則。列。國。大。會。之。時。其。視。俄。人。或。不。至。如。柏。林。大。會。中。之。土。人。恐。亦。未。必。能。如。柏。林。大。會。中。之。俄。人。矣。此。時。東。三。省。將。為。公。地。俄。亦。終。於。不。得。而。他。處。所。失。之。利。權。正。不。可。計。俄。人。而。計。及。此。殆。亦。必。以。列。強。之。干。涉。為。不。利。矣。有。日。本。俄。國。之。皆。以。列。強。不。干。涉。為。利。則。我。國。自。利。之。方。即。有。可。以。運。動。之。機。至。於。或。疑。日。俄。既。不。願。他。人。之。干。涉。何。以。能。容。我。國。之。干。涉。不。知。我。國。所。處。之。地。步。究。與。他。國。不。同。本。為。主。事。又。何。干。涉。之。可。言。惟。視。其。所。為。何。如。耳。我。若。能。於。日。俄。戰。事。至。恰。好。地。步。此。地。步。以。日。本。之。風。憤。已。雪。而。未。大。傷。時。為。期。候。而。而。利。用。其。轉。圜。使。日。俄。戰。事。不。至。蔓。延。無。窮。期。則。列。強。亦。無。自。施。其。干。涉。而。我。國。之。保。全。已。不。少。矣。此。至。上。之。策。也。不。然。則。列。強。大。會。之。時。其。所。以。處。置。我。者。豈。可。測。哉。

社說

論中國於日俄之勝敗不宜誤用其意

錄六月初八日中外日報

立國於大地之上。而好以依人爲政策者。其於他國之現勢。固無以窺其得失之故。而察其禍福之原也。知其一勝一敗之迹而已。觀今日之中國。所以視俄日兩戰國者。其猶不出此見乎。當其未戰也。則懼俄之心深。而不敢徇日。及其已戰也。則輕俄之念甚。而疏於自防。出入之間。皆適以自召其不利而後已耳。夫以彝者之懼俄如此。而一旦至於輕俄。則平日結託之謀。至是當已自返。必將以輕俄之故而重日。於是則善擇所與。以爲取法之資。豈非近年以來。所爲禱祀求之而不可得者哉。雖然。同一輕俄而重日。而鑒於其得失之故。與泥於其勝敗之迹者。其差別之相既異。則因果之判亦殊。此不可不明辨之。而審所以自處之位也。請爲析而言之。俄之敗於日者。非其海之艦隊。陸之師團乎。則所謂兵敗者是已。然而俄之敗者。兵也。而俄之所以致敗者。非兵也。說者謂歐洲各國。近世之政治。實由兵事成之。以是反觀。則俄人此次之兵事。亦其政治害之而已。今不暇爲博引。而但以數月之間。東西各報所紀者。比摘其事以相例。則何以日本謀定後動。勝算已操。而俄之當空。猶不知其防守之不足恃乎。何以日本之水師。潛襲入港。而俄之守將。高宴酣嬉乎。何以日本閉塞旅順。有決死之兵隊。運船遭難。有屠腹之將士。而俄之營兵。多潰。大將先遁乎。何以日本金州丸。

之。士。官。先。焚。國。旗。而。俄。之。九。連。城。俘。虜。自。泄。秘。密。乎。何。以。日。本。募。集。國。債。遠。逾。本。額。而。俄。之。徵。取。軍。費。屢。召。亂。釁。乎。此。數。者。皆。灼。然。在。人。耳。目。而。昭。晷。無。疑。者。也。爲。中。國。者。誠。使。有。察。於。此。度。必。有。瞿。然。自。驚。而。事。事。引。爲。對。鏡。者。因。兩。國。兵。事。之。利。鈍。以。窮。已。國。政。治。之。原。因。豈。惟。今。日。之。事。有。以。自。全。而。困。難。禔。福。必。在。於。是。雖。以。歐。洲。各。國。之。受。益。於。十。字。軍。者。以。例。此。戰。焉。可。也。願。微。窺。中。朝。大。官。之。用。意。則。頗。以。俄。敗。之。故。視。爲。易。與。殆。以。爲。俄。之。困。弱。固。與。我。無。殊。果。其。有。事。不。難。一。擊。而。退。之。者。由。此。推。之。則。其。視。日。本。者。又。不。悉。其。崇。奉。之。心。將。何。所。極。不。深。思。其。得。失。之。所。在。而。但。觀。其。勝。敗。之。已。形。一。若。俄。之。兵。敗。則。不。足。以。凌。駕。中。國。者。更。若。日。之。兵。勝。則。可。以。庇。佑。中。國。者。此。其。故。無。他。國。以。依。人。爲。政。策。者。知。以。勝。敗。之。迹。爲。阿。附。不。知。以。得。失。之。故。爲。從。違。有。客。觀。而。無。主。觀。乃。至。忘。其。自。處。之。地。位。者。無。足。異。也。而。率。其。用。意。所。至。有。不。能。不。爲。當。局。危。者。蓋。俄。之。窮。蹙。固。甚。而。其。對。於。我。則。猶。所。謂。牛。雖。瘠。價。於。豚。上。者。也。中。國。縱。無。遠。廢。中。立。之。心。俄。人。未。必。無。先。破。中。立。之。意。而。政。府。以。輕。俄。之。故。除。遼。西。駐。兵。之。外。於。張。家。口。於。伊。犁。等。處。要。隘。皆。未。聞。有。所。籌。防。識。者。已。爲。深。慮。且。波。羅。的。海。艦。隊。不。久。即。將。東。來。此。未。必。能。有。違。於。日。軍。而。或。者。藉。端。一。洩。旁。施。於。我。則。誠。不。知。所。以。待。之。者。何。在。漫。漶。布。置。言。之。可。爲。寒。心。抑。更。有。進。者。使。日。本。以。戰。勝。之。勢。竟。收。復。東。三。省。全。境。而。仍。以。昇。

之於我。則我於此時。不得不自爲守。而今日之輕俄。若此。則異日之玩敵。可知。卽能光復。故物尤恐。終以懈弛。而致失此。又可爲逆料者也。至於輕俄。則重日。兩者之意。見迭乘。以爲正比例。無可疑者。而率其依人之政策。則必以向之結託於俄者。轉而結託於日。崇奉已過。將並已之所以爲國者。而忘之。而一切受其提挈。仰其維持。以自居於保護國之列。其爲利害。有非此時所忍言者。不獨憂時之彥。所爲長嗟。恐亦非鄰國所以相期之本意也。嗚呼。同一勝敗也。而所以覘其勝敗者。不同。卽所以自爲勝敗者。亦不同。固有若是者矣。且吾聞之。甲午之挫於日本也。實狃於韓宮內變之役。而輕視日人。庚子之敗於聯軍也。其起因至爲複雜。然亦誤以英特非洲之戰。而輕視各國。蓋國不自強。而欲坐待他人之弱者。前車之鑒。固不在異邦也。而辛丑迴鑿以後。因畏人而媚人者。又安知不以媚列國者。而專媚一國。且有甚乎夫俄。非不可輕。而日非不宜重。然所以自處之道。不可忘也。故爲說之如此。若乃謬解本論之意。反以輕俄重日爲非。此則非作者所知者矣。



### 諭旨

旨左翼監督著溥善去右翼監督著毓秀去欽此 二十四日

上諭此次新貢士覆試列入一等之黃瑞麒等七十二名列入二等之林世燾等九十六名列入三等之舒元璣等一百七名俱著准其一體殿試欽此 五月二十日

上諭伍廷芳奏因病請假並請簡派署缺一摺伍廷芳著賞假一個月毋庸派署欽此 上諭王福祥奏因病請假並請

開去署缺一摺王福祥著賞假一個月太常寺卿著李盛鐸署理欽此 上諭劉春霖著調補廣西布政使雲南布政使

著張廷燎調補欽此 上諭袁世凱奏舉劾屬員一摺直隸開州知州胡寶唐縣知縣陳友璋定興縣知縣黃國瑞咸陽

知縣林學斌廣宗縣知縣陳繼善雄縣知縣謝愷新河縣知縣傅徵源署南和縣知縣候補直隸州知州毛隆光統縣

督辦稱政跡卓著即著傳旨嘉獎廣平縣知縣韓景儒門丁用事才具平庸樂城縣知縣張源曾信用家丁性情剛暴

極縣知縣李蔭垣親丁招搖頗滋物議容城縣知縣陶承先縱役滋擾怨聲載道博野縣知縣許湘甲徇庇差役罔恤民

艱任縣知縣吳慶祥役隸弄權優柔昏瞶署曲陽縣事任邱縣知縣周斯憶捕務廢弛徒工粉飾署清豐縣事南和縣知

縣黃文良積壓詞訟弊竇滋生署懷安縣事藁城縣知縣陳沐備情因循難期振作龍門縣知縣張兆齡性耽安逸不勤

民事署豐潤縣事試用知縣甯湘執拘任性辦事糊塗均著即行革職滄州知州王前彰人地不宜深澤縣知縣續會緝

捕不力東光縣知縣王安定報案含糊正定縣知縣戴作楫年力就衰均著開缺另補另片奏閔州舉正養有籍目歲已

深年多願元城縣教諭張宏升性專攬事至招物騰沙河縣教諭蕭文治歷名平常積有煩言任縣教諭王潤性近輕

諭旨：以新式那台縣訓導社霖年老昏庸耗時失事均著一併革職餘著照所請辦理欽此二十三日  
上諭：禮部奏高壽令節禮儀一摺著在仁壽殿行禮停止筵宴餘依議欽此 上諭：固山貝子奕謨之過繼孫溥儀著改名溥倍欽此二十五日

上諭：朕欽奉 慈禧端佑康頤昭豫莊誠壽恭欽獻崇熙皇太后懿旨現在物力艱難自應力除冗濫用資整頓前已降諭旨飭裁冗員浮費而內外因循瞻顧未能實力奉行茲特嚴申誥誡樹之風聲所有粵海關淮安關兩監督著即行裁撤其粵海關一切事務著歸兩廣總督管理切實整頓江甯蘇州兩織造同在一省著即將江甯織造裁撤凡京外各項差缺有應行裁汰歸併者著各部院堂官及各省將軍督撫破除情面認真釐剔奏明裁併以節虛糜而昭核實欽此

上諭：朕欽奉 慈禧端佑康頤昭豫莊誠壽恭欽獻崇熙皇太后懿旨方今大局艱危生民困敝全在君臣上下實心實力屏絕浮文力除積習庶幾挽回氣數使吾民登衽席之安上年皇帝率王公百官以七旬高壽籲懇崇上徽號及內外臣工請報效康倂同伸慶祝業經降旨剴切宣示均未允昨皇帝仍以萬壽屆期皇帝應呈進奉為請再三陳懇具見孝養之誠惟值此時事多艱日俄兩國兵事未定我東三省境內人民方在流離顛沛之中廣西叛匪猖獗生靈屢遭荼毒其餘完善各省亦復疲於捐派民力難堪滿目瘡痍深宮無日不為引疚豈尙忍以百姓之脂膏供一人之逸豫此次皇帝所請仍不准行本年高壽所有臣工筵宴著即停止各省將軍督撫以下等官均毋庸奏請來京祝嘏京外文武諸臣並著一併不准進獻從前巡幸西安服御缺乏各省疆吏齎進服物鑒其個忱是以賞收乃回鑾以後或猶相沿不已禮事增華實非宮廷所願徒以優禮大臣未便顯加屏斥嗣後著將此等進獻概行停免以杜虛糜總之皇帝當以圖治安民為孝請臣當以匡時體國為忠宵旰憂勞正宜交相咨啟內外臣工其各修職業各矢血誠于籌餉練兵興學育

才以及農工商諸業政凡有裨于民生者合力振興切實整頓用以宏濟艱難俾天下蒼生咸樂昇平而靖仁壽是即予之所厚望也將此通諭知之欽此 二十七日

本報查世凱奏道員才猷卓著據實保薦請破格擢用一摺據稱直隸補用道陸嘉穀才長心細操潔品端前在山東將各項核實濟公歲增進款百萬餘兩自調該員來直籌訂煙酒稅章經營綜核歲收八十餘萬之多實屬卓著成效屢蒙運使汪瑞高著交世凱另行差委所遺之缺即以陸嘉穀署理責成該員認真整頓期收實效務於鹽務日有起色以裕國課而益民生欽此 二十八日

上諭新進士著于初五日起分作四日帶領引見欽此 六月初一日

上諭山東濟南府知府員缺緊要著該撫於通省知府內揀員調補所遺員缺著武玉潤補授欽此 上諭山東曹州鎮總兵缺著湯詠山補授欽此 上諭方今時事艱難民生重困而官吏壅蔽下情不通甚至地方錢糧浮收中飽以完作欠實難兼生大負朝廷恤民之慮著各省督撫將各屬經徵錢糧限三個月內開列簡明表冊該州縣錢糧正額若干現在實徵若干向係收銀者註明每賦一兩正耗各收銀若干或係收錢折銀或係收銀元作銀均註明每銀一兩折收若干每清糧一石收本色者正耗各收米若干收折色者每石收銀若干此外有無隨規雜費逐一登明據實彙錄各令和盤託出不得混遺漏候該省奏報到後著戶部核對由政務處列入官報俾衆共知藉以察官方面通民隱各該督撫務即認真辦理毋得徇飾宕延倘敢敷衍搪塞並將該省藩司糧道從重懲處欽此 初二日

上諭欽奉慈禧端佑康頤昭豫莊誠壽恭欽獻崇熙皇太后懿旨前黃旗滿洲都統那彥圖等代表前山東布政使

奏保情殷說服請贊一體本年萬壽昨已降旨所有各省將軍督撫以下等官均毋庸奏請祝嘏業經明白宣示該部統  
等節後代奏殊屬冒昧著傳旨嚴行申飭欽此 初三日

王體本等寺少卿著左學同補授欽此 上諭御史徐培奏廣西軍務吃緊請飭已革提督蘇元春帶罪前往相機剿辦

一由是而匪勢蔓延由蘇元春養廉貽患言之實堪痛恨朝廷將該革員量予減罪已屬格外從寬乃該御史輒敢

為蘇元春寬罪並請大徐培著回原衙門行走以示懲儆欽此 上諭陳瑞龍奏特參庸劣不職文武各員請分別懲處

一據南兩陽府知府周毓泄春或性嗜好太深懷慶府知府李光琳譚闈才庸幕友用事均著開缺以通判降補嵩縣

知縣張鴻壽報墜不實有心徇縱密縣知縣陶應輝年老頹唐捕務廢弛清川縣知縣周應昌荒謬糊塗用刑不慎陽武

縣知縣陳紹祖才具庸庸罔知振作署溫縣知縣武安縣知縣劉瑞霖油滑卑靡廢職慢公南陽縣林水陸丞李友桐

老弱得不得與情補用遊擊李士太居官不職礙于滋事衛輝營守備胡金植性情詭軟緝捕不力均著即行革職另片

奏參統帶備軍右翼候補參將王熾宏營務廢弛挪用公款等語著即行革職並不准投効各處軍營以示懲儆餘著照

所擬辦理該部知道欽此 初四日

曹光祿寺大官署署正員缺著賈紹祺補授欽此 旨光祿寺學習署正常豫著准其留寺欽此 旨廩生培元多麟俱

著以文職用候補著以待衛用翰林院撰文著阿聯補授江西道監察御史著誠鑑補授截取戶部郎中王步瀛內閣中

書吳嗣其錫珍單懋元太常寺博士錢善仁俱照例用截取舉人邵鍾勳周鍾麟楊蔚雲俱著以知縣用彭萬瑞石如玉

趙壽齡及文德麟師會俱著以教職用俸滿教職湯兆璜著以知縣用擬補國子監助教榮林著准其補授俸滿中城兵

馬司副將周維新前衛城兵馬河吏目戴式其俱照例升用補授直隸霸州知州錢錫棠著准其補授升補貴州黃平

州知州錫鐸著准其升補簽升知州留任安徽廬州府通判劉春海著准其留任加一級註冊保舉直隸候補知縣李國  
樞浙江候補知縣史光治胡玉澤江西候補知縣程祥藻俱照例用服滿原選安徽休寧縣知縣傅會照著不必坐補原  
決開復河南補用知縣陳垣著准其開復原官仍發原省照例用已革直隸邯州知州丁崇雅著仍照原參革職理藩院  
筆帖式著豫泰補授戶科筆帖式著頤寶補授擬補盛京工部筆帖式鳳桐盛京刑部筆帖式德珍榮都盛京戶部筆帖  
式德格盛京工部筆帖式盛元德州城守尉衙門筆帖式德瑞吏部筆帖式西拉布俱准其補授欽此 初五日

旨各省選舉慶生著於本月十六日在保和殿考試欽此 初六日

上諭教信奏因病懇請銷假並派署都統一摺教信著賞假一個月正紅旗滿洲都統著溥興署理欽此 初七日

上諭新科一甲進士劉春霖朱汝珍商衍濂業經授職外張啓後林世燾顏楷麥鴻鈞賀維翰黃瑞祺徐麟林志炳莊誠  
關宋育德杜殿張星棟谷芝瑞岑光樹林乾江孔殷郭壽清潘浩王慶麟譚廷闈葉光圻楊毓泗李勉榮許成堯唐尙光  
吳繼慎高振霄童錫鏞錢崇誠朱點衣闕士麟李湛田李傑徐鍾怡陳國華景潤吳琨程宗伊錢淦張成修張翠田明德  
陳壽輝蘇興張國裕馬蔭榮章祖申朱元澍許楫笏竺慶祥舒偉俊畢大昌程叔琳雷恆章陸光熙雲書李繼勳梁壽  
濟那端王慎賢俱著改爲翰林院庶吉士朱文劭王廣張茂炯翁兆麟鄭言何景崧熊坤陳震莫以增樓思詰呂祖翼謝  
啓中龍建章王枚蒲殿俊朱振瀛陳之煎蔣尊韓蘇源泉方兆賢馬步瀛李龍圖何毓璋陳堃聲張恩壽施堯章李景綱  
李會高唐桂馨梁禹甸陳繼舜沈鈞橋陳虞舒元璋龔福壽謝燧坡徐奎銘張世時沈秉乾鍾剛中王炳震傅增濬段國  
垣雷廷壽圖祖訓王季烈戴保輝何振清張詒吳晉慶楊巨川湯化龍李景銘關廣麟胡家鈺雷多壽陳士昌宋義璋歐  
陽誠毅李福張名振廣慶陳振學白霖端隨勤魏毓華梁成晉周之楨張則川劉辰駒袁永廉陳宗壽歐陽紹郭果辰

彭運武鄭元楨王鴻贊葉大華陳熙朝王垣王慧閔張履謙守備彭守正馮翼占閔道朱崇年章珪璋朱大瓊賽沙敦  
郭之翼夏和清饒孟任段維張稱遠俱著分部學習劉啓瑞顧顯會曲著新謝桓武汪康年徐培陳煥章金梁夏道輝李  
景燾俱著以內閣中書用潘鳴球劉鍾俊單志賢張其鏗陳枚功舒嘉猷張雲翼董繩震邵孔亮張朝輔李廷真聶傳曾  
朱秉鈞周觀濤邵從恩朱澤年熊范興賈景德孫家鈺楊光環邱景章郭鍾美吳兆梅陳兆槐姜迺升宮炳炎覃壽堃饒  
昌頤鄧隆張俊英何崇基王寶瑛忻江明楊濟時崔炳炎林基道孫懿任嘉我王樹忠曹元鼎黃爲基張肇銓程旋葉大  
軍劉允實梁灝生李應壽葉湘孟應奚李鳳書李熙仁李臣淑王元爵仲廷仕周安康劉紹曾陳迪吉李維節劉綿訓榮  
海揚大芳程天錫王言特韋廷秩賓先椿李維漢張廷棟田明理李儉陳金華鄭猷宜張學寬李壽祺俞維翰王文煥張  
肇基許樹聲增壽林振先董鑄茹欲可喬海峯林蒼霖兆奎王景崧楊清恭章錫光王承佐俱著交吏部咨掣分發省分  
以知縣即用刑部候補郎中陳毅著以本部郎中即用刑部學習郎中馮汝琪范承駒均著候奏留後以本部郎中即用  
外務部候補主事張鴻兵部候補主事劉毅孫刑部候補主事劉敦謹均著以本部主事即用兵部額外主事李盛和張  
又杖著服滿後以本部主事即用內閣候補中書趙錄積何震彝著仍以中書候補候補內閣中書張應濟著仍以中書  
候補江蘇補用道汪士元江蘇候補知府江紹杰江蘇候補知府濮文波均著發任原省各以本班補用餘著照歸部銓  
選欽此 初八日

## 時評

### 政府謀收回治外法權

伍秩庸侍郎於近日召對時。力陳治外法權之宜收回。遂令與外務部大臣。籌商收回之法。斯舉也。固我國上下所仰望。而欽羨者也。今試以日本已事例之。按日本幕末時代。因當局者於外交一道。素未講求。故其與各國立約。亦蹈中國覆轍。誤以治外法權授之外人。及維新後。舉國皆知其誤。急欲收回。而欲收回此權。非改正條約不可。因援安政條約。有明治五年七月以後改正條約之明文。乃使岩倉爲全權大使。先赴美國。議其事。不能成。其後經寺島井上大隈諸賢之手。歷盡艱難曲折。直至陸奧爲外務。然後得各國之允許。而以明治三十二年。實行改正條約。自是始得收回治外法權。而使各國人之僑居其境內者。皆同受治于日本法律之下。當年盛傳日本內地雜居。即此時事也。又日本之所以能收回此權者。全由先修法典。今我國國勢。既不及日本維新當年。近雖有法律館之設。而法典尙未告成。然則欲於今日。遽行收回此權。恐各國未易允從。夫亦視我當局者。外交手段之如何。吾輩固甚望伍侍郎不爲寺島井上大隈諸人之續。而得收陸奧之成功也。

### 正陽門之大工程

正陽門樓工程。自去歲開工以來。因木料一時購辦不齊。是以停工至今。聞工程處。接其採買木植委員。廠商等來稟。畧稱委員等。自去秋附輪南下。由皖至湘至鄂。設法購覓。尺寸率不合格。駁中雖有大材。而又難於轉運。現已分赴南洋各埠採辦。例仍不合式。或不足數。只得赴美採買云云。觀此。恐正陽門工程。一二年內。未必能竣。夫正陽門一隅之防衛。其

三十  
六  
軍。前。能。推。効。近。今。又。以。採。辦。材。木。廢。糧。各。省。不。已。又。赴。兩。洋。更。擬。赴。美。區。區。一。城。樓。而。竟。圖。一。二。年。之。大。工。以。爲。壯。觀。雖。事。而。常。此。國。幣。奇。絀。百。端。待。舉。何。忍。以。有。用。之。財。棄。之。無。用。之。地。以。爲。自。衛。計。耶。則。京。城。一。隅。非。能。守。地。聯。軍。則。則。股。匪。不。遠。豈。圖。其。遠。者。大。者。乎。

### 路權不可授於外人

近有法人辭歷中國者。言現今中國所造鐵路。他日於軍事甚有利益。日後各省之練軍成就。則一旦有事。均由火車集會。故中國之經營鐵路。實今日至急之務也。此言誠然。然我國自造則鐵路之權在我。一朝有事。我固得以運輸集會我。編定軍隊。若外人代造。則權在外人。一朝有事。外人即得以運輸集會外人之軍隊。我國人慎勿惑於斯論。而輕以築造鐵路之權授之外人。是吾國前途利害之一大關鍵也。

### 故相翁常熟

中國之所以成今日之中國。執政大臣與有力焉者。凡四人。一李文忠。一榮文忠。一孫文恪。一卽常熟相國也。此四人者。更仆迭起。幾二十年。其人皆相爲交遊。亦相爲仇讎。隱微之地。蓋無可得而言者。今第就人人所知者言之。則常熟一身。竟足爲三人之鈐鍵。咸豐丙辰。濟甯孫文恪與常熟同應殿試。常熟廷對第一。而濟甯次之。濟甯銜之終身。甲申恭王政。廢與隨王政府之運糧也。濟甯有力焉。說者以爲意在常熟。此爲常熟與孫文恪關係之事。吳江沈文定之執政也。時榮文忠位尙卑。然意不欲。謀有以去之。常熟知其謀。以告吳江。吳江因得以計自全。明年榮文忠遂緹。故榮文忠亦怨之。乙未丁酉戊戌之際。上不自安。榮文忠有力焉。說者亦以爲榮文忠與上之不相能。由排常熟而并及之。此爲常熟與榮文忠關係之事。蓋皆以個人之交涉。而成爲政界之大樞者。惟常熟之與李文忠。則其不合之端。因乎政界。而非



個人。甲午之役。李文忠主和。常熟主戰。以此遂不相容。顧平心論之。則李文忠為得而常熟為失。因與敵國宣戰者。國命之存亡之所繫。故非至於必不得已。必無宣戰之事。甲午年我之於日本。非若癸卯年日本之於俄也。甲午日本所要於我者。曰中國與日本同革高麗內政而已。使其時我政府如其所請。尚不至於大失國體。而甲午中日之役。可以已。甲辰日俄之役。亦可以已。豈非天下蒼生之福。而中國尤蒙其利哉。乃不觀己國之預備。敵人之意見。天下之局勢。而貿然發此大謀。卒至甲午一敗。非獨中國受其害。胥責種而皆受之。常熟之肉。其是食乎。此為常熟與李文忠關係之事。或云常熟未如信否此三事。皆中國之所以成今日之中國也。然惟有甲午之事。可以為常熟罪。至於戊戌之際。榮文忠之所為。固或云常熟有常熟如此。無常熟亦如此。傾險之人。圖其富貴位其前者。即為仇讐。追問有宿怨。無宿怨乎。甲申之事。例亦同然。故常熟之位。擬定而李榮孫三公之位。置亦定矣。

### 襲犯未遠提省之原因

襲犯既經葡臬允許提解。而至今尚無實事。實因外務部行文至粵。要將該犯解至北京治罪。不准提回粵地審訊。粵督令方據理與外務部力爭。故目下澳官。有仍候兩面消息。以為取決。非因案情更有翻覆所致。夫襲犯逃至澳門。已閱數月。經粵督極盡心血。與葡官再四交涉。始得允准提省。今襲犯既有上控葡京。以求狡脫之意。外務部又復飾外生枝。致令稍延提解。夫襲犯之有財有才神通廣大。就其前事。已可察知。今據別報。澳中有一葡萄牙婦。控襲強姦論者。疑其串通作弊。以預為他日葡官借此一案。可向粵督索還歸審地。步若再假以時日。則彼更得從容布置。萬一案情一翻。是使本督前功盡廢。而又增外交之笑柄矣。

### 淄川博山兩縣之煤礦

時評

公礦權廢除之強要權者。實為各國劃分勢力範圍於吾國。以為漸進的潛勢的實行瓜分之一手段。一方法。數年以來。各國之權我此利權而去者。肩背相望。而德國自占膠州為張本。即著著進行其外交政路。幾使山東全省之利益不盡入其手。而不肯休。今吾查得其所經營之一業。特為報告如下。青州府所屬淄川博山兩縣。以煤礦豐富。聞於天下。德國固視耽耽而欲逐逐者。於是以前年設一華德礦務公司。其名雖為兩國合股創設。其實則主權全屬德人。及兩縣煤礦採掘之權。既經我政府批准。而授之於該公司。則德國復施其得隴望蜀之計。更要我政府許其自山東鐵路幹路之張店驛。別築一支路。得經淄川以直達博山。今敷設軌道之工程。已及南亭。南亭者。位於張店驛至淄川驛之中間之一驛也。其自南亭至淄川之工事。因兩岸須築長堤。現正趕緊興築。惟一入博山縣界。則層巒疊嶂。作業頗難為功。然則計其全線開通之期。必在本年八九月以後矣。至該處煤礦。則德人久經開採。所用皆新式機器。若鐵路一通。則運輸便利。煤礦得以源源運售。將來必能駕開平礦而上之。而惜其利權之非復我有矣。

### 石頭礦收回官辦

廉州合浦縣石頭埠煤礦。苗旺質佳。久為西人所覬羨。前經善後局發官本七萬金。派員督辦。嗣因官力不繼。批准商人鄭寶源承辦。并將官款附入。改為官商合辦。已歷數年。未見成效。現在當道振興礦務。聞擬收回官辦矣。夫東西各國。莫不以開礦為生利惟一之政策。煤鐵尤所注重。乃中國礦產遍地。皆是開辦礦務。亦時有所聞。願嘗調查中國礦表。除開平萍鄉漢河大冶等。稍獲溢利外。其餘旋起旋滅。絕少成功。探厥原因。一則資本不繼。二則礦師不得人。三則辦理不如法。遂至復實報窮。徒留作列強礦權之界線。今該礦既收回官辦。惟願一雪斯言也。

### 臺灣用金之影響于中國

前日本政府發令臺灣地方廢止銀圓通用金幣。此亦東方經濟問題一重要事件。兩年來香港及英屬海峽殖民地已屢次倡金本位之議。但久未決定。今臺灣改金本位。其必有影響於以上諸地。或因此促其改變。亦未可知。計自壬寅之末。暹羅先改。菲律賓繼之。用金之勢力已膨脹於亞南。今臺灣復改。若香港新加坡等。繼之。則環中國皆用金。地矣。通觀近數十年來之貨幣史。凡遇一國改銀而金者。則銀價必為之下落一層。徵諸德國初改時。法國初改時。日本美國印度初改時。皆有此等現象。歷歷不爽。近年銀價以一落千丈之勢。愈趨愈下。皆為此也。若臺灣改後。南洋香港繼之。則銀價又必有一番大變動。此無待著蔡者。銀價之下落。於吾中國蒙何等之影響乎。他事勿論。即以賠款及還前此各項國債之一端論之。已使我蒙數倍之損失。若國際貿易上之阻力。更無論矣。此非可輕易看過之問題也。現在臺灣之事。目前必不至生何等影響。何也。日人此次之改臺灣幣制。原因北方戰事需銀。為用勢必須設法。收銀幣故。為此政策一舉兩得也。今東方用銀之地。正在有事。銀價必無遽落之理。若語其影響。其將在日俄戰役終局以後乎。

### 長沙開埠

五月十八日為開長沙商埠之期。夫開埠例必設洋關。今奉命司稅務者。為夏立斯君。而以關署未及竣工。乃暫假紅船一艘。以為辦公地。長沙並無洋商。如太古怡和。大坂各輪船公司。所設洋棚。皆託漢口之輪船客棧中人。為之經理。開埠日。當舉祝典。監督長沙關長。賓道朱觀察。延熙以為若而人者。雖非洋商。而實為洋商之代表。吾固不可不以敬。洋商者。敬之。於是乃特假座水府廟。以宴各洋棚之經理人。有稅關不得無官銀號。以為之存款。此事曾經大吏札委官錢局經理。而利之所在。人必趨之。一時遞呈爭攬者。不可勝計。有修君某者。辰州豪富也。呈稟撫署。有救中國莫若建學堂。立基礎必先設蒙學。自願出本銀萬兩。承充銀號。每年額提五千兩。火耗作為長沙開設蒙學經費等語。雖未獲批准。而各

人爭欲據此利權。其開釐鑛附之情形。即此已可。槩見矣。太古公司之輪船名沙市者。以某日抵埠。報關納稅。而官、鑛局司事。於其所納。槩收銀票。不收現銀。又每百兩。索加二兩二錢。以為津貼。現聞各輪船船主。大不以此辦法為然。已經公同照會海憲。求其核辦矣。計各輪船之主者。皆洋人也。在今日之中國。洋人何求而不得。吾恐稅關之經理者。不久而有奪我鳳皇池之歎也。

### 旅順果得歸還乎

海參崴區區之艦隊。又第三次出海矣。三月二十一日已後。旅順後路。久已斷絕。四月十三日已後。旅順背面第一險要之南關嶺復失。而俄人尚用偏軍。以要利。或且據援絕之地。以死守。牛雖辯猶債於豚。我國人其無以俄敗為可喜。彼陰為之司。拉扶人固未易與也。日本當宣戰之始。固有不。利我土之說。雖然。美租威海例視旅順。十九年俄失旅順前約。因之消滅。然觀英人近方汲汲。圖艦隊於威海。必不。因俄約之消滅。而亦從而退讓。則彼俄人者。既有所藉口。以。更。奪。地。為。桑。榆。之。補。償。勢。至。如。此。則。日。本。雖。真。欲。歸。我。失。地。而。亦。有。不。得。者。矣。又。據。前。日。消。息。則。法。且。以。貯。煤。地。供。俄。海。軍。英。德。之。君。會。於。吉。耳。且。欲。調。息。戰。事。不。使。日。本。有。最。後。之。大。勝。利。以。鼓。張。黃。人。之。氣。嗚。呼。循。此。數。者。而。推。究。之。受。禍。最。迫。者。固。無。遠。於。我。國。也。而。况。西。藏。之。禍。已。燃。於。眉。乎。

### 英人論日俄軍事

英國以三萬萬六千萬人之國。而歷三年之久。始得勝南非洲八十萬人之脫國。然則一萬萬四千萬人之俄國。將歷幾年。而始能得勝四千萬之日本人乎。則答曰。須三百七十八年。而後可。夫英脫之戰。三年之間。而英兵死者已有四萬人。若三百七十八年之間。日俄之戰。則俄人將死幾何人乎。則答曰。須死五百零四萬人。英脫之戰。三年之間。英人出戰費

十一萬萬一千五百萬元。則日俄之戰。三百七十八年之間。俄須費幾何乎。則答曰。須費一千四百零四萬萬零九千萬元。以上所計之數。凡學數學者。皆知之也。然則此戰也。必欲至二十三周之末而後已。豈不可懼乎。夫英脫之戰之費之鉅。殺人之多時之長久。是明示大國非易勝小國也。若以俄人之意。則必謂其國人之數有三倍日本之多。以之攻一。其勝可必。不知日本乃一能合團體之國。其民無一不效力於己國。若俄國則為三十餘小國所合成者。故其民志不一。且有時反敵自己政府也。俄國人數之中。有六百萬人為猶太人。猶太人願為俄國捐軀乎。彼等豈能謂為國之原質乎。其中又有三百萬人為芬蘭人。芬蘭之人。近二三年間。過受俄人之專制暴政。一國上下皆有反背之心。彼等豈願盡力以保俄乎。其中又有一千二百萬人為波蘭人。波蘭人之視俄。是猶脫人之視英也。其人雖或為俄人所逼而臨陣。然其不肯為俄人盡死力。可必也。且有伯爵。討論斯多等人。力拒政府之戰。傳佈其說于全國。同其意者不下數百萬人。故俄人每百人中。不可靠者。實有二十有餘。其外又有二十餘人。且日望日人之勝。俄凡為俄廷流罪而至西比利亞極遠之境者。其數有五六十萬。皆不願助俄者也。

### 專制國之難募兵

近聞俄國中央數省。不能如數募集兵隊。因該處多是下等農人。故皆畏懼不敢應募。夫立憲國之兵。所以為國為民。故人以不得隸籍軍人為恥。專制國之兵。所以為一家一姓。故人不肯犧牲其最尊貴之生命。以効死於私朝。二十世紀之戰爭。專制國之必敗於立憲國者。實為天演之公例。

### 俄人違犯國際法

日本各報。攻擊俄軍違犯國際法之舉動。不一而足。茲表列之一。擊沈商船。如安古浦丸等數。二。冒用紅十字會旗。近之舉也。

三。通用白旗。如南滿洲軍服當時皆白四。投毒於水源村之役是也。如大山口五。冒用日本軍旗之役是也。如得利寺凡此諸端皆海牙萬國和平會議之條約所明禁者俄皇爲海牙會議之發起人今乃有此等舉動無怪日人之非笑矣。

### 俄國芬蘭總督之遇害

五月初六日柏林電報稱俄國芬蘭總督波布里哥夫爲芬蘭人所誅誅之者爲元老院議員之子查曼氏其手段則以短銃暗殺云嗚呼壯哉此男子壯哉此男子然欲知此事之原因結果不可不先明芬蘭與俄羅斯之關係芬蘭自前世紀初爲俄人藩屬其壓迫慘虐今且勿論即近五年以來種種新布之法令實有使其欲忍而不得者前此芬蘭人本有獨立之立法權乃一千八百九十九年芬蘭國會議定法律數種既經可決而俄人復提取之於聖彼得堡別開芬蘭會議於是原有之立法權全爲俄中央政府所奪其時芬蘭上下兩議院竭全力以反對此新制不能救也此爲俄國特別壓制政策之第一著芬蘭人前此惟有服役於芬蘭軍隊之義務乃千九百年俄政府下徵兵新令歸俄國陸軍大臣管轄是芬蘭人爲其仇敵納血稅也故嫉怨益烈乃猶以爲未足更於前年下令以俄語爲芬蘭通用語現任各官限五年內須全用俄語計芬蘭人口二百七十萬而解俄語者僅八千是永絕芬蘭人參與政治之生機也芬蘭人於是忍無可忍日謀所以反抗俄族者數年於茲矣若此者皆波布里哥夫謀之而彼得堡政府主斷之者也蓄怨積憤之既久於是前年四月有比爾盛福爾市民與哥薩克兵衝突之事俄猶不悛強暴之行有加無已此次戰役以一二佞臣之野心驅百數十萬無辜之市民塗肝腦於東亞原野使芬蘭人不得不爲其國之敵効死力芬蘭人大忿因即布告檄文聲俄政府之無狀其簡末即大書殺波布里哥夫殺波布里哥夫之一語果也不及數日遂有此變嗚呼痛快之事孰有過此者耶果也再越兩日旋有比爾盛福爾市民襲擊官衙廣殺長吏之電報自茲以往芬蘭問題愈益重大豈一世之耳目矣俄君

臣。而。知。所。鑒。也。其。禍。或。將。稍。戢。不。然。外。患。未。已。內。憂。乘。之。有。自。滅。而。已。矣。

### 英人侵略西藏

世。稱。西。藏。爲。秘。密。國。近。日。本。僧。人。河。口。慧。海。探。險。於。西。藏。所。作。遊。記。各。國。爭。相。傳。譯。河。口。之。游。藏。由。印。度。加。爾。廓。乘。汽。車。至。些。哥。林。入。尼。泊。爾。國。界。取。道。於。藏。境。吉。恩。河。畔。雅魯藏布江最上支流折。而。西。向。至。利。台。蒲。黎。繞。越。二。湖。復。折。而。東。經。過。二。十五。都。市。以。至。拉。薩。更。由。拉。薩。南。向。經。過。雪。峯。至。哲。孟。雄。之。大。吉。嶺。復。乘。汽。車。至。加。爾。廓。答。足。跡。所。至。殆。徧。全。藏。此。河。口。游。藏。之。大。畧。也。河。口。未。游。藏。之。先。英。人。屢。欲。入。藏。皆。不。獲。遂。其。志。今。竟。乘。日。俄。戰。爭。出。兵。侵。略。然。則。河。口。氏。者。殆。以。日。人。而。作。英。人。之。斯。登。來。乎。英。人。之。垂涎。西。藏。本。有。漸。大。之。欲。望。蓋。彼。實。欲。自。阿。非。利。加。南。端。築。一。縱。貫。鐵。路。由。埃。及。渡。海。至。阿。拉。比。亞。西。端。由。波。斯。以。入。印。度。經。過。西。藏。更。由。吾。川。滇。以。下。揚。子。江。夫。二。十。年。前。英。人。本。欲。伸。長。緬。甸。鐵。路。由。滇。以。貫。雲。揚。子。江。其。工。事。既。已。著。手。故。當。時。有。仰。光。當。爲。第。二。上。海。之。豫。言。然。終。阻。於。輿。論。以。至。今。日。今。聞。藏。英。和。議。又。已。成。英。兵。已。佔。藏。兵。營。壘。殆。將。驅。兵。直。入。拉。薩。然。則。英。人。所。謂。不。侵。西。藏。土。地。僅。爲。懲。創。藏。人。藐。視。起。見。者。真。所。謂。玩。吾。政。府。於。股。掌。之。上。也。

### 巴拿馬新設苛例

巴。國。自。獨。立。後。亦。定。行。苛。例。以。禁。入。境。華。人。由。甲。辰。二。月。二。十。五。日。起。凡。我。華。人。不。准。入。埠。如。輪。船。載。一。華。客。來。罰。船。主。金。銀。二。百。元。限。八。日。內。載。回。出。境。否。則。加。罰。五。百。元。凡。已。寓。埠。之。華。人。一。律。須。服。西。式。行。西。例。有。生。產。業。者。准。其。居。留。如。閒。游。無。業。者。即。須。離。埠。吁。巴。國。區。區。一。小。國。耳。尙。設。苛。例。以。禁。我。逐。我。地。球。之。大。將。來。尙。有。吾。民。容。足。之。地。乎。我。國。民。其。亦。當。知。所。以。自。立。矣。

時 評



三十八

六月



## 內務

改良地方董事議 錄六月二十三日時報

政府之治地方。責成於州縣。州縣之治地方。假手於紳董。是紳董者。介乎官與民之間。所以溝通地方之羣情。鞏固地方之團體。不失爲地方政治上之一機關者也。吾雖不敢藐視今日之紳董。爲一筆抹煞之言。無如熟察所爲。以言通羣情。則未也。而濫用權利者。則有之。以言鞏團體。則未也。而魚肉同胞者。則有之。其上者。亦祇潔身自好。於地方利病。視之若秦越人之肥瘠。然則今日吾中國。所以不能舉地方自治之實者。豈吾民果不適于自治哉。亦患在所謂紳董者。無以提倡之。喚醒之。而反把持之。遏抑之耳。是故無欲改良地方。則已。如欲改良地方。今雖未能組織一完全機關。以要求治權。夫亦當就今所謂紳董者。改良其任事之法。公溥其行政之權。庶幾有萬一之得乎。爰議四例如左。

甲創設地方公議所。此改良地方之第一問題也。近世地方。各業非無會館公所。有事非無集議。但團體不固。秩序不整。且與議者。祇少數之紳耆。而未得地方多數人之許可。故捐務沮格。百事因循。其下者。藉公事爲利藪。其上者。觸手荆棘。幾至灰心。積弊叢深。似難驟返。

爲今之計。莫若擇地方之中心創設一地方公議所。關係地方大事則入而議之。各業有事。仍議於各業之會館公所。而所尤當注意者。一、設所之區。大約每府設一總所。每縣設一分所。互相交通。而皆與地方官直接鄉鎮。由此類推。二、集議之法。嘗見近世議事。聚不規則之人於一室。喧擾移時。而於事仍不得其要領。今宜於議事堂上。設一低臺。爲代表者。在上提議之所。復多設有靠長机。以向此臺。令參議者。就坐。議時。無得喧譁。俟一人說畢。贊成者舉手爲號。反對者起立駁詰。整齊嚴肅。以養成國民政治上之實驗。三、參議之人。國民自治之力不完。驟予以參議特權。非放棄。卽濫用。爲內地計。宜先設一限制。凡入席參議者。一、認捐之商人及富戶。二、地方之紳士。既有功名者而言。俟國民程度稍進。漸次增入農工。以資開化。不得涉及無行游民。以免滋事。果行此策。又有二善。一、成事易。事既經多數之決議。則盡人知其當行。而無旁觀野言之掣肘。二、集捐易。捐務之所以不興者。以地方出錢。董事經辦。而不知其費之果實惠否也。今既公聽並觀。凡事先設一豫算表。應費若干。或不足。或全無。申明其原理。鼓舞其熱心。則卽席便可簽寫。猶不足始出外勸募。人當共諒。事後再作一決算表。排印分送。無少隱漏。以地方之錢。辦地方之事。而無分毫之沾潤。如此而猶捐務不興者。吾不信也。

乙董事必由公舉。今地方之能爲董事者三。一曰科名。二曰殷富。三曰年齒。有一於此。而董事之資格以成。否則雖有良法美意。苦於不能上通。無權以行此政策。而三者之外。又有一曰世襲。此四者。輾轉傳授。壟斷其職。地方之蒙其害者。不敢倡反對之議。而地方因之腐敗。今宜仿普通選舉之法。董事凡若干年一任。屆期召集。有參議權者。開公議所。共同投票。以占多數者爲決。被舉者不得推辭。連舉者仍得連任。或在任事之年。妨害公益。阻撓文明。查有確實證據。可開公議所。由地方公同辭退。另舉他人接任。

丙董事各專責任。地方之有董事。我國成爲通例。但各顧私利。不謀公益。嫉忌鑽營。醜態名狀。今宜著爲定則。一。城有總董。各地有分董。各業有業董。而總董之下。又設會計書記二人。以治其繁劇。官長有關係地方事宜。或改良。或創設。則下之於總董。總董下之於分董。業董。開公議所。憑多數人決議。以定可否。而復之官長。地方欲辦一事。則決議而上之官長。其有公事浩大。職務殷繁。可再舉司月小董。庶事權不分。而責任畢舉。

丁董事必定薪水。今之詬厲董事者。爲其蠹蝕公款也。夫公款誠不可蠹蝕。然使該董家况清寒。勢不能枵腹從公。而公事羈身。又不能別營業以資事畜。逮責其廉。無乃不諒。法宜量事之繁簡。任之輕重。明定薪水。按月於公款內提送。俾董事受之無愧。其有富而好禮者。

自願捐廉。則於每年決算表內。列入某君捐俸若干。以昭德義。

難者曰。今日舉辦公事。動言經費支絀。安所得餘費而爲董事之薪水乎。且董事受此薪水。保母啓外人之訾議乎。曰。是不然。事大則薪水大。事小則薪水小。規事體以報酬於經費。尙不至大困。夫薪水有限。而蠹蝕無窮。以有限之薪水。杜無窮之蠹蝕。苟非大無恥者。當不至妨公益以牟私利矣。且任事得人。薪水直代價耳。何足惜哉。

準此以行。雖於地方自治制度。尙未影響。而學校警察衛生慈善農工商各實業。凡地方所當爲者。皆可次第舉辦。實力振興。井然而不亂。淳然而莫禦。而又合人情。宜土俗。三年有效。期以十年。一省有效。推之各省。躋我國於文明。俾斯世共享文明之福。庶瓜分豆剖。挽回殘局之棋。樂美陵歎。獨立中華之職。此吾之奢望也。

難者又曰。地方之事。官長自有權衡。何用此紛紛爲。曰。吾非謂官長之不能舉事也。祇以官長者耳目有所不及。習慣有所不同。甫始下車。猝難就理。而董事者熟悉地方之利弊。以保護其地方者也。豈越俎以攘官長之權乎。且官長遇此地方。三載考績。卓著成功。分簿書。鞅掌之勞。收保障繭絲之效。不其快歟。若夫爲董事者。興公利。謀公益。羣情通而團體固。以立祖國文明之基礎。巍巍榮譽。傳之無窮。亦何憚而不爲哉。

論近政 錄五月口口日中外日報

近者。朝廷政治。頗有清明之象。計兩月以來。迭降諭旨數道。五月初八日。奉旨限制宮內用款。裁併內務府冗員。所以整頓財政也。同日又奉旨開黨禁。釋罪員。所以弭新舊之爭而示朝廷實有維新之意也。十四日奉旨令各省督撫。年終臚列各州縣事實。奏交政務處查核。請旨勸懲。并刊入官報。所以通上下之情而除壅蔽之習也。二十七日。又奉旨裁撤粵海淮安兩關監督。及江甯織造。所以恤商艱而節糜費也。同日又奉旨本年萬壽。停止筵宴。并禁進奉。禁祝嘏。所以示深宮之體念時艱。克自抑畏也。月之初二日。又令各省督撫。將各屬錢漕實收之數。造冊報部。刊入官報。所以杜官吏之培克而免小民受無形之剝削也。此數者。皆近年特論之士。所朝夕責難於君上。禱祀以求而不獲者也。今一旦竟採取輿論。見諸施行。不可謂非朝廷勵精圖治之一証矣。惟令各省督撫。將各屬錢漕實收之數。造冊報部。刊入官報。似於正本清源之義。尙有未合。蓋爲治之道。貴於去弊以興利。而弊之積久而不可驟拔者。尤當卽其弊之所在。深究其致弊之故。以求夫去弊之法。乃有可下手之處。而收廓清之效。斷非空言所能濟事也。中國錢漕二者。其弊固足以復加。然其致弊之故。則大約不越兩端。一由州縣一人之身。責任太繁。既課以錢穀。復

以刑名。既任以文教。復督以防守。今日之州縣。實與古之諸侯無異。權力既無所限制。精神復有所難周。則官與吏之間。自不免交相謀利。無所顧忌。二由於廉俸太薄。支用太巨。若不取盈於錢漕。則惟有藉案婪贓。借端苛罰之一策。然此等事。究非人人能爲之。亦非時時可爲之。且近來法網雖太寬。貪吏幾於滿天下。而究之紳民之訐告。上司之參奏。御史之彈劾。皆爲不能免之事。則猶不如從錢漕設法。尙爲公共之弊政。其取之於民也。積少成多。而民不以爲嫌。其歸之於官也。除實係充作公用外。餘以入己。而人莫之過問。雖於大法小廉之義。截然相反。而觀於現今之官場。則實有不得不如是者矣。故必明乎其致弊之故。而後救弊之法。乃可得而言也。今朝旨不究其端。不詢其末。僅僅責以據實開列。簡明表冊。刊人官報。則其將來之效驗。不過二端。一各州縣奉文之後。若竟據實開列。實爲必無之事。即令迫於公令森嚴。不敢不和盤托出。然如是則人人皆犯法之人。人人所爲之事。皆犯法之事。必將盡天下之州縣。而置諸憲典。而曹署爲空矣。國家安有此辦法。若竟任其嚮壁虛造。名實不相符。則不過令州縣各官。多耗若干造冊之經費。及令司道督撫部院各衙門。多積數百或千餘分。無用之冊籍而已。復何實益之有。論者必謂既經刊入官報。則衆目共覩。州縣宜不敢有所隱匿。則請以三端答之。一此項冊籍。計合天下州縣。共有一千五百餘缺。

即當有一千五百餘分。不知國家所辦之官報。何時始能登畢。即使官報。剋期登載。而天下之人。豈暇一一購閱官報。一一考究其虛實。則其無益者一也。即令官報刊登後。人人從而購閱。而州縣所報之虛實。盡人能知矣。然州縣浮收之數。往往就全境言之。則覺其多。就一人言之。則覺其少。則孰肯以少數之虧損。起而與官爲難。而耗無限制之訟費。以投身於不測之地。則其無益者又一也。即令地方紳士。確有力顧大局之人。能持官之短長。起而與之爭執。然州縣既能蒙蔽於前。豈不能敷衍於後。又官之勢聚。聚則利害相同。必互相回護。紳民之勢散。散則一人起意。他人未必附和。則仍無濟於事。且反得多事之名。則其無益者又一也。是則責成州縣。將錢漕入數。開列表冊。其不能有明效大驗。固可知矣。嗚呼。居今日而言整頓官制。殆非明定憲法。將州縣所司之事。分數人任之。以釐定其權限。而專其責成。而又厚其廉俸。增其公費。不爲功矣。

### 各省內務彙誌

京師 各部院交議覆奏及各項具奏事宜摺件。向皆繕寫漢字。惟帶領引。見各員摺件。皆用滿漢合璧。現在吏部堂官因繕寫清字殊多遲誤。當此改革興政之際。無拘舊制。辦理以故。將清字摺件。裁撤兵部。長大司馬等諭令。司員亦仿此。吏部現因各科房繁雜。多張大案。宰認真查察。將科房一律裁撤。署中辦事之人。即以額外各司員。

補 兵部衙署擬添設駁輪處機密處以爲會議練兵事宜惟該處房宇無多擬將該部督催所積俸廳兩處可堂改爲駁輪處機密處其餘處所另覓商人修葺房屋數椽已於五月十八日開工

直隸 順天府向有緝捕兵五營計一千五百餘名分隸治中四路廳所管地方聽用自庚子亂後經陳大京兆裁去十分之三改名順天府巡警軍現以不敷緝捕又添練馬隊二百名分隸各屬聞已招練成軍駐紮德勝門外官廂地面

黑龍江 黑龍江省薩將軍赴京陸見遺缺由程雪樓都護德全署理

江西 新城縣地處偏隅界連閩省雖已設有極高司同安司巡檢二缺而該縣熊村及德勝門皆距城四五十里不等且爲通福建邵武泰武大路使無官司駐防實不足以安行旅而衛居民現經夏大令察悉情形擬自每年九月起令縣丞移駐熊村兼管德勝門一帶地方責令就近巡緝稽查次年二月仍回縣城歲以爲常已詳奉省憲批准照辦

福建 閩省候補佐貳有千餘人各屬差缺不敷調劑閩督李制軍思設法疏通之以各縣門籤稿案等事向曾家丁充當現擬擬以佐貳等職易之名爲委員大縣例定四員小縣例定二員其員由各縣自行保舉開呈藩司由藩司札委如各委員有舞弊不自愛者則由該管知府撤差聞章程已擬定不日舉行合計全省約可安插三百餘名云

湖南 湘撫趙中丞以婦女纏足一事雖已奉 諭札勸然未能一律實施特印簡明章程通諭各屬略謂再不遵示改放即嚴定罰章以期盡改而後止云

廣西 桂撫柯中丞初奏定均缺章程嗣以通省各缺情形不同遂又飭司道復行核議現酌定將府廳州縣各缺分爲上中下三等上等之缺酌提銀兩歸公運向來應解公費併解中等之缺出入相抵免提免加下等若缺均給津貼凡委署缺者之缺者另加給川資費數百金以示體卹不日即札飭通行遵辦矣



各國內務彙誌

韓國 韓國素信神巫術士宮廷中有疑慮真決之事雖關係政治者亦由若輩判斷其進止弊莫甚焉今韓廷更定國是與革一切此等神巫術士已由宮內省大臣禁止入宮以祛散習

暹羅 暹羅人與法人商議將聘一法國人爲法律顧問官法人將以駐暹領事潘道開當此職

英國 倫敦電五月十四日下議院之聯合黨來議者較前更多所議領照之事以爲非者祇有三十八人政府黨人約有一百人

法國 倫敦路透電法國議院已將在陸軍執役兩年之章程批准然者五百七十七人非者四十三人

美國 倫敦電聖路易城之民政黨舉判審官拍加爲候選總統舉有名律師透那爲候選副總統

墨西哥 此次墨西哥仍以剖非里司大由司爲總統以免國中一切有所更動

巴拿馬 巴拿馬新立憲法其所謂共和國之國民者必如下列之三種資格一 生於共和國境內者及將來所生者二 巴拿馬人在外國所生之子女而復歸於本國者三 外國人在本國境內居住十年以上有一定之被藝職業或有恒產者許其入籍者既婚而定居者六年即許入籍又其妻爲巴拿馬人者三年即許入籍又凡前此哥倫比亞國人於共和國新政府之建立有助力者隨時許入籍其政治機關則立法權在議院議院採一院之制無上下議院之分也凡公民二十一歲以上皆得舉爲議員四年一任行政權在大總統得任免國務大臣但總統之命令行爲非經國務大臣贊成則無其効總統任期亦四年與議員同時更迭

蝶 六 錦 蘇 雜 芳 裏

---

內  
游



手

六

## 軍事

改兵制私議 錄五月二十六日時報

中國自甲午一役。集全國兵力於一隅之地。而不戰自潰。失地喪師。其失敗之狀況。有出乎敵軍意想之外者。自此東西各國知中國兵力之一無足用。而乃各張其借地駐兵通商保致種種勢力之範圍。其要求之目的。不顧邦交。不畏清議。而吾國宰執大臣。第畫諾坐嘯於其間。而曾無一人焉。敢持公法以與列強爭回國際上一毫之權利。是豈吾國上下之全無心肝哉。曰。惟自知兵力之不足用。而懼無術以持其後耳。未幾再逢庚子之亂。其結果乃使列強干涉吾刑賞黜陟之大柄。甚至教育財政鐵路商工及一切權利。俱爲列強所明取。所暗奪。羣雄洶洶。諸臣唯唯。賠款之巨。積本利幾至千兆。眈眈列強。乃無不遂其大欲以去。自是以後。而吾國政治界上。突現一變相。乃產出兩派。特別性質之人物。一曰聯俄黨。一曰聯日黨。聯俄者。求俄之保護。聯日者。依日爲奧援。而轉視兵事之組織。爲無關輕重之事。乃至以俄人不肯撤滿洲戍兵之問題。釀成日俄今日戰爭之烈劇。今者俄軍屢次失敗。海陸軍。恢復之望。日本又將於黃海上收第二次戰勝之結果。而爲東洋史上增黃種無量之。

而世之有國家觀念者乃莫不兢兢焉憂兩國勝負決定之日即吾國極大困難問題發見之日蓋其時列強均勢之局既變其不免於橫決衝突乃趨勢之所必至也吾知十八行省之地隨在皆可為滿洲之續而二十世紀之初葉殆即列強破碎中國之一大紀念日也況今日中國之可患不徒在外侮而尤在內亂觀前日駐京日使向政府陳說請中國嚴守中立並防備各內地亂民釀禍再演成第二滿洲之事云云可謂知吾國之內情矣嗚呼處此萬難之局與其坐以待斃無寧姑為萬一之計夫聖人者固知其不可為而為之者也計將奈何曰舍厚集兵力殆無可以自存之理竊擬簡例大別如左

統籌軍國會議  
軍當訓諭之

一劃分南北兩軍 擬創立南北兩大軍團南軍團以湖北為集合區北軍團以直隸為集合區

此軍團指漢  
數省而成者

夫武昌之地西南承川滇委輸之利西接關隴東挽揚子江之下游北聯河洛燕冀一旦鐵路四通挽輸便利縮萬里於咫尺引胡越為比鄰轉饜徵兵朝發夕至其為中區必爭之地殆為世界有識者所公認直隸王畿之地非厚集兵力尤不足以拱衛神京其形勢利便右腋太行左接遼右北通朔漠東傳渤海王船山云中區之地四戰用文河山用武瀟陽上谷古稱險要固天所以資英雄用武之地也

二練兵之額及其義務 擬各直省歸總督支配者練兵三萬名歸巡撫支配者練兵二萬

五千名。此等兵對於國家應盡之義務有二。一保護地方。平和之秩序。二防禦國際交涉之破壞。保護地方之任。各省自為節制。不受他省遷調。防禦國際之任。應由南北兩軍團隨時酌調。以資贊助。

三兩軍團之所統轄。擬分江蘇安徽江西浙閩湘黔兩廣川滇十一省隸南軍團。山東山西河南陝甘東三省八省隸北軍團。新疆伊犁僻處西陲。與雄俄逼處現邊。防告急。當自成軍。以厚兵力。不歸軍團調遣。

四內部之組織。擬歸總督支配之兵士三萬名。內步軍一萬五千名。馬軍五千名。工程輕重隊五千名。軍士在內此為常備兵。另豫備兵五千名。歸巡撫支配之二萬五千名。內步軍一

萬二千五百名。馬軍四千名。工程輜重隊四千名。軍士在內此為常備兵。另豫備兵四千五百

名。其組織之法。現欲合全國統歸一律。恐急切有所不能。莫如各省先改為一律操練。俟其成軍。再分為隸南軍團者。為一律隸北軍團者。為一律。其訓練之法。中國向師德國。近復取法日本。今宜就其已經訓練有成效者。各就其性質之所近。而精研之。大約不出兩國成法

之外。按豫備兵可分遷去軍團較遠之省如滇黔之於南軍團。陝甘之於北軍團是也。

五籌餉之法。王船山曰。中區之產。八穀不與賦於司農。其旁溢橫射。走天下全利者。釐政

上。其他言鹽政者。多左就場徵稅。化官爲私之說。竊謂集多數賢智之計畫。均出於一途。其效果必有可觀。近湯壽潛氏亦有整中國財政。即鹽務一端而已足等語。則更有操券之權。應請統計兩淮鹽引常年輸入之的數。造立清冊。俟改行新法後。一年再較其增進之率。如果蔚爲大宗。卽詔下各省均以兩淮爲準。則其較常年增進之率。悉數歸入練兵費用項下。此無煩司農之籌畫。而可以措辦者。亦何憚而久不爲哉。況且如張謇氏之振興實業。黃思永氏之究心製造。皆能實力振起商務之衰憊。挽回權利之外溢。識時俊傑。隨在多有。但須朝廷急下獎勵之詔。聽其自爲。不出五年。必歲增多數母財。而金銀之流。出外洋者。自日少。然後籌各省之餉。養各省之兵。度無不舉之事。以視乎籌各省之餉。養一方之兵。而民不信。及開各項實官捐輸之下策者。其相去之數。豈不遠哉。近日直督奏請各直省籌解練兵的費。聞已集有二百餘萬之數。第此項之款。臨時湊措。究非持久之策。

六軍械。兵法云。軍械不利。以士與敵。中日之戰。吾北洋軍裝子藥與槍砲口徑鑿柄。致演放不能奏效。而兵士之濫擲生命者。以萬數。後論者謂係合肥所親某任北洋製造局事。購某國廢槍數萬枝之故。今後若不嚴加甄別。則不肖官吏。希圖中飽。必仍有天良漸滅。仍蹈故轍之弊。謂宜各省軍裝。均須一式。一如訓練之法。嗣再南北各歸一式。頃聞鄂督張尙書

江督魏制軍已聯銜奏請改用一律槍砲。不日將見諸實行矣。

七罷不急之需以厚軍餉。東西各國兵餉之少。無如我中國者。以月給三四金之養膳。而

欲人効死力於疆場。此必不可得之數也。近聞俄國兵餉之薄。亦略如我國。其豫備兵月餉

不過三四羅卜。故其臨戰時不肯効命。亦畧與中國等。據吾國最近錄管戰餉三月分所領

二除去折耗實得銀二兩零今宜罷一切不急之費。如河工者一無用之官可裁數而加軍

士之餉糈。約平時足色銀六兩一名。臨事加倍。營哨弁統領均優給薪金。其奮勇前敵者。尤

予以破格之賞。如此則一旦有事。望敵先潰之恥。吾知其免矣。

八軍士宜待以特別之優異。泰西各國以軍士為保護一國生命財產之要素。故國民於

投身軍事界上之人。輒加以特別之寵異。視為其國之第一等人物。試取各國軍事史讀之

其種種重視軍國民之性質。析分極繁視吾國歷史所稱將帥與士卒共甘苦及溫語慰憐

煖如挾纊之說。蓋蔑如也。今則並此亦非士卒所能夢見。而營哨弁及統領之驅役士卒。往

往極以窘辱不堪之事。如迎送大員伺候上賓此輩相安既久。亦遂習為輒媚而奴隸之根

性亦愈演而愈深。此臨陣逃亡之員弁不戰先潰之士卒。所以數見而不鮮也。謂宜自今而

後。別立軍籍。以待行伍之士。凡占軍籍者。官吏不得凌辱之。其家屬之留居本籍者。地方官

宜。時。加。保。護。遇。有。訟。事。宜。施。以。公。正。之。裁。判。令。齊。民。不。得。與。軍。籍。同。列。其。實。格。與。學。生。其。有。界。並。立。同。等。死。於。王。事。者。身。後。一。切。從。優。撫。卹。投。身。軍。士。年。齡。自。二。十。歲。至。四。十。歲。爲。止。軍。士。回。籍。力。田。者。終。身。免。其。租。賦。貧。無。力。者。官。與。民。有。分。任。供。給。其。衣。食。之。責。如。此。則。人。人。以。効。命。疆。場。爲。莫。大。之。榮。寵。十。年。之。後。將。蔚。然。自。成。東。方。一。大。強。國。誰。曰。不。然。

總。此。八。畧。軍。事。大。旨。盡。於。此。矣。然。有。一。要。義。不。能。實。行。則。前。八。畧。可。以。盡。廢。卽。不。授。南。北。兩。軍。團。督。師。大。臣。以。特。別。專。主。之。權。是。也。考。昔。自。春。秋。及。於。戰。國。之。世。中。國。自。相。戰。爭。而。燕。趙。獨。以。二。國。之。力。控。制。北。陲。秦。人。外。應。關。東。而。以。餘。力。獨。捍。西。圉。東。不。貸。力。於。齊。南。不。藉。援。於。韓。魏。江。淮。以。南。竟。不。聞。朔。漠。之。有。天。驕。何。則。以。無。所。牽。制。而。各。自。爲。守。之。得。計。也。及。秦。并。六。國。以。天。下。之。力。捍。胡。而。匈。奴。方。大。漢。初。竭。力。而。莫。之。能。禦。及。觀。魏。尙。之。於。雲。中。李。廣。之。於。隴。西。卒。能。以。一。郡。之。地。捍。匈。奴。之。名。王。者。事。權。重。而。戰。守。專。也。語。曰。天。子。有。道。守。在。四。夷。言。四。裔。之。邊。臣。各。自。爲。守。而。不。待。天。子。自。守。之。也。必。若。師。內。重。外。輕。之。策。令。一。國。大。軍。之。動。止。悉。受。節。制。於。樞。臣。事。已。迫。則。奔。走。將。帥。以。戰。非。所。習。之。方。難。未。形。則。唯。恐。將。帥。之。倚。兵。而。侵。上。也。則。土。崩。之。勢。旣。成。瓦。解。之。形。立。至。而。列。強。之。環。伺。於。吾。側。者。坐。收。莫。大。之。利。如。俯。拾。辭。樹。之。落。實。則。信。乎。吾。民。族。之。前。途。真。有。一。落。千。丈。之。勢。墮。萬。劫。而。不。復。者。矣。



論以哈爾濱比莫斯科之悞 錄六月初五日中外日報

自日俄戰事之起。以至今日。俄兵之敗屢矣。一戰而海權已失。於是有守而無攻。其陸軍既不能進薄高麗。亦不能力救旅順。不得已而歛兵堅持。乃有在哈爾濱爲最後之決戰。一說且以從前拿破崙一世。困於莫斯科之事爲比。謂日本之兵。若深入至哈爾濱。則必與拿破崙一世之深入莫斯科相同。而進退受阨云云。俄人旣自爲此言。他國之報。又每從而播之。而中國人之注意戰事者。習聞此論。亦往往爲日本危。雖然。以事勢衡之。則此次之用兵。有斷不可與莫斯科之役同年。而語者使日本之兵不至哈爾濱。則亦已耳。若已至於此。而猶將受困於俄。如拿破崙一世之例。則固可決其不然也。今以淺顯易知之情迹證之。則其不同之端。蓋有五事焉。拿破崙一世。侵入墨斯科。俄人盡棄城中所有而去。而拿破崙不知其秘計所在。遂至枯守空城。久而自困。此其失之疏也。今則前車之覆。已爲世人之所熟聞。日本與俄構兵。豈有不戒於此。而猶蹈其故轍者。況俄人注重哈爾濱之意。早爲日人之所窺見。故日人亦自謂此次戰事。當以哈爾濱爲盡境。使一日兵臨其地。則所以備之者。當無不周。諒不爲其所始。此其一也。拿破崙之得佔莫斯科。雖由其軍容之盛。然當日俄人固亦有意退讓。而後徐爲布置。以逞其密謀。今則俄人節節敗潰。日人節節前進。使日軍果至哈爾

賓。其地已。置。為。兵。力。之。所。佔。據。而。俄。人。猶。欲。如。疊。日。之。所。為。以。圖。誘。敵。而。殲。之。恐。亦。有。所。不。可。此。其。二。也。東。三。省。之。地。雖。已。在。俄。人。權。力。之。下。然。終。未。列。於。俄。國。之。版。圖。且。俄。之。經。營。內。地。為。時。尚。暫。亦。未。必。事。事。戒。備。今。者。中。國。之。於。此。土。猶。置。守。吏。猶。有。民。人。而。俄。人。遽。以。比。於。其。國。之。舊。都。仍。欲。收。堅。壁。清。野。之。效。以。焚。其。積。貯。而。藏。其。兵。甲。恐。亦。有。所。難。行。此。其。三。也。法。國。之。兵。不。耐。俄。地。之。寒。又。不。能。忍。受。一。切。之。苦。况。故。拿。破。崙。一。世。坐。守。莫。斯。科。既。久。士。卒。怨。困。不。得。不。早。退。其。師。而。日。本。兵。之。氣。質。受。苦。耐。寒。皆。其。夙。習。久。為。世。論。所。許。俄。人。即。使。出。其。故。技。盡。棄。所。有。之。服。食。等。物。亦。不。足。為。日。兵。之。患。此。其。四。也。至。如。拿。破。崙。一。世。在。莫。斯。科。所。以。速。返。者。雖。以。空。城。無。可。憑。藉。之。故。亦。由。列。國。交。乘。其。後。以。牽。率。之。此。事。迹。之。顯。著。者。也。而。日。本。今。日。之。外。交。頗。稱。靜。謐。於。列。國。未。嘗。有。所。違。言。求。如。往。者。英。奧。諸。國。之。伺。法。而。使。拿。皇。返。顧。者。要。亦。必。無。之。事。此。其。五。也。此。五。者。皆。無。待。於。深。識。遠。算。而。比。絜。可。知。至。於。近。代。之。用。兵。又。有。與。百。年。以。前。略。異。者。蓋。自。英。人。平。蘇。丹。之。亂。每。據。一。地。即。先。築。鐵。路。一。段。以。便。轉。運。且。留。為。退。步。故。雖。深。入。重。地。終。不。至。為。敵。所。乘。其。後。特。蘭。斯。哇。爾。之。役。亦。必。按。節。進。取。佔。一。地。即。守。一。地。先。使。其。地。整。理。完。密。四。方。皆。不。至。受。侵。然。後。再。攻。他。處。其。持。重。有。如。此。者。庚。子。之。役。聯。軍。既。破。天。津。城。而。必。過。三。星。期。之。後。始。再。出。兵。亦。此。意。也。觀。日。本。此。次。用。兵。之。方。

略其持久之策。戒慎之心亦正。有合於此。故日本之兵。若能抵哈爾賓。則必已預保其後路。而廓清其四圍。無可疑者。乃俄人猶望其以深入致困。非所謂膠柱鼓瑟之論乎。蓋必以莫斯科之事例。今日而不思戰略之已殊者。亦猶以去歲之曆本推之於明歲而已。夫俄人之爲此說也。所以定民氣。振軍心。保其龐大之聲名。固其外交之地位。無論其事之可行與否。而所以布此言者。固別有所用意。不必專在兵事也。聞者不察。篤信其言。以代日本憂。則又墮其術中矣。

兵部奏酌定考驗水陸營員畫一章程摺

竊查綠營應行引見人員於赴部時先行考驗。凡係陸路者由臣部隨時考驗馬步箭。係水師者于二五八十一月等月奏請。欽派御前侍衛乾清門侍衛一二員會同臣部考驗槍砲。原以一係弓馬一係槍砲。辦法應有區別。自上年變通舊制。因馬步箭習非所用。奏明陸路人員赴部由部一律改試槍砲。同一槍砲陸路則專由臣部考驗。水師則由侍衛會同臣部考驗。已覺未能畫一。且陸路之免騎射者亦附入水師考驗。是同一陸路而辦理。又復兩歧。再查水師人員陸續到部。每年只考驗四次。本擬加月奏派綠營章程。究屬歧異。迄未定議。舉行各員在京久候。固無以示體恤。各省員缺久懸。亦無以重營伍。同一演放之地。

方同一考試之槍砲同一赴引之人員陸路則隨時赴試水師則彌月稽留辦法既難免參差迭奏又鄰于繁瀆擬請嗣後無論水師陸路赴部人員均由臣部隨時考驗毋庸奏請欽派亦不必拘定月分以歸簡易而昭畫一至各旗砲位無存前經奏明暫行考驗槍枝俟砲位備齊再行照章辦理謹 奏

○兩江總督魏江蘇巡撫恩曾奏妥籌淞滬地方情形併營添勇摺

竊查淞滬一帶地方臨江濱海爲蘇浙之門戶據長江之尾閭黃浦橫亘其中形勢甚爲扼要浦西上海開埠後華洋商賈輻輳浦東教堂林立商棧日增中外均極注重所謂以一隅之地而攸關大局也近年以來各省裁兵節餉游勇潛行來滬匿跡浦東勾結地棍鹽梟分立幫目販私聚賭擾害閭閻迭經臣等檄飭各該文武不分畛域嚴拿懲辦各在案嗣因匪目林得勝即凌得昇悔罪投誠奏蒙 天恩允准已飭總兵孫金彪妥爲約束諭令呈繳船械立功自贖正在辦理得手而金山縣復有土客交闕之案當經該縣會營勦捕擒斬數人匪風已戢臣等熟思審處該處情形既如此之重要而梟匪滋擾迄難盡絕根株若不添駐勇營妥籌佈置萬一匪徒伺隙起事擾及租界教堂致成交涉重案外人藉口征兵深入腹地爲患何堪設想況吳淞海口僅有盛字准勇五營兵力本嫌單薄值此時事多艱何敢不

嚴爲之備尤應添駐大枝勁旅與吳淞防軍成犄角之勢方足以綏靖海疆臣等往復函商早慮及此祇以密邇商埠無故增兵深恐易啓人疑轉滋枝節今當防務喫緊彈壓保護較平日尤宜加嚴中外商民財產所繫嚙不願相安無事添勇駐守當不致再有異詞審度機宜誠有不容稍緩者初擬募足十營俾資厚集無如庫欸支絀餉費維艱不得不設法騰挪另行籌畫上海原駐有滬軍奇兵各一營益以蘇捕一營共計三營各該營平時防捕亦尙得力第分紮數處不相統屬未能聯絡一氣茲擬仿照湘軍營制再募兩營分成五營統以實心任事謀勇兼優之大員屯紮浦東認真訓練該處有此一軍兼顧吳淞後路號令專一聲勢相聯不特足以靖內奸未始不可彌外釁建威銷萌實於時局裨益非淺所需新增兩營餉項臣等已督同司局並函商浙江撫臣聶緝棻通力合籌關繫至大無論如何總當力任其難從速集事如蒙 恩准卽由臣等遴委統領飭令招募他處樸勇鄉民並將原有滬軍等營勇從嚴選剔汰弱留強一律補足精壯勤慎操防庶幾得收實效以副 聖主垂念南服保疆安民之至意謹 奏奉 硃批該部知道欽此

兩江總督魏飭籌防局考查礮位札

前據營務處夏道聲稱江陰黃山第一峯所設二百五十磅子砲位砲門漏火彈子出口翻

轉不定致難命中。施放五六出之後，則砲門滯澀不靈。各等病應將原砲撤去，而丁統領則謂并無前指各病棄之可惜。各等因當經諭令汪牧喬年、李令世由前往眼同演試。藉知究竟去後，茲據稟稱：於四月二十八日會同丁統領暨總臺官鄭綸如法演試。計放子彈兩出，空響四出，均無疵病。查該砲原定每出裝用栗色火藥二百鎊，屢經試演，所有彈子翻轉砲門滯澀不靈，均有其事。且彈子往往不能到靶，而彈籜散脫於砲膛之內。嗣經鄭總臺官揣係藥力過猛之故，每出改用栗色藥一百七十鎊，并仍用原製砲門鋼塞。復經試演，諸疵悉除。惟該礮每三分鐘始放一出，自屬遲緩。樹靶在二千碼以外，則準星爲礮筒所蔽，難於瞄准。容有疵病，第一峯爲江陰下遊首先扼敵之處，自應添設百鎊子快礮兩尊於該臺左右，以資得力。各等情據此。查礮位之設，原期精利而最要尤在命中。庶足以致遠攻堅。該礮既有瑕疵，卽同虛設。且間有前後數次演放，不過火之事。必如何始較靈速，必如何始能瞄准。亟應悉心根究，以資利用而免遺棄。至該臺左右添設百鎊子快礮兩尊，既昭周密，且可輔該礮力之所不逮。惟向位是否扼要，臺址是否敷用，位數是否相當，事關軍政，考核不厭精詳。札局遴委幹員，刻日前往會同統領臺官詳加考核。稟復核奪。

改營爲旗

湘撫趙中丞以湘省勇營制度名數皆非一律現將各軍改旗每旗以三百人爲額每營以一字冠首如向之親軍五旗改爲武字五旗建成破隊飛輪陸軍巡緝陸營改附忠字信字強字各旗餉項仍循舊制一無增損近已奏請施行矣

### 綠營緩裁

粵東綠營本擬六月起一律裁撤現聞岑制軍電飭暫緩其電文云前電飭裁綠營官兵自六月初一日起悉數裁撤現各營餉米數極絀料爲一時尙難查悉積欠餉米須設法支收自應飭各綠營暫時照舊巡防六月間毋庸裁撤俟部議到時查明積欠餉米實數再行核辦各州縣應募土勇亦暫緩成軍前飭查報解營餉米及武營二成緝捕經費仍遵札迅速查覆云

### 速練新兵

練兵處電知各省速將原有制兵未能盡裁者一律改練新操并將辦法電復

### 布置防邊

江督魏制軍以廣西降匪肆叛連波數城西省戒嚴湖南寶慶府屬城步縣相距甚近一日可至而湘防各軍旣不足特電飭駐紮清江統領常備左軍杜雲秋觀察速率數營協防湘省至清江一帶則以陳副將照亮前往駐防 伊鞏馬將軍以防務吃緊已選索倫精壯二千名并在各營汰弱留強編馬步礮隊共六十營分駐沿邊要害惟槍械礮彈甚缺電請北洋撥運過山快礮二十尊馬步槍五千桿配足子藥尅日運往

### 廣西軍事紀要

柳州 維容縣屬中渡墟一帶匪黨千餘四竄擾亂該縣着大令督帶兵練至深水村剿捕行至太平伏匪奔出兩路夾

攻傷勇丁多名勇練力戰斃匪數名始得衝圍而出匪黨直竄柳城境而去勇練收隊回時又聞附近山嶽各匪攻打龍平邨勇等聯合鄉團狂擊斃匪多名餘匪竄匿棉花峯終以匪多勇少未敢進追 降匪陸亞發等經統領祖太守繩武招降編爲紹字三營副奉粵督電調赴粵由潯撥遣定西兵輪載送定於五月十一日起程陸亞發等鑒於黃飛鳳及梁果周等殺降之禍深懼有變遂於初十夜起事十一日早四點鐘即將城門緊閉搶劫電局砍斷電線攻毀縣衙釋放監犯每犯一人授槍一桿獄中尙有官犯十餘人均被放出隨將縣令殺害柳城原有祖統領親軍衛隊二哨一紮於統領衙門一在某處該匪攻掠縣衙之後又往攻撲衛隊死亡枕籍僅有二十餘人逃出已而匪等出城轉攻定西兵輪斃常備軍二名傷一名柳城對河駐有綏遠軍坐視不救俄頃潰散是役劫去兵餉二十餘萬槍械無算迨各路援兵至匪已竄往他處救官梁材屬賊死統領祖繩武則以十四日晨自槍斃於柳州城外之衛潯並遣電岑帥自責云

南甯 分統廣西水師後軍兼帶中營余炳忠於四月二十九日率領巡船四艘車船六艘由南甯馳赴下游宜化永淳烏望河面堵截逸匪至五月初四日猝聞匪正宜匪股百餘人竄至貿然竄水勇入山搜勦被匪重圍水陸夾擊死輪長戴許二弁及勇十餘名並失槍枝號衣多件鄉團因引路死傷者亦有四十餘人幾至全軍覆沒同奉派往之常備軍左營管帶阮捷三得信馳救戰亦失利警報到邕無兵可調適督帶貴字營張得貴回城並濟字營勇由百色護送貨船抵此立刻抽派星夜奔援然匪股乘勝渡江已竄入賓州一帶矣 丁衡山軍門在十萬大山下將著匪陸正義及其黨二千餘人圍困軍門親督營勇日夜圍攻各營勇丁亦奮不顧身匪等不敢由岩洞逃去祇槍斃匪黨數十名勇等入洞搜捕已不見一匪遂收隊回甯路經石埭地方又與匪遇被匪傷斃營勇三名各營追擊匪黨即行竄去

藏英戰事紀要



四月十五夜有藏兵數隊由甘志噶臺出攻英營所發火槍甚猛同時噶臺亦發砲攻擊英營英軍防兵全隊出禦相持至三點鐘藏兵即收隊回噶臺其時英軍哥克斯兵埋伏在側殺藏兵六名英軍無損傷者 又四月十九夜藏兵意圖劫營有大隊藏兵由噶臺出圍英營擊以猛砲英軍防兵立時執槍迎敵繼奉嚴令若非藏兵衝突不得妄自發槍藏軍見英軍不動聲色大驚而亂悉將大隊退回英軍中印度兵遂發排槍以擊行近之藏兵藏兵即退死者四人印度兵一名亦為砲彈所傷 五月十五日倫敦露透電英國陸軍大將麥多尼爾統率援兵與藏兵在奈姆寺慶戰後已抵甘志噶臺役英軍陣亡五人傷六人 又十七日電麥多尼爾統領援軍於五月十五日攻襲藏軍噶臺激戰之下藏軍所失甚衆英軍小隊指揮官克萊斯他陣亡并傷英將兩員印兵五名 二十二日倫敦電英將庸呼斯明接見西藏議和使者於甘志噶其於五月二十二日將噶臺上兵離去藏使答之云此事須俟我國政府斟酌方能答覆 二十五日香港電藏人不允英人所請之款因之和議又復決裂英人進攻甘志噶臺兩軍相戰甚力卒為英軍所占藏人遂於噶臺後小山上再築噶臺以當英軍前進拉薩之路是役英軍死印度第三十二隊西克兵將革盾一人 又電英國宰相培爾福在下議院宣言云我英於西藏所行政策不少更變征藏之兵雖仍前進然若藏人前來議和則無論進兵至何處均可開議我英亦決不與前議有所改變惟來議和者必須授以全權 六月初四日香港電在藏英兵已前進至塔子地方並未阻止 初七日香港電英國議紳布羅德力克為西藏問題答言曰列強之所以不欲干預英國藏事者蓋以英國無意以西藏為附庸又不欲管理西藏內政也且英國之對西藏係隨藏民之情形而發然政府無論何時決不離其政策此事已於五月二十八日之公文內對俄國明白聲明矣

日俄戰事紀要

一

## 分水嶺戰

當四月二十五日日本第一軍攻佔岫岩大孤山上陸軍與有力焉自是以後此軍專向北進遂以五月十三日在岫岩西北之地名分水嶺者又與俄軍劇戰夫分水嶺爲析木城街道之隔門遠控遼陽近接海城俄軍本營藉以爲側面防禦地故其扼守也以三月之久築成堅壘復於正面布設鐵網植立鹿角汲汲經營不遺餘力然日軍鼓其猛厲之氣必欲奪據之以爲快遂分兵爲二縱隊進攻之淺田枝隊當俄軍正面錄田枝隊當俄軍右翼丸井枝隊則繞向俄軍右側而別以東條枝隊謹其後上午五鐘東條枝隊與俄步兵三大隊接戰勝負未決日落罷戰露營其地夜半復戰適克其陣地翼日午後俄兵來援冀奪還其所失陣地日軍復以砲攻之至七鐘半盡行擊退丸井枝隊於十三日夜先以分隊追俄軍之左而其主隊則於夜半三鐘繞行分水嶺抄攻俄軍之背且戰且進直趨三道溝淺田枝隊既當敵衝乃於十三日先擊退王家堡子附近之俄兵是夜布隊於分水嶺東麓之南終夜不撤羽晨五鐘發砲擊俄砲臺臺殊堅固不能拔且俄軍巧於應戰不虛發故日軍戰殊苦幸而錄田枝隊於十三日夜半以來繞道俄軍右翼攻逐分水嶺南定得山腹之俄步兵二中隊遂於十四日上午七鐘督率砲隊從側面協攻分水嶺復以步兵圍其側背淺田枝隊所派之翼谷聯隊亦於同時圍其左側經三面夾擊俄軍倉皇失措始不能應敵上午七鐘五十分砲聲遂寂越十分全隊潰走然猶藉其防材之固使日軍不得突進淺田枝隊肉薄奮擊復得工兵援助始破壞之遂於十一鐘佔據分水嶺山頂用猛烈砲火追擊俄軍俄軍乃焚其儲備倉庫向析木城一帶而退是役俄將校被捕者六人下士以下八十二人遺屍九十餘具尙有顛仆山谷中以死者未詳其數日軍除大庭少佐戰死外傷亡者約一百七十人考此次俄兵之數計步兵三聯隊十一大隊騎兵二聯隊步兵四中隊然卒爲日軍擊退而佔據其地則俄軍本營之防禦力已失其半雖不及南山

得利寺諸役受創之巨然其關係亦甚重矣

### 摩天嶺戰

摩天嶺當遼陽大道之衝其他諸要隘若鳳凰城若連山關既爲日本第一軍攻佔俄人計惟扼守此嶺以遏日軍北向之途無何大孤山上陸軍又據分水嶺於是第一軍乘勢進攻於五月十八日佔據之惟是俄人失之未嘗不思復得乃乘二十一日黎明大霧之際襲擊日軍前哨分隊哨長吉田少尉報知其本隊隨即退與聯合俄軍自北面山地進圍日軍吉田少尉即遣其大部於南面山地自率部卒五六人與之格鬪擊斃十餘人突圍而走前哨步隊聞砲疾至俄軍被隊已侵入日軍陣地於是兩軍鏖戰甚烈而日軍別一分隊自南山側擊俄軍俄軍有退志加以前哨主隊合力攻擊俄軍遂大敗而退馬場大佐親率部下乘勢追擊直至金家堡子而止是役也日軍死十五人傷四十人俄軍則棄尸三十具傷兵五十名於戰地而去及六月初五日俄軍又襲摩天嶺週圍之日本營地是時岡崎少將已集步兵聯隊先擊俄軍之第一大隊俄軍增其兵力數倍日軍圍攻其右翼卒以日軍抵抗甚勇俄軍不敵而退同時日軍之在小溝嶺者亦爲俄軍襲擊日軍前哨中隊殊力戰曹長以上多死傷及援兵至始將俄軍擊退其餘新開嶺楊子嶺附近日兵並爲俄軍襲擊皆擊退之此次俄將開拉所部之兵爲第三第六狙擊隊及步兵第九師團攻戰之餘死傷甚衆所失軍器亦甚多日軍之陣亡者大尉田村氏及兵四十二名負傷者少佐高松氏及兵二百二十五名

### 俄國防務

陸防類誌 五月十七日錦州電俄帥苦魯巴金命第三軍司令官斯他克爾堡派工兵隊於大石橋附近之王家店橋頭鐵嶺屯三處趕緊暫用礮臺各一座擬命營口及蓋平左近調回之礮兵守之以制日軍之進路 蓋州城南各村

軍 事

據俄步騎各兵約萬餘巨砲二十餘尊分布要隘防禦甚嚴 二十四日香港電俄帥苦魯巴金部下之兵近來逐日增添已將遼陽海城各要隘防守堅固云 又烟臺電俄人於旅順港添置機械水雷外又於老鐵山添築半永久砲臺兩座以鎮港門又土城子水師營口一帶之高地並設塹壕二十餘處又於其傍設立木椿張布鐵網以爲堅持扼守之計尤日留他處援軍之來 二十六日奉天函省城東西南三門外俄既築有濠壘兼設地雷近又於前面列置木柵以鐵條密網用資防禦 山海關函蓋州城南五十里許之馱載堡亦一要地也俄軍近於堡南沿河一帶駐紮步兵炮兵兩隊共約二千餘名携有大砲八尊安置北岸 又函駐紮鐵嶺俄軍已於該地南方十二里之毛山建築砲臺並於毛山西南七里之馬峯溝建設砲臺塹壕修防備 六月初七日錦州電前駐分水堡之俄軍已抵楊家店附近之高邱設炮嚴防並於其嶺設無線電報與俄帥苦魯巴金大營相接以偵探黑木大將軍隊之動靜 俄國在滿洲兵數茲列如左

第一軍團 軍團長士達奇比爾將軍

第一東部西伯利狙擊師團所屬者第一至第四聯隊 第二東部西伯利狙擊師團所屬者第五至第八聯隊 第六東部西伯利狙擊師團所屬者第二十一至二十四聯隊 砲兵東部西伯利砲兵十二中隊 騎兵第一騎志士哥薩克 海岸龍騎兵 烏蘇里哥薩克 工兵東部西伯利對濠兵第一大隊

第二軍團 軍團長薩士列將軍

第五東部西伯利狙擊師團所屬者第十七至第二十聯隊 第七東部西伯利狙擊師團所屬者第廿五至廿八聯隊 第八東部西伯利狙擊師團所屬者第廿九至三十二聯隊 砲兵東部西伯利砲兵十中隊 貝加爾湖東砲

兵一中隊 騎兵第一亞局士哥薩克 第二黑龍江哥薩克 工兵東部西伯利對濠兵第二大隊

第三軍團 軍團長士底些將軍

第三東部西伯利狙擊師團所屬者第九至十二聯隊 第四東部西伯利狙擊師團所屬者第十三至第十六聯隊

第九東部西伯利狙擊師團所屬者第三十三至三十六聯隊 砲兵東部西伯利砲兵十二中隊 騎兵湖東哥

薩克旅團 第一秦志士哥薩克 第一溫士克哥薩克 湖東騎砲兵一中隊 工兵東部西伯利對濠兵第三大

隊 第四軍團 軍團長撒爾巴夫將軍

第一西伯利豫備步兵師團所屬者第一至第四聯隊 第二西伯利豫備步兵師團所屬者第五至第八聯隊 第

三西伯利豫備步兵師團所屬者第九至第十二聯隊 砲兵西伯利豫備砲兵十二中隊 騎兵未定

國境守備兵

四旅團兵數二萬三千人砲數四十八門今增加三萬三千人砲數八十門

鐵路守備兵

南黑龍江旅團四大隊六千五百人 烏蘇里旅團二大隊三千五百人

獨立騎兵師團

一貝加東湖東哥薩克師團所屬者第二溫士克哥薩克第二亞局士哥薩克第二訥志士哥薩克第一秦志士哥薩

克及訥東哥薩克第三第四騎砲兵中隊 二西伯利哥薩克師團所屬者第四至第九哥薩克此師團尙未到滿洲

要塞砲兵

軍事

四大隊四千人

所屬未定之兵數

烏蘇里黑龍江及其他之哥薩克共十八中隊 俄國義勇兵團 高加索義勇旅團<sub>到未</sub> 湖東哥薩克一大隊

第三東哥薩克中隊 第十師團及第十七師團之步兵十六大隊及附屬砲兵六中隊 第一第九第十七東部西

伯利聯隊附屬機關砲兵三中隊 野戰重砲兵<sub>其數未詳</sub> 地方義勇兵及其他兵隊

右列兵數應有步兵二十二萬三千人騎兵三萬一千七百六十四人野砲四百九十六門機關砲三十門機關砲二十四門工兵四千人然第四軍團未到西伯利哥薩克師團未通過貝加爾湖及其他國境鐵路要塞守備兵均應除出不計實數不過步兵十二萬六千人騎兵一萬五千人野砲三百二十門機關砲二十門工兵四千人更將病兵及戰圖所損失者除出所餘實數約當有步兵十一萬三千四百人騎兵一萬三千五百人野砲三百門機關砲三十門機關砲三十門

旅順要塞砲臺實數登錄如左

其在海岸者則爲饅頭山老鐵山鞍子山椅子山黃金山靈嘯老虎尾鴉鴉嘴灣左右之二洋頭三洋頭雙島灣之直角大洋島 其在陸路者則爲老廟子之雙對峯西岡子盤龍山雞冠山二龍山虎洞山李屯胡屯水師營

以上各要塞所築砲臺大半成於一千九百零四年以前餘皆開戰時所增設各砲臺均裝有八寸口徑砲近俄人增築臨時砲臺多座皆仍就各塞之地而倍增其數以厚防護之力

轉運類誌 山海關函近來東清鐵路列車之南下者日皆搭載兵勇約二千名以及糧食軍需各品 五月二十四日

錦州電俄帥苦魯巴金調守海城之兵大都爲東西比利亞狙擊步兵師團其騎戰兵皆由西比利亞及貝加爾湖調來者所攜之砲共一百五十餘尊 又香港電俄皇業已頒發諭旨爾聖彼得堡莫斯科卡山克以夫科爾尼斯克等處各邑豫備兵以便調遣 二十六日錦州電自五月初旬起奉天哈爾濱兩處已派專車二十餘輛開至海城接運一切軍中應用要物往鞍山站內俟第二批車到再行運往奉天 二十七日倫敦電俄國義勇艦名斯莫倫斯克者現已經過波斯波魯斯海峽又義勇艦名彼得堡者現已駛入蘇彝士河滿裝煤炭前往遠東以接濟海參崴艦隊 六月初二日錦州電營口城內俄軍預備車五百餘輛牲口數百頭已將輜重之物裝於車上每車派兵四名押送向耿家店而去 初五日香港電英京消息謂俄京現已調集第五第六兩軍團派往遠東 初七日香港電據英京電傳消息謂俄皇決計欲圖恢復遠東海軍之威望已著波羅的海艦隊駛赴遠東以期與旅順海軍聯合現已租定大號商船二十艘分佈北海波羅的海以便沿途裝煤接濟軍艦之用又租大船四艘運載食物沿途接濟 又電據俄京消息謂俄京大本營接到俄帥苦魯巴金調取將校之電信已著於義勇隊內選步軍中佐以下之將校五十名騎兵大尉以下之將校五十名砲兵大尉以下之將校五十名工兵少尉及下士官八十名限於西七月杪起程

戰事雜記

五月初五日煙臺電旅順俄軍自失南山之後備就輕氣球十數具已由俄將司多塞爾督同將校演習純熟以便探察敵情 又錦州電俄帥苦魯巴金前奉俄皇諭旨率兵往救旅順半途託故退回遼陽所派之司他克堡大將又於瓦房溝爲日軍所敗故俄廷大失所望痛詆苦魯巴金傳旨申斥者三次 聖彼得堡信俄皇因用心太甚夜間不能安睡又屢見敗報煩惱特甚且國內革命黨勢極猖獗波蘭境內頗多謀叛者而新造巡洋艦兩艘有人欲謀炸燬因此俄皇

憂軍日甚 紐約信俄皇甚慮將官濠儀捏報不能得戰事真實消息故特電諭遠東總督阿力喀塞克夫陸軍總統若  
 魯巴金務將戰事消息無分勝負據實奏報 日俄兩國均向聖賽孟製鋼廠定購軍需品俄國所定者價約九百萬法  
 郎日本所定者約七百萬法郎云 初九日倫敦電海參威艦隊司令官司廓理羅夫電告俄皇聲稱艦隊已安抵海參  
 崴未失一人未受微傷云 十一日東京電日本政府現派陸軍大將大山巖為滿洲軍總司令官所遺參謀總長之任  
 以元帥陸軍大將山縣有朋補之又派男爵兒玉源太郎為滿洲軍參謀總長所遺參謀次長之任以陸軍中將長岡外  
 史補之 馮賊頭目劉彈子近率部下二千餘人出沒於吉林蜂蜜山子一帶時與俄軍衝突俄帥苦魯巴金患之嘗致  
 書切其投降且允優予爵祿末云如其不然即當遣兵討伐務使靡有孑遺悔之莫及云云 駐俄胡星使電咨外務部  
 云俄皇現命設一海軍學堂以亞力山大米公爵為會長俄儲君為會員會中目的專以擴張海軍講求海上戰術為宗  
 旨現已創辦開會矣 十五日東京電從軍日本皇族伏見宮親王現擢陸軍大將有棲川宮親王現擢海軍大將 日  
 本各政黨之代表者曾議創設戰時調查會以講求戰時財政戰後經營及對釋政策進步黨代表者大石正已倡議此  
 事關於國家全局宜由各政黨合創一民設調查會請政府亦參與其間以收官民一致之實辯論多時卒從其說決議  
 合上下兩議院議員有力之實業家及政府創設一規模宏大之調查會即由大石氏等告諸首相桂太郎以探政府意  
 見 二十三日倫敦透電俄國太平洋艦隊司令次長俄克特姆斯克親王本為海軍少將現由俄皇傳旨陞為中將  
 而充旅順司令官 日本艦隊阻止旅順敵艦得著奇功日皇特降電旨慰勞 俄國管理俘虜之規則由外務省特別  
 員起草茲錄其要如下一關於戰爭區域內拘留俘虜之條件二移俘虜于極中地點之方法並還于歐俄之規則三關  
 于俘虜拘留所之規例四俘虜之給養當與俄國軍隊同一給予糧食五俘虜所有物件當為之登錄收管六捕獲俘虜



之名簿當揭示于參謀本部其有死者當將其姓名由外務省轉告其親族七凡外國人從軍于日本而為我所捕獲者亦當由外務省通知其姓名

### 中國中立

董平縣祥大令因俄人所雇華通譯淫掠鄉民拘囚擬辦俄官受其欺誣之言竟與大令為難有如再覓覓定當重處等語幸大令堅持不撓抗言與辯始未受其凌虐並將該通譯梟示一時翕然 當日軍佔岫巖時俄人強指岫巖縣股大令不守中立暗助日人因將股大令拘留遼陽 俄人催辦王恩普罪案政府以王罪不致死且前已有 旨令增將軍力與俄人辦駁 四月三十日錦州電昌圖府東北懷德縣榮大令因不應俄人要求為其拘至昌爾濱當由該處電請奉天增將軍商令俄人速放 華裝俄武員假道朝陽縣境赴蒙古采辦糧草朝陽縣宰援照中立規條駁令出境 奧國商人至錦州擬購牛馬錦州知府深慮其輸運戰地力阻之與人遂返 俄國廓米薩爾照會增將軍謂現據鐵嶺車站總管報稱華歷三月十三日夜間由鐵嶺達哈爾濱一帶鐵路被人用炸藥轟毀多段等情現經阿督出示曉諭照請轉飭各該地方官民發照旋增將軍復謂自貴國與日本開衅已奉敕國 大皇帝諭旨嚴守中立業經曉諭通知此次炸毀鐵路非華人敢為之事該係戰國所為況此等炸藥亦非中國所有責令居民保護之處碍難允行仍請自行保護為妥 有俄將一員攜中俄合璧公文一角往遼西之錦州府晉謁奉錦山海兵備道請在公文內簽字以圖採買食糧奉錦道却之 五月十一日烟臺電日人於初十日在旅順捕獲裝載戰時禁品之華船兩艘即將所載之物充公 北京函駐華日使照會外務部略稱旅順口門時有中國帆船私載糧食牛肉等物接濟俄兵請飭查禁等云當經外務部轉咨北洋大臣即飭沿海各口嚴密查禁并電登萊青道飭烟台威海各海口一律稽查出口民船毋得玩忽 錦

州山海關車站奉食督飭知於火車裝運出關貨物無論華洋均須一律檢查如有違禁之貨立即扣留有某國商人載運牛肉罐十箱麪粉若干袋常即遵章扣留 奉天增將軍特電政府云俄人近又屢次照會請另簡外交能員辦理奉天遼陽一切交涉事件原有交涉局總辦該國甚不願意屢屢故意反抗究應如何照復速示照辦等語茲政府電覆云我國所簡官員應由我國作主調動該國之請當即力拒以保政權云云 二十日烟台電昨有俄人兩名欲由烟台以華船密將糧食運往旅順旋為中國海關扣留 又北京電俄使照會外務部接其遠東總督來電烏梁海部長嚴兵備邊大有與俄為難之勢請代責問外務部難於照復不得已行文理藩院查照 江海關道袁觀察照復日本總領事畧謂來文所稱招商局利運輪船售與俄官有礙中立之例云云自係傳聞之說敝局輪船目下尚不敷用豈肯反售與人况利運係北洋之船業經報明留作臺船似此說言實係毫無影響請煩查照云

### 各國中立

海參崴俄國俘虜裁判所決計將在北海道外所獲之英輪查爾坎照例充公因該船滿載煤斤故也 瑞西比薩府設立萬國平和會致書日俄外部大臣表白調停戰事之意其要曰今次戰事不但減耗兩國國力局外中立國亦不免被其影響平和會以平和為宗旨故勸告兩國不損威嚴而斂干戈云云 德國政府已經聲明依中立之例所有俄國海艦不得前往膠州 俄國恐俄瑞典拋棄其築造要塞之舉使瑞典政府宣言海面之中立又詰問瑞典為日本製造潛航水雷艇以攻俄國之事而瑞典政府則不承認

### 各國軍事紀要

俄國 俄國波爾托浮及克爾孟欽二地有兵變事適值俄皇將逝之時發始者為第三十三三十四三十六三聯隊每

隊之兵均不願東往戰地勢甚洶洶經司令官考爾排從俄皇及后至則又安慰之乃始無事

英國 五月二十四日倫敦電英政府以軍備院軍務長一職向無限制故特受以優權俾得與海軍省長官之地位相稱云 二十五日路透電亞丁消息與倫蘭民族思叛現已派兵前往鎮壓 六月初三日倫敦露透電英國兵部侍郎阿娜爾福斯特於下議院聲明政府改革兵制之策謂政府欲將陸軍裁去十四大隊其餘民兵一律不動因國尙未到裁撤民兵之時也至於團練兵則擬減至十八萬人又擬將大軍分爲兩部以一部留守國內以兩年爲限後再充豫備兵六年云 倫敦信英兵部大臣在下議院時宣言英國本年可練成破兵二十一中隊明年可練成五十四中隊現未成者僅有七十六中隊云

德國 非洲西南有地名谷碑皮斯者其地之希蘭羅斯叛黨現已肅清

法國 法屬蘇茅利地之土民殺法國官吏於及蒲鐵爾之鐵路旁 五月初十日有多數匪盜侵入法境蒙加衣及埃圖衣法國防兵得電後即派少佐一人率兵六千追逐至堂波地方旋該盜等被法軍偵探隊百人所困然鎗攻擊盜黨死傷者三十六人

奧國 奧國千九百零五年之豫算表已送交議院表中載有陸軍經費及特別軍費共計英金三兆五十萬鎊又豫備二兆鎊爲購買野戰砲之款其海軍經費爲五兆鎊凡添置各艦之軍械器具及建造水雷艇等費均在其內已足敷數年之用奧國官報云豫算表所定海陸軍經費非欲加多蓋不得不爲此豫備也即以亞洲戰事觀之可知豫備一切不爲減益

軍 事



二 百 六 十 八

六 六

## 外交

論中國大臣宜速講外交之術 錄五月二十一日中外日報

歐美各國之人才。其平時不過足適世用。而凡事皆範圍於法律之內。一邱之貉。亦無以自見其長。獨至外交兵事之間。則咸以操縱競爭爲要。而智能才略。乃於此著焉。其成例。固歷歷可數也。中國百年以來。爲世界外交之衝要。幾與巴幹半島之號爲伏魔殿者無殊。而大臣當外交之任者。其調護因應之失宜。亦爲有識者之所共見。持與列強相較。所以慙乎其後者。蓋不俟干戈相見而已望而却步矣。此卽平常循例之交涉。猶屢召其顛危。矧一旦處於齊盟狎長之時。固未悉其挾持何具也。今者日俄戰事方殷。說者皆謂他日戰罷。必有開各國會議之舉。以協商一切之事。而我國之大勢。卽於此會議定之。此說或未必見諸實行。但既有此言。卽不得不預爲之備。攷各國會議之最著者。前則有維也納之會。在十八世紀後則有栢林之會。在十八世紀後兩者皆關繫至鉅。而維持甚久。維也納之役。值拿破崙一世傾覆之際。而法國使者。猶得預聞栢林之役。當土耳其困阨之秋。而土國委員。亦參列於數內。以此相例。則中國之地位。雖危似猶可列於會議之席也。惟時至於此。則所以挽回一二使中。

已。難。得。自。存。者。不。能。不。屬。望。於。與。議。之。人。必。其。辭。辯。之。明。與。氣。識。之。定。皆。足。以。立。於。不。敗。而。又。熟。諳。外。交。舊。案。深。通。國。際。定。法。者。始。不。至。於。交。困。而。國。家。賴。之。求。之。今。日。大。臣。之。列。其。資。格。足。以。及。是。者。未。見。其。人。也。而。言。議。之。使。者。固。非。重。臣。莫。屬。若。以。官。位。名。望。衡。之。又。終。不。出。諸。公。之。外。厝。火。積。薪。其。危。已。至。猶。幸。戰。局。未。定。公。會。未。必。遽。開。若。能。及。此。方。略。之。時。於。外。交。之。策。研。究。討。論。以。速。儲。其。用。則。異。日。臨。事。或。不。至。張。皇。無。主。而。鉛。刀。一。割。之。効。尙。有。可。冀。耳。若。此。際。猶。不。急。爲。講。求。則。勝。算。既。無。可。操。援。引。復。無。可。據。前。日。以。漠。然。置。之。者。彼。時。仍。以。漫。然。出。之。中。國。之。存。亡。真。可。決。矣。夫。維。也。納。之。會。議。英。俄。普。奧。之。四。國。皆。聲。言。欲。抑。法。蘭。西。爲。二。等。國。而。法。使。達。利。蘭。於。商。權。之。際。獨。能。據。公。法。以。折。其。鋒。當。時。普。使。憤。然。云。何。故。輒。引。公。法。爲。言。我。等。一。言。一。動。固。無。不。奉。公。法。者。達。利。蘭。冷。笑。答。之。曰。既。不。必。以。公。法。爲。言。則。公。法。以。愈。言。而。愈。明。普。使。復。云。公。法。果。有。何。効。力。而。達。利。蘭。又。答。之。曰。今。日。之。所。以。有。公。等。者。即。以。有。公。法。之。故。於。是。普。使。之。氣。乃。沮。奧。相。梅。特。涅。知。法。使。之。不。易。與。乃。日。以。宴。會。爲。事。冀。緩。其。定。議。之。期。徐。圖。他。策。而。達。利。蘭。已。於。其。間。藉。列。國。併。有。索。遜。之。一。案。以。離。普。奧。之。交。而。獲。俄。普。之。助。非。獨。法。國。不。受。其。害。而。已。即。列。強。諸。國。反。且。有。賴。於。法。之。調。停。法。之。所。以。猶。強。者。此。也。柏。林。之。會。議。各。國。之。著。名。外。交。家。咸。集。於。是。一。日。者。奧。使。宣。言。土。耳。其。不。能。以。己。國。之。

力。鎮。定。波。司。尼。黑。洛。戈。二。州。之。亂。宜。亟。爲。設。法。而。英。副。使。即後來執英政遽。應。之。云。不。若。以。此。二。州。歸。於。奧。領。土。使。坎。拿。特。聞。其。言。因。訴。於。議。長。俾。斯。麥。俾。斯。麥。則。曰。此。會。議。乃。爲。歐。洲。列。國。而。開。非。專。爲。土。耳。其。而。開。者。也。土。使。遠。巡。無。語。而。退。所。謂。二。州。者。乃。終。爲。奧。之。保。護。地。焉。土。之。所。以。愈。弱。者。亦。此。也。凡。此。一。得。一。失。之。判。莫。非。外。交。之。利。鈍。所。成。而。試。默。數。今。日。之。大。臣。可。當。會。議。之。重。任。者。若。某。某。尙。書。某。某。總。督。諸。人。其。爲。達。利。蘭。之。儔。乎。抑。爲。坎。拿。特。之。儔。乎。雖。貢。諛。之。徒。亦。必。知。所。辨。矣。嗚。呼。列。強。非。必。欲。亡。中。國。也。而。外。交。之。多。失。亡。之。主。外。交。之。人。亦。非。真。願。亡。中。國。也。而。才。智。之。俱。竭。爲。之。百。僚。師。師。盈。廷。袞。袞。其。猶。有。恫。於。此。者。乎。則。請。與。言。裨。闡。縱。橫。之。義。也。

論外交之真相 錄甲辰第十五號外交報

世有恆言曰。外交家外交家。聞者不察。幾謂國際紛紜。恃一二外交官之力。遂可以縱橫捭闔之技。措家國於磐石者。是歷史之談耳。今也不然。無論爲君主國爲民主國。憲法既定。則外交官者。政府順民情而委任者也。國際之間。非特外交官之交涉也。亦非特政府之交涉也。而實即民與民之交涉。輿論也。兵士也。工商也。一言一論。無不爲外交界之資料。故昔之國如劍然。外交家其利刃也。勝負之數。視其刃之利否。今之國如彈丸然。國民者。彈之全體。

也。外交家則彈與所擊之體相切之一點也。其壓入其爆裂皆彈丸全體之力而非可恃相切之一點以為功者也。使其全體丸泥而為之而獨注一點焉以極猛劇之藥則無論相切者之不必果在此一點即使幸切於此點而丸泥之力若何不求於國民之程度而泛泛焉持外交家以為言者真一孔之見也。

達利蘭法之大外交家也。然非法民承民義大明之後有與國同休之誼。拿破崙繼託與主之說以行專制之

實然其平日激厲兵士每言全其名譽即為兵士之榮譽則達利蘭亦不能躋累敗之法於四大國之列。畢斯麥德之大

外交家也。然非德民承教育普及之後持祖國統一之義。德之講法論者皆謂功於小學教師可證則畢斯麥亦

不能據新建之德以持三國同盟之局。此其事恐猶非短見者之所認。則請言今者日俄之

外交。

俄素以外交之敏活著者也。論者且以是為專制國之特長。謂非立憲共和諸國之所能與競。而戰前之協商戰後之宣告布置非不密也。一則曰不宣戰而襲我。再則曰擊我病院。三則曰虐我俘虜。四則曰日本勝利則將恢復黃禍而為歐洲諸國之大不利。口實非不多也。在韓國則有培素柏拉鎖夫之佈置。而韓之親俄派委身焉。在北京有璞科第之籠絡。而北京之聯俄黨託命焉。且在英則有赫勤格之承旨於英皇。在美則有喀希尼之運動其上下。



而拉斯道夫之才。不必遜於小村太郎。羅善之略。又不必遜於栗野慎一。人材非不具也。然而俄國之外交。事事失敗。以至此。此非外交家之咎。而外交家所代表者之咎也。彼外交家之所代表。俄政府數人之俄國耳。然而俄人固已億兆倍於此政府。於是人人自有其一俄國。而且人人自有其代表之外交家。其利害則皆與政府數人之俄國相繆。陸軍部之售險。要圖藉於外人也。海軍將弁之失水雷布。置圖於藝妓也。四伯利亞鐵路當事者之侵額而滅工也。掌車者之虐遇外人而妄增車值也。兵士之僵饑而乞憐於敵也。俘虜之受惠而願歸化於日本也。此皆以一人爲國。而自爲其國。擇與國者也。彼既自以一人爲一國。則對於敵人。亦且以一敵人爲一敵國。故俄兵之遇日軍也。雖垂死之兵。被虜之卒。亦以至慘之法待之。以爲解懲日本之上策。而不知其干犯戰時公法之厲禁也。且也焚掠家室。汗辱婦女。其所恣行於滿韓者。皆所以墮國體而損人格。由是野蠻之名。騰布歐美。而黃禍之說。雖復極力鼓吹。且得德法各報以爲之附和。而終不逮俄禍之論之悚切。此外外交失敗之一因也。波蘭人也。芬蘭人也。阿美尼亞人也。猶太人也。或以祖國見滅之怨。或以宗教不同之故。盡剝權利。屢見虐殺。故其利害之關係。與政府衝突。方且乘隙而謀復鱗圖自立。而遠東戰局。乃與以至好之機會。於是有創義勇軍以請援助日本者。有聞日本之戰勝而舉祝典者。有

蘇。殺。俄。廷。所。簡。之。總。督。而。圖。起。事。者。有。檄。告。全。國。人。民。無。出。軍。費。無。任。兵。役。者。有。不。願。應。國。債。之。募。而。攜。輜。重。以。赴。美。國。者。是。皆。以。其。一。民。族。爲。一。國。者。也。而。外。國。人。於。此。亦。或。爲。自。由。朋。友。會。或。爲。西。伯。利。亞。獨。立。論。皆。所。以。援。彼。民。族。而。反。對。其。政。府。者。是。以。其。政。府。通。牒。爲。各。國。輿。論。所。不。韙。其。政。府。募。債。爲。各。國。資。本。家。所。不。信。此。又。外。交。失。敗。之。一。因。也。此。二。因。者。前。者。由。於。人。民。之。未。被。教。育。後。者。由。於。人。民。之。既。被。教。育。而。益。見。政。府。之。非。是。要。之。全。國。之。中。自。政。府。死。黨。數。人。外。於。此。於。彼。二。者。必。居。其。一。而。無。一。不。足。爲。政。府。外。交。之。梗。於。是。俄。國。外。交。敏。活。之。譽。爲。之。掃。地。

其。在。日。本。則。不。然。自。甲。午。以。後。三。國。干。涉。遼。東。外。交。之。無。能。已。可。概。見。日。英。同。盟。爲。其。外。交。家。最。得。意。之。事。而。其。內。容。或。尙。不。免。損。日。以。利。英。故。日。本。之。外。交。官。不。可。恃。也。而。且。曰。黃。種。曰。黃。種。同。盟。曰。亞。細。亞。人。之。亞。細。亞。彼。白。人。種。種。口。實。無。非。謂。歐。洲。文。化。決。非。黃。人。所。能。領。受。日。本。雖。強。被。文。明。之。假。面。而。實。含。野。蠻。之。性。質。得。志。以。後。必。將。重。演。蒙。古。人。種。之。慘。劇。宜。及。其。萌。芽。之。初。苗。而。急。阻。折。之。所。謂。爲。虺。勿。摧。爲。蛇。奈。何。也。其。論。倡。於。俄。而。德。法。諸。國。和。之。惟。英。美。之。人。多。不。信。其。說。者。然。使。日。本。自。開。戰。以。來。一。兵。士。一。民。人。對。於。敵。國。及。中。立。國。之。兵。士。若。民。人。凡。一。切。交。戰。國。不。當。侵。犯。之。事。而。或。有。一。非。分。之。舉。動。爲。國。際。法。所。不。許。者。則。

彼。俄。法。諸。國。即。可。持。以。爲。黃。人。野。蠻。之。確。證。將。張。大。其。詞。以。聳。諸。白。種。人。而。英。美。人。亦。將。無。詞。以。爲。之。解。免。而。黃。種。同。盟。之。虛。說。轉。釀。成。白。種。同。盟。之。實。事。則。其。時。日。本。外。交。之。失。敗。將。不。僅。干。涉。之。比。例。而。雖。有。絕。世。之。外。交。家。亦。將。無。以。善。其。後。矣。然。而。日。本。之。於。俄。國。也。公。使。則。盛。饑。之。商。民。則。禮。遺。之。俘。虜。則。爲。之。療。傷。疾。爲。之。通。書。信。醫。士。及。看。護。婦。之。所。以。遇。之。者。未。有。異。於。本。國。人。也。於。傳。希。臘。教。之。俄。人。優。容。而。保。護。之。軍。隊。所。過。購。物。必。如。其。值。焚。掠。侮。辱。之。舉。無。一。犯。者。惟。在。韓。國。之。中。下。社。會。頗。持。戰。勝。國。之。威。力。以。臨。人。而。商。船。被。轟。之。時。沿。海。居。民。頗。有。洶。洶。然。遷。怒。於。法。人。者。然。而。經。有。志。者。之。勸。導。新。聞。家。之。糾。正。亦。既。無。事。矣。反。對。諸。國。卒。無。所。援。以。爲。口。實。嗚。呼。此。豈。外。交。官。一。二。人。之。力。耶。非。教。育。普。及。舉。國。一。致。不。至。此。

由。是。以。觀。俄。國。被。教。育。者。愈。多。而。掣。肘。外。交。者。益。盛。日。本。被。教。育。者。既。普。而。援。助。外。交。者。一。致。其。事。大。同。其。果。大。異。此。何。故。哉。則。以。日。本。之。政。府。與。人。民。自。昔。同。族。而。政。體。又。爲。立。憲。俄。國。則。政。府。爲。大。俄。羅。斯。族。而。其。餘。波。蘭。芬。蘭。阿。美。尼。亞。族。猶。太。族。之。屬。種。族。既。異。而。政。體。又。爲。無。限。之。專。制。也。今。使。有。國。於。此。其。政。府。與。民。人。種。族。之。不。同。如。俄。其。政。體。之。專。制。如。俄。而。教。育。之。程。度。獨。不。如。焉。於。是。全。國。之。中。惟。有。一。人。之。國。而。無。一。社。會。之。國。政。府。言。吏。治。

外交

九十五

甲辰

則民人或倚教焉或仇教焉政府言行政則民人入外籍焉掛洋牌焉政府言路權鑛權則民人私售鐵路焉私售鑛山焉政府又秘密其外交之政策而惟所欲爲民人乃或爲間諜焉或若聾瞽焉彼固自以爲一國而儕政府於外國之列者也然則聯彼而排此惟己國之利亦固其所嗚呼以如是之民人雖有達利蘭畢斯麥以爲外交官亦何所施其技哉以之折衝於列國是以鈍劍抵實彈也而猥曰外交家外交家豈有效哉吾是以爲言外交之真相

駐美大臣梁譯送墨西哥新定中國及東方諸國移民入境章程咨粵督文

爲咨會事案照墨西哥國前因防疫禁阻華人前往迭經本大臣照會駐美墨使轉向該國領事駁論已允准弛禁另定條款交輪船公司遵辦在案茲該國內部大臣訂定中國及東方諸國移民入境章程六條照會通行查華人赴墨日衆輪船往來亟應一律布告俾知趨避本大臣爲保商恤民起見將此章程六條照譯漢文備文咨請察核飭示商民一體知悉計章程一件 第一款凡移民搭船來墨其未登船以前必須由醫生查驗發給執據再由墨國駐紮各口領事照例批准若無墨領事則由美國領事代批惟該執據應在輪船抵港之日兩月以內發給 第二款凡輪船行抵墨國港口所有貨物行李若須登岸應遵衛

生局酌量設法防疫船上搭客亦須遵照進出口防疫章程聽候查驗所有當時供應一切費用均由輪船公司備給 第三款凡輪船載運移民來墨祇准在太平洋之濱曼山尼佑港口登岸輪船公司應在該處預造房舍足供每船最多人數之用暨適合衛生局之意 第四款凡移民數不過十人者除濱曼山尼佑港口外亦准在亞卡普咕埠麻薩蘇蘭埠瓜馬士埠覃壁咕埠威拉克魯士埠瓜渣瓜咕埠薩連拿咕魯士埠以上各埠登岸 第五款除以上各款如衛生局爲防疫起見或因船艙單指明進出口之港口染有時症或因船上  
有遇意外之事或搭客未盡潔淨均可隨時設法特爲除疫 第六款衛生局及衛生局派出之委員有權暫行扣留船隻以便遵照各款辦理

#### 日韓漁業協約

平安黃海忠清三道之漁業權歸日人專捕事件經韓政府會議後協同日本公使訂定專約數條如下 一日韓兩國人民來往兩國海濱捕魚均已畫定處所韓以平安黃海忠清三道沿岸之捕魚權特許日人日本當即以伯耆因幡但馬丹後九州沿海等地之捕魚權讓與韓人 一日人在該三道沿海捕魚期限自光武八年六月四日起定以二十年 一韓民在日本伯耆等地捕魚期限亦定如上年數 一日本漁民不得犯韓人已業漁業之

場所若一有妨害立即懲罰其肆行暴舉者押交附近領事嚴加處辦 一詳細規則悉遵捕魚章程施行

中 外 交 涉 彙 誌

中日 外務部近接駐華日使照會云現已奪獲蓋平金州一帶地方雖為戰地所必需然貴國須派兵接管以免竊匪竄入騷擾商民云云 駐滬日總領事致商約大臣公函云日中辦理商約事竣所有本國在事各員前經本大臣開送名單函請貴大臣奏給各等寶星在案現奉本國外務大臣電飭前開各單內之公使館一等書記官松井慶四郎外務書記官鍋島桂次郎擬請獎二等第二寶星今請改獎二等第一寶星又未列名單之外務書記官石井菊次郎並請奏給二等第一寶星望請轉致駐滬商約大臣辦理

中俄 五月二十六日奉天函奉天省城近日創立商會局所有俄軍與商民之交涉皆由該局主持以候補知府梁太守為總辦 五月初直督袁宮保電致政府言俄人以所開奉天瓦窩灣煤礦被華官強行收回自辦計所失一百五十萬盧布之多欲由我國賠償云現已奉 旨仍著袁宮保查明辦理

中英 英國現已派定威那為揚州北海關領事駐揚州立付為江門領事駐江門威爾登為東慶副領事駐重慶欽為天津副領事駐天津

中德 陝督電達政府云德武員斐里希擬由甘游歷西藏當飭勇丁隨護至德員出境遠爾改道且有需索夫馬等事該勇丁力阻不願趕回稟明務祈亟達德使存案以杜後來口實 德國兵艦欲往洞庭鄱陽兩湖遊弋演炮經張宮保飭令江海關道江漢關道竭力駁阻茲悉漢口德領事又照會江漢關道因德約第三十款有德國官船別無他意或因

捕盜駛入中國無論何口地方官妥爲照料字樣堅請准行上海總領事亦行文江海關道聲明此番先行通知辦法實係中國官前會與之訂定自今以後凡遇有德船遊弋之事當不再知照云云故聞現在已允其遊弋而不准派艦

中葡 提解斐景福一事前者本有五月十四五日提回之說今逾期已久杳無所聞日前又聞外務部有文至粵欲將該犯解至北京治罪不准提回粵地審訊等語現岑雲帥方據理與外務部力爭故目下澳政府雖有允准明文而仍屬兩面消息惟該犯仍希圖狡脫因悉西國犯人雖經請官定罪如犯人不願有准其上控之例該犯乃力求葡果展限兩禮拜蓋欲在澳聘請律師寄稟往葡京上控葡臬已准如其請

中美 美政府因此次江西教案派遣兵艦來揚子江游弋駐美領事馬敦君早向江督索租下關地方屯聚煤斤以供缺乏茲議定准美國在下關江干自行租地建造煤廠作爲商辦與國際交涉無關而馬敦君並請金陵關稅餉口稅云 駐美領事馬敦君由總領事調回另有差委所遺駐甯領事一職已派哲士君來甯接充

### 各國交涉彙誌

暹俄 俄國於暹羅政治商業本無利益關係前年遣派專使於湄谷政府給以巨俸令久居之該使到後即與他外國使臣以外交手段籠絡暹之官吏大行賄賂後乃要索暫借暹羅灣頭之芝馬拉島如不可則以他小島代之暹王不許俄即派駐巡洋艦一艘以示聲威暹不爲動

日韓 日政府對韓政策較伊藤派之方針更爲強硬欲於戰爭中下手經營韓國而伊藤一派反對之例以韓國獨立列國之感情爲口實而欲以漸進主義行之此兩派意見不洽在伊藤注重於戰後之經營曾就此事熱心調查而政府乃有猜忌之意乘近時政黨中有欲開官民同合調查會之舉乃特開懇話會以對外經營政策之名隱然與伊藤派相

門 五月初四日韓京電韓人名金基雄等兩三人作一游說之書共計十三條極言日本之應排斥駐韓日本代理公使萩原君已照會韓國外務部令其嚴速查辦 初七日韓京電排斥日本之韓人金基雄鄭東時等已爲警察所捕 駐韓日本公使林權助前者請假歸國現已啓程回任聞將改革韓國一切內政韓政府且允日本向駐漢城之兵艦駛至平陽南浦一帶

日英俄 二十三日倫敦電英俄兩國所立保護貝令海峽捕海狗船隻之約業由日本全行認許

日意 意大利駐日公使梅立克來現已調往俄京爲駐俄公使而以在墨西哥國文起伯爵爲駐日公使

俄德 五月二十八日柏林電俄德新訂商約現已於瑞特南地方開議與商者德國爲蒲勒伯俄國爲軍機大臣槐脫內務部參謀撲式陶斯廿伯德國爲國外商務部總理敵那氏 俄京維德莫司基新聞記者烏德莫斯克公爵近爲俄皇之代表於中歷三月二十五日由德國抵紐約公爵自言此次渡美之目的實欲以時局利害陳說於美之當道觀察美國對俄之狀以公諸維德莫司基新聞之上然察其情形必有秘密重要之事也

英德 六月初一日倫敦電英德條約已於五月二十九日在倫敦簽字其約與英法之約英意之約英西之約大旨相同此約議後則英德國交將益親切此皆由兩君在基爾相會之所致也

英法 六月初一日倫敦電英法之約業於昨日在倫敦畫押亦曾與法意及西班牙三國訂立之約大旨相同 又倫敦電法國戰艦五艘遊於撥里斯密斯港其中士官人等曾由岸上英官及英艦之官宴請數次

英馬 六月初二日倫敦路透電英理藩院書記官在下議院答復西頓君云馬來國建造鐵路經過朱實與其幹路相接之合同已於五月二十八日畫押



法暹 法暹所訂條約業已簽押法國各報評論此約極爲滿意現兩國仍須分割湄江界址以加的港爲法人領土且又有法人始願所不及者亦并得之

法羅 法總統因羅馬教皇向各國誹議法國已將駐教皇宮內之公使撤回暫由參贊代理

法摩 五月十九日倫敦路透電法國與摩洛哥商議欲將阿爾及耳索腓士人爲丹支河之巡警其武弁則以法人爲之

德海 五月二十日倫敦電海地島即西印度羣島之一其總統業已向德法兩使承認前事之非且云犯事諸兵業已治罪

意瑞 六月初二日柏林電意大利瑞士兩國所議商約已於今日畫押

秘巴 六月初三日柏林電南美洲秘魯與巴西兩國前次微有嫌隙現已開議和局

塞布德 前次塞爾維亞國王與布加里亞國王相會時人皆謂塞爾維亞門的內哥布加里亞三小國欲相聯合一絕大軍團在塞爾維亞著名議院中亦曾發議此次兩君相會大約欲籌議豫備將來聯合之法統計三國之兵約有五六十萬亦不可謂少也

外  
交



一  
百  
二

六  
月

## 教育

論中國學堂程度緩進之原因 錄甲辰六月第七十一冊黨江報

中國學界風潮激動於十九周之末。造其間。旋漲旋縮。政策紛歧。而吸力之大。則惟今日爲最。各處學堂之設。徧於大小州縣。而以京師大學堂爲之領袖。明詔煌煌。宣勅遐邇。所以立國民之標準。示萬衆之範圍。可謂至矣。然而學堂之程度。終未見其驟進者。曷故。

有謂科舉不廢。學堂不興者。是固然矣。然余獨謂此第知其淺而未知其深也。此第用強硬之手段。而未得和平之計畫也。夫人之所樂趨者。非名卽利。斯固人類中。確然不易之同情。示之以名利。所在未有不瞿然思蹶然起者。學堂之興。其必以此科舉之廢不廢。猶其後也。何以言之。今之所患者。不在學堂之不興。而在學堂之無效。同此求名爭利之觀念。趨之於學堂。而無可徵之實果。則相率而遁入他途。此所以雖有學堂爲之標準。而望門裹足者。比比也。

泰西諸國學堂。其進步之速率。俱有日異月新之奇驗。日本自明治維新以後。各市各町。無不獨立學堂。據東遊回華者云。其國學堂之密布。甚於中國之鴉片館。語雖近譏。而情則實。

真聞之者亦足以警

中國自建議興學以來。至今歷有年所。然進身無路入其中者。恒苦無可出脫。而況各省學堂之設。大都富家子弟。乃得收錄。貧民不得與焉。彼貧民者。亦以資斧之難籌。出身之不易。恒讓此輩肄習。其中曾不之惜。間有一二藉作謀生之計者。輒向各處華英書塾習其語言文字。以儲他日商業之經營。此等人才。無裨於國。不足道也。

即其富家子弟。亦不過藉爲後日納粟得官名曰辦理洋務起見而已。國家雖有升選京師大學堂之諭。然其如何登進之方針。尙杳冥而不可覩。反不若腐敗科舉。猶得博一第一階計日以求仕進。如是學堂之程度。安得不日形退縮乎。

今歲審定章程。臚列分發等項。凡在學生均有。欽賜舉人進士各等名目。是京師大學堂至此。稍有定格矣。惟是各省之中小學堂。尙未徧論。此等宗旨。致屬吏議。建學堂紳衿往往袖手至於廢改書院。則阻力尤多。亦可惜已。

今宜速行曉諭。凡於此中肄業者。許加異常擢用。不必待各門之學俱備也。賞一二人。則衆心勸升。一二輩。則衆氣揚。人見有特待之名譽。優享之利權。將爭先恐後。如獸歸原。如水赴壑。無煩勉強。已羣視學堂爲集矢之的。雖使增加科舉。彼且不應。又何慮科舉之貽累哉。

近年以來中立者衆自改試策論而舍業他徙者已十之六七各府州縣每遇歲科兩試報名與考之人數與曩時作比例僅存三分之一試問其餘果盡入學堂乎抑非盡入學堂乎不及此時而求之則人才散佚殊爲可慮再閱數年即使大開吾門而來學亦尠何也才外溢也今老成者安於科舉而年少之輩則肄習英文以爲外人傭役稍有積蓄者或自備資斧遊學外洋叩以愛顧祖國之心報効祖國之志則懵然也此無他國家無用之之思想士亦無待用之思想也久矣

吾謂中國之用才莫急於此時中國之棄才亦莫甚於此時當茲國際維艱外交棘手速興學堂猶懼不逮矧頻年輾轉科舉將廢而未廢學堂雖興如未興自戊戌以還泊於今閱六七寒暑矣若在泰西諸國早已大收得人之效果卽就中國資興之典而計之亦兩屆大比之期然猶紛紛然徒見議論而章程尙未能畫一進取亦未有明文虛耗時光莫得端緒徒謂科舉不廢學堂不興豈真科舉足誤學堂乎夫亦學堂之自爲誤而已矣

大抵天下事順之則易從強之則難受若使學堂果有式獲名利之捷徑則雖閉門不納民且急於求投而各屬書院更無待官爲議改早已廢撤不遑矣又何至抵禦抗拒必安於故步而後快哉

夫列強競爭各已輸入文明之界綫以中國揣摩歐化適丁兩者過渡之時代第使去彼就此明示以優勝劣敗為之認真獎進速開破格錄用之法門即不必百計籌維而學堂之程度自不難由此驟增其膨脹力此而猶慮科舉不廢學堂不興也夫豈其然夫豈其然

論中國亟宜教育律師 錄六月二十二日時報

穎州教案。三月其事為法神甫函稱教民某甲被非教民某乙扒出其家已葬之四棺請為申理云云。而某乙又訴於蕪湖英領事領事即電達穎守。俟某律師到案辦理云云。於是誤守計無復之。乃稟請上官為之處分焉。本館案此事甚小。然其局甚創。此風一開。則各處必多效尤者。是教案之情形一變。而將演為教案之第二期。第一期之教案。教民與非教民訟。教民有教會保護。而非教民無有使國權不能行於教民。而猶得行於非教民。第二期之教案。教民與非教民訟。教民有教會保護。而非教民得延律師以為保護。使國權不能行於教民。而亦不能行於非教民。司法之權失則行法之權亡。行法之權亡則立法之權亦無所附麗。三權去而國隨之矣。履霜堅冰。不可不辨也。本報於是悟得一新理焉。竊謂此事莫如因勢而利導之。因勢利導之法。即改我國之法。正律法現改今并改我國地方聽訟之法。去長跪候訊之制。而許其各延狀師。此其為利。凡有六端。皆關係極大者也。列之如左。

一教民無從表異也。今之訟民跪。教民不跪。民押。教民不押。此增長教民之氣。而爲集民人冤憤之極端也。曲直之顛倒。尙其次矣。一用律師。則民教遂無分別。此其便一。

二教士無從干預也。教士之所以藉口干預者。不過曰。中國審訊之無狀。刑罰之不中而已。一用狀師。則與其國無異。而口實失矣。此其便二。

三領事之不能越俎也。教士既不干預。自無人煽領事出頭矣。此其便三。

四訟棍之自然消弭也。中國定制。小民有罪。自行聽審。夫中國小民。不識字。不知律。一旦有事。勢必問之於人。而訟棍之義起。而國法又嚴禁之。於是自愛者不爲。惟無賴赴焉。以至不體面之流。類而付以必不可少之重權。此中國之第一大蔽也。一用狀師。則訟棍化私而爲公。而其人之所以自待者。將異。此其便四。

五律法明而民智大開也。近人以爲中國人。無國家思想。切而言之。實無權限思想而已。一用狀師。則律例之學。知之者衆。而權限之義明。中國人之所以小事大事。無往不踐者。無權限思想也。此事一明。而吾民之力。偉然莫禦矣。此其便五。

六漸可使外人收回治外法權也。律法平。刑罰中。權界明。民智開。彼猶不欲收回治外法權也。更何說之詞。治外法權去。而吾國始得謂之國矣。此其便六。

此六者。固天下之大計。吾國非具此。不可爲國者也。然則教育狀師之道將奈何。此其道至簡耳。夫中國人與中國人訟。狀師固不可用外人。然使爲狀師者。其師授淵源。不出於彼國。則必退有後言。而社會且失其信用。其法當由國家擇國中青年之士。西學根柢已深。而又秉性和平。富於愛國者。約十數人。厚其資斧。使之學律於西洋之各大學堂。學成歸國。分佈各省。再行授徒。以充各州各縣辨護士之用。各州縣之諸生。知此事之切於日用。而取財易也。必爭赴之。行之十年。中國之內政行將又易。一世界。豈徒以之抵禦教民而已哉。

敬告學堂教習諸君

錄六月初六日羊城日報

某聞自強莫如興學。興學在於得人。得人而施教育。則啓化爲尤捷。諸君處此地位。責任至重。義務至繁。敢不竭其悃誠。而貢芻蕘之議。顧教育之方。千條萬縷。今亦不備陳其說。惟以諸君所當爲之責任。當盡之義務。與諸君一言。某聞興學所以開民智也。民智不自開。必賴先知先覺以爲之導。今日肩此至重至繁之責。之義務者。誰歟。則諸君是也。諸君而無愛國之熱心。則已如有愛國之熱心。則某之所陳亦欲使凡我國民。毅然盡當爲之天職。而諸君亦知所自處也。則某所以告諸君之意也。中國興學於茲數年。教育之效。茫如捕風。前此教員。吾弗深論。近年以來。有志之士。相聚而謀曰。中國學界幼稚。未諳師範。何以爲教習。何以



植通才。不如涉重洋而爲留學生。猶可爲將來造就人才之資格。嗚呼。爲是言者。其自待甚厚。其議論甚高。獨其所以責望諸君。未免過奢過刻。吾今欲爲諸君解嘲。則欲以赴東洋學師範者。爲後備。而不得不以未及學師範之諸君。爲前驅。中國今日學界幼稚。誰不謂然。今世人才。有爲學生之資格。無爲教員之資格。此有識之士所同認矣。願國家不可一日無人才。不可一日無教育。需才愈亟。則責效愈奢。此又無可如何之勢也。夫中國今日之時代。存亡絕續之秋也。稍縱卽逝。不絕如縷。急起直追。猶懼無及。而猥曰待吾學成歸國而爲之。嘻。其恫矣。蓋學成歸國。必待十餘年。此十餘年中。陵谷變遷。不知現象何若。是直無異膜視其羣也。見飢溺當前。而思閉戶爲己計。則得矣。如國家何。如社會何。此吾所不能無疑之問題也。故諸君生此青黃不接之時代。誠宜具熱心矢毅力。介紹我國民於文明。毋畏人言。毋避嫌怨。以盡天職。雖然。凡事宜有根柢。教育爲國民之先導。爲教員者。其可無所挾持以應之耶。根柢維何。一曰儲學。二曰儲識。三曰儲誠。何謂儲學。中國學界。至腐敗亦至繁賸。止研舊學。已窮年莫究。畢世莫殫。况加新學之輸入乎。故教員之難其人。由講學之難其人也。諸君中有素研舊學。確有根柢。見識閎通。能讀新書者乎。以余所聞。學堂之設立。曾不過數年。而教員講學之謬誤。已不可勝紀。教員如此。學生可知。雖以今日之學生。其程度或視彼

不。如。然。吾。聞。取。法。乎。上。僅。得。其。中。教。員。程。度。如。是。則。學。生。真。無。望。矣。此。儲。學。之。不。可。以。已。也。何。謂。儲。識。新。舊。學。理。各。有。真。際。非。有。深。識。無。從。抉。其。淵。微。鄙。人。嘗。謂。學。生。于。識。識。亦。生。於。學。二。者。互。爲。因。果。者。也。今。日。文。明。學。說。日。漸。輸。入。我。邦。人。士。咸。所。未。聞。瞪。目。咋。舌。駭。不。敢。道。不。知。彼。以。爲。驚。世。駭。俗。其。實。皆。地。義。天。經。徒。震。驚。於。其。外。安。知。其。內。容。之。粹。然。無。疵。乎。故。非。有。識。者。爲。之。解。弗。能。喻。也。其。謬。者。則。徒。拾。新。學。之。名。詞。未。覩。新。學。之。眞。相。犯。禮。蔑。義。無。所。不。爲。自。以。爲。知。新。學。矣。其。實。彼。何。嘗。知。新。學。適。以。顯。其。道。德。之。頹。敗。而。已。矣。羅。蘭。夫。人。云。自。由。自。由。天。下。多。少。罪。惡。假。汝。之。名。以。行。亦。此。意。也。此。皆。無。意。識。之。社。會。而。我。國。人。犯。此。病。者。尤。夥。非。有。眞。知。卓。見。以。辨。明。之。弗。能。革。也。故。教。員。不。可。不。儲。識。何。謂。儲。識。孟。子。曰。至。誠。而。不。動。者。未。之。有。也。不。誠。未。有。能。動。者。也。至。哉。斯。言。今。之。學。生。所。爲。與。教。員。衝。突。其。原。因。皆。出。於。此。矣。吾。向。不。云。乎。諸。君。亦。國。民。一。分。子。也。諸。君。如。有。愛。國。民。之。熱。心。則。國。民。方。愛。戴。之。不。暇。何。暇。衝。突。諺。曰。同。舟。而。遇。風。則。胡。越。之。人。可。使。爲。同。心。今。中。國。之。時。局。危。矣。諸。君。與。學。徒。皆。同。處。於。遇。風。之。舟。者。也。諸。君。若。矢。其。熱。誠。休。戚。相。關。患。難。相。救。則。學。徒。焉。得。而。不。動。若。至。誠。而。猶。不。動。則。是。衝。突。之。人。直。學。堂。之。敗。類。文。明。之。公。敵。而。諸。君。不。任。咎。也。而。況。其。不。足。以。牽。動。多。數。也。斯。密。亞。丹。有。言。曰。少。年。世。故。甚。淺。天。機。至。眞。使。其。師。稍。存。輔。翼。不。能。之。心。教。人。以。善。之。

意。則。不。僅。敬。守。師。訓。侮。慢。不。存。且。往。往。爲。師。諱。惡。隱。其。短。而。標。其。長。也。斯。密。爲。西。國。通。儒。而。其。言。如。此。雖。然。此。猶。止。爲。客。觀。言。也。若。就。主。觀。言。則。諸。君。固。當。不。恤。人。言。不。避。嫌。怨。卽。有。衝突。猶。當。憫。其。無。知。冒。不。韙。而。爲。之。蓋。教。人。不。倦。之。心。應。如。是。也。利。差。特。有。言。汝。若。欺。本。心。本。心。必。復。汝。之。仇。某。願。諸。君。之。不。欺。其。本。心。而。毋。種。惡。因。於。後。也。噫。吾。所。以。爲。諸。君。言。者。盡。在。是。矣。諸。君。而。以。爲。然。耶。以。爲。不。然。耶。如。謂。不。然。則。棟。折。榱。崩。僑。將。壓。焉。諸。君。其。何。以。自。免。耶。是。故。國。民。之。成。立。也。惟。諸。君。其。墮。落。也。亦。惟。諸。君。諸。君。之。責。任。之。義。務。至。重。至。繁。諸。君。其。可。不。自。省。耶。此。吾。所。以。懸。此。目。的。而。爲。諸。君。期。也。此。所。謂。前。驅。之。資。格。也。若。夫。國。民。稍。能。成。立。待。十。餘。年。而。後。備。之。資。格。出。諸。君。此。時。亦。可。卸。其。肩。而。諸。君。之。功。亦。與。後。備。者。同。其。彪。炳。焉。蓋。無。前。驅。則。後。備。難。爲。功。無。後。備。則。諸。君。亦。難。爲。繼。此。某。所。敢。誦。言。者。也。某。不。敏。望。諸。君。厚。而。望。國。民。之。成。立。尤。切。故。不。辭。冒。昧。爲。諸。君。言。之。

學務大臣孫等奏議覆推廣學堂辦法摺

光緒二十九年五月初六日准軍機處鈔交貴州學政趙惟熙請推廣學堂辦法一摺奉  
硃批管學大臣議奏欽此查原奏內請 聖駕臨幸學堂及請各省高等學堂 頒發匾額  
等語竊維視學之典載於禮經漢唐以來率循斯軌我 朝 列聖相承亦咸有 臨雍典

北京師大學堂循名貴實用意無異成均擬俟堂舍落成人才興盛屆時由臣等請旨遵行至各省高等學堂亦請俟規模完備後照從前書院之例由督撫學政奏請頒發御書匾額用以風示士林又稱各省舉辦學堂督撫事繁擬請旨每省特派總監督一員各等學堂統歸管轄各省學臣俾兼斯任似亦相宜等語查創辦學堂必從師範及中小學堂入手凡延請教習考察人才籌畫經費全在各府州縣切實奉行尤在督撫之提綱絜領呼應始靈另派總監督人多權分不如專任督撫事權歸一至學政本有育才之責出柵考試按臨所及於各府州縣之學堂情形可以親身考究應令按照學政職守會同督撫整理學校事宜所有添派總監督之處應無庸議至所稱整飭武備學堂審定學科各等語已列於奏定學務綱領第五十條及五十四條內無庸另議又稱學堂給發卒業文憑應兼列教習銜名各等語查外國學校本有此辦法應請俟將來給發文憑時參酌辦理謹奏

政務處議覆前署湖廣總督端奏請獎派赴日本遊學畢業學生摺

本年三月十二日准軍機處鈔交前署湖廣總督端方奏派赴日本遊學畢業回國學生照章請獎一摺奉硃批政務處議奏欽此據原奏內稱湖北各學堂學生自光緒二十四年選赴日本遊學歷年續派已逾百人比年陸續回國領有卒業文憑再三察覈與新章應給

獎勵之案相符謹繕單請獎等語臣等伏查光緒二十七年八月初四日欽奉 諭旨選派學生出洋遊學學成領有憑照回華卽由該督撫學政考驗如實相符出具切實考語咨送外務部復加考驗擇尤奏請獎勵自備資斧遊學者得有優等憑照回華准一體考驗獎勵均候 旨分別賞給進士舉人各項出身等因欽此又二十九年八月十六日湖廣總督張之洞奏鼓勵遊學章程內開在日本各學堂畢業學生由出使大臣出具切實考語咨送回國 欽派大臣照所學科目詳細考驗果與所得文憑相符再行奏獎分別予以進士舉人各項出身學問全備者從優給以翰林出身原有出身者給以相當官職並聲稱定章以前畢業學生由該督撫考驗卽照新章給獎等因今據該署督單開學生劉邦驥等二十一人所請官階出身覈與定章尙屬相符惟查前奉 諭旨出洋畢業學生須由該督撫等出考送部覆加考驗上年張之洞所奏章程亦請由 欽派大臣考驗再行奏獎該學生等畢業雖在定章以前辦理究未便兩歧此項畢業學生自應遵 旨覆加考驗以昭慎重擬請嗣後各省出洋學生畢業回國該督撫學政考驗相符均令出具切實考語咨送來京各項專門之學由學務大臣考驗其武備一門由練兵處王大臣考驗如果確有心得再行擬定等第交部帶領引 見請 旨錄用此次該署督請獎之劉邦驥等據稱均在日本士官學校

本 稟 間 有 入 聯 隊 學 習 者 應 令 出 具 切 實 考 語 備 文 咨 送 學 務 大 臣 練 兵 處 王 大 臣 查 明 畢  
業 年 限 是 否 與 定 章 相 符 分 別 考 驗 遵 照 此 次 奏 案 辦 理 如 蒙 俞 允 卽 由 臣 等 咨 行 湖 北  
並 通 咨 各 省 一 體 遵 行 謹 奏 奉 旨 依 議 欽 此

山 東 巡 撫 周 奏 辦 理 山 東 各 學 堂 情 形 摺

竊 臣 准 總 理 學 務 大 臣 咨 稱 光 緒 二 十 九 年 十 一 月 二 十 六 日 內 閣 奉 上 諭 方 今 時 事 多  
艱 興 學 育 才 實 爲 當 務 之 急 前 經 諭 令 張 之 洞 會 同 管 學 大 臣 將 學 堂 章 程 悉 心 釐 訂 妥 議  
具 奏 茲 據 會 奏 臚 陳 各 摺 片 條 分 縷 晰 立 法 尙 屬 周 備 著 卽 次 第 推 行 等 因 欽 此 恭 錄 咨 行  
到 臣 並 准 咨 送 奏 定 學 堂 章 程 轉 飭 所 屬 一 體 遵 照 辦 理 伏 查 山 東 學 堂 前 經 升 任 撫 臣  
袁 世 凱 遵 旨 設 立 業 於 光 緒 二 十 七 年 九 月 二 十 四 日 酌 擬 章 程 繕 單 進 呈 御 覽 奉  
硃 批 知 道 了 政 務 處 暨 各 衙 門 知 道 欽 此 欽 遵 開 辦 在 案 前 撫 臣 張 人 駿 接 辦 未 久 調 任 交  
卸 臣 到 東 以 後 竭 力 經 營 當 派 藩 司 胡 廷 幹 分 省 補 用 道 張 士 珩 在 籍 翰 林 院 編 修 孔 祥 霖  
總 理 通 省 學 務 並 委 直 隸 補 用 道 陳 恩 燾 總 辦 省 城 高 等 學 堂 因 該 總 教 習 一 差 須 明 中 學  
兼 通 西 學 者 充 當 方 免 流 弊 是 以 派 陳 恩 燾 兼 充 總 教 習 並 延 翰 林 院 庶 吉 士 宋 書 升 充 中  
學 堂 總 教 習 遴 派 品 學 兼 優 之 士 佐 之 學 中 兼 習 英 法 德 日 四 國 文 字 聘 美 德 英 日 教 師 及

華人精通法文者分班教授一切攷證圖書試驗儀器均遵照 欽定章程辦理臣以學堂固爲造就人才尤冀廣開風氣因飭每州縣選送學生數名計上年新增學生二百餘名連前已收入堂者共三百九十九名高等學堂爲閩省觀瞻所繫規制宜閱以原有溧源書院暨不能容復在省城西關外創建講堂廣置齋舍俾敷居住俟新堂告成即將舊改之溧源書院作爲師範學堂其建修兩堂及常年經費均在整頓稅契項下籌撥此辦理高等學堂之情形也夫學貴善教教先擇師東省學堂初立尙少師範其咨送 京師大學堂師範館肄業者人數無多將來學成回東不敷分布臣查日本宏文書院教法精良上年五月間派試用道方燕年選帶學生五十五名送往入學分速成長期兩班速成生三十九名於本年三月間畢業內渡長期生十六名留日本東京肄業歸出使大臣楊樞照料約束又保定已設速成師範學堂臣商准督臣袁世凱咨送學生四十五名於上年八月間前往附學一面仍在本省設立師範學堂考取舉貢生監六十名又就高等學堂中挑取年長學優之舊班生二十名一併入堂肄業聘日本人有品學者承充教師現因學務大臣 奏定學堂章程省城師範學額優級二百四十人初級三百人當即欽遵通飭考送大縣三四名中縣二名小縣一二名總期甄錄足額惟稅契一項不敷支用擬仿直隸章程每送師範生一名到

以該州縣歲解銀六十兩如地方難籌卽由官捐貼以期易於集事並委分省補用道李鳳年總辦師範學堂事務兼查全堂功課凡學堂緊要事件隨時與學務處商訂妥協報候巨憲核奪所有通省校士館一律裁撤改設初級師範及師範傳習所此項教員卽以遊學日本保定速成師範畢業生派充俟本省師範生畢業覆加考驗派赴各州縣輪流更換替歸者仍回堂肄習優級完全科此遵章擴充優級師範學堂暨傳習所之情形也至各府廳州縣中小蒙養各學堂在地方向有書院義學之處改設尙易爲力臣疊次督催凡十府二直隸州之中學堂或就書院改設或就地籌款業經一律開辦各州縣高等小學堂據稟報開學者已八十餘處就義學改設蒙養學堂及勸諭民間公立私立者多少不等先是各府廳州縣每苦經費難籌臣與司道等通盤籌計在本地煙酒捐及土藥畝捐等款內每縣每年酌給津貼銀三百兩府直州倍之公家有此補助民捐因而踴躍旋即次第興立高等小學堂每縣先設一所以爲模範此外如煙臺所設之毓材學堂青州所設之蠶桑學堂兗州所設之初級農業學堂歷城所設之工藝學堂商會學堂建置均尙合度此辦理各屬中小蒙養暨實業各學堂之情形也以上各端經臣與前後任山東學政臣尹銘綬載昌暨各司道教習等悉心措畫臣於按章考試外時赴學堂稽核功課各學堂恪守矩範按照課表簡學



不輟絕無浮囂之習山東承鄒魯遺澤士風敦樸因勢利導可期有實際而無流弊謹 奏  
奉 硃批學務大臣知道片併發欽此

山東巡撫周奏辦理山東各學堂情形片

再升任撫臣袁世凱前 奏定試辦山東學堂章程區分三等一備齋習淺近各學如各州  
縣小學堂辦法兩年畢業一正齋習普通學如各府直隸州中學堂辦法四年畢業一專齋  
習專門學因一時無所取材暫不立專齋之課先從備齋正齋入手會奉 諭旨著政務處  
通行各省仿照舉辦在案此次 奏定新章考錄入學章第二節內開高等學堂學生雖例  
由中學堂畢業生及有同等之學力者考選入堂但此時學堂初開尙未有此合格之才可  
酌量變通選品行端謹中國經史文學確有根底者先補習普通學一年然後升入高等學  
堂正科學習等語臣查山東高等學堂於光緒二十七年即經開辦現舊班學生已逾備齋  
畢業之期其習正齋者程度較高雖未及原 奏四年之限按之新章補習普通學一年實  
屬有贏無絀臣擬俟年終會同山東學政臣載昌遵章考試分別學生程度給予備齋正齋  
畢業憑照並按照中小學堂獎勵章程分別給獎不及格者照章補習其正齋之畢業生即  
升入高等正科學習以歸一律似此酌量變通於前 奏辦法既免參差而於此次新章均

能符合謹 奏

兩江總督魏奏派委設局開辦官報片

再前准外務部咨議復商約大臣王部尙書呂海寰外務部左丞伍廷芳奏酌擬近今要務摺內推廣官報一條奏准由南北洋迅速籌款開辦等因當經飭據江甯布政使黃建筦議復於江甯省城選擇公地設立南洋官報局仿照北洋官報一切章程辦理并委江蘇候補知府張預經理其事以專責成仍飭該司會同江南鹽巡道徐樹鈞江安督糧道胡延督率辦理在案查南洋官報即於光緒二十九年十二月初二日設局開辦該報所登悉照外務部復奏辦理首列 聖諭廣訓恭錄 諭旨并載本省外省摺奏公牘商務要件農工實業叢稿選譯東西各報時政新聞務期體例精嚴持論正大庶於地方政治風俗學術人心大有裨益間日出報一次分發各省州縣銷售各學堂閱看以期流通而廣見聞謹 奏奉 硃批外務部知道欽此

擬訂各省政治速成科簡明章

一本科專教各省候補之府廳州縣以吏治為主故定名曰吏治速成科 一本科擬請各省大憲就舊設課吏館施行 一本科分兩學期每期六箇月以一年爲畢業 一本科專

主講論大義無須另編課本 一本科所用書籍雖已酌量編採另刊定本與學期配合均  
勻仍應由各省教員廣搜博採融會貫通以期盡善盡美頭班畢業後即以其所錄講義爲  
二班課本 一各省學員定額應就各省情形酌定至少應以一百員爲度 一學員每日  
上班四小時預備兩小時每日合六小時 一每星期定課二十四小時房虛星昴放假  
一學員上班後由教員講授以受後詳盡爲主所講大義學員應各錄一通次日呈候教員  
核定 一吏治以實驗爲主除講政法大義毋庸參觀官府治事法程外其餘各學科均須  
參觀實驗故於學期內特定參觀時間屆時應先期由各教員稟明大憲指定何局何署實  
驗何項事件如期分班率員前往一則考驗舊案一則籌議新案除各員所見所議即時錄  
出留備所司採擇外仍由該學員自錄一通存館備核以附講義之後 一各學員每日上  
班六小時餘時可歸家自習館中但備早餐餐費自出 一各省課吏館應另建能容二三  
百人之講堂一所無須別置齋舍所需經費不過二三萬金嗣後一切藝資獎賞概可停止  
一各省差委補署應請於畢業學員內挑取其未習此科者應定限制以專趨向 一各  
省教員應請就本省人員中選取專通一門者分科教授別以深明治政理者爲總教習  
一學員應立分數表與學堂學生無異其中應首列行檢一門其分數由該館總辦暨各教

員公同酌定即以其分數多寡為升降黜陟之大原。一館中一切上課辦事各項詳細章程應各就本省情形酌定茲不具擬。一學科共分十門分舉如下政治法律掌故交涉詞訟保甲荒政政治河財政學校。一各學科分兩期畢業由淺及深由汎及近按期分授列表如下第一學期六箇月政治學大義法學通論掌故學法律便覽國際公法及約章詞訟裁判法及刑案監獄管理法及管押自新所第二學期六箇月地方政法通義農工商各要務保甲警務學處分則例荒政及治河財政學及交代學校管理法及宣講法本省條約成案。二每週授課時間無庸另立專表即由此表推算。

直隸天津縣詳送試辦女學堂章程

第一章宗旨 一人才最重母教母教不明人才何出創設女學所以立他日母教之基。一朝廷明降 諭旨勸戒纏足終成畫餅推原其故實由婦人無學本學倡立女教必使名實相符有百利而無一弊。第二章經費 一學中一切經費概由執事同人自備按日交納。一同人按日出資並不限定數目恐其中有力不足者用示體貼。一納費既不拘定數凡稍為殷實者必當踴躍出資以襄義舉。一本學現屬初創倘有欲行襄辦者亦准聲明註冊。第三章功課 一女學功課總以淺近為尚。一本學原係起點將來學有進步

功課酌核加增 一女子體質懦弱不可予人以過苦早課限定二點鐘午課限定三點鐘  
一針黹乃女子必不可缺之事正課外酌學女紅 第四章規條 一學中公舉年高有  
德之人日常在堂監視 一女學教習現時乏人即於學生父兄中公舉數人授課概無修  
金 一學生應用書籍由本學備辦 一學生以身家清白不復纏足七歲以上十五歲以  
下者爲合格到學後概不准塗脂敷粉妝飾簪珥 一學生不限額數隨到隨收 一女學  
生如願入學肄業必須預爲聲明並須該學生父兄出名註冊 一學生紙筆墨硯概由學  
生自備 一學生另設會議室以便同人會議 一學中須雇女役一名 一舉行一事總  
以公議公允爲是不可由一人意見自行改更 一堂中俱係女學生同人中無授課責任  
者不得擅行到學有妨功課 一教習遇有他故務期早日示知以便代爲理課 一本學  
內外以清靜嚴肅爲主出入同人不可喧笑 一間月將出入各項膳清一紙粘貼會議室  
左壁 一他處女學生有欲參觀者必須先期聲明至日由學中監視人導入教習及學生  
惟有正立概不迎送 一辦法有當增改處務期隨時改良

### 各省教育彙誌

定州西關五品命婦王田氏承政夫五品封職王恒遺命將坐落本關路西莊房一所捐入州郡中學堂充作講

其估價值銀六千餘兩已由地方官稟請直督附奏請獎 旌居保定之官商幕友現公議就山東會館設立高等小學同鄉子弟均准報名投考

山東 前准學務大臣來咨 奏定學堂章程師範有優級初級傳習所勞聽生之區別故東撫周中丞現擬遵章辦理將通省校士館悉行裁去分別省治府治縣治釐定辦法省城原有師範學堂習優級初級兩項師範總校士館改辦傳習所以爲各屬標準各府直隸州辦師範傳習所兼辦初級師範各州縣專辦傳習所係傳習簡易科畢業後再接辦初級已通飭各屬限三個月辦成 鄒城馬頭鎮孫露庭廣文知農桑爲富強基礎因自備房屋數十間膏壤數十畝並經費二千金辦理農桑學堂近已稟知胡星舫太守深加獎許已派人前赴兗州農桑會採取學堂章程並聘請教習矣

河南 汴省各府州縣所辦學堂大半將書院義學變易名目而已然其中亦有認真辦理者一爲永城周大令世臣一爲西華舒大令敏之一爲鄭州饒刺史雲卿二處所聘中西教習均均係卓卓者所辦書籍儀器甚富 永城縣周世臣大令下車伊始首先振興學務永邑舊有書院壬寅以後雖經改爲學堂而規模一切簡陋周君乃另自捐廉購地建築學舍廣置圖籍儀器延聘名譽教員所費約計萬金已於四月開學

江蘇 甯垣會設有養正小學一所由官捐三百金爲之提倡旬辦未及三月管理教員互相衝突因之中止現經紳士陳作霖秦際唐等稟請學務處將此官款分設小學四所分城東西南北現已批准 江南高等學堂經教習稟請總辦胡觀察添設鎗操一門即轉稟江督魏午帥允之

安徽 皖省自保甲改爲警察後復經督辦濶廉訪就臬署設立警務學堂堂內設有正幫兩管帶並編副教習二員連日督率操練 皖省民智未開貧民愚益尤甚茲有某君在東門外東嶽廟內創設半日學堂不取修金無論農工商軍

子弟均可報名其宗旨以開愚氓知禮知治生社會之學爲度課程有華文有算學准於六月初一日開學 和州屬舍山縣萬方卿大令刻籌款在邑中創一斌農高等小學堂延日人某君充農學專科教習已于五月十二日開學

福建 省城舊有龍峯正誼致用鳳池四書院併爲一處改名全閩校士館爲舉貢生監等肄業之所外府州縣各書院悉數裁撤改爲學堂省城四書院原有經費提三成歸高等學堂餘悉充校士館膏獎并於省城設立學務處業經閣督李制軍專摺入奏已蒙 俞允

湖北 鄂督張宮保現擬在湖北省城添設幼稚園四所均聘日本女士爲保姆刻已派女學堂監督任憲吉大令前往東洋聘請並添購一切儀器並開端制軍於前任蘇撫臨行時亦委派大令代聘保姆數位以便在蘇開辦幼稚園云 漢陽東建西崇四坊紳士湯銘新等赴縣具稟請將善堂改設小學堂經馮大令批準立案云 漢口張美之巷興濟商務學堂近已開工 江浙旅學於五月二十八日在武昌高等學堂舉行運動會得獎牌者十人其餘得雙龍者十六人得鑄磁器及他物者三十餘人是日學生共到六十餘人來客及教習共二十餘人冠蓋雍容精神奮發來觀者僉謂他省私立學堂所不及云

四川 四川洋務局新立法文學堂應考者凡三四十人由官籌費而揭曉只取二百四十名越日在府試院中局門覆試 成都昭覺寺富有寺田經成都紳衿勸令籌款撥助學堂經費主僧只認每年繳費一千二百金又新繁縣龍藏寺田地現擬提半以興學堂 瀘州各場蒙學概以義塾改設近日各紳以小學堂生徒必須還自蒙學館故擬每鄉各設一總蒙學堂以爲小學堂之預備現在十鄉皆已興設先後開學

廣東 湖屬大埔邑紳張六似等今年捐資設立樂羣學堂即借城內張家祠爲教室近已開學校具圖籍均頗完備

紳之支續恐不能久即地址亦屬暫情將來亦須集資建築現已一面擇地一面籌款張弼士侍郎爲張紳之親族故張紳擬託張侍郎爲介紹前往南洋籌款云

廣西——桂林高等學堂近已竣工

貴州——貴州興辦學堂經黔撫李中丞札委候補府陳太守赴申購辦圖書儀器茲已購齊運過漢口即解往黔省 茲聞張陽志士等業設半日學堂及女子講社所有一切章程悉仿湖南辦理

### 各省報界彙誌

北京 現有德人在琉璃廠開設報館命曰北京報聘青島膠州主筆朱淇李承恩爲之編述

直隸 天津法租界萬國鐵橋西岸新開一報館已於五月朔出版名曰北洋商報其宗旨在開商智辦商情合商力以期商業之擴張導商界之進步其編次首錄聞鈔次論說次時評次紀事次商情次學說次譯林次藝苑而殿以淺說並請名手爲主筆云 天津西報向有英文二種法文一種現聞德人風克擬設一德文日報擇定紫竹林西寶館後作爲館舍約於西八月底發行並聞風君久主上海德報頗有名望云

山東 濟南官報館主筆李明坡徵君現於布政大街設一閱報館各報俱備任人往閱不取分文 蓬萊李叔堅大令近以塞士閱報無費特捐廉購報散給各鄉生童閱看其閱報規則遠者令各社社差限日送到互相傳觀觀畢於下次送報日將上次所看之報繳回近者於課校士館時分領回家閱看每六人共看報章一種閱訖於下期與課時將舊報繳回另領新報云

江蘇 蘇報館一案經原審官上海縣汪令懸現於本月初七日在英界會審公堂訊結其判詞如下本縣奉南洋大臣



遊覽會同英副領事審訊壽報館一案今據得候允生程吉甫一爲體友一爲司候已管押四月應行開釋陳仲壽保館主陳範之子姑准交保尋父到案龍積芝係鄂督訪拿之人惟案無證據且於蘇報館一事無干亦應省釋至鄭容作軍命軍一書章炳麟作憲書並作革命軍序又有駁康有爲一書言語悖經行同悖逆彼二人者同惡相濟罪不容恕應定鄭容監禁二年章炳麟監禁三年嗣作苦工以示炯戒限滿開釋驅逐出境 上海新出時報已於四月二十八日出版

安徽 皖撫誠中丞飭司籌備銀一萬兩妥議官報章程定期開辦

浙江 浙撫聶中丞近因欽奉 上諭各州縣年終考語及經費儲糧實數均須列入官報俾衆周知等因已飭司查仿北洋章程開辦官報並以籌備經費購置機器等件恐稽時日有先行派委赴滬與某書局訂約代印按期寄浙之說

四川 四川官報發行後各府廳州縣均已派定銷數現復推銷雲貴陝甘湖北等省每省各一百分

### 游學彙誌

夏雲卿修撰同銜具呈翰林院掌院請准自備資斧遵照奏定新章赴日本游學懇予備案給發憑照當蒙轉咨學務大臣咨由外務部給予護照並咨行駐日本大臣楊星使知照按京外各官均經奏准出洋游歷游學免扣資俸而呈請者究不多見前有施福修懇請赴日本游學會蒙學務大臣嘉許咨由外務部發給護照并咨駐日欽使妥爲照料開施福修已由京赴鄂省親即須東渡茲夏修撰復能以第一人之清望而入他國學校爲學生其志量洵加人一等矣 江西紳士東商大吏擬仿照江鄂各省辦法籌備學費選聰穎子弟十名赴日本游學咨請學務部知照出使日本大臣一體保護該項學費係由農工商鑛局籌備先派十名至日本分習農工商各項實業 南洋公學開辦七年領憑卒業者僅得一十五人除張在清已經作古包光輔杜永清又受浙江山東官學之聘派充西學教習外其他十二人如張景堯決

士緒王澤利王壽祺胡壯猷楊德森張保羅王照金頌庚林宗濤周濤李昌祚皆由公學派赴比國游學分習製造鐵路  
鑛學三門已乘德國郵船起程云 湖南派送學生四十四人遊學日本業已赴東又於四月二十六日學務處奉撫憲  
札選派湘省候補人員派赴日本習政治法律 兼鄂督端奏請鄂省續選學生派赴德美法比各國學習實業云 日

俄開戰刺激人心湖北自費遊學者履相接近聞江陵縣有女生五人學志兼超僧同縣十餘人自備資斧往日本遊學

羅君昌在英京羅士佛大學堂考取甲班學士科茲探悉羅某係新安人現年約二十餘曾從事西學於中文亦能悉  
大概由駐檀香山領事張道查照學務處遊學章程第十條飛函回粵由梁小山侍講鍾仲珏翰林二人特別保送可以  
無庸考試照給學費云 英美各大學校每年有大考一次會集各國學校之學生功課合考選之被選爲首列者名曰  
花羅沙蓋以其智識學問爲各國學生之最特出者于世界上有至高之價值者也今年紐約哥林比大學堂開考奪此  
標者爲吾國嚴君錦榮嚴君曾在天津大學堂卒業既獲首選美人敬服不置多有就嚴君問學者并欲研究天津學堂  
之學科 留學日本諸君以陸軍師範二門爲多其他各專門學亦皆有人惟海軍一部以未經日本海軍省認可故尙  
無我國留學生足跡焉浙江王君龍飛欲入彼海軍豫科即日比谷  
中學校請於使館商諸日政府始不允固請乃許之但有不能  
入海軍大學之議王君遂於某日赴該豫科試驗中程遂於某日入學

### 僑民興學

日本大阪華商總董袁子壯約集神戶大坂兩處華商創設善鄰學院倫貝子持節過此聞有是舉首捐日銀一百圓其  
他各埠華商聞風興起頗不乏人 坤甸爲南洋波羅洲總埠華商不滿萬人全埠統計亦不滿三萬人本年三月應議  
於埠中倡設藏書樓廣購新譯諸書及中西文各報俾同人隨時留覽並延東洋留學生來教習以教子弟 檳城中華

學校開辦速成科以夜課爲起點草創伊始來學者已千餘人現僅足容三百名開梁壁如領事擬捐廉擇地設一學校處以便各總理之會議更將家藏書籍安置其間以爲各教習學生博覽參觀之助 荷屬加拉巴三寶壟已於三月初一日開學泗水埠今亦開風而起即日開辦英屬庇能埠亦已創辦中華學校來學者數百人 美國紐約埠華商今春創辦維新報以開風氣近又設立一小學堂以教華商子弟 華盛頓婦人會癸卯年冬開會時有一中國女子在內演說聞爲梁鎮東星使之女公子年十七歲云


### 各國教育彙誌

日本 日本近已重訂捕魚學校章程凡捕魚學校卒業生皆須由農商省大臣派往外洋船中操練捕魚之事三載方能出而自行謀食如有外來學生欲就此業者亦須由農商省大臣先行考試務須與捕魚學校卒業生程度相等方能一體派往操練云

美國 美國黑奴中有一最高學識之布加華盛頓博士近設一高等學校黑奴願入學者甚衆因校不能容而被拒者凡一千零十八人黑奴亦知好學則神明之裔可以興矣

第六部 訓練方案

教育



一百五十一

六月

# 財政

論戶部銀行 錄六月初一日時報

頃者我國設立戶部銀行。其事有類兒戲。中國人固莫或注意。即外人亦多以冷語相評。頃讀日本經濟新報有寄書一篇。論此事者。節譯如下。  
親夫中國戶部銀行與通商銀行。此兩者皆有中央銀行之格式。其並行而不相協。最不可解也。因舉兩銀行性質異同之比較如下。

## 戶部銀行

- 一 資本銀四百萬兩每股一百兩戶部自認二萬股其餘募之於官民
- 二 專為存貯銀兩買賣銀兩發行銀行赤紙及按揭各營業
- 三 受國家特別保護若當滙兌緊急之時可由國庫借入補助
- 四 以後凡銀元局鑄造銀幣銅幣皆交本行發放
- 五 發行紙幣五種百兩五十兩十兩五兩一兩
- 六 司理戶部出納
- 七 總行在北京支行分設天津上海漢口廣東四川等處

## 中國通商銀行

- 一 資本銀五百萬兩每股一百兩募之於官民而招商電報兩局自認一萬五千股
- 二 同
- 三 政府為特別保護特從國庫撥二百萬兩存貯該銀行收同薄利
- 四 此條全缺
- 五 發行紙幣凡分兩等一以兩計者其種數與戶部銀行同一以元計者百元五十元十元五元一元凡五種
- 六 司理中央及地方公費出納
- 七 總行在上海支行分設北京天津漢口等處

財政

一百四十五

甲辰

此兩銀行相異之處。惟第四項。收納銀元局所鑄貨幣一事爲最異。第六項。亦微有所異。第七項。則戶部銀行。設在北京。純然爲中央銀行之規模。亦其特色也。但既名曰中央銀行。而規模。僅如是得毋過於狹小乎。此一疑問也。中國前此。未聞有所謂西式銀行者。然如山西各票號。不過私人所營業耳。其資本之多者。猶且百萬兩。以至千萬兩。其銀號錢莊。亦自數十萬。以至數百萬。今所謂戶部銀行者。立於此等匯兌機關之上。挾持正貨。及兌換紙幣之發行權。欲以調和全國之匯兌。而僅有此區區四百萬兩之資本。其萬不能達此目的。豈俟著蔡乎。不特此也。吾恐此銀行。雖挾國力而斷不能與舊有之票號錢莊競爭。更安敢望指揮之也。吾以爲若在一府一縣。立此等銀行。爲該府縣之匯兌機關。庶乎可矣。今以之當中央銀行之責任。毋乃太不類耶。又馬蹄銀之鑄造發行。此戶部銀行占何等之地位乎。又一疑問也。據原議。則現在各銀元局鑄造之銀元。改爲兩數。而繳入該銀行以備支付。銀行則對之而發行兌換紙幣。若僅如此。則所謂中央銀行對於匯兌之責任。實有所未盡也。蓋除銀元局之外。其各票號各私人之私鑄馬蹄銀者。甚多。非盡收之於戶部銀行之手。則於貨幣之整理。統一終不可期。今徒擁此虛名。則與現在之中國通商銀行復何擇也。

由此觀之。則北京政府。今日何故必創立此銀行乎。實吾所百思不得其解也。彼當光緒二十三年之特設中國通商銀行也。亦謂將以達此種種之目的也。今者中國通商銀行之營業。亦與戶部銀行無所異也。而疊牀架屋胡爲者。如曰。因第四項之必要而創此戶部銀行也。則何不以此特權畀諸通商銀行。以此資本加入通商銀行。而將通商銀行移至北京。使漸次發達。遂完中央銀行之義務也。計不出此。而以此不完全之兩銀行並行。迷分業之至。理蹈駢枝之譏。謂中國人摹仿泰西文明。皆買積還珠之類。此亦其一端矣。

案日人此論。可謂博深切明。雖然。惜其於通商銀行腐敗之真相。及戶部銀行所以設立之私意。尙皆未能見及也。

論日俄公債

錄甲辰第十五號外交報譯日本國民新聞

自日俄開釁以來。俄國公債。雖漸貶價。尙不如英特戰時英國公債貶價之速率。英國根沙爾公債券。當一千八百九十九年四月。值價百一十鎊者。七月間。減至一百有五鎊。十月開戰。減至一百有一鎊。至十二月。則又減至九十三鎊。此九月間。計共減十七鎊。今觀俄國公債。當一千九百三年五月。值價一百有一鎊。以四分起息。至十一月十二月。時局切迫。尙值百鎊或九十九鎊。至二月五日。戰兆益急。減至九十七鎊。九日。日俄決裂。減

至九十三鎊。翌日。有旅順之敗。報至俄都。減至九十鎊。近則猶未再減。今於英國公債。俄國公債。同以九月論之。英國共減十七鎊。俄國則僅減十一鎊而已。

更觀日本公債。一千九百三年五月。五分利者一百零五鎊。四分利者八十八鎊半。至十一月四日。五分利者減至九十五鎊。四分利者減至八十一鎊。至十二月四日。則爲九十二鎊。與八十一鎊。二月五日。減至八十七鎊。與七十五鎊。二月九日。又減爲八十鎊。與六十九鎊。翌日。得旅順捷報。五分利者減至七十九鎊。四分利者減至六十七鎊。此最當注意者也。然他日或可復增一二鎊。亦未可知。

以日俄公債相較。日多於俄。殆將二倍。俄國四分利者。僅減至十一鎊而止。日本四分利者。直減至二十餘鎊。而五分利者則尤甚。約共減低二十五鎊。

當開戰以前。俄國公債總額。約七億鎊。日本公債總額。約五千五百萬鎊。進而察其民數。則俄有人口一億四千百萬。日本有人口四千四百萬。至俄之歲入。約二十億盧布。日本之歲入。約三億圓。近年俄國之歲出。常過於歲入。而日本之豫算。出入相抵。至國法之制度。與流通貨幣之狀。徵收租稅之法。則日本財政。實較勝於俄也。

吾人於此。則有一大疑義焉。蓋日本財政有序。俄國財政紊亂。且甚窘迫。乃日本公債之不



見信於人。轉甚於俄國公債何也。以歐人觀之。殆不以日人爲有近世國民之資格。而以日本爲世界強國之一。故耳。日人既非基督教徒。然其文明則亦爲東洋之文明。彼歐美人者。不敢信日本國民有債務之道。德心亦不敢信日本政府之果無藐視國債之意也。

論俄國外債 錄甲辰十第五號外交報譯日本國民新聞

俄人近貸金三千二百萬鎊於法國。法政府僅允其半。且不許其對衆發行。約明以五分起息。限三四年清償。而發行價目。告諸法國銀行。則以九八折算。俄政府雖極反對。然依原價之額。不能發行明矣。

法政府亦何故欲限制俄國之債額乎。究其理由。一則法欲使戰事速結。以爲有利。故不應俄國之募債。即所以促其戰局之早結。此定理也。一則法國若以此款貸之他國。當得厚利。今以巨款貸俄。所獲有限。且當是時。俄國急以修築鐵道。行其侵略主義。而一切費用。常求助於法。法政府不輕諾俄債。非無理也。且俄人每於法國商品。課以重稅。法國政治家。因欲使之減稅。故不願應募。又法政府以俄國戰費。有不可豫計者。故與其貸之於戰時。不若俟戰後萬事就緒。方貸以一定之正額。較爲得策也。

俄人雖亦欲稱貸於德。而德之反對。較法尤甚。德國銀行固有欲應募者。而政府不爲承認。

故無論政府明示禁止與否。然政府之所以不承認者。即默示其意也。夫德之所以不應俄債者。無他。殆因俄國際此困難。貸以巨款。實有可危。故不若戰後貸付之爲妥耳。且俄人常憎德之新關稅。仇視德國商業之心。日以滋甚。則其不應俄債也。亦固其宜。故俄國今所假者。僅千六百萬鎊耳。夫德法兩國。今猶不能通融。況他國乎。俄國將以何策而復假此千六百萬鎊之巨額。實可疑也。

漕運總督陸署閩浙總督李浙江巡撫聶會奏浙江屯田繳稅擬議辦法章程摺

竊於光緒二十八年正月十七日奉 上諭將各省屯田地畝逐一澈底查明悉令該屯戶報官稅契聽其管業將屯餉改爲丁糧統歸州縣官經徵此後屯丁運軍名目概行剔除欽此又於五月十四日奉 上諭有人奏各直省衛所屯田請飭清查繳價以裕國帑一摺著各該督撫迅即認真清查分別妥籌辦理欽此均經前督臣撫臣漕臣札行司道欽遵辦理去後臣等到任後復經疊次行催茲據浙江布政使翁曾桂督糧道陸襄鉞擬議章程詳請具 奏前來臣等查浙省屯田散處各州縣均與民田犬牙相錯本易混淆田產戶冊燬於兵燹又復無從稽考幫丁報產承糧固屬未能覈實而瘠薄田地久荒未種一時亦難墾復現在清查不易惟有稍事變通先查成熟屯田次及缺額荒產庶不致曠日持久歲事無期

覈其辦法大要有六一繳價宜定等差也查浙省杭嚴嘉湖台州温州衢州五衛所額管屯田地塘蕩共一千八百五十四頃有奇除荒蕪缺額外計查明成熟田塘蕩一千二百八十一頃有奇擬就查明成熟屯田無論軍執民執概分四則繳價杭嚴嘉湖台州衢州四衛屯田較瘠擬令每畝上則繳銀三兩中則二兩下則一兩四錢下下則一兩温州衛屯田較勝擬令每畝上則繳銀五兩中則四兩下則三兩下下則二兩均由該司道曉諭各戶按則報繳一屯田宜給印照也查屯田本公產現令繳價納稅聽其管業自應給予執照以昭信守應俟田價繳清由縣按戶造冊分送司道照冊刊刷三聯印照一聯填給業戶一聯存縣一聯繳司一契稅宜照民田完繳也查民間買賣田產每價銀一兩完稅銀三分屯田納稅自應一律飭辦惟契尾不與民田區別未免淆混應由藩司另刊屯字契尾分發兼管各縣覈明填用黏連照後給發收執浙省契尾新章每張應繳捐銀一兩此項繳價究與尋常買價不同契尾捐銀應請免繳以示體恤一缺額宜分別清理也查浙省自遭兵燹衛冊蕩然無存屯丁流亡產多荒廢現在承平已久而缺額甚多恐不免以熟作荒以多報少之弊應責令兼管各縣切實稽查分別清理其荒廢各產亦即招佃墾復造冊詳報一應徵各款錢糧宜照舊徵解也查衛所屯田向徵屯餉漕項屯折軍儲津租各銀兩名目互異科則輕重亦

各不同較之民田究屬加重各戶完納已久應請毋庸改變照舊徵收仍將所做各款循照舊章分解藩司糧道各庫分案造報以期簡易而免紛更一查辦稅務宜專責成也查浙省五衛所前委仁和海鹽臨海西安永嘉等縣管雖各衛屯田散坐各縣而頃畝多寡各有不同若令田坐各縣分辦繳價納稅事多隔閡應責令兼管各縣一手經理其清查糧產招佃懇荒或鞭丁莫及准其移知田坐各縣督同辦理田坐各縣亦不得推諉以上六條乃辦法之大綱其餘未盡事宜臣等仍當和衷商榷督同司道隨時認真清理謹 奏奉 硃批 戶部議奏欽此

署兩廣總督岑奏擬息借民款舉辦地方要政摺

竊廣東盜賊日多游民日衆推其所致實因民窮臣常調查近數年海關貿易總冊每年進口貨之價值浮於出口貨之價值率在三四千萬兩脂膏日竭無怪其然欲塞漏卮在興製造此廣東工廠之不能不急辦也省港澳之路既已屬於英葡他處可以造路者尙多此廣東鐵路之不可不急辦也礦利之饒人所共悉粵省儘多佳礦徒以款絀未能大開此廣東礦務之不能不急辦也省城近年暑疫盛行春夏之交死亡枕藉天災之酷慘不可言雖致疫不止一端而大端由於飲水之不潔欲消泯宜講衛生此省城自來水之不能不急

辦也以上數端不過舉其最大者以外此等要政尙多所以未能次第舉行則以每年入不敷出且三百萬騰挪之款之不遑矣有餘力以辦地方之事然既知其確爲要政又何敢諉之無款竟不一籌今於無可設法之中思爲息借民款之舉擬借款三百萬兩每月每兩行息七釐限十年內分期攤還指定善後局所收之稅捕經費關姓山票舖票彩票五項承餉作抵由局將每年應還之數按期撥交粵海關稅務司現在借款及將來還款均由稅務司經手以免留難及需索規費等弊聲明此項借款實借實還永不作捐輸報効並全備辦理地方生利要政永不挪作別用及撥充軍餉以上辦法經臣議訂章程業經飭由粵海關稅務司錄寄總稅務司赫德閱定允爲代辦並經赫德擬定辦理此項備款事宜每年津貼粵海關稅務司銀七千兩左右謹將擬訂章程繕單恭呈 御覽如蒙 俞允卽當飭粵海關稅務司刻日開辦果其辦理有效不獨粵省要政可以次第舉行而風氣漸開亦可爲 國家貸用民債之先導至各要政究應先辦何事應俟借款得有確數後再行酌辦 謹 奏

奉天將軍增奏試造銀銅各圓酌定變通行銷辦法摺片

竊奉省甲午亂後曾經前任將軍依克唐阿奏設機器局以備製造軍火兼搭造銀圓藉資疏通地面奴才到任後復加擴充添蓋廠房續購機器規模始爲粗備時值省城現錢缺乏

不減周轉當用土法鼓鑄制錢數十萬吊並以機器試造四分重銅錢其錢式均經奏呈御覽正在試造紫銅當十錢文忽屆拳匪事起該局機器緊要各件已盡歸烏有第值大亂甫定商民元氣未復市面銀錢俱缺益難周轉詳加考查是非整頓圖法不可而整頓圖法又非製造銅錢各圖不可隨即派委花翎補用知府朱雲錦等將該局現有殘損機器招募工匠重加修配其缺短必需器料等項赴滬添購先為製造銀銅各圓之計查內地各省均仿外洋製造三種銅圓重四錢者當制錢二十文重二錢者當十文重一錢者當五文便利通行自應仿照辦理但各省印花機器甚多即每日製錢亦多故能獲有餘利而奉省亂後款項奇絀祇得圖易就簡以為續後擴充之地是以先儘修妥舊式機器每項一部並在滬添購新式印花機器一部暨採買銅鉛鋼鐵一切應用料件試造當十銅元正面鑄光緒元寶四字內加清文奉省二字四周鑄奉天省造並製造年分暨當制錢十文字樣背面中鑄龍紋四周鑄英文譯曰奉天省造當十業於上年七月初一日開工所造紫銅當十銅元核計需本較重賒折甚多復經考查南省均已改用黃銅現已仿南省章程以紫銅七十斤大花鉛三十斤點錫四兩合鑄配造藉以少用成本所造頭等銀圓正面鑄光緒元寶四字內鑄清文奉省二字四周鑄奉天省造並鑄年分暨庫平七錢二分字樣背面中鑄龍紋周圍

英文譯曰奉天省造庫平七錢二分查南北洋往年規仿泰西鷹洋制造龍洋分爲大小五種分別成色三等重七錢二分者攪銅一成三錢六分者攪銅一成四分其一錢四分四釐並七分二釐暨三分六釐者均攪銅一成八分原期抵制鷹洋以塞漏卮乃非特不能抵制轉爲奸商藉口龍洋成色不一市價任意高低以致行用不暢現在奉省開造銀圓必須量爲變通擬五種銀圓概用足銀八成五分攪銅一成五分鎔碾製造則成色大小劃一市價不致參差民間自便行使惟印花機器現在僅有兩部祇敷製造當十銅元搭造頭等銀元之需仍需添購印花機器三部四十匹馬力引擎一部滾邊機器三部粗細碾機器各一部二百盞電燈一副八尺車牀一部六尺車牀二部橫刨刨牀一部方可將三種銅元五種銀元一律製造各等情據製造銀元局先後呈請 奏咨前來奴才查奉省亂後銀銅極缺製造銅銀各元以維市面實屬不可稍緩之事現雖款項支絀亦不能不竭力圖維統盤覈計所有修葺各廠添配機器續購機器以及各項應用料件約需銀十萬兩之譜現已由荒價項下提出銀十萬兩作開辦成本請 旨飭部備案目前甫經開辦機器尙少一時尙無盈餘一俟機器購齊廣爲製造即將所得餘利先儘原本歸還再有盈餘亦盡數歸公似此權宜辦理既可周轉地面亦籌款之一端也謹 奏奉 硃批戶部知道欽此

再鑄銀銅各圓固宜求行銷無滯而奸商之販運尤宜預爲之防查奉省制錢奇絀市塵行使錢文均以紙幣充數致銀價日高每兩合東錢十二千有奇若以當十銅圓抵算須一百八十餘枚始可易銀一兩以視南北各省每銀一兩換當十銅圓一百十餘枚其價懸殊太甚現鑄銅圓若仍照制錢十文行銷不惟虧帑甚鉅且一經發出必致展轉運售是徒損公款於國法地方轉多窒礙現體查情形酌定變通銷法每當十銅圓一枚暫作爲東錢一百文出入一律如此則民間行使既稱便利而販運之弊亦不禁自絕一俟銀價稍平再行改符前數至於銀圓津滬市面係以銀合計奉省所鑄銀圓大圓每圓庫平七錢二分仍作庫平七錢二分行使其餘小角即以十角作一大圓不准稍有參差及貼水加色所有完納各項錢糧稅捐官款均一例照收似此權宜辦理似於抵制滯扃疏通地面均有裨益謹奏奉 硃批知道了欽此

河南巡撫陳奏設立東鹽加價總局懇 飭部立案片

再豫省前因餉需賠款支用浩繁將蘆東潞淮四綱引鹽先後加價潞淮二綱設局抽收蘆東二綱附行銷州縣經理均經 奏明在案自上年蘆鹽改爲包繳虧耗已多而東鹽由各州縣經理迄無起色前撫臣張人駿擬照潞淮辦法改爲設局稽征並經委員前赴歸德府



與東省南運局籌商辦理於上年七月間開局而事涉兩省時經多日議未就緒臣到任後復督同司道籌議加派委員會同印官考查並與山東撫臣往返咨商一切辦法時逾數月議有端倪查東鹽運至豫省向係行銷歸德府九屬地方擬於歸德府城設立加價總局於各屬要隘酌設分卡專司稽征遇有東鹽入境驗票放行不准留難需索每斤按照原續再加三案抽收八文按季清解並設互相稽考之法每月由各局將銷數移知加價局由總局赴南運局調查東省月報簿每屆年終封廠之時由南運局知照加價局會同點驗存鹽數目以昭核實局用一切准援潞淮兩綱不得過一成半之成案支銷辦公據該印委等會商妥議呈由布政使瑞良糧鹽道王維翰具詳請 奏前來臣查東鹽加價歸各州縣經理既無起色自應別籌整頓之法以重要需現由豫設卡派員會同東省委員和衷辦理東省司運銷之責豫省有稽查之權庶幾互相考證均有裨益一切辦法參做潞淮成案亦屬有轍可循應飭先行試辦謹 奏奉 硃批戶部知道欽此

福州將軍兼管船政大臣崇奏請就船廠鼓鑄銅元片

再查制錢奇絀各省相同多以鼓鑄銅元相輔而行以維國法閩省設局鑄造多年銅色既佳流行甚廣奴才此次刻赴船廠查閱各處廠所均極寬宏內有魚雷廠因經費支絀停造

年現既空閒擬即設法籌借款項添購機器就此鼓鑄銅元無須購地建廠鍋爐等器亦  
可由近廠帶用機器零件由輪機廠亦能自製將來仿造鼓鑄各項機器更可愈推愈廣綜  
計現時用款約止借銀十萬元較諸各省便益良多所有廠中一切均照閩省章程擇派精  
細廉幹之員切實舉辦俟有盈餘先行歸還借購機器款項餘即留充船廠經費查海關歲  
撥船政經費二十四萬兩尙不敷用得此盈餘鉅款亦可將海關歲撥經費逐漸截止儲備  
要需各處如購銅元撥款到閩亦可廣爲代鑄似此不獨便利商民猶能振興廠務實爲有  
益無弊之舉一俟開廠鼓鑄即將銅元樣式並詳細章程恭呈 御覽相應仰懇 天恩俯  
准飭部立案謹 奏奉 硃批戶部議奏欽此

兩江總督魏札各關道准外務部咨會訂膠州青島設關徵稅辦法文

光緒三十年三月二十日准外務部咨光緒三十年二月二十一日據總稅務司函稱輪船  
在內河行駛一事德國大臣前云膠州界內之青島既允在彼設關應由該關按照通商他  
口一體發給就近入內港執照旋由外務部允許照辦於光緒二十九年八月間函復在案  
查此事應擬之章已與德國大臣往復詳細商議擬定專章六條作爲光緒二十五年三月  
初八日會訂青島設關徵稅辦法之附件應由德國大臣與總稅務司彼此照案畫押以便

施行在未經畫押之前合將此項專章錄呈酌奪示復等因當經本部核定該章飭令遵照  
畫押去後續據申稱專章六條已於三月初二日彼此畫押合將漢洋文各一分送呈存查  
並請示復轉飭遵行等因前來除札復外相應將該章六條刷印一分咨行貴大臣查照

兩江總督魏咨浙江巡撫查復英商運貨文

為咨復事光緒三十年四月二十一日准貴部院咨英商麥邊分行在紹興等處背約開設  
違章運貨領事索償虧耗一案飭據委員查取廢單將所載不得出入海口等句塗抹復刻  
出吳淞口紅戳咨請迅飭江海關澈查妥辦復浙飭遵等因到本大臣准此查此案昨經飭  
據江海關詳復洋貨入內地請給子口半稅單由吳淞出海行運係德美商運舟山火油之  
案創始已奉總署核准照辦迨後援請祇能照案給發至此項稅單原蓋紅戳與現辦情形  
不符可否另擬酌改請示當將籌關所論由滬運浙洋貨應轉運甯甯完半稅入內地一節  
仍須按約詳考並將戳式如何酌改即籌議詳復核奪批飭照辦暨抄詳及批咨復貴部院  
查照飭遵各在案運洋貨入內地完半稅者給單沿途呈驗不再重征不完半稅者仍須逢  
關納稅遇卡抽釐是所執之單係為驗免稅釐之據該商若不呈單請驗各關卡既無從知  
其業已完稅即與偷漏無異故善後約匯單少報應將同類之貨全數入官今即照二十四

年案沿途雖准售賣然過第一子口該商仍應報明在何處售賣何貨若干由關卡註明單上蓋戳放行如匿單不呈仍應照約辦理照馬關約運貨到地雖准暫租棧房第所謂暫者即指所運一次之貨准其租棧暫存蓋貨運到地不能無寄儲之處不獨該棧仍爲華商之棧且貨亦祇能暫存不能代爲經理銷售如其始終承租該棧又復代爲售貨則與開設行棧何異洋商不准在內地開設行棧既載煙臺條約亦經英國駐京大臣通飭各領事有案何能借暫租棧房以爲影射之計至單內載不得出入海口字樣雖與現辦情形不符而所載貨運到地應在地方官衙門或釐局繳銷辦法未改單內將此一節塗抹顯係該商所爲意在匿單不繳單上加蓋出吳淞戳記未據稟報有案恐亦係該商私加須至咨者

各省理財彙誌

北京 崇文門稅務監督應於本年七月間 簡放現開崇文門稅務將歸商部兼辦其監督一缺亦由商部堂官補授 赫總稅司加稅條陳袁慰帥李勉帥錫清帥已有覆奏將中國古今賦稅之數詳加比較畧謂加賦必不能辦惟清丈一事當設法辦理云

直隸 蘆鹽加價歸公一款本自光緒二十五年六月至三十年五月杪五年期滿停止現因庫儲奇絀應解洋款防費實無所出由長蘆運使詳直督袁宮保展限五年仍以七成提歸公用三成津貼商人袁宮保據實入奏已蒙 俞允 山東 烟台東阜公司商董李刺史祖范具稟商務局擬在烟台開設官銀分號由東阜銀號代理請飭發官款庫平銀

二萬兩作為該號行動資本長年官利六釐按五期本利繳清商務局憲據情轉詳已奉院批如詳辦理

河南 河南設立籌款所刊發關防札派布政使瑞良按察使鍾培燾道王維翰釐稅局候補道費道純公同辦理統捐一案以與現辦釐金章程無異仍照向章辦理又全省水占沙壓地畝停緩銀十六萬七千餘兩加以水旱荒田錢糧除報墾升科外尚有停征未復地丁銀十八萬三千餘兩漕糧一萬八千三十餘石現已設立清源局派布政使瑞良按察使鍾培燾候補道許葆連專司其事一律清查均經豫撫陳中丞奏准照辦 歸德縣東達江蘇揚州縣南達安徽亳州北鄰山東曹縣均為產硝之區惟亳州抽收硝磺揚州曹縣皆未籌辦茲河南籌款所議定自本年四月初一日起無論年批鋪批每斤加價六文詳蒙批准而歸德縣郭大令其章以抽收加價期集巨款既須審明向辦各省尤須咨商鄰省同時舉辦否則避重就輕在所不免等情稟經汴撫批飭籌款所核議原稟各節為整頓稅捐禁絕弊端起見似宜照准辦理惟查硝為軍火所關例應嚴禁私販應請分咨各省轉飭各局員於採買硝斤足數後報明各地方官黏貼印花填寫執照派勇護送如沿途各州縣及各局卡查無印花執照即以私硝論現汴撫陳帥已准咨各省督撫照行

江蘇 江蘇所籌練餉係在甯蘇兩屬丁漕項下共提銀二十一萬兩自光緒三十年上忙為始而督撫司道各局員共報効銀六萬五千兩已由江督魏制軍蘇撫恩中丞會銜入奏 江南義賑彩票公司開辦以來於應繳洋僅照售票張數尚不按月清解屢以滯銷藉詞稟請添設副票經江督魏制軍批斥畧謂該公司現擬已將屆六年之限既稱辦法已窮應即飭令停止勒限將短欠釐洋清改歸官辦以裕餉源應如何訂定官辦章程仰江藩司妥議稟復

浙江 浙省百貨釐金先已由大憲議令嚴查銷產實數一律招商承認此時各省統捐尚無劃一章程若遽令改歸官辦更易統捐名目勢必紛更觀粵轉難有成浙撫因即專摺入告請暫時仍行招商承認俟各省定有劃一章程再行議

財政

一百六十一

甲辰

改云云業已奉 旨俞允 浙紹等屬印花酒捐頗有成效歲可收洋四十餘萬元惟印花未能精細恐有情弊故總辦王鎮山太守另繪精細花紋詳司飭造蓋用鉛記

福建 閩省煙酒稅派銀三十萬兩又各屬差缺浮收欸目酌提歸公銀十萬兩署閩督李制軍因以官累民貧難籌巨款懇免加征提解入奏 廈門商政局接奉北京銀行咨文及章程分諭商董轉飭各商業一體知照銀行備銀四百萬兩公家籌認一半餘令各省招股每股計庫平銀一百兩云

湖北 蘆漢鐵路開行以來創設貨捐局凡由火車運貨者納值百抽二五之半稅一次鄂豫皆不重徵商旅稱便近來開行漸遠裝載日多河南境內之駐馬店漯河鄭城各處皆設分局雖附近各釐金收數較絀而鐵路貨捐日形暢旺云

湖南 湖南長沙稅關已於五月初一節開辦 署乾州廳劉司馬刻已於城內創設因利局任民貨錢營生不取利息惟至還錢之期每串取錢十四文作為辦公經費謹撫憲張中丞大加獎許並飭各屬一律仿辦

新疆 新疆逼近於俄撫帥欲招練新軍以固邊圉因餉項難籌軍火不足電請外務部代奏大意謂本地籌捐斷難望有成數非他省協濟不可俄志不伸於東三省必將遷怒於此此事萬不可緩云

四川 重慶百貨釐金抽入關者曰老釐出關暨上下游船隻論所裝水力多寡以抽取者曰新釐成同設釐之初新釐只抽船運故僅以唐家港通龍石香國寺三處設釐卡早挑則免川督錫制軍因川省年攤賠款甚巨去冬增添早挑於是九城門與陸路衙要地方皆派司事盤察偷漏今春又因預籌鐵路經費於酒土兩項加倍征收以其非民間必需之物其他應納貨物雖零星亦必認真故能涓滴歸公也

廣東 粵省商務總局照會七十二行董內開奉到岑督札諭擬除海關掛銷稅請將該項歲入之款約畧查明設法籌抵以憑詳請咨商辦理等因當經該商董移覆謂查掛銷餉一事爲各省關卡所無尤爲粵省特別弊政今奉督憲毅然籌議去此苛政百粵士商戴德無極竊查餉向章每洋貨百斤抽收掛銷錢數文係於關稅正餉之外加抽爲數本屬有限而各口司巡人等藉端勒索遇事苛罰每有漏報數文之餉而被罰至數十金者夫以此區區數文之餉於國帑所入無多而丁役苛求無盡論行政非革號口不足以便民論商務非革號口不足以振興論國計革號口而商務可與商務興而餉項自富此相因而至自然之理也故商董等前經具稟督憲乞奏免抽在案其各口號餉每年約收銀若干商紳等再三考查均難得其實數蓋正項有限而罰款多充公少而中飽鉅也此等號餉權憲每年當有報銷冊可查應請貴總局咨明粵海監督查明確數以昭覈實云云

廣西 署粵督岑制軍桂撫柯中丞以廣西應解新舊賠款無從籌解奏請敕部另撥 柯中丞設法籌款不遺餘力以鴉片煙一項爲中國浩劫以征爲禁除設土膏統捐加稅外現又加抽煙館燈捐約計通省抽稅所入甚多卽以之充團練經費俟數月後各府州縣親兵練成團練募齊卽將客軍撤退防軍裁減以節糜費

### 各國財政彙誌

各國 光緒二十九年全球產金共值美國金洋三百二十七兆四萬九千七百五十元合值佛郎一千六百九十四兆十一萬七千七百零五元新金山產金值英洋八十八兆十七萬零九百元西澳大利得居其半產金二兆四十四萬一千二百四十一兩卽七萬五千九百二十三基勞美國得五十五兆五十萬兩卽一兆七十二萬六千零五基勞值英洋一百七十四兆四十二萬五千三百四十元哥羅拉道二十二兆舊金山十六兆五十三萬五千元亞拉斯加六兆九十

二萬一千元代科塔六兆八十八萬九千元烏他五兆六萬四千元亞利索納四兆七十八萬四千元蒙大那四兆十三萬四千元內法達三兆五十七萬六千元依大奧二兆六萬七千元奧里康一兆三十六萬四千元忒朝斯瓦爾六十一兆五十二萬七千元英特戰前最大之數值有七十四兆七十萬九千三百三十八元一千九百零二年減至四兆九十三萬九千九百元勞代西四兆十四萬六千二百五十元瑪達加斯加七十萬元英屬印度十一兆十一萬八千六百二十元中國六兆元滿洲居其大半高麗四兆元日本一兆七十萬元荷屬印度五十五萬元澳洲瑪來西三十五萬元波羅洲二十七萬五千元 各國國債以平均每人所負之數特錄如下澳洲五百一十一圓葡萄牙三百三十圓法蘭西二百八十二圓烏拉圭二百七十五圓亞爾然丁一百八十七圓英吉利一百八十五圓意大利一百五十八圓埃及一百零六圓俄羅斯五十圓瑞典三十七圓墨西哥三十七圓日本十三圓

韓國 五月初五日漢城函韓國之白銅貨前僅用用於京城三十里以內自日本軍隊來後京釜之兩處鐵路工事又起因之此二月中通用之範圍驟大每日鑄出一萬圓左右而市價仍每千值洋二元一角今日白銅貨之流通於韓國境內者已有一千七百萬圓之多凡鑄造偶停則其價驟昂然即日鑄造亦不稍跌近來日本人思欲以日本貨幣改易之尙未就議

日本國 日俄開戰以來迄東歷五月之杪日本國民自請獻納軍資者已有百五十八萬千八百四十八元現在已經收到百二十二萬三千三百六十二元計二十四萬三千九百九十四人陸海軍恤兵部所收之款尙不在內內旅居外國日本人民獻納之額計二十萬三千元共一萬九千八十六人云 五月二十八日柏林電倫敦電云日本在倫敦募集新國債以專利權贖爲抵款



俄國 聖彼得堡電俄國之富豪密購日本公債券現已發覺該處人民大為激昂 四月二十八日倫敦露透電俄國大藏省大臣韋特已往德京聲明前往商議係商借國債之事 五月十三日東京電俄國新外債六億佛郎克業已在巴黎募集滿額 二十一日維也納電俄國政府支出軍費每一禮拜所需約在四千萬羅布以外又自與日本開戰以來正貨流出已及二億羅布以上

英國 英國首相貝爾福倡議官許票一事為下議院反對已久今已議結分數次施行現今議成此舉者三百零一人反對者二百三十五人 英國晨報載稱中國滙甯鐵路借款已在倫敦發付小票共籌英金二百二十五萬磅由中國政府擔保週息五釐按百分之九十七半交納購票者且得鐵路實利五分之一 五月十八日倫敦露透電英國本季入幣本有英金三十一兆七千二百萬二千八百六十九磅顯然少收二兆六十八萬八千零四十四磅 六月初三日倫敦露透電英國公舉之大議紳共一千八百人重創之合衆會第一次會議時藩部大臣張伯倫在場主席衆紳舉之為會長又舉藍斯唐及賽爾邦為次長而張伯倫君以破解改革租稅一事深得衆紳之宗旨故皆一律同心商榷

德國 俄國前戶部大臣維忒至德為新借款事然據六月初四日柏林路透電則德國官場與銀行中人皆不認此事又與京維也納謠傳亦謂俄欲借款二百五十兆已與德國之殷富議定德京官場則謂此信不確又有謂維忒現在商議一新借款計有八百兆德京亦不承認據德國官場中言則謂那達納地方惟議俄德商約並無有借款會議關於遠東之事者

美國 菲律賓歲收煙酒捐每種計有五百餘萬元所以報効美政府者非關稅也而美政府則還其半以作經營該島事業之費 菲律賓島之國法局長克馬勒出示普告島民以各貨幣通用期限尋謂本島之幣自一千九百零四年六月

財 政

一 百 六 十 六

六 月

月三十日後不能再作贖單之用自一千九百零四年九月三十日後西班牙與菲律賓之匯單不能再作上付政府款項之用自一千九百零四年十月一日後凡有票單上已書明用土幣者仍可用惟當收百分之二之稅金自一千九百零四年十二月一日後凡有票單上已書明用土幣者仍可用惟須百分之三之稅金自一千九百零五年一月一日始凡有票單上已書明用土幣者仍可用惟須百分之五之稅金凡土幣之存於各銀行者須收百分之一之稅金凡用土幣以行商者須有捐照之稅凡以上所示收稅則之外餘凡所存現銀或所出之幣當依律法報於所示期限以前報告稅官

## 實業

杜截請辦鑛路諸弊策 錄五月初三日中外日報

自辛丑以來。國家以興利爲急。於是呈請開鑛築路者。攘臂而起。無不以興利爲言。而究其利害所終。極則獨受其害者。國家大局也。稍受其利而終受其害者。人民也。得其小利者。出面具呈之華商也。而獨得其大利者。則出資經辦之洋商與其本國之政府也。蓋華人於路鑛之學。本不諳曉。其所謂身家殷實者。率據其田產及營業而言。非果有數十萬數百萬之資本。足以供其經營也。而又無論何人。卽有足以取信於人之聲望。亦斷不能將數十萬數百萬之資本。咄嗟立集也。故築路開鑛二事。謹愿者不能爲豪商巨賈。亦不敢爲不願爲。惟桀黠者。流始起。而承其乏美其名。則曰華洋合辦也。文其詞。則曰華股若干。洋股若干也。而究其實。則有洋股無華股。當官之說帖。有洋股亦有華股。而私訂之合同。則洋人有款。華人無款。殆於衆所共知。不可掩飾者矣。夫利所在。卽權所在。彼既擲其巨萬之資本於中國之地。旣已盡其權利而有之。則中國之土地。豈不陰爲其所有。是利之在於洋商也。當其興工之始。或出於洋商之私計。其本國政府。未必與聞。然而西人之謀人國也。往往與商於始。

而。占。地。於。終。彼。方。亟。亟。於。窺。佔。土。地。則。當。其。路。鑛。開。辦。以。後。安。知。不。以。保。護。商。業。為。名。行。其。擴。張。勢。力。之。計。甚。或。事。機。遇。會。無。知。小。民。不。忍。一。時。之。忿。辱。起。而。與。西。人。為。難。則。彼。之。駐。兵。占。地。更。為。有。辭。我。更。何。辭。以。拒。之。是。利。之。在。於。洋。商。之。本。國。也。反。是。以。觀。則。於。我。國。家。大。局。有。利。乎。有。害。乎。不。待。智。者。而。知。之。矣。此。等。出。面。具。呈。之。華。人。甘。為。外。人。之。嚮。導。以。圖。得。事。後。之。酬。謝。與。夫。日。後。之。利。益。而。猶。以。與。商。為。言。不。悟。己。之。所。得。者。小。洋。商。之。所。得。者。大。國。家。之。失。者。實。大。其。罪。可。勝。誅。哉。商。部。亦。知。其。然。故。去。冬。及。今。春。所。奏。定。之。章。程。嚴。為。之。限。一。曰。集。股。總。以。華。股。獲。占。多。數。者。為。主。不。得。已。而。附。搭。洋。股。則。以。不。逾。華。股。之。數。為。限。具。稟。時。須。聲。明。洋。股。實。數。若。干。毫。無。遮。飾。字。樣。并。不。准。於。附。搭。洋。股。外。另。借。洋。款。以。杜。朦。混。而。慎。名。實。倘。有。朦。混。開。辦。者。一。經。查。實。隨。時。註。銷。撤。辦。又。云。嗣。後。華。人。請。辦。鐵。路。如。與。洋。商。私。訂。合。同。以。請。辦。之。路。抵。借。洋。款。一。時。朦。混。或。於。開。辦。後。將。該。路。工。私。賣。與。他。人。以。上。情。事。如。經。本。部。覺。察。或。由。地。方。督。撫。查。明。除。將。路。工。充。公。註。銷。全。案。外。應。視。案。情。關。係。輕。重。酌。罰。以上為開辦

又。曰。集。股。開。鑛。總。宜。以。華。股。占。多。數。為。主。倘。華。股。不。敷。必。須。附。搭。洋。股。則。以。不。逾。華。股。之。數。為。限。具。稟。時。須。聲。明。洋。股。實。數。若。干。無。得。含。混。並。不。准。於。附。搭。洋。股。外。另。借。洋。款。倘。有。朦。混。開。辦。者。查。實。即。將。執。照。註。銷。鑛。地。充。公。又。曰。嗣。後。華。商。請。辦。鑛。務。如。未。經。稟。明。本。部。逕。與。洋。

商議訂合同。以鑛地抵借洋款。一時驟准。或開辦後。將該鑛工密售他國人民。原領照人。坐收出名之利益。凡此情弊。經地方督撫及本部查實。即視案情輕重。照第十四條一律辦理。以上為鑛務暫行章程其防弊之策。可謂無微不至。然華人作弊之法最多。往往貌為遵守。而實際相違背。故無論部臣立法如何精詳。如何周備。而講張為幻之人。類能置身於法之中。而實弊於法之外。視其合同說帖。固無一字一語不與章程相應也。而究其實情。則幾於取章程之所禁者。一。身體而實行之。則雖有良法。夫意又安所用之。稱謂請辦鐵路鑛務者。其流弊既如此。若部臣猶聽其自然。不為之限制。則前者既得志。以去後者必接踵而來。勢不將全中國之鑛道。鑛山。盡售與外人。不止。然如懲羹吹竈。遇有呈請開辦路鑛者。概行斥不准理。則亦無以服呈請者之心。且如遇有實心任事。實能遵守章程。招集華洋商股。以辦理路鑛工程者。若亦一律駁斥。則亦無以闢利源而興商務。誠未為可也。今不得已而籌一補偏救弊之法。竊謂宜由商部特立一例。凡有欲開辦路鑛者。除在本省督撫署及商部具呈外。并令將章程合同等類。一律刊登官商各報。并聲明凡鐵路所經之地。及鑛山所在地。如各該處人民。或不以開辦此項工程為然。咸許其各陳所見。指摘其非。苟三月內無人指摘。即已為衆人默許之証。商部自當批准。若指摘者如雲而起。而其所言又確有所見。實無挾

嫌之意與夫仇視新法之積習。則商部即當準輿論以爲從違不復許其興辦。若是者有三善焉。商部遠在京師。與外省消息隔膜。故具呈諸人之底細。與其辦理之實情。商部實無從而知。然而諸人之品誼。若何才幹。若何身家。若何官長不之知。而鄉里則知之矣。其勾結西人與之合辦路鑛也。究竟命意何在。創議何若。訂約何若。可以欺官長。不可以欺鄉里。則衆人之耳目足以補商部之所不及。而不致爲狡詐者所愚。其善一也。商部於鑛路二者。原有準駁之權。然其所據以爲准駁者。特紙上空文耳。究之作弊愈大者。其妝點亦愈工。足使人無隙可尋。而不能斥其非。今如於未經批准之先。即令其宣告大衆。許人指駁。則十日所視十手所指。必有能發露其奸狀而使之無可掩飾者。商部若博採輿論。據以爲駁斥之準較之推敲利病於詞句之間者。豈不勝之遠甚。其善二也。近時鐵路所經地方。時有聚衆滋擾之事。而自庚子以來。各處遇有鬧教及殺斃洋人之案。當地紳士。輒被責備。輕則罰款。重或懲處。將來鐵路如織。鑛工林立。此等案件。恐所不免。夫事前既不使之與聞。臨事乃加以詰責。實不足以服人心。而平衆怨。今如許人公議。苟其衆議僉同。則既有允許之意。卽有保護之責。設開工後。仍有人出而滋擾。則加以懲處。誰曰非宜。若本不以爲然。且又實有不能允許之故。則商部從而駁斥。究足以防患未然。而杜後來無數之糾葛。其善三也。有此三善。

則補偏救弊之法。殆無以逾此矣。或謂近來不善新法之徒。何地蔑有。若商部之準駁。一以輿論爲從違。保無有嫉視路鑛。一意駁斥。而不願人之開辦者。不知亦視其所言之何如耳。苟其所言確有証據。而又能洞見其利病所在。則其言自係爲大局起見。採而用之。可也。若其所言全係無據之詞。徒爲動聽之言。而按諸實際。實無絲毫之影響。則置之不論。不議之列。亦可也。何必以阻撓爲患。歟。或又謂近來呈請開辦路鑛者。率由本省路鑛局爲之轉詳。若令其詳細考核。必確實足據。始爲之上聞。似亦足以杜其流弊。不知近來路鑛局於此等事件。往往循例辦理。並不實事求是。甚有詢諸本局之紳士。以爲依據。而其所謂紳士者。卽亦慣於舞弊之人。甚或卽爲本案串同作弊之人。則其言又烏可信哉。總之一人之私見。實不敵萬衆之公論。固昭昭然也。

論士人不講求實業之非 錄五月初八日中外日報

今日之中國。固合朝野上下。無一足以自全之局也。政府不必言矣。而民間亦甚不足恃。團體不必論矣。卽就箇人言之。亦實無足以自保之資格。此非過言也。夫有國者之大患。莫患於全國之中。無論何人咸露貧弱之象。而前者既種貧弱之因。今者卽食貧弱之報。此誠非玩威惕日。朝不及夕之政府所能施其挽救而就。國民言之。則當此元黃交戰。大禍臨身之

人人宜有自救之志。人人宜講求自救之術。盡得一分人事。即挽回一分天運。有一分實力。即有一分效驗。而欲救弱。宜急研習兵學。欲救貧。宜急研究實業。此必然之理也。兵學一科。爲中國所無。於是士氣披靡。見金革而股栗。聞鼓鞀而神悚。即有好言軍務者。率皆大言欺世。此實中國致弱之原因。不可爲諱者也。近數年來。遊學日本之士。始有入彼國成城武備等學校肄業者。思欲採彼之長。以救我之短。其立志不可謂不銳。其用意不可謂不深。然人數甚微。殊無救於全國之積弱。乃前者某制軍等。奏進學堂章程。特定一非官派生不得學武備之例。於是其途更狹。其人更少。此殆與嬴秦之銷兵。胡元之禁漢人不得持兵器。同一故智。欲以起沈疴而挽積習。蓋亦難矣。至論及實業。則尤有可駭詫者。中國士農工商。號爲四民。實則農工二者。並無事業之可言。農人固守舊法。牢不可破。若語以改良之術。非詫爲異聞。即厭爲多事。故農學報發行數年。中國農人。未受其賜。亦足見農業之不振也。至於工人。則率係貧無聊賴之徒。欲爲農。則無田可耕。種欲爲商。則無資可營。運欲爲士。則家世寒微。景況窘迫。又無途以就學。始不得不迫而爲工。以爲糊口之計。師以是傳徒。以是學。稍及數年。便稱學成。欲其有以自見。難乎不難。此中國工業所以不發達而終古受制於外人也。而士大夫於農工兩途。亦復不屑注意。試觀遊學日本諸生。其所占科目。率不越文學法。



律。政。治。數。門。而。近。年。新。出。譯。述。諸。書。浩。如。煙。海。亦。大。約。不。出。此。數。門。較。諸。同。治。年。間。江。南。製。造。局。所。譯。算。學。化。學。諸。書。虛。實。之。分。便。已。判。然。則。其。注。重。於。此。而。忽。忘。於。彼。又。可。知。也。此。事。雖。細。然。中。國。農。工。兩。途。下。焉。者。既。不。能。有。所。成。就。上。焉。者。復。不。以。爲。意。而。又。值。環。球。交。通。物。力。競。爭。之。世。人。瑜。而。我。瑕。人。神。明。而。我。苟。簡。勢。不。至。始。於。貧。乏。終。於。漸。滅。不。止。斯。中。國。之。前途。大。可。懼。矣。而。所。謂。志。士。者。流。既。不。屑。注。意。於。平。日。則。雖。抱。偉。大。之。雄。心。不。知。何。所。恃。以。發。抒。天。下。未。有。枵。腹。之。人。而。能。有。所。成。就。者。也。而。尤。可。懼。者。假。如。我。將。大。有。所。作。爲。其。勢。非。相。持。數。年。不。能。猝。解。則。必。我。於。農。工。二。途。實。足。倚。以。爲。命。而。後。進。可。以。戰。退。可。以。守。平。時。潛。爲。布。置。足。以。增。長。其。勢。力。而。後。精。力。彌。滿。乘。擘。而。動。而。人。莫。之。敢。侮。否。則。既。不。能。自。養。更。不。足。以。養。人。不。及。數。月。便。有。內。潰。之。虞。又。何。所。恃。而。無。恐。哉。是。則。實。業。也。大。事。也。又。互。有。無。形。之。關。繫。而。非。可。取。辦。於。倉。卒。者。也。竊。願。與。闕。心。時。局。者。一。論。之。

大學士孫等奏皖省鑛務自行籌款與辦請舉熟習鑛務大員請 旨飭派摺

竊以商務爲富國之基鑛務尤生財之要然中國辦鑛多未奏效而賠累者輒行畏縮奸巧者動且轉售非盡闕鑛學之疎也蓋一在難於籌款一在難於得人臣等生長皖邦習知本省鑛產外人覬覦已久前據臣王之春彙摺奏在任時與外人立約定章嗣後紛紛勸諭居

民震動經臣潘慶瀾奏交院撫誠勸查辦旋據覆奏以院境銅官山業被英商凱約翰訂定係因前定章程原有無論華洋字樣是以難杜外人之干預然查現在商部訂定新章無論華洋會辦必須該省地方督撫查明於地方情形有無窒礙并有無違背定章由部酌覈准駁是前項合同按部章應行作廢但當此奸商林立若不自行集款開辦先佔地步深恐羣起垂涎勾引無業外人巧取豪奪事權一屬壓制萬分墳墓田廬無所顧忌必致民心不服釀成交涉巨案而外人更藉以發端逞其所欲隱患因而無窮惟有預行自謀與辦則利權有屬疆圉自安誠爲今日之急務查鑛務爲專門之學其大端有二曰金類曰非金類無論淺嘗者無功耳食者乏效即博覽羣書未嘗躬親一試究無把握必得熟悉情形著有成效之員先赴各處探探方能立定基礎臣等查有二品銜福建興泉永道袁大化安徽渦陽縣人才識宏通經猷卓越素爲同鄉所推重尤爲原任大學士李鴻章所倚任薦保道員辦理黑龍江漠河金鑛歲增稅課幾至百萬該地毗連俄境幅員數千里皆由鑛局籌備防務不糜國帑一錢當時各股東坐享利益咸敬服不置是從前辦鑛成效昭然可見者也若以辦安徽全省鑛務誼關桑梓信從者衆必能聯絡紳民籌集巨款無事借資洋股而收效可期惟袁大化係實缺道員未敢擅便查從前候補道李徵庸蒙 恩賞給三品卿銜督辦四川

全省鑛務直隸長蘆鹽運使楊宗濂蒙 恩賞給三品京堂辦理直隸織布局今臣等陳請  
飭派袁大化辦理安徽全省鑛務事同一律可否請 旨援照李徵庸楊宗濂成案開去  
袁大化福建興泉永道底缺 賞給四五品京堂候補庶幾呼應較靈而事可有濟出自  
聖裁非臣等所敢擅擬如蒙 俞允俟奉 旨後應遵照商部所訂鑛章設立公司妥籌辦  
法呈明商部立案并由商部咨照兩江督臣安徽撫臣妥爲照料謹 奏光緒三十年五月  
初三日由軍機處交片傳知本日大學士孫家鼐等奏皖省鑛務自行籌款興辦請 派熟  
悉鑛務大員辦理一摺奉 旨福建興泉永道袁大化著發往安徽辦理全省鑛務欽此

商部等會同議覆山西道監察御史夏奏請推廣工藝摺

光緒三十年二月十二日准軍機處鈔交御史夏敦復奏京師游民太多請推廣工藝局廠  
一摺奉 旨商部戶部會同五城順天府議奏欽此欽遵傳知等因查原奏內稱京師地面  
雖已設立工藝局廠數處然雇用工人有限無業窮黎沾被尙鮮泰西各國老弱不任事者  
則有專院養濟餘如瘖聾殘廢亦皆有學堂教成一藝俾贍其生是非推廣工藝不足以裕  
民生應請 飭下商戶二部會同五城御史博采章程廣籌經費多立局廠切實舉行專收  
無業之民咸令各習一藝各等語臣等伏查勸工恤民實政治之要務近年以來屢奉 明

詔提倡工業臣等仰體 皇仁正在悉心籌畫冀得教養相濟生衆用舒茲據該御史奏稱前因臣等復通盤核計一再會商查五城原設有教養局自舉辦以來凡由城獲到竊竊及滋事之游惰悉行收管局內教以刷印刻字織布織席各項工藝特以限於經費故只略具規模現擬由戶部籌撥經費銀三千兩每月局用銀二百兩稍事擴充至商部工藝官局先由臣璧在順天府尹任內遵 旨創設所立各科半多京中未有之藝事自去秋欽奉 特旨改歸商部管理復迭經督飭整理漸有起色極擬添工廣造以挽利權亦因經費無多尙未大加推廣茲查湖南省每年有應解順天府漕折銀七萬兩臣等會同商酌擬就此項內提撥二成約銀萬餘兩藉以展拓工藝局常年經費惟此項解款該省往往不能如額應請 飭下湖南巡撫自本年起儘數迅解一俟解到若干再行照撥二成以期量爲推廣謹奏

商部奏機器造紙公司酌擬章程請准試辦摺

竊臣部於本年三月二十一日具奏派員總理機器造紙公司一摺奉 旨依議欽此遵卽傳知前候補四品京堂龐元濟欽遵去後現該京堂業已到京臣等屢次接見詳加討論茲據該京堂呈請造紙公司實爲開闢風氣要務自當迅速籌商辦理惟設廠購機以及招股等事端緒至繁尙待次第舉辦謹先酌擬試辦章程十條呈請覈示等情並據呈到章程內

第一條開造紙全恃水色清潔近畿山脈多含鑛質實於造紙未宜請將機器廠設於上海一面於京城設立公司以便提倡行銷第二條擬先集商股銀三十萬兩並由部籌撥京股銀六萬兩提倡資助趕緊開辦照有限公司章程辦理第三條頒行官紙仿照西製酌定格式嗣後所用公牘及將來 國家行用鈔票等紙均由公司承辦第四條製紙以日本爲最有以樹皮爲之者中國所產極多棄材可惜擬前赴日本各紙廠詳加察看以期貨質精良第五條請遵照商律報部註冊別家不得買用牌號地方官並應竭力保護第六條公司既請官股與商家專辦較有區別請發關防一顆文曰 奏派總理機器造紙公司關防以昭慎重其餘各條如盈餘酌提報効並延用工程師各事均係公司應守義務臣等伏查造紙一事爲公家應關之利源所有機器局廠原宜在京城設立以樹風聲惟既據該京堂考查近畿水脈含有鑛質於造紙未宜是機器廠祇可設在上海仍於京城分設公司以爲提倡行銷之基礎至公司股本該京堂請由部撥發官股銀六萬兩當此款項支絀之時臣部原未能兼營旁顧惟此事係由政務處奏准飭辦之件臣等自當力任其難現擬於去年已革侍郎張翼提繳鑛稅銀兩項內撥給銀六萬兩以爲倡導一面責成該京堂實力湊集商股庶可尅日興辦免致稽延並令其遵照部定有限公司章程畫清界限其公牘概用官紙一

節查上年十二月間政務處議覆順天府尹沈瑜慶摺內稱中國法律未改警察未行官紙局辦法如一有不善恐於民生有害等語誠以興利之舉必須統籌全局祇可迎機以導未容急切以圖自當俟日後風氣漸開由臣部酌量情形再行奏明辦理至該公司所造紙樣如果精美不亞外洋所製將來國家行用鈔票等紙應准該公司承辦以免利源外溢此外各條臣等詳加酌核均尙妥洽應請准其試辦並飭令該京堂龐元濟迅赴東洋悉心考察一面招集股本購置機器俟布置就緒卽行趕緊開辦以資實用謹 奏

兩江總督魏兩湖總督張會奏江南製造局移建新廠辦法摺

竊臣之洞於上年十一月 陛辭請 訓時面奉 皇太后懿旨飭赴江南查核製造局事宜會同光燾將移建新廠各事妥籌辦理當於三月十三日起程赴甯業經電請軍機大臣代 奏在案伏查中外大局情形今年較之去年尤爲變動莫測則軍實關係緊要情形今年較之去年尤爲急迫難緩自宜迅速定議舉辦查移建新局以籌款擇地定機核用用人定槍礮式儲備廠才整頓舊局爲八大端臣光燾上年接准政務處議復後疊經督飭局員按照原奏將滬局應裁應節各款確考詳籌祇以時當多故軍火需用方殷舊廠遽難停辦致提款不能甚多用是躊躇未定臣之洞抵甯後連日與臣光燾往復晤商分別定議其間

有按原奏切實舉行並加推闡者有較原奏量爲變通者謹爲我 皇太后 皇上  
縷晰陳之 一曰籌款查原奏就滬局原有經費將各廠裁節歸併每歲約可提存銀一百  
萬兩惟據各局稟稱本省需用軍火取給於滬局者居多北洋亦常有調取飭造之件他省  
亦間有索取者况現值東方有事需用或較平日爲多新局未成以前所有滬局槍礮藥彈  
等廠只可暫留以應急需等情臣等查滬局槍礮非全由機器所成因歷年機器係陸續添  
置湊配故必須參用人工以致不能精密一律且出槍不能甚多本應早日停舊改新以免  
虛糜而收實用惟新廠之成尙早不得不酌量應付暫作支持然目前雖不能全行停辦必  
當漸次減造並將各項冗員浮費竭力裁汰暨將附屬各小廠歸併減省再三核算每年祇  
可節存銀七十萬兩不敷之數尙鉅經臣光燾電商江蘇安徽江西三省撫臣歲籌協濟以  
五年爲限將來三省撥用槍礮彈藥准將協款劃抵旋准江西電復允歲籌銀十萬兩江蘇  
安徽電復各允歲籌銀五萬兩五年內當由臣光燾於江甯省司庫鹽務各款籌撥銀十萬  
兩共湊足三十萬之數其滬局每年節存之七十萬兩無論滬關二成洋稅及各關局額解  
之款盈絀如何責成總辦道員總須設法撙節如數提撥總計仍係歲撥一百萬兩五年後  
此三省協款雖停而舊局應將原有之款約一百四十萬兩全數撥歸新局之用此以上係

議定籌款辦法惟新局現議槍礮鋼藥兼營並造且將各項出數極力擴充開辦經費既非原估五百萬兩所能敷用而此後常年製造僅恃滬局原有經費一百四十萬兩亦尙不足濟事若不另籌挹注誠恐新局因用繁費絀觀成無期際此多故之秋新局早一日竣工即新械早一日資用又上年在日本訂造長江淺水兵輪四艘原議養船經費在鎮滬加抽米捐項下動支現在江南米捐並未開辦將來新艦造齊其養船經費亦擬由滬局籌撥非有的款供支勢難持久查光緒十二年間欽奉 諭旨整頓圖法經戶部會議復奏以外洋銀錢皆用機器製造行令直隸江蘇機器局妥籌試辦嗣於光緒十九年二月初督臣劉坤一因上海地方錢價奇昂商民交困批飭江南製造局總辦道員劉麒祥遵照前准部咨用機器鼓鑄制錢以資民用旋因虧耗太多未能源源接鑄該處仍苦制錢缺乏以致近年錢荒物貴貧民生計愈形艱難茲飭查照戶部奏案就原有機器添配碾片春餅印花各機酌鑄銅元流布市廛以濟圖法之窮所獲盈餘新舊兩局各半分撥俾規模得以完備經費免致不敷利 國利民斯爲一舉兩得俟新局告成一律開工製造即將滬局槍礮藥彈各工截止停辦專辦煉鋼廠修船廠修理機器廠三大端其機器廠內並設法製造槍礮機器之機器以備中國擴張軍實取用不窮免致仰給外人並酌量改造各種農工需用之機件及



仿造有益民生實用之外洋貨品以廣行銷藉資抵制所製出售之品可隨時酌量收回工價以資添補廠用除將銅元一半盈餘仍留充舊局成本如有不敷另籌撥濟外其原有製造款項二成洋稅及 奏定各關局常年經費二十萬暨銅元一半盈餘應盡數撥充萍鄉新局常年經費核計新局每歲造足快鎗五萬枝過山快礮野戰快礮共二百尊臺礮船礮共四十尊械數既屬宏富需款自必浩繁除江南自籌各款外必須各省取用槍礮隨時付價方足以資周轉 二日擇地原奏擬用皖省宣城縣屬境灣沚鎮之后啓發山此次臣之洞於赴甯之便順道往勘臣光燾接准電知亦即乘輪前往同於十五日馳抵蕪湖會同至灣沚地方其地距大江口七十里距內河即中江三里春夏秋可行小輪惟冬令水涸時止能行一二百石之民船大率運道暢行之時一年可有八箇月但船至二百石即可裝一二萬斤若在此設廠其機器大件及煤炭可趁此八個月內水大時趕運並無妨礙其餘零小機件料物及造成槍枝陸路礮各項彈藥冬間小剝船仍可常運絕無停阻當即登山履勘該處一帶山阜頗多皆係斜坡迤邐而上斜度約高十餘丈人行殊不覺有登陟之勞其山頂延袤數百丈橫寬十餘丈數十丈不等稍加鑿平即可聯合爲一並不費工其地概係堅實黃土並無一石亦無墳墓間有民間種植小樹大率皆聽其荒棄不用如此山阜大約有

六七處無論建設若干廠均可取用不窮似此遠江近河高堅平廣兼有此八字之利洵爲難得若在江北容或有之若在江南並在江蘇附近地方已屬無出其右惟詳加籌度距江僅止七十里尙非極爲深邃之區既經移設若有更勝於此者自不如籌一勞永逸之計臣之洞自鄂啓行時接晤總辦漢陽鐵廠兼辦萍鄉煤廠道員張贊宸詢據稟稱江西萍鄉縣出煤甚富試煉焦炭已有成效現更擬開辦鐵鑛擬即於萍鄉屬境之湘東地方添設化煉生鐵爐若以新廠移建該處則煤鐵取資尤便等情到江後復會商臣光燾詳詢道員張贊宸據覆稱萍鄉縣屬之湘東地方濱臨小河下通湘江地勢平坦寬廣亦不低窪可用之地不止數千畝東距萍鄉煤鑛四十四里西距湖南屬境之醴陵縣六十里由萍至醴已造有運煤鐵路由醴陵至湘潭縣屬之洙洲現亦接造鐵路約計明年四月可成等語查此路與粵漢幹路相接由岳州至洙洲可自造拖輪及大剝船用拖輪帶運現在漢陽鐵廠開辦萍鄉煤鑛轉運機器卽是如此辦法似此地勢既屬深邃運道亦極暢通洵爲兩全臣等公同商酌前此議於灣沚建設新廠因其地在江陰鎮江上游又不濱臨大江且距江甯甚近督察較便今漢陽鐵廠商董既議於萍鄉之湘東鎮創設化鐵爐而萍鄉鐵路已接通該處則將來煤鐵可以兼資至其遠隔洞庭深居堂奧與灣沚相較可取之處尤多且仍在兩江轄

境之內以之建造江南槍礮鋼藥新局似較灣沚尤爲相宜擬即用此地現已派員前往湘東覆加察勘并就近考驗煤鐵性質一面即行購地備用以免居奇雖目前運送機件勞費較增而將來就地取用煤鐵價廉運速可以歲省鉅款至灣沚地方形便利多棄之可惜擬即由官收買備用博訪華洋各員僉云以之建設武庫亦甚相宜可爲省城軍械分局及火藥庫派兵駐守將來萍局造成各械及無煙火藥即分存此處聽候撥運江甯省城上游各省及江南北各處 三曰購機查原奏廠地擬用灣沚去滬較近除造槍機器須全行定購外其礮機藥機尙可酌量移用祇須量爲添配鋼料原擬仍用滬廠所煉者或兼用鄂廠所煉者故無須另設鋼廠茲既移建湘東上溯遙遠與其挪運舊機運卸糜費莫如全定新機益臻完美西人覬國者以精利軍械製造儲藏之多寡分其國之強弱茲擬向外洋名廠定購每日能造新式小口徑快槍一百七十枝歲出槍五萬枝者新式槍機一全分每日能造槍彈十七萬顆歲出彈五千萬顆者新式彈機一全分每年能造七生半口徑長快礮短快礮共二百尊又每年能造十二生口徑十五生口徑新式長身臺礮船礮各二十尊者新式礮機一全分礮彈礮架等機照配每日能造無煙火藥五百啓羅合英權一千一百二十鎊歲出藥三十餘萬鎊者新式藥機一全分應配各項強水機稱是每爐煉罐鋼一噸者二

座煉西門馬丁鋼十噸者一座及拉鋼壓鋼軋鋼烘鋼等新式機爐，全分此外修機翻沙等各項應用機器一律齊備同時分向各洋廠訂購應付機價向係於訂定合同後付價三分之一機器起運時續付價三分之一餘俟機器全數運送到廠安設齊備一律找付清楚擬與各洋廠商明機價分五年勻付而機器則儘三年內分別先後陸續運送廠地如機器早到而暫未清款則向該廠酌認利息總期趕早安設完備以便及早開工製造至新局訂購各項機器必須有明習妥實之員親歷外洋機器廠考校議訂方免種種弊混茲查有候選郎中李維格考求機器製造之學有年嫻習英法兩國語言文字人品亦端潔可信現經督辦鐵路總公司大臣盛宣懷派往外洋考查鐵廠需用機器臣等公同商酌擬即派委該員將萍鄉新局各項機器就外洋有名各大廠分別考訂議購 四日核用查原奏約計各項機價及建廠購地一應工程雜用共需銀五百萬內礮機藥機本擬將舊廠所有擇要遷移添配足用至煉鋼機爐因一時力有未逮姑俟緩圖故約計五百萬兩足以敷用現擬將新局移建湘東爲一勞永逸之計則槍礮鋼藥均屬相須爲用必應同設一處方爲合宜核計用款一須添廠原奏本設灣沚故鋼廠即不另設今萍滬相距過遠必須添設造槍鋼之礮鋼機廠又須添設造礮鋼之西門馬丁鋼機廠又造無煙藥須添設礮強水廠礮強水廠

此兩項強水爲造藥所必需以免購自外洋徒滋浮糜之弊又須添設造火軛廠以備製造各爐之用及造青紅軛廠以備建造各項廠屋之用凡此數廠皆全廠添設原奏所無此添廠之必應添款者也二須添機原議礮機不須全購今移設萍鄉必須全購新機一鐵一木不能遷就且現議造礮之種類較多造礮之數又復增多必須多添機件此外各廠大率類此故同此舊有之廠而機件較前繁多此添機之應添款者也三添運費原議新局建設灣沚距蕪湖江口僅止七十里由滬至蕪亦不足千里故運費尙省今移建湘東則由上海達岳州江程已經加倍由岳達湘由湘入小河以抵湘東水路紆迴機件爐座皆極繁重節節盤剝運費勢必加增此添運費之應添款者也茲據上海各洋行電詢外洋各廠開報之價就現在鎊價約略核估計歲出新式小口徑槍五萬枝彈五千萬顆之全分機器共需庫平銀一百八十餘萬兩歲造陸路七生半口徑長快礮短快礮各一百尊船臺十二生十五生快礮各二十尊及礮彈礮架馬鞍皮件等各項全分機器共需庫平銀一百餘萬兩歲造無煙火藥三十餘萬鎊及造礮強水礮強水等全分機器共需庫平銀六十餘萬兩每爐煉鐵鋼約一噸者二座煉西門馬丁鋼約十噸者一座及拉鋼壓鋼烘鋼軋鋼等各項全分機爐共需庫平銀八十餘萬兩此外翻沙修機造軛抽水木模等項各種應備機器共需庫平銀

三十餘萬兩各所工廠地基爐座煙囪石鐵木水泥火泥皮帶繩索各項工料填地築路開溝圍牆馬頭剝岸起重架小鐵軌住房雜屋堆棧庫房一應工程運費共需庫平銀二百餘萬兩綜計約需庫平銀六百五十餘萬兩較原估五百萬之數約增銀一百五十餘萬兩此係就洋行開價折合大概之數其細數須俟派員到外洋就廠訂議方能確實而通計添廠添機添運費所增出之款實皆相因而及爲萬不可少之需 五日用人查原奏新舊兩局均責成滬局總辦道員一手經理茲新局移建湘東距滬二千餘里鞭長莫及實有顧此失彼之虞自應將兩局分別委員承辦各專責成仍令互相籌商稽考聯絡一氣俾免隔閡之虞現辦滬局道員沈邦憲因病辭差查有湖北試用道魏允恭心思精敏學問賅通才具優長講求時務堪以派充江南製造局總辦駐劄上海兼管籌辦萍鄉新局事宜該員雖係臣光燾疎遠同族而服官鄂省其才品爲臣之洞所深知製造事關軍實不比地方差務現值節裁經費精求製造之際因事擇人未便拘牽成例應即責成該道將該局原有員司工匠嚴加淘汰各廠工作切實整頓務將節款如數提存隨時撥解新局濟用其新局定機購地建造各事宜並由該道會同籌商辦理又查有江蘇候補道方碩輔儉樸清廉耿介絕俗辦事精實成效昭彰堪以派充江南製造局會辦駐劄萍鄉專管建設新局安設新機兼稽

核滬局事宜凡新局購地建廠考工核料一切應辦之事均令其切實辦理務求實際力戒虛糜其滬局節裁支用款目並由該道隨時認真稽核大率新舊兩局雖分設兩處而本是一事必須事事通貫事事和衷不得劃分畛域故兩局責成皆以魏允恭爲重而令方碩輔佐之並令魏允恭時常親赴萍鄉考察每三箇月必須親往一次至槍礮藥彈等廠之監造需用外國上等工師容臣等隨時函電向外國詢訪雇用俟將來派往外國遊學之委員學生學成回國即可專用中國員匠嗣後新舊兩局總辦會辦之員遇有更易應仍由南洋主稿咨商選擇會同奏派以昭慎重 六日定槍礮式查原奏新製快槍口徑宜再收小擬酌中定爲六密里五誠以口徑愈小則飛路愈直速率愈快激射愈遠擊力愈猛且口徑小則子彈亦小分量減輕隨身可以多帶爲制敵要義年來與東西洋各國武員詳加詢考現將各國最新式快槍派委員弁多人一一演放比較試驗擊力於距遠一百密達之處日本六密里五口徑新槍擊透五分厚松木板五十八塊擊深鋼靶至六密里八實爲最優其次則德七密里口徑槍擊透木板五十塊擊深鋼靶五密里有奇擊力已遜此外各國快槍口徑皆較日本爲大擊力皆較日本爲絀惟日本之槍機簧各件稍覺繁多亦間有不甚堅牢之處因與德國新槍兩相比較查日本明治三十六年卽光緒二十九年所造新槍與德國一

一千九百零三年即光緒二十九年所造新槍拆開考較計德槍各種共七十六件日本槍各種共計九十三件日槍多於德槍十七件查係日本設槍廠時定爲此式已有七年間有未能想到之處不免稍參人工以故機件稍多至德槍係去年新式推求更加精詳概用機成不煩手工是以件數減少詳加酌核詢之委員匠目若用德國槍筒少之機件而用日槍迅疾之口徑則兩美相合更爲有利無弊茲擬卽定用日本六密里五口徑快槍而機件悉照德槍筒少之數至日槍來復線係八條以增繞力而求迅速其槍身長於德槍五十密里取其逼束藥力其通條較長直通到底較之德槍兩截者利便甚多皆不宜妄加改易現在江南新槍既改此式則此後鄂廠製槍亦擬改從此式將來他省如有另建機廠製造快槍者口徑亦宜照辦以歸一律擬請 旨通飭遵行其造礮一節查近日外國陸戰專以礮隊爲制勝之具歷經詳加考較必須七生半口徑者其炸彈撒面可及一百密達止可備擊敵營一隊之兵若五生七之過山礮便於馬馱過山本極利用惟口徑略小而擊力尙嫌稍薄現擬將陸路行營快礮定爲兩種一口徑七生半身長二十倍口徑行用車拉牽用六馬北省攻戰及大江以北地勢平廣者用之一口徑七生半身長十四倍口徑登山用馬馱平地用人拉江以南及各省地多山嶺溪田道路窄狹者用之其臺礮船礮皆用快礮口徑亦定爲



兩種一口徑十口生身長三十倍至四十倍者一口徑十五生身長三十倍至四十倍者此兩等在長江內地應用及防守海口已足禦敵 七日儲備廠才機器製造本係專門而兵器學爲軍實所關各國尤爲注重外國高等工師及學成武職皆入專門學堂又親歷工廠手治目驗徵諸實用故能智創巧述推陳出新但外國礮兵工廠其中多有秘奧不令人知不許人學中國素未講求製造之學故每創機廠不得不募用外國工師匠目此本權宜應急之謀實非經久可恃之道現既議建新廠則製造之材必須預爲儲備茲擬商明各國派才優心細之官員二十人才具明敏文理優通之學生四十人技藝優長悟性素好之匠目四十人前往德國比國日本國分入學堂工廠官員則親歷學堂工廠學管理稽核等法以備回國後派充新局委員之選學生則入學堂分門學習造槍造礮造藥煉鋼各項精深理法以備回國後派充新局各廠工師監工之選匠首則入工廠學習運用機器分司工作及修理安配各種手法以備回國後派充新局各廠領工之選約均以五年爲度所需旅費學費川資整裝安家各費及監督繙譯薪水公費均勻牽算每人每歲多或一千四百兩少或七八百兩統計歲需經費銀約十萬兩將來學成畢業回國嫻習製造之材日多則經理局中各事不必借材異地方爲自強長策而繁費亦可節省裨益廠務實非淺鮮此係專指

儲備新局人才而設其上海舊局亦需派人遊學外洋應另行選派不在此數之內 八日  
整頓舊局查原奏滬廠此後凡不急之物可緩之需及式舊數少之槍彈大小礮之實心彈  
等類皆行停造槍枝除小口徑毛瑟外亦皆停造其雜項槍礮藥彈併應限數減造等語現  
經酌定滬局以後快槍止造江鄂兩廠現有之小口徑毛瑟一種并彈其專造槍彈者則止  
造舊毛瑟曼里夏兩種因此三種槍各營發出較多新廠未成以前暫資應用快礮祇造十  
五生口徑臺礮七生半口徑陸路礮兩種并彈其餘雜項槍礮子彈均一概停造各省如有  
需用此等雜項子彈應令自向外洋購辦滬局不再應付以免紛歧糜費至滬局所造無煙  
藥迭經臣等考察製煉尙未能純淨得法應即飭令迅速改求精善務得合度無害之法方  
可接造其栗色礮藥一種久經前北洋大臣考驗不適於用此時亦不宜造如存藥用罄可  
隨時向外洋購買惟黑藥爲雜項槍礮子彈及操練所需當責成承辦之員精求製煉之方  
樽節浮濫之費視實在需用之數酌量製造其船廠鋼廠仍舊辦理修理機器廠并應擴充  
此三廠將來可常設在滬此皆工作之事自無妨礙一俟新廠告成再將滬局製造軍火各  
廠全行停止改作工藝製造廠就其機器於製造工藝何物相宜者卽量爲製造以利民用  
且可收回工料價值以資周轉則局中官用經費有限而民間農工各業取資不窮矣 以

上辦法係因舊廠暫難停辦新廠亟須興建不得不統籌兼顧經臣等互相商榷審量再三而後定議應即責成承辦之員遵照現定辦法次第認真興作不得再有游移款項亦不容別有絲毫挪動所有煉鋼製藥槍礮彈架各項機器廠屋及全局一應工程應即及時興作分別先後次第完工每成一廠即先開一廠工作務於五年之內一律開機製造槍礮藥彈有以資用不准遲誤逾期於利器日出軍實充盈各省軍械渙然一新較若畫一至在事各員果能殫力經營精心考察工程堅固核實經費涓滴歸公應俟新廠依限告成後 奏請照異常勞績從優獎勵如能將全廠於四年內一律完工開辦獎勵格外加優如稍有浮冒怠緩貽誤要工亦即從嚴參處至各省新練之兵火器宜歸畫一當俟此次改定口徑新槍新礮造成之後咨行各省陸續向江鄂兩廠備價購取統令常備各軍一律繳換新槍新礮限五年內一律換齊其江鄂舊造之小口徑毛瑟快槍酌給續備各軍及各州縣警察勇丁使用雜式可用之礮分給各臺壘要隘作為護礮其餘陳舊雜槍除最劣者飭令停廢外其稍勝者酌發各州縣團練緝捕勇丁使用查換齊新械限以五年則各省購換新械之費可以陸續籌備自今年移廠定機起至廠成出械已需五年自新械既出以後又以五年換齊為期則統計已及十年分年積款分年購換無論大小省分皆能辦到並不為難至定限

廠成五年之後各省常備軍如有仍用陳舊雜式槍礮者應由練兵處考察將該省營務處及統帶營官懲處以期早收畫一之效擬請明降 諭旨通飭各省一體遵行此外未盡事宜容臣等隨時會同 奏明辦理並查照政務處原奏將來造成新械並知會北洋大臣一體詳加考察謹 奏

署兩湖總督端奏陳籌辦鑛務並酌撥官本先購鑛山摺

竊照光緒二十九年八月初七日欽奉 上諭商部奏擬於各省設立路鑛農務工藝各項公司飭各將軍督撫會同籌辦等語現在振興商務全在官商聯絡一氣以信相孚內外合力維持廣爲董勸以期日有起色著各省將軍督撫於商部議設各項公司會同籌畫悉心經理等因欽此咨行到鄂伏念中國鑛產素富鑛質亦精外人艷稱已非一日徒以未興鑛學並無鑛師初則辨鑛無人任其山谷閉藏不免貨棄於地繼則開鑛無術漸致豪強壟斷又不免利屬於人即以湖北一省而論往往有借游歷爲名徧詣各處隱相查訪者設使中國不早自爲計其佳鑛所在必漸爲他人佔盡加以地方奸民勾串圖騙影射訟累種種弊生欲求設法保全莫若先勸鑛山購歸公家蓋一時即無款興辦猶可存爲後圖失今不爲必至利權盡失是以購地一事又爲今日開辦鑛務第一要著先事經營勢不容緩鄂省鑛

山惟大冶一縣早經由官圈購其餘各州縣產鑛之區尙屬不少應即查照大冶辦法先行派員查勘備價購回然後次第籌款自爲開辦現與司道熟商酌籌官本先就省城設立鑛務總局派湖北按察使岑春煊綜理其事該員於鄂省情形至爲熟悉於交涉事件亦復因應得宜以之督辦勘地購山一切事宜必能勝任至鑛質之精粗鑛苗之衰旺現在不能不延聘鑛師妥爲勘辦鄂省已一面遴派學生赴泰西專學鑛學三四年後如有成就即可不必假手外人此又因圈購鑛山不得不兼講鑛學以求實力興辦之情形也謹 奏

署四川總督錫奏振興川省農工商鑛諸務現辦情形摺

案查比年疊奉 明諭敕令各省振興農工商鑛諸務以爲富強根本竊以川省地廣民衆而常苦公私交瘁者撥解京外饑需歲逾六百萬故財力內竭上下不周於用生齒甲於寰宇農皆不足以養之故曠土少而遊民多奴才到川深察所由怒焉以憂亟欲以農工商鑛四者稍圖補救數月以來籌辦始有端緒如農務則推行屯墾也泰西農學研求理化蜀民尙未足語此但有氣候地質之別新法非可強而能也就中原論之蜀民技藝較優耕耘糞溉之方能不惜其勞力陟高履險幾無隙土求之內地荒穢不治者蓋寡而邊裔則有之奴才查知雷波屏山等廳縣本與大涼山野夷交錯按往者林火四出田作難安故腴壤榛蕪

漸歸化外前飭該廳周士杰查議據稱中山坪暨黃海鄧兩處荒地各約一二百里若全行墾植歲產包穀各萬石而西甯河內又可種收稻穀四五千石擬請籌撥經費移營守隘建礮阨要招集丁壯散發牛種逐漸墾闢因近至遠等情當飭司局覈議推行其屏山縣更類是者早經該縣陳偉勳領款試辦再閱數載定可大收成效至於巴塘墾務前摺奏陳之後即委打箭爐廳督率糧員攜帶老農前往考驗種產水利昨據糧員吳錫珍來稟該處土司等尙無梗阻當能芟灌莽而植嘉禾如工務則擴充局廠也前署督臣岑春煊在省城派設勸工局經費苦絀僅辦副廠迨成縣龍茂道沈秉堃自日本考察回蜀奴才檄令擴充局務業已開辦正廠又經增修房舍多置機張其竹木髹刻之工日有進益而創織紗絨巾布之屬尤蜀中前所未有已仿日本設廠線絲又派員再往購運製造原料器用並雇募教師來川工藝之興正爲未艾臬司馮煦憫會垣童僕之失教前於署藩司任內籌款生息增設副廠俾幼穉贍身有術各廳縣遵辦工廠如梁山德陽什邡等處規模咸備如商務則首重巴渝也川省通業向不繁盛近歲愈形彫敝奴才屢與商務總局司道熟籌良策措手殊難惟重慶乃水陸輻輳之區爲上下游之樞紐此處能有起色則全川貨殖不難贏利查有調川差委知府周克昌留心計學諳歷素深委令前往渝城設局會同道府多方規畫嗣據議覆

大致以保護維持提倡三者爲宗旨凡商情之害累則爲除之商力之疲乏則爲助之商規之欺僞淆雜則爲禁約之尙於整齊利導之宜其要領官商可以合辦如南川煤鑛等事業已妥立章程並請撥留官本以銷銀元多購機銅以鑄銅元皆以濟銀根之艱窘其省內外各處銀銅元亦較前行使倍廣而保商諸法一律施行如鑛務則兼採金銅也邊境鑛產礮引顯露需財方亟倘任其棄之於地與授之於人重可惜也前委降調道員趙鴻猷知府鄧鴻儀前赴甯遠在於鹽源縣設總局瓜別麻喇各設分局附近金銅商辦官收納課而外酌中定價蓋產金之窪裨等處地極險遠使二三矯僧挾資而徒假以倍利之息砂丁獲金盤利殆盡官之收買固所樂從其銅則有向由甯遠府發例價者今歸局收發悉除加秤加平等弊有由機器局發民價者今由局煎提淨盡再解省局藉省脚費此外確有可辦之鑛廠酌量招商貸本速議開辦又天全廬山之大穴山頭等處產銀已委降調知縣朱大鏞往辦該兩處雖用官本爲數尙少必俟開鑿煎驗果屬豐旺再行推擴至於五屯之巴底等處多有金鑛委員會同懋功打箭爐兩廳開導土司自不狃執故見徐籌辦法嘉陵江一帶沙金淘洗日不爲多冀可積微成巨疊次委員查勘由官收買次第均已議行大抵川鑛情形互殊因其勢則民不驚總其成而權在上不必強從畫一不容先議鋪張鉅細靡遺遐邇並舉

惟動費官本甚少所操既約不能所望過奢但爲得寸則寸之計求無後時之悔亦免覆軫之虞似又保利之要圖開源之穩著也以上四事無非各樹初基未敢驟言底績庶政非財不立取之之途不隘用之之道自舒奴才惟當殫竭愚誠本期切實漸冀恢闔庶足仰副朝廷利用厚生之至意謹 奏奉 硃批該部知道欽此

前會辦福建船政大臣魏奏請造魚雷艇片

再臣於近年以來留心考察西國水師船式日新月異工料增美費用愈煩現在鋼鐵等船大者每艘用銀一千餘萬兩次者五六百萬二三百萬不等且其艘數噸數馬力猶復歲有增添以中國現時財力若欲驟與角逐勢有不逮何待臣言然臣以爲海戰利用鋼船守口莫如雷艇西國以侵略見長故必廣營戰具中國以安全爲務但求先固疆防臣伏見近來各省稍有民教不和等案彼國借保護爲名動用兵輪多艘闖入腹地示威挾忌憚毫無實屬顯違公法臣甚憤之推原其故雖皆有所藉口亦由守具未備所致臣嘗徧詢中外水師將領均謂兵輪所畏首在魚雷凡艦隊遊弋之地若有數號雷艇遙躡其後即須徹夜覘防全軍警備蓋雷艇來去倏忽便於蹈瑕襲擊我攻彼守我逸彼勞故常爲敵所憚臣愚竊謂現在沿江沿海各省誠宜多造各種雷艇以爲扼守之具其便有四雷艇工料每艘用銀



三四十萬兩下至五六萬兩不等價值遞減籌款靡難其便一製造雷艇易於陸續告成不若鋼甲鐵甲等船多需時日其便二各省港汊紛歧沙泥淤淺隨處可以收泊但須於敵船不到之地建設臺煤儲彈局所不必全力營造澳陽其便三雷艇速率既快喫水復淺在內港駛行靈捷無事之時可以上下梭巡藉消內匪其便四臣前在湖北兩江差次嘗以此語商於前署兩江總督臣張之洞署湖廣總督臣端方均以為是而統領北洋水師南澳鎮總兵臣薩鎮冰尤謂雷艇為禦敵利器與其統領未成軍之快船不若統領已成軍之雷艇與敵相見較為有隙可乘等語伏念船政為中國造船創始之廠經營數十年規制粗備各省尤應合力振興以圖收效可否請 旨飭下沿江沿海各省各就力量所及按年籌款向船政局定造各種魚雷艇勻期批解立限驗收一面慎擇統將訓練成軍庶各省皆有守禦之資而船廠亦得維持之力謹 奏

中英合辦山西製鐵廠約款

一山西鐵鑛福公司尙未開辦現議定中國與福公司合辦該省鐵鑛及煤鑛福公司應允中國合股開辦以五成爲度中英董事人數相同平權辦理一切詳細合同臨時另行會訂  
一中國國家自籌資本在晉省設立鑄化廠中國與福公司合辦鐵鑛之鐵砂允交本廠

鑄化煉成鐵磚以便裝運將來此廠或設在附近鐵路之處由彼此商定相宜地段 一 鑄化之費彼此須商定公道價值該廠如實係鑄化需用之煤與焦炭欲向中國與福公司合辦煤礦或福公司獨辦煤礦購買亦須訂一額外公道價值比外賣之價格減該公司應儘先供用 一 鑄化廠既設之後中國國家須保定化出之鐵妥當合用該公司除由國家允准不得將鐵砂寄往別處鑄化或別法銷賣該廠亦不得於該公司交煉鐵砂故事耽延 一 鑄化廠所需化鐵爐自必選取各國最新最精之式樣以期化出之鐵盡美盡善如福公司有相當之新式圖樣價值合宜亦可送由督辦大臣斟酌訂辦 一 該廠及日後推廣之廠均係中國國家物產廠內化鐵工匠統歸督辦自行遴選如中國一時難得精通之人應准向英國訂聘 一 嗣後鑛苗如果興旺推廣辦理實有裨益應准商量中國國家推廣辦法以保廠鑛彼此利益

山東樹膠總公司招股章程

一 本公司為有限公司總公司設立濟南省城分派各處辦事隨地設立分公司 一 本公司可以墾地種山為宗及他項利益之舉所有辦法獲利情形另刊清冊一本俾附股者見而樂從 一 本公司專歸商辦所有種植之山場地畝雖係官荒仍遵省章辦理官認保護並

不與聞公司之事 一集股三千股每股庫平銀一百兩共銀三十萬兩 一每股填給股票一紙息摺一扣如有願附多股總填一票者悉聽其便 一股本週年官利五釐以收股之日起算每屆一年結賬定期憑摺支付或在公司或託銀號錢莊匯付均聽其便惟付利以息摺爲憑切宜慎重 一附股至一百股者准派一人來公司隨同辦事仍歸總理人節制務望遴派辦事勤能之人如查有私弊不合用者立即更換 一每屆一年結賬應將通年出入帳目刊刻一表分送各股東查核以昭大公 一每年結賬除付官息外所得餘利作爲十成以二成作公積以五成歸股東按股勻分以三成作花紅分酬辦事人及執事人等 一股東或將股票遺失須取具妥保本公司方能補給 一股東或將股票轉售須先行知照本公司註冊方能更換但不得售與洋商以免糾葛 一本公司各項事宜辦辦伊始或有思慮未周應行改良者隨時增入

江西創辦機器造紙有限公司集股章程

一同人爲紙業改良起見創設元章公司稟准大憲遵奉部章在江西省相度合宜之地購機造廠擬招集股本龍洋三十萬元色劣者不用以百元爲一股合成三千股股息以百元交足之日起算按月六釐無論官紳商民均可入股惟洋股不收以清界限 二蒙大憲批准發

官款五萬兩以資鼓舞每年由公司認息六釐限至十年一律繳還以重公帑至於公司一切事權仍照商辦章程概由紳商經理地方官惟任保護之責尤不干預 三每股交足百元當給股票一紙摺一扣以爲證券票內注明本人姓名籍貫倘有股票轉售須由本公司查照章程換票簽名或遇有遺失本人向公司申明一面刊登中外各報十日另立保單由本公司補給股票舊有票摺概不爲憑 四公司所獲贏利除各項支用及應付股息外作爲十三分以十分按股均派以一分存爲公積以二分爲各在事酬勞此項係有限公司倘股本外虧墊股友不認 五稟准大憲立案自開辦之日起專利十年內不許他人在本省地界再設本項機器所造各粗細紙暫行豁免釐稅俟試辦三年如果著有成效然後照章抽收其廠中應用之機器藥料諸關造紙所用凡竹木草料敗棉舊布各種原料驗有本公司護票各關卡准一律放行永不抽收釐稅 六公司既屬商辦其總辦分董事由創辦經理人會同股友公舉舉定之後惟股友須有十股以上者方有舉人之權被舉之人亦須有十股以上之資本方爲合格 七同人議定無論本省外省招集股分以定議之日爲始分作三期第一期報定股名兩月內先繳三成又四箇月機廠粗備爲第二期再繳四成又四箇月爲第三期按期由經理人立收條全繳換立票摺若第一次應繳期內不繳贖一月者

注銷另招第二第三期不繳驗一月者將第一期所繳之數并作一股不足數者合并別股以示限制其所收之股彙存官銀號仍登中外日報以昭信實 八所舉總辦先須擔負本公司責任一面集股一面領下庫銀派熟習機器誠實可靠之人出洋定製全副機器雇聘工匠一面相定地方布置造廠由創辦人並股友舉定議董諸人隨時稽察 以上八條多有未盡事宜仍可隨時集議增改至於廠中細目創辦經理人擬酌定妥人出洋攷詢一切成法參以土宜俟開辦後續出

### 各省農桑彙誌

山東 東撫周中丞現擬創立樹藝公司又創設蠶桑總局並蠶絲廠均定以工商合辦 濟甯水淹荒地近有汪益堂孫松泉等倡議墾荒稟商張裕渠觀察集股開辦即以汪君為總辦孫君副之每股自百金至萬金其數無定每一股東准舉會議員一人每員月費京錢四緡不日招募人夫將運河湖滯之隄岸培長增高其水道之淤塞者並加疏濬使多年停積之水或疏之入河或引之歸湖則水有所洩其地乃可涸出而或稻或菽亦各隨其地之所宜因先購備穀種招人佃耕俟至穀熟後乃收其租現已集有十四股此後尚可續入租定城東南隅石門口街民宅設立墾務局聞赴局認佃領取穀種者已有多人 山東諸城縣土地肥厚民間不講種植近有縣屬巴山村在籍紳士王太守維屏於今春偕弟維城創辦蠶桑於其村之南北及石泉雙堂等村拓地數十畝由浙江海甯州購到紅皮大種桑秧二萬八千株聘置師二人暫用舊桑育蠶惟於選種烘繭諸法加意改良所出之絲極為堅韌光潤將來逐漸推廣亦開拓利源之一道也

河南 豫省蠶桑局現有二處一在省城宋門外一在懷慶府之清化鎮兩局均創自癸卯年在清化者爲清化礦務總辦韓觀察國鈞所立種湖桑千餘株飼蠶種桑純用西法收成甚佳至宋門外者則緣該處舊有桑園一所無人經理歲久荒蕪現已重加修葺並添植桑秧數千株飼蠶種桑純用浙中土法收成亦尙可觀特清化款項不充未免掣肘 懷慶府屬河內縣有七方村者絲市所在每歲供山東臨清東周村取求者約四十萬金而兩縣原產地以山西之陽城沁水爲大宗出之河北三府者寥寥無幾癸卯年陳筱石中丞既將省城蠶桑局量加修整委農工局總辦丁麟生觀察葆元運購湖州桑秧十萬株分給各縣招雇湖農試育湖蠶復由韓紫石觀察國鈞條陳就河內清化鎮設立農務實業學堂先辦蠶學撥河內官荒數十頃省局桑秧二萬株即由韓觀察總辦其事韓觀察體察情形將荒地疏泉決淤令民領墾成熟俾爲興農基礎先於清化鎮租借民屋設立蠶桑實業學堂定以甲辰年上半年爲試育春夏蠶之期計養浙江蠶學館蠶種十九張收蟻二兩二錢成繭三百八十餘斤照浙館最好成績每蟻一錢收繭二十斤計成績尙不惡劣本地紳民熟見土繭之影鬆惡難驟觀良繭佳絲遠近爭傳競顯效法甲辰年省城蠶桑局亦養湖蠶專弁來取夏蠶種以備試育而由省局撥來桑秧二萬株現在已經放葉者萬有三千株可望長成者尙四千餘株

江蘇 農務總局坐辦劉荳甫大令前訂樹蠶章程通行各屬飭將官荒民荒有主無主隙地繪圖造冊並將遵辦種植情形一體申覆日前署荆溪縣翁志吾大令已將辦理情形稟報到局督辦效方伯遂委員前往查勘 金壇縣翁大令有成前奉憲札勸導樹蠶飭令就地體察相宜之樹分別試種廣勸紳民一律興辦具報等因爰就本邑直溪橋鎮原設之樹蠶局推廣章程招集股份選舉職員巫光彩巫炳文楊良駿等經理研究土宜竭力講究約計前後共置山地一千二百四十餘畝統植松苗八十萬株桑秧五千株已活者約居十分之七

江西 贛省農工商礦局紳擬就進賢門外清泰寺附近開築農學試驗場已稟准藩司周方伯會同詣驗立案施行乃各業主佃戶聞之具詞籲免方伯批示云查進賢門外清泰寺側民田係本司會同農工商礦局各紳親詣勘驗擬作農學試驗場之用現已將某某等共九處合八百零四弓統計十六畝零四弓各訂合同注明界址載明租價按季付給逐年歸農工商礦局招工及時播種試驗農學該民等所稱肥料籽種夏熟望成之糧仍准及時收割秋糧即不必下種歸官設場籌辦所有前經插牌之處凡已種各物悉聽收穫毋庸疑慮至所稱委員將八十餘畝釘立界牌一節此係局紳事前勘估暫爲標識以備日後擴充另租初未嘗抑勒歸官此後試驗場或須擴充該業主等務宜平價出租毋得任意居奇抗撓要政自干咎戾

浙江 蕭山濱江沙地本係駐防旗營圍獵放牧之所近年以來大半由鄉民種植成熟每皆爭奪釀事故奉大憲派委蔣大令會縣清丈准由原墾及里中貧戶領墾撥給印照按畝定額征收官租計共千頃之多刻已分別撥定

湖北 癸卯年荊州駐防喜觀察在綽留守處條陳廣籌旗丁生計有派無甲者至公安縣開墾馬料田一則已經留守奏准實力進行荊州道余觀察恐歷年以來該地人民難免無侵佔之弊特札調樊大令赴公安辦理駐防馬料田清丈事宜

湖南 湖南黔陽縣黃紳勸民集股墾荒並創設農務學堂其經費則抽收屠捐以爲挹注已稟請湘撫通飭各屬一律創辦並請開創農務公司當奉批飭兩司通飭各屬從速舉行聞該縣刻已創成農務公司並設有學堂及試驗場鄉民頗有入股者

四川 雷波廳山林崗守備吳守戎占高勘得盤地與雷屬接界有名烏拋(譯音)廠地土肥沃因與盤渠定約招人開

望 望 望 屯田 巴塘墾務現經打箭爐廳官劉仁齋司馬購辦農器尖鏟各件派熟悉農工之儘先外委羅家珍等及請  
練農務之武生王家賓等隨帶前往商請巴台文武會辦勘定河堰起水排開土性弓量開方頃畝以待來春播種  
廣東 南海順德兩縣土絲每年出口計有二千六百萬兩之多幾與浙紳媲美近年浙江聘請日本蠶學教習創設蠶  
學館參用新法養蠶蠶業遂大有起色粵中紳士曾在南海之西樵創設蠶業社亦參用日本養蠶新法大收成效茲粵  
督岑爾軍特購浙江蠶學館蠶種數紙分給南順兩縣責令邀集紳商會議改良之法並飭每縣各設一蠶學社現兩縣  
令已將飼蠶擇要十三條示諭紳商人等

### 各國農桑彙誌

韓國 韓國政治家近來頗陳種種變法事業有人提議仿效日本之屯田兵制於咸鏡兩道設忠衛隊以所在屯土分  
配之其武器訓練等則自軍部別設方法其所分配各地兵力如甲山二百名三水一百名長津一百名咸興三百名永  
興二百名文川五十名安邊一百名德源一百名鏡城二百名吉州一百名城津一百名茂山二百名會甯二百名穩城  
百五十名慶興百五十名 五月十六日韓京電駐韓日使向韓政府要求准其以開墾荒地之權全歸日人長森藤吉  
郎管理韓外務部以公文答復日使云此事向歸護鄉院管轄故已由本政府轉照該院據該院卿復文云韓國既設護  
鄉院自應由韓國辦理故不能准許日人近駐韓日本代理公使荻原君尙擬再備公文照會韓外部  
美國 美國商業報謂美政府之農務省于合衆國內大加獎勵養蠶如有無力飼養者則由該省供給其桑葉及各種  
養料等可預定准數報告隨時領取至蠶卵紙一節亦由該省發付其已成之繭乾燥合品者有一封度七十五仙至一  
弗之市價



各省礦務彙誌

北京 商部新訂礦路律例業經奏奉 朝旨頒行近聞商部行文各省督撫飭派所屬凡境內一切礦山務須詳細勘查繪圖貼說呈報商部存案嗣後有人呈報開掘經由商部派員前往勘驗妥訂章程無庸地方官再行干預

直隸 開平礦務一案業經外務部與英使薩道義議妥仍係華洋合辦准由北洋委派大員駐局其秦皇島一埠亦由中英兩國派員會同治理 德人漢納根在正定井陘縣開一煤礦係庚子以前在路礦總局請辦尙未核准即遇拳亂因而停掘亂後漢納根即聘請礦師并購吸水起重等機器前往開採至本年三月間已見煤槽故擬厚集資本大加開拓復具稟直督請咨商部存案其稟詞大槩係由漢納根措資墊辦山主張某即以礦地作股一半其礦地東西南北各以十里爲限等語五月廿二日經袁宮保批示略謂所稟各節核與奏定新章不符且四至表延各十里亦未免太廣既稱華洋合辦照章應過洋股之半究有華股若干稟中未據申明碍難照准云云而該礦工程業已過半指日可望出貨勢難中止聞已由總領事請駐華德使向外務部交涉矣

山西 山西澤州府大陽鎮所產石煤其質甚佳與英國海軍所用威路士煤不相上下戊戌春間福公司曾將煤樣郵寄倫敦請著名化學家理科博士黎利君化分其分得之數如下灰萬分之八千九百二十四硫萬分之三十一灰萬分之六百九十一水氣萬分之三百五十四 晉省礦產先年與福公司所訂辦礦合同吃虧甚多當時原冀晉豐公司能與福公司平分事權嗣因庚子變亂晉豐緣事歇業接辦無人晉省全境礦利遂盡爲福公司所有癸卯年該公司復援合同標首製鐵二字欲在礦山附近推廣設廠製鐵又議鐵路由中國借款並不請領憑單輒行探礦均與合同有背盛宮保乃與晉豫兩省竭力抗拒並擬藉此將前訂合同吃虧之處悉行爭回屢經電咨政府外部合力與爭堅持幾及一

實業

九十七

甲辰

年近乃漸次就緒由盛宮保與其總辦英人某議定數款聲明晉礦由中美合辦設廠製鐵歸中國國家專辦

江蘇 江南鹽道徐觀察擬在龍潭施家井平窿開挖煤窰由關道兩庫借款先用土法試辦請咨商部免照礦章給照商部以奏定礦章無論西法土法皆須領照斷無土法官辦准免給照之理礙難照准復經江督飭遵茲聞商部一俟礦山圖說到部即須填照給發 南京設立鑛務總公司專辦江西南安徽三省鑛務以挽利源近聞江南總公司已公舉前觀察董理江西分公司已公舉梅胡兩紳董理安徽省已公舉李紳董理

安徽 英商凱約翰前在安徽省與商務局訂立之六縣鑛山合約以展限屢次未能開辦遂變計認定銅陵縣銅官山等處開辦當以商務局未即允准因進京設法茲聞院撫已奉部咨調取凱約翰在皖省之前後稟批合約全案卷宗遞京歸部存核商務總局業經彙抄進呈

江西 朱通判大鑛奉委開採廬山大穴頭魚拖洞銀鑛先行試辦現已到省解呈銀質四百餘兩又有未經化分之銀鑛原質一塊一併呈驗 贛州府城東十餘里有地名穿蜂凹者內有一山驟然崩塌土人奔視塌處見石塊紫燦燦然黃色疑以爲金拾示識者謂爲銅質

浙江 近日有人在紹興之姚塢地方發見鐵鑛一區所採鑛砂試以土法冶煉果皆生鐵遂集股本五萬金與某洋商合股開採已稟請地方官轉詳立案

湖南 湖南鑛務總公司已派中路總理在籍候補道黃紳爲忝前往滬漢一帶以及南洋新嘉坡等處招集華商股本以擴鑛政而挽利權 湖南官紳所定鑛務章程主全省鑛山事業不許外人染指英法兩公使皆照會外務部反對之四川 鑛務總局行文各屬調查該處有無鑛山業主何人開辦與否或洋股華股鑛質何類或已停辦或已試辦一切

現今情形詳悉稟覆以免各地奸民引誘洋商佔辦專利 四川銅政積弊太深現經川督札飭礦務局設法整頓 夔府紳士高君蓮玉等近與法商合辦華利公司開採夔屬五金礦產近該公司已有法人四人行抵夔郡矣 甯遠府屬麻哈廠地方金礦頗旺府尊熊濟文太守議自開辦擬訂章程稟明礦務總局批准 江北羅煤鐵公司與保富公司華英合辦合同業經礦務總局與英卜副領事暨英商立德祿君議訂章程十六條彼此允協不日即將簽字乃近聞總局致卜領函稱此次合同第十五條內此合同各款句下原有應以華文為準六字日前會議會將此六字刪除敝局檢查各公司合同均有此句似應仍將此六字添入等語經英總領事函覆川督錫制軍謂合同均有此句者正以前時川省無人精譯英文之故此大合同礦局既有譯員又查第十五條載明如有爭執之處須將華英文字詳細核對此正無偏重偏廢之意既未專以英文為準又何必專以華文為準如再仍行爭執可請公正人公斷 法商某與日商某因與萬縣劉某訂立合同約開巴底巴旺礦金及夔屬銅礦並鑛師二人法廷特派重慶正領事安君會辦川省礦務事件故安君已於癸卯年赴省便與甯道商訂條規 四川礦務局前與法商戴瑪德訂立開採巴萬兩縣煤油合同已將二載現已開辦有日川督特委林觀察為該公司華總辦與法總辦遇事妥商實行合同所載彼此互守權限互享利益之言 章谷屯務委員王棧現已稟銷查礦差據稟一枝朔之礦已歸懋功廳辦理公塘子之銀礦早已半空巴旺各地并無礦產斑關山地方甚旺開採多年近來尙好撫邊之黑山一帶夜有金光惟大雪封山不易攀援有匪黨張子羊私挖多年

廣東 韶州府曲江縣總辦瀨頂錦礦委員彭別駕厚源自去冬十月到廠試辦以來所獲錫質約值三十餘萬金云  
廉州合浦縣石頭埠煤礦苗旺質佳久為西人豔羨前經善後局發官本七萬金派員督辦嗣因官力不繼批准商人鄭

改派承辦并將官款附入改爲官商合辦已歷數年未見成效現在大憲擬與礦務局擬收回官辦云 關建縣屬增流金礦一處金苗甚旺當道特委陳武純太守爲總辦夏錫疇司馬爲文案兼管一切支應又委傅錫疇梁鶴清兩貳尹爲分辦以增利源

### 各省工藝彙誌

北京 北京工藝官局所造玻璃各貨料均由房山縣采購近來商民因其物美價廉相率訂購者日益增多 商部稽查工藝局章京時京卿寶璋近以京師開辦工藝官局招集藝徒分科學習工藝頗著成效惟天津教養局內製造一藝較各工廠所出者尤爲精美京局欲得此項教習尙難其人故特稟請商部擬就各科中酌調藝徒四名咨送北洋教養局一體學習俟藝成之日調回京局 商部造紙公司前議所造之紙凡官場往來公文及契券等一切均須領用商部所造者否則梁不作據刻都中官場所用文件及郵關公事信封均用該廠所造凡文件信封後面下端均有刻印之商部二字 商部工藝局巾工科近織毛巾益稱精美刻由局分寄各布店代銷據各店聲稱此類毛巾較日本來貨細密數倍且價亦極廉 哈喇大呢兩宗爲泰西常用之物中國不肯加意研究順天工藝官局擬聘請精於此業之人來京仿照西法設廠製造 彰儀門內工藝局組織精良貨美價廉如洋毯景泰藍洋式木器編藤桌椅久爲中外所稱道近又補貼告白減價出售

直隸 直隸農務局總辦李觀察近在宛平縣西北之門頭溝勘得一種礦產可以製造玻璃及各種料器之用因將該礦石料送至山東博山縣客中製成器件經學校司察看食稱精美合用因遂稟請直督袁宮保擬在門頭溝附近暫租房屋數十間仿照博山客辦法製造玻璃各器經宮保批准照辦 天津北馬路龍亭後新建之考工場業已工竣近已

聘定日本美術家鹽田真君充當藝長王君荃士經理一切歸由直省各府州縣賣來物品甚寡將來陳列品中日本製造器器居一大半焉 天津工藝學堂總教習藤井恆久條陳倡辦磁曹公司以興工藝呈請採擇提倡業由袁宮保札飭運司天津府籌辦 北洋煙草公司現因製法改良銷路甚暢北京保定山海關唐山河南各處銷售甚多 山東 省城南關外正覺寺前經設立教養局收養貧苦乞丐教以工藝現已有五百餘人專教造靴織布製繩等事自去年委魏觀察總辦後添造作房數十間近復在南首新造房屋多間凡造成之貨均歸此處發賣 嶧縣工藝教養局現在周耀山明府擬重爲整頓除照舊織布外添聘巧妙漆工作教師教以仿洋漆式作爲花瓶帽架烟盤小盒各器風在局售賣 曲阜北鄉十八里姚村地方村中烟戶並附近居民皆以編織涼蓆爲業其製法以秫梢之頂節細穎擊成數瓣刮去裏肉但用細皮紅白相間編成各種細蓆施之桌椅牀褥涼滑可愛年來出貨甚廣運往東昌一帶尤多計每年約值銀四五萬兩上下 毛瑟槍爲行軍利器雖縣工匠有能仿造者每枝約值大錢十千亦甚堅利耐久 高唐周刺史集股十二萬金創設工藝廠以養貧民而興美利近派人至濟南工藝局查詢一切章程併訂購織布機器多架云 江蘇 蘇垣就元邑倉房改設工藝局所有試辦工藝十種如洋貨門則造肥皂織洋布捲紙菸絨毛巾絨毯地蓆洋襪汗衫等項土貨門則織素花緞常熟布麻縐等項均由司事教習督飭工徒研求製造之法至該局提調遊雲仙大令續議章程大旨皆仿甯省辦法綜其大綱約有十四端一宗旨二命名三設局四派員五司事六教習七工徒八丁役九工藝十經費十一月費十二免稅十三進步十四推廣惟該局僻處城隅貨物出入殊多不便將來出貨漸多尙須擇工商繁盛之區設立分局推廣辦理 近聞江甯藩司黃方伯有鑒於利源外溢因籌得的款延聘日本著名工師購置織絨機等先在文閣供給所教人做練以挽利權 製造局總辦魏觀察到差時當奉江督魏制軍札飭嗣後製造槍砲等械

應仿照日本德國等械製造以便各省取用以歸劃一等因觀察因即親蒞各廠詳細閱看並諭各廠委員督飭各匠一體遵論仿造 近有日商在上海爛泥渡附近創設機器造紙局一所惟楊樹浦倫章華章兩紙局所用造紙之質料均係舊布頭舊棉花等類而該日商則以中國之稻草爲質料所出之紙與該兩廠不相上下故滬上浦東各鄉人之稻草皆被收買一空價遂飛漲每擔須四百文左右聞該局每月所用稻草須四千五百担云

江西 江西土產自磁茶而外紙爲大宗近以洋貨機輪銷路阻滯業此者大半閉歇現經農工商務局稟請設立造紙公司購置機器延聘日本工師招人學習仿造以求抵制已奉夏中丞批准撥銀五萬兩先行試辦並委派湖北候補道陳觀察兆英綜司其事 會昭吉別駕唐樹枏二尹所造空氣球初時試演不甚靈效現在逐漸改良甚爲完備曾在北壇放演升高三百二十丈可以操縱自如聞夏中丞日前出巡赴潯晤及端午帥亦擬仿製曾別駕并面請常備軍郭統領於營兵中選擇矯捷者數人以便訓練駕駛氣球之材 上高勸工局所織各項毛巾洋紗白布現有工匠善用漂法漂出白色與省垣洋貨店出售之毛巾洋布相似上高土產以夏布爲大宗登市之時皆係鎮江商人前往購運惟所織夏布純是本色不知漂法以故出售之時價亦不高張大令現飭地方紳董張曙初勸諭夏布行店廣雇工匠講求漂白之法將來漂法一精則布好而色佳不惟鎮江商販來此購運即各鎮皆可行銷自無臨時抑價之弊 景德鎮造磁之原料以產自安徽祁門爲最餘如樂平餘干等縣雖亦產此料然相去懸殊惟浮梁產有特別之原料即用於磁器之外面而發光者俗所稱爲精也現與安縣創設窯廠已著成效惟原料之泥各處均不合用若仍在景德鎮採辦則不如在景德鎮製造之爲愈現擬在附近一帶取泥試用然尙無把握也

浙江 杭州拱宸橋西新建西式房屋由高某等購備機器創設益盛榨油廠先以紗廠花子試榨清油出售現各鄉菜

豆將次登場若以機器榨取出油較多該廠獲利可操左券

福建 福建職商林軫存具稟商部請設製磁公司茲悉署閩督李制軍已接准商部咨文矣 有英商販運樟腦過閩被閩省官廳局所聘之日本技師緝獲當由駐京英使函達政府電令閩省大吏放行該日人遂至督署理論謂為蔑視日本厚遇西人閩省遂電達政府請日使轉致日領事囑其毋得干預 官廳局聘用日本技師以製樟腦日前該技師報銷自開辦以來共用去三十萬元而熬腦之事尙未開辦閩督謂其開銷太鉅殊有礙邦交云 福州某少業煎銀長知化學會歷外洋能造無煙藥現與武備學堂某編譯同請於督憲擬在西門外洪山橋試辦聞已將水部機器廠改為無煙藥廠

湖北 鄂中某紳集金數萬擬就武昌城外設一製造機器廠聞已稟准開辦並聘定工師多人專製各項機器既為貿易之資且開風氣之漸而附近貧苦小民亦得藉工作以贍生計 武昌造磚廠自去年擴張以來銷路工作均日漸興旺乃今年有某洋商亦在漢口開設造磚廠一所當道特傳諭該局總辦此後務須精心構造並安定購買章程以廣招徠

湖南 瀏陽夏布在東省銷路頗廣華人劉姓今已購機織造 永順府曾設一樟腦製造所效福建之成法自福建聘得熟練技師來永製造頗著成效前製有精品五百斤輸運漢口不亞於臺灣福建之所產今擬擴張規模盛為製造更集該地縉紳多人於武岡州再圖建設近已集款籌辦

四川 商務總局王體元稟云該教習試造各車雖經本總局考驗尙堪適用查改良之安步車尙宜堅固仿造之快行車尤須輕靈其水車等類之行於鄉里者均應靈便之中期能堅實耐久庶克行銷暢旺否則購用者少徒請示諭不特

無益轉恐有負請求製造之初心者。遵前批加工構造再行分別呈驗以憑核奪。大凡工藝等事稍有可觀無不刀予保護維持。慶符附生嚴鍾崙近悟得一取煤氣新法於督藩商務處稟請試驗。皆以為適用給予文憑準於健邑鹽廠試辦。如成效果大即為咨商務部準其設全省煤氣公司。並蒞利三十年。嚴君於去年到健集款十萬金在五通橋創設公司。試辦該處人甚踴躍。旬日款即糾齊。今已開辦。有自健廠來者親見其取氣諸法甚為便捷。其法距燒鹽處數丈外置一鐵桶置炭於中。旁置三管。火熱則一管引其氣以燒鹽。一管出油。一管出漆。其未過之炭取出售與人。能抵炭價三分之一。人工資本一切出款以油漆及未過爐炭。祇算儘足敷用。至炭氣則全為盈餘。惟其貯煤之鐵原係生鐵鑄成。火力太猛不無燥烈之患。現已命人到滬採購洋鐵以代。成都工藝局開辦年餘頗有進步。近出示曉諭士民有能仿造洋貨或他省工藝及自出心裁造成新器者。准呈明本地方官申送來局考驗。酌予薪資。派充教習。願自造者許其專利。宜賓南溪兩縣土人愛種甘蔗。壓水以熬白桔。兩糖運赴荊沙漢。現已成爲巨宗。每年冬間各糖房雇穉堆集如山。用以代薪而已。近日某甲得西人造紙法。試用蔗稈雜以破布。現在試辦紙出勻白可愛。擬集股赴滬購買機器。陸續收買蔗稈。著於池中用石灰先爲融化。一俟機器到日即開廠舉辦。勸工局陳列品在省城西青羊宮傍二仙菴內。由盛委員監製。凡數日間已售出銀二百餘元。陳列品爲之一空。局中出品趕造不及。現已有三百餘名之工人又在江安縣聘來竹黃工匠二人。添製竹黃器具。省城向無碾房。米價每種糧費擡價現成都雷太守請發公款於北校場修設碾房十座。有碾米者一石給工錢二十文以作倉夫口食。敘州府所屬樟樹頗多。近有某姓從海外歸來曾見西人以化學製煉樟腦。爲象牙珊瑚各器皿。心焉羨之。現在釀資四處收買。擬設廠按照西法提煉仿製。

廣東 前粵督瑞軍創設船澳於近省黃浦地方以爲修理兵輪之用。初本官督商辦。糜費不貲。因而中止。然廢弛日



久所有機器失耗殊多今歲大憲決意收回官辦開委崔守祥奎爲督辦李合某爲總辦先由善後局撥款二萬金以爲開辦之費 商務開局由局員妥擬章程詳請兩院憲核辦茲聞雲帥以農工商礦爲理財四大政策現在限於財力不能分設局所議暫將農工礦三者歸併商務局辦理俟核定章程札局遵照云 肇慶府城製造局業已建設竣工現省憲議定將省城之東西兩製造局一併遷入肇慶新局以節經費 廣幫茶商以同業相傾茶利日虧前經出使美日秘大臣沈梁諸公疊電勸諭從速改良以維利權去年省地各茶工會集衆公議認真講求現聞倡議特設一表定其準率以驗火力使焙茶無局變之患該法業經試驗已遠勝於昔日 粵省所產之花蓆爲出口貨大宗其運赴美國銷售者值入九百萬茲聞大吏准商部咨開畧謂接出使美日秘大臣沈據商務隨員梁蘇兩員據美國紐約地氈地蓆公司函稱近日運往之蓆甚劣務必亟圖改良製造堅美如不改良將來必用別項貨代之致失利權等語大吏遂札行商務局論飭行董務必揀草圖勻組織堅固以免利權外溢云

廣西 桂撫柯中丞前委程守道元開辦桂林梧州兩府工藝版梧州四月已辦理完竣現已開工造作茲省垣亦履就工匠招徒入廠於五月初一開辦其廠則設在就日門外三桂山書院所造各物聞先辦絨布絨洋莊花蓆藤竹器四項雲南 雲南因開築河內鐵路所用工役人等往往不耐瘴氣多致疾疫者現經滇省大吏咨文粵省由粵中地方官招募工役招齊後各給華洋文憑咨送滇中以充工役

### 各國工藝彙誌

俄國 俄人自知海底潛行艦製之不佳居高位之人設立一會研究此事皆云我俄若於太平洋中有海權此事實不可少有獻爾門天伯爵捐洋十萬元又沙爾特地戈海軍少尉捐洋二千元以爲增加改良潛行艦之用

英國 現在英國倫加興州之棉花紡織工場其數有一千七百六十四所其紡鐘有四千五百十九萬五千六百四十一箇織機有六十五萬三千一百二十臺從今二十二年前即一千八百八十二年時則工場數有一千八百十四所紡鐘有三千九百四十一萬六千七百七箇織機有四十八萬五千二百六十四臺倫加興州中之烏羅大麻一省視他地爲最多鐘數有一千二百四十二萬九千八百三十五箇但以烏羅大麻之市上計之其鐘數已有一萬八千八百八十箇但以烏羅大麻市內之第二十七街計之其鐘數已有九十七萬三千九百二十箇織機已有一萬一千三百八十五臺之增加以第二十三條街計之則有紡鐘三十九萬九千二百二十九箇織機五千六百三十七臺之減少若總計之於紡鐘數則增五十七萬四千六百九十一箇於織機數則增五千七百四十八臺於行家則無所增損於米杜爾屯及屯建兩地則有行家十七處紡鐘六十四萬五千九百四十四箇織機二千四百六十五臺於麻斯雷及米戈斯脫及羅啓斯三地則有行家十五處紡鐘一百一十二萬一千二百五十八箇織機四百五十臺於魯啓臺爾地方則有行家八十八處紡鐘二百四十八萬九千零九十六箇織機二萬二千九百七十六臺於亞白米爾及古倫非爾脫二地則有行家四處紡鐘十二萬八千八百箇於斯得戈斯爾得則有行家六十六處紡鐘一百七十九萬六千五百八十六箇織機九千二百二十九臺於阿希屯則有行家三十五處紡鐘一百八十八萬三千二百七十箇織機一萬一千五百零三臺然皆不及烏羅士麻之增加行家六處紡鐘三十一萬七千八百七十二箇

美國 美國空氣飛船發明家三多司頓已將所造第七號之飛船加意改良其體積能容氣質八萬立方尺每小時可飛行五十至六十英里所配磁電機之重量僅二十四磅零四分之一已在聖克勞德埠試演一次靈捷非常自謂將以此船赴日本試演云

# 交通

論墅浦鐵路節錄四月二十九日中外日報

浙江紳士稟請與德商榮華洋行集資合辦由湖墅起繞道乍浦至上海浦東之鐵路。按即鹽浦鐵路此案緣起則由杭嘉兩屬紳士約於去歲秋冬間向浙江撫署具呈請與德商榮華洋行合辦墅浦鐵路其股分則由具呈諸人先認華股十分之五榮華行亦先認洋股十分之五浙撫得稟後不置可否第尤為咨請盛大臣核辦於是具呈諸人又至上海向督辦鐵路總公司呈請聞盛大臣即於去年十二月間為之具摺奏聞夫中國與西人合夥營業本為最難之事今聚此三數少年既不解工程之學復不諳交涉之術昧昧然與西人訂合同集款項以興此重大之工程萬一辦理不善太阿倒持彼強我弱反客為主母乃貽誤地方牽動大局其可慮者一也又查該路既由湖墅以達浦東則松江紳士亦應令其與聞以見詢謀之僉同民情之翕服今具呈者皆杭嘉兩屬紳士。袁某則係嚴州人而松屬無一焉則松屬士民有無後言未可知也萬一興工之始彼處人民起而抗拒內鬩之餘引動外患不知何以處之其可慮者又一也原稟有云近聞甯滬蘇杭甬一路俱為英商怡和洋行經辦未免利權獨擅亟

交通

五十七

甲辰

宜設法牽制云云。按中國地方之路。本當由中國自造。今付與英商經辦。誠爲失策。牽制之法。誠不宜不講。然必我自行集款自行築路。與外人平分其利益。而後謂之牽制。今以英商經造甯滬鐵路之故。卽引德商以築造甬浦鐵路。使江浙一隅之地。並時有外人所築之路。二條以云牽制。竊所未喻。質而言之。不過江浙地方有若干利益。已爲英人所佔。又有若干利益。復爲德人所佔而已。何牽制之有。而且英德兩路同在一隅之內。假使英人別有要索。強我以不能不允之勢。我固將允之矣。而英人既得所欲而去。德人豈肯默然無言。必又援利益均沾之說。索我以同等之利益。我又何詞以拒之。是則華商與德商合辦甬浦鐵路。非特不能牽制英商也。實且勾引英德使其協以謀我。哀我江浙土地。幾何權利。幾何奚能堪此。分割其可慮者。又一也。而浙江農工商礦局。且爲之詞曰。果能招集華股。另闢支路。分其勢力。洵爲上策。本不得已。卽遵章兼招洋股。以客拒客。使互相牽制。亦未爲無見云云。竊謂此乃理想之空談。決不能見諸事實也。夫兩國交涉。必我之權力大於彼國。乃可以言相拒。若無權無力而欲依傍甲國以抗拒乙國。此必不能之事也。西人遠來中邦。拋棄巨資。築路開礦。各謀其權利而已。假使英德兩路各有其宗旨所在。則英人自有英人之利益。德人亦自有德人之利益。各得其所。求各遂其所欲。不必相拒也。若使其兩雄不並立。連雞不俱棲。因

而。有。衝。突。之。事。彼。時。我。若。助。英。則。恐。擾。德。之。怒。我。若。助。德。又。恐。招。英。之。怨。勢。必。如。今。日。之。已。事。任。日。俄。交。戰。於。東。三。省。境。內。而。我。謹。告。中。立。而。已。夫。中。立。云。者。即。自。處。局。外。之。謂。我。既。以。局。外。自。居。則。我。之。土。地。將。悉。聽。人。之。處。置。試。問。江。浙。之。土。地。尚。能。為。我。有。乎。萬。一。兩。國。交。爭。之。後。無。論。孰。得。孰。失。其。得。者。必。引。以。為。功。以。為。我。之。拒。彼。實。為。中。國。保。全。利。益。而。因。之。索。取。酬。報。其。失。者。必。又。遷。怒。於。中。國。以。為。我。之。失。敗。實。由。中。國。政。策。不。定。依。違。兩。可。所。致。因。而。指。中。國。為。不。足。有。為。而。別。籌。洩。忿。之。法。如。是。則。介。居。兩。大。之。間。實。有。動。輒。得。咎。之。勢。不。知。如。何。因。應。是。即。能。以。客。拒。客。而。為。禍。更。大。矣。其。可。慮。者。又。一。也。原。稟。又。云。查。上。海。浦。東。至。乍。浦。海。口。乍。浦。至。杭。州。湖。墅。確。有。商。運。利。益。輪。船。不。通。云。云。按。此。語。於。地。理。及。商。情。似。乎。均。有。不。甚。明。白。之。處。試。晰。言。之。按。原。稟。所。指。定。之。路。綫。皆。非。出。產。最。旺。之。處。亦。非。來。往。旅。客。最。多。之。處。而。水。路。又。四。通。八。達。輸。運。甚。便。本。無。所。用。其。鐵。路。也。查。近。來。由。上。海。至。平。湖。有。小。輪。二。艘。間。日。來。往。客。貨。簡。少。類。虞。折。閱。前。者。尙。有。小。輪。一。艘。來。往。上。海。乍。浦。海。鹽。旋。以。無。利。可。圖。未。幾。即。罷。則。其。商。運。之。有。無。利。益。可。以。斷。定。矣。總。之。浙。西。一。帶。除。絲。繭。外。並。無。大。宗。出。產。用。小。輪。裝。運。不。過。一。日。或。一。日。半。即。可。至。上。海。亦。無。所。用。其。鐵。路。也。且。更。不。必。經。由。暨。浦。鐵。路。也。是。則。具。呈。諸。君。擲。此。巨。萬。之。資。於。斷。不。能。得。利。之。地。誠。不。知。其。意。何。居。若。德。人。則。得。寸。則。寸。得。

交 廷

六 十

六 月

尺。則。尺。必。別。有。用。意。所。在。或。不。以。糜。費。巨。資。為。嫌。耳。然。則。此。路。成。後。其。為。我。之。利。乎。抑。為。德。人。之。利。乎。不。待。智。者。而。知。之。矣。其。可。慮。者。又。一。也。抑。更。有。進。者。查。甯。滬。鐵。路。讓。諸。英。人。已。非。中。國。之。利。然。英。人。究。以。商。務。為。重。甯。滬。蘇。杭。甬。一。路。又。為。商。務。最。盛。之。處。則。此。路。成。後。我。猶。居。於。利。害。之。間。也。若。墅。浦。一。路。則。與。商。務。全。不。相。涉。而。德。人。之。築。路。又。必。非。為。商。務。起。見。觀。於。膠。濟。鐵。路。未。成。之。日。德。人。即。亟。亟。簡。派。專。員。駐。紮。非。通。商。口。岸。之。濟。南。其。命。意。蓋。可。想。見。故。尙。論。者。每。指。膠。濟。區。域。為。第。二。之。滿。洲。以。是。為。中。國。危。今。奈。何。復。欲。以。江。浙。區。域。為。第。三。之。滿。洲。也。竊。願。主。持。斯。事。者。慎。思。之。矣。

案墅浦鐵路一案。後緣駐京英使牒告外務部。以德商分利。恐起爭執等語。請即阻止。外務部遂分咨浙撫及鐵路大臣盛宮保。駁斥不準。事遂寢。此論全為此案而發。本可不錄。然近日各省路鑛。為華洋合股四字所朦混者。隨在皆然。豈獨吾浙。斯文別抉諸弊。曉以利害。實足為貪小利而忘大患者藥。故節錄之。

論膠濟鐵路與德國權力之關係 錄五月十二日時報

世界各國對於中國之政策有二。一曰保全。二曰瓜分。保全政策者。美日英之所揭。藥也。瓜分政策者。俄法之所懷抱也。而德國之目的。最為不明。德國者。於甲乙兩政策。各為最圓滿。

之預備。視時勢之宜。行某種政策。而遂行之者也。凡倡保全政策者。必其工商業大發達。能以生計問題制中國之死命者也。倡瓜分政策者。則異是要之兩者。皆足以亡中國。其揆一也。乃者膠州濟南間之鐵路全開通。此事之關係於中國前途者。其重大不讓日俄戰役。此鐵路公司。乃由德國全體之大資本家組織而成。而柏林之中央銀行。給以輔助資本金一百五十兆元。雖謂之為政府的事業。焉可也。德國此舉。其為有侵略土地之野心與否。姑勿論。即使無之。而握山東全省生計界之實權。已足以制我死命。現在鐵路近旁新開之煤鐵礦。據膠州年報所記。其煤礦為無煙性。及瀝青性之最佳品。以用之軍艦。及東方一帶火船最宜。計其採掘之費。每噸需三元。由鐵路運出青島。每噸需四元二角。售之於船舶。每噸十元。至十三元。其鐵塊亦為上等良品。現在山東附近各都市。供建築及其他用品。已極銷流。膠濟鐵路既通之後。此鐵礦利用之途。自更益廣。而此礦區。實德國資本家所左右也。現在所投資本已二千萬元。聞將來預備增加者。尚六千萬元以外。遂為中國內地第一大礦矣。此皆與濟膠鐵路相輔為德國東方殖民之一大成功者也。故美國人評之曰。青島者將來第二之香港也。膠濟鐵路者。舉山東全省之千五百萬之人口。而置諸德國勢力範圍下者也。二十世紀以後之世界。惟戰勝於產業界者。乃能役人。反是則為役於人。此稍有識者所

同認矣。故此後滅人國者。決不恃砲彈。決不恃艦隊。而惟握其生計之實權。以爲之主人。彼德國前此本與俄同一侵略政策者也。此次俄軍失敗之後。或遂一變其方針。以從同於英、美、日所謂開放門戶之主義者。亦未可定。雖然。就令爾爾。而中國遂可以保全乎。狐之吸精。髓以死人。與虎之啖骨肉以死人。其所施之手段不同。而受之者之結果則一也。昔杜蘭斯哇人賭亡國之孤注。以與英人戰者。豈謂英之掠其土地哉。所爭者不過鑽石、金礦之兩問題耳。故知痺癆之疾。甚於癰疽。將萎之花。慘於槁木。論者毋徒狃於日本之戰利。以爲是保全主義之制勝。吾可以高枕爲樂也。埃及高麗至今未亡。試問其國於天地間之價值如何哉。抑今日欲挽茲浩劫。豈徒君相之責任而已。民間之責任抑更重焉。豈徒政治家之責任而已。實業家之責任抑更重焉。國中有一人焉。不以責任爲責任。則國將有受其敵者。而況於舉國人視切膚之痛爲秦越耶。噫。

論德國東方海底電線之計畫錄六月二十五日時報

本館據海外電報稱。柏林之德荷電報局。近擬造海底電線。從南洋之末南圖半島。經墨利挪島之軋姆城。通至上海。及大美太平洋電線。從此可有一新電線。與東方相通。往來消息。可以自由。現德欲電至極東必用大北電經過西比利亞俄羅斯否則必由大東中線而

十載日本報

果爾

則德於東方通信機關易間接爲直接

比利亞俄羅斯否則必由大東中線而

而



膠州灣之勢力益鞏固而不可制吾烏能忘情。

德國於十九世紀之初一極貧之農業國也。久困干戈。司農告匱。無殖民地。無良質之石炭。

無豐腴之土地。無適中之氣候。重以國內分裂。互相殘害。故進步遲滯。自大政治家腓利特

利斯丁出。生一千七百五十七年卒一千八百三十一年掃封建之餘毒。結與國之歡心。卒能發展其內治外交之奇才。使

其國馴致富強。得與歐洲諸大國爲伍。自是其國專志於厚蓄勢力。至近年膨脹已達其度。

始漸求尾閭以排洩之。若南、非、南、美、若小亞細亞。固其所歷年經營。不遺餘力者。而其於我

東方。尙未有一適宜之根據地也。自丁酉冬。以殺其二教士爲藉口。不顧公論。悍然以暴力

占我膠州。益以庚子變亂。德使被殺。適以遂其借題發揮之意。於是其在吾國之權力日益

增長。殆足與英、法、諸國並駕齊驅。且更有後來居上之勢焉。

今者東北之風雲日急。英、法、南、亞之基礎日益鞏固。美、主、羅、斯、福、并吞太平洋之雄心。且如

暗藏春色。當此時勢。德不欲保東方之勢力。則已。德欲保勢力於東方。以膠州一隅之地。當

列強競爭之衝。消息機關。仰他人之鼻息。以爲交接。危乎不危。

是以日前。有索租洞庭湖。式船之舉。洞庭不遂。又移而向於鄱陽。其要索江督之言。近於迫

脅。是豈非其所持之帝國主義。膨脹達於極點而不覺發之暴乎。吾不禁爲此懼矣。雖然。借

地。代。船。之。舉。主。權。在。我。且。鄂。督。已。絕。之。於。先。江。督。雖。弱。亦。斷。無。漫。然。許。之。之。理。殆。非。可。懼。之。甚。者。若。東。方。海。底。線。之。計。畫。則。固。德。之。自。爲。而。非。他。國。所。能。禁。者。極。其。結。果。於。其。國。在。東。方。之。行。政。權。商。務。權。有。發。達。之。助。力。而。膠。州。之。布。畫。及。山。東。四。百。二。十。里。鐵。路。之。經。營。實。得。一。自。由。之。綱。領。其。津。鎮。六。百。三。十。五。里。之。路。權。與。英。國。共。之。者。將。來。亦。可。收。平。均。之。利。益。不。致。踞。伏。於。強。權。之。下。而。影。響。之。及。於。吾。國。者。乃。益。不。可。思。議。嗚。呼。德。之。自。施。其。計。畫。者。則。善。矣。其。如。被。之。者。何。

嚮。者。華。盛。頓。政。府。與。馬。尼。刺。之。交。通。也。由。迂。迴。遼。遠。之。電。路。當。外。國。干。涉。之。衝。雖。幸。未。遇。意。外。之。變。論。者。咸。代。危。之。故。太。平。洋。海。電。告。成。之。日。卽。爲。美。國。擴。張。東。方。權。力。之。始。紐。約。太。陽。報。曾。著。論。云。美。國。之。電。報。前。此。全。恃。大。西。洋。傳。來。倘。或。遇。有。事。變。稍。有。阻。礙。則。美。國。與。世。界。全。部。無。一。可。以。交。通。其。危。險。莫。甚。且。世。界。大。勢。觀。報。於。美。國。亦。非。律。實。以。東。方。諸。國。爲。市。場。非。在。東。方。得。一。最。迅。速。最。直。接。最。確。實。之。交。通。機。關。則。事。事。將。落。人。後。是。論。之。旨。知。德。所。以。計。畫。者。其。意。亦。不。相。逕。庭。也。

據。此。以。觀。處。二。十。世。紀。之。世。界。於。海。陸。上。非。有。鞏。固。之。實。權。不。能。收。特。別。之。利。益。非。如。十。九。世。紀。可。以。激。烈。爲。侵。略。者。也。近。日。實。爲。重。要。機。關。過。此。不。圖。噬。臍。何。及。以。德。之。次。於。諸。國。者。其。猛。進。已。若。此。則。諸。國。之。雄。顧。可。料。其。進。步。耶。吾。國。方。面。過。於。德。數。倍。乃。閱。無。計。畫。坐。使。神。州。萬。里。入。他。人。之。勢。力。範。圍。而。路。權。之。易。客。爲。主。者。亦。復。十。而。八。九。焉。悵。望。前。途。膚。戰。股。

栗。吾。又。何。暇。憂。德。國。之。海。線。耶。

外務部奏議准湘省開辦鐵道枝路摺

光緒三十年三月二十五日湖南巡撫趙爾巽奏湘省紳商請設湖南鐵道支路總公司先將常辰一路集股試辦一摺奉 旨外務部商部議奏欽此欽遵由軍機處抄交到部查原奏內稱湖南全省紳商呈稱湘省西南兩路水程則險灘林立陸途則山徑崎嶇以致物產壅積滯銷五金煤鐵每以運轉維艱無從開采是鐵路之在湘省尤爲刻不容緩現擬集股建設枝路兩條一以通蜀一以通黔其通蜀一路擬自長沙一路分枝上達常德由常德達辰州直入川境與川漢幹路相接其通黔一路擬自衡州分枝達寶慶出武崗黔陽晃州入黔省惟通盤籌畫工費甚繁勢難同時并舉現擬先由長沙修至常德而辰州計程不過七百里所需約八九百萬兩先就本地紳商集股再及滬漢南洋各埠如有不敷或酌借洋款俾資周轉懇照湖南礦務總公司成案在長沙省設立湖南鐵道支路總公司除粵漢幹路由美商承辦萍醴一路由萍鄉礦局自辦外其餘粵漢枝路均附屬川黔兩大支悉歸總公司經理等情伏乞敕部立案各等語臣等伏查路礦兩項互相表裏湘省地大物博山川險峻蘊蓄宏徒以轉運維艱不免貨藏於地是該省之辦路誠爲刻不容緩茲據該撫趙

交通

六十六

六月

奏請設立湘南鐵道支路總公司先將常辰一路集股試辦係爲自保利權起見擬請准如所奏先辦通蜀一路其通黔一路亦即接續辦理應令一面延訪工程師馳往逐段測量道里繪圖具詳一面即遵派員紳詳擬招股章程限期開辦所有一切辦法隨時詳細咨報外務部商部核奪總須實事求是迅速興作不得稍事延緩至原奏內稱如有不敷酌借洋欸一節查商部奏定鐵路章程第六條載集股以華股獲佔多數爲主不得已而附搭洋股則以不逾華股之數爲限并不准於附搭洋股外另借洋欸又第十條載開辦路工後若因工艱費鉅集股時意計不到致有不敷應准以機器房屋抵借洋欸概不准以礦地作抵并須候部核准方可議借各等語蓋以集股則零星授受勢散權分借款則事歸專屬易啓太阿倒持之弊故定章雖以股欸并列而借款一條實指開路工以後意計不到致有不敷而言今該撫請辦常辰支路意在自保利權且路工尙未興築自與開辦後意計不到者有別所請酌借洋欸應無庸議又原奏內稱粵漢支路均附屬川黔兩大支悉歸總公司經理等語查支路附屬幹路應俟幹路築成後統籌全局分別緩急次第奏明請辦未便先准立案以昭核實如蒙 俞允應由臣等行知該撫遵照辦理謹 奏奉 旨依議欽此

河南巡撫陳督辦鐵路大臣盛曾奏蘆漢鐵路展造枝路與比國公司議訂合同摺

竊查蘆漢鐵路係貸借比國公司洋款造辦前因豫籌幹路還款保全枝路利益臣宣懷於光緒二十五年十月奏請開封河南兩府枝路統歸總公司籌款接造欽奉 硃批著照所請該衙門知道欽此欽遵在案先據比國公司代理人盧法爾函請承辦當經派員伴護勘測大概旋因拳匪事起暫行停議去冬盧法爾來滬重申前請並承准外務部咨催辦理自應從速興辦查蘆漢鐵路在榮澤左近渡河該處東至開封府約一百七十里西至河南府約二百五十里現由盧法爾估計應借工款一百萬磅合法金二千五百萬佛郎克議明利息期限悉照蘆漢章程俟合同簽定後九箇月內開辦所有議訂合同各條飭由總公司法文參贊候選道柯鴻年等與盧法爾數月磋商並經臣宣懷逐條斟酌審照蘆漢合同量為刪汰閏五月間臣變龍入都過滬互相商榷復經函呈外務部詳加增改旋准電復酌添二節計訂定細目二十九條又行車合同十條要以保持權利不令旁生枝節為斷此次所訂合同大致以蘆漢幹路辦法為基址而酌量增刪鈎勒較為嚴緊除咨呈外務部外理合將所擬比國公司合同底稿繕具清單恭呈 御覽俟奉 旨批准再行簽印開辦謹奏奉 硃批外務部覈議具奏單二件併發欽此

直隸總督袁准外務部咨據總稅司擬具郵政專章轉飭各海關道遵辦札

交通

六十七

甲辰

五月十九日准外務部咨開光緒三十年四月二十六日據總稅司申呈以郵政關係緊要洋人船隻既以未定專條不便強使代運所有華輪行駛內港自應急定專章俾飭遵守而重郵政當經本部札行總稅司查照擬章申復去後茲准復稱遵擬專章一條作為光緒二十四年六月初八日續訂華洋輪船駛赴中國內港章程內第二條後之補條即與原章一律照辦無異嗣後華船入港之關牌無論已發未發者均應由各該稅務司將此補條刊印其上以便有所遵循所有遵擬專章開列於後一凡華輪均有代運郵袋之專責其行駛內港者一領准入內港之關牌即應代連郵政信袋分交路經各局每值行駛往來遇有郵局處所即須赴局聲報以便隨時交接郵袋不致有誤除帶運包裹分量較大者如何發給水脚由各該郵局按公平運費核給外所有尋常郵袋訂明不給運費其代運郵件各華船不得私帶信函並不得攬帶他局郵件至專責寄帶之郵件亦須格外加慎如有損失遺落違章等事仍惟該船是問或罰辦或將入港關牌繳銷隨時酌情定辦以昭鄭重以上專章一條請酌核轉飭遵辦等因前來本部查總稅司所擬專章於郵政不無裨益除剖行總稅務司轉飭各關稅務司遵照外咨請查照轉飭各海關道遵辦可也此札

直隸總督袁電政大臣吳札電話參贊吉田正秀文

德律風與電報事原一例勢有相維業由前盛大臣於光緒念五年十月十七日附片奏請將德律風歸併電局辦理奉旨允准欽遵在案自庚子拳匪亂後京津一路有丹商璞爾生乘隙安設德律風擅自招商承用至今未撤顯與奏案不符若不設法禁阻非特有妨主權且於電報利益大有妨碍亟應趕緊收回歸併電局辦理以一事權應飭電話參贊吉田正秀馳赴北京天津北塘大沽等處相度地勢估計工料並飭北京局黃道天津道張道俟該洋參贊到後會同勘定設局地段招徠用戶妥速籌商一切辦法隨時稟報以憑核辦一面由本大臣袁另飭津海關唐道傳諭丹商璞爾生原設風綫如不居奇即由電局估價購回否則勒令拆卸另由電局購料興工自行創設此札

督辦鐵路大臣盛咨浙江巡撫聶墅浦鐵路批飭不准文

浙紳錢錦孫等稟請與德商榮華洋行合股承辦上洋浦東至乍浦海口乍浦至杭州湖墅鐵路能否再准添辦咨商核明復浙飭遵並抄錄該紳等章議條款清摺一扣到本大臣正核辦間承准外部勅電內開英使照稱近有人謀用中國與德國款項合修由上海至乍浦至杭州鐵路一段業經浙江撫院轉咨盛宮保查核華英公司前已訂立章約由滬甯鐵路之間造以直路巡抵杭州如復有上海杭州鐵路兩路相爭與華英公司利益大有妨碍

交通

七

六月

請勿允准等語該使所稱是否屬實希查明迅即電復各等因承准此查錢紳等所議另辦上海至杭州鐵路有應駁者三端一杭滬已有總理衙門先期核定之蘇路可通另造徒糜資本二德商保認股非借款華商一半亦恐係德商影射更非借款還本即行自管者可比三英商恐分利不能還本亦必相爭實屬窒碍難行所請自應批駁不准除電復外務部查明外相應咨復貴部院查照須至咨者

浙江布政司釐捐局會詳浙江巡撫聶內港行輪文

光緒二十九年十一月二十二日奉憲臺批本司局會詳錦和載陽丸兩輪船馳赴定海應照章報請轉咨由奉批查輪船行駛內港與行駛外海通商口岸與不通商口岸章程判然不同內港掛號船隻駛赴中國境外續訂章程內且有議罰之條由滬至定仍須出口所經全係海道何以可照內港章程辦理洋輪裝載洋貨由海道入口何以可歸常關管理載陽丸在前浙海關註冊專走石浦定海海門三處何以又可行駛滬定兩處均爲不解界限未清自問已諸多牽強何能率向外人爭執究竟來詳所叙有無如此辦法與各項約章章程是否符合該船在滬關所納是何稅則所給是何單照洋關與常關完稅與完釐能否並行不悖姑候札飭浙海關道逐一查核明確會同該局明晰妥議詳復到日再行察辦仰即知



照此繳摺暫存等因奉此當經移會浙海關道會議見復茲由關道查核詳復並抄詳移會前來本司同詳核約章參觀關道議復各條伏查錦和載陽丸兩輪由滬至定係由外海通商口岸至內港不通口岸航路所經雖係海道查照烟臺條約似只可照內港章程辦理洋輪裝貨本歸海關徵稅時因定海非通商口岸並未設有洋關是以浙海關道即照滬關辦法歸常關徵稅至內地釐金必須設卡抽收即如寧波温州雖係通商口岸仍設洋廣卡于土貨收出口捐于進口貨收落地捐又如由寧波至海門有永甯海門兩輪裝貨往來照章稅釐並納相安已久況定海本屬內地與海門事同一律按照內港行輪章程第二三九條皆稅釐並言定海向無捐卡該兩輪既已指明往來滬定自應按第二三條章程沿途完納之例在定設卡抽捐免致漏越甯郡洋廣鎮海捐款與約章自行防弊之條實相符合本司局前已擬定完釐章程詳明札發茲復悉心會議意見相同爲此備文會詳仰祈憲臺察核咨明南洋大臣核定照會領事轉飭該輪商一體完捐如不遵完即不准在該處行駛以符定章是否有當伏祈批示祇遵 批仰候會同浙海關前詳分別摘錄切實咨請南洋大臣轉飭江海關嚴飭遵辦仍由局飭令該分卡切實論繳毋任抗玩並移浙海關知照

駐重慶法國安領事致四川總督錫包攬川路照會

交通

七十一

甲辰

交 通

七 十 二

六 月

敝領事前聞奏設川漢鐵路不勝欽佩嗣後又承貴部堂詢及敝領事是以關切在心嗣又聞所有招股勸路籌款諸事概由公司自辦敝領事亦未便與聞乃今聞率仍舊章實屬妥善敝領事將信將疑適又接奉本國駐京公使電開華利公司刻在貴國外務部商定招股勸路代辦合同將次就緒足見果有其事不能不預為知會查招股籌款固屬不易雖係他國承認而法國款項居多與其轉移周折其中扣費不免何若彼此相商庶無隔閡似覺直當勸路工程辦理等項概聘各國人員查勘與其重費聘請來川情形不熟何若就近聘請似較便宜敝領事現查雲南滬漢等路初起公司均係法國創設迄今聘用法員不少諸徵妥善有憑可查況敝國華利公司業在北京定立川漢鐵路招股勸路辦理合同該公司已代集有各銀行法款三十八萬萬佛郎應請各員隨時商定均係按照滬漢鐵路條約之利相符實與貴國及敝國彼此兩有裨益敝領事因公務有濟不敢稍存私見又承貴部堂交陸優隆不得不預為通知以便貴部堂轉行該公司知照庶免臨時周章請煩查照

膠州青島行駛小輪章程

一茲因德政府允中國在膠州界內之青島地方設關徵稅是以現定本關應有發給內河行輪專照之權凡有輪船准其駛赴內港來往一切規條總應按光緒二十四年五月七月

前後所定之內港行輪章程並光緒二十八年八月補續章程駛行尤應按以後彼此訂明之各項專章辦理 一凡有輪船欲在內港行駛無論華洋船該船主應持有本國所發之牌照另具一函附呈海關稅務司處收存換領關牌此項關牌以一年為限繳回海關註銷換領新牌其牌費初次應納關平銀十兩厥後每年換領新牌納費二兩并應每四箇月納鈔一次 一此項輪船准在青島水面隨意行駛或照章由青島赴內地各處並由該內地處駛回青島或由青島駛赴內地轉過通商他口至內地駛回青島並准報明內地關卡逢關納稅遇卡抽釐即可在沿途此次所經貿易各埠上下客貨但非奉中國政府允准不得由此不通商口岸之內地至彼不通商口岸之內地專行往來若有此項所經貿易各埠駛至通商他口之船該船主即須報關按該口華洋各項章程辦理 一此項輪船出入青島時該船主總須報關請領各單將出入口貨物之艙口單呈驗並須聲明欲往內地何處歸時亦須報明已到某處仍須照例完納稅鈔至洋藥一項及其餘違禁貨物不准運入亦不准運出倘查該船有裝運洋藥及違禁貨物情事可將該貨入官并罰該船洋銀五百元若再犯即將關牌撤銷亦不予以關牌上所有一切利益 一此項輪船總應代中國運送郵袋不收運費該關郵政司應辦一切事宜或自行辦理或會同德國郵員議辦亦無不可

交通

七十四

六月

一凡有防範偷漏事宜德國自可襄辦其巡緝洋藥走私及別項違禁貨物尤應襄助辦理至郵政按章推廣一切德國尤以格外相助不加阻攔 光緒三十年三月初二日總稅務司赫德與德國駐京大臣穆默在京畫押

西江新開口岸稅則行輪章程

一輪船除在通商口岸上下客貨外並准其在甘竹白土口肇慶羅定口德慶都城等處上下客貨其容奇馬寧九江古勞永安後瀝祿步陸都等處准其起卸搭客並搭客行李但搭客不得藏有應稅之物如查有應稅之物即將全數充公 一輪船應分兩式一係入江輪船由省城或由江門前往西江各口岸並下駛離兩廣水界者二係輪船由香港或澳門等處前往西江貿易祇走一水者 一入水輪船須將所領本國船牌呈由該領事官收存或呈由粵海關或江門關收存海關當即察驗或發給准照並同時發給來往西江輪船牌照一紙交該輪收執照此准用一年期滿之日必須呈繳或赴粵海關江門關續領 一由香港澳門來往西江貿易之輪船必須先經江門或先經省城方能駛入西江如先經江門必須由磨刀門水道前往並赴拱北關之網洲稅關呈報又必須遵照西江通商暫行統共章程察驗或發給准照並請領江門准照方能駛行前往倘到江門之後欲再改往西江則江

門准照繳回江門關並將本國船牌呈由該國領事官或海關收存然後請領西江專照若無此項專照不得於通商口岸或路經之埠或搭客埠頭來往貿易至該輪由上游駛回江門之時如所有稅項均已完納清楚則該輪於繳回西江專照之後該關即發出清關單並將該輪所領本國船牌並江門准照交回該輪其江門准照俟抵網洲之稅關時須繳注銷然後開行 一輪船先經省城然後往西江者應將本國船牌呈由領事官或海關收存方能領回西江專照及至回省之日繳回西江專照方能領取清關單並領回本國船牌 一凡輪船來往西江通商口岸貿易者其報關清關起貨卸貨等事務須遵照沿海各通商口岸並沿途各口岸海關章程一律辦理 一征收稅項辦法凡貨物由外國口岸運往通商口岸者須於起貨之埠完納進口正稅如由外國口岸運往路經之埠者則須赴所經第一處通商口岸如江門關或粵海關完納進口正稅如土貨由路經之埠運入通商口岸如沿途未曾經有別處通商口岸者則於起貨之埠完納進口正稅如土貨由通商口岸運往路經之埠而沿途未曾經有別處通商口岸者則於落貨之埠完納出口正稅若土貨進口如上所云路經通商口岸者起貨之時或落貨之時完一正稅並一半稅若土貨由路經之埠運往別處路經之埠而沿途有通商口岸者須赴該處通商口岸報明並即完納進口稅其

由路經之埠運往外國口岸者則須於江門關粵海關完納出口正稅凡輪船由香港或澳門來粵海關或江門關請領清稅單之時須將船上貨物列明艙口單呈繳該關并完納稅項若已在別處完納稅項須將憑據呈驗

鎮江關酌定小輪暨拖船章程

輪船 一量明該船之艙面計長若干尺 所謂艙面者凡頂上平面坐客之處皆是其居中之寬處計若干尺寬長相乘

得若干尺以九除之得若干尺所得之數即為艙面容客之數 譬如艙面長六十八尺闊十四尺三寸以四三乘六八四得九百七十八尺有奇再以九除

之可得一百九十九尺餘 二量明該船計長若干尺其居中之寬處計若干尺寬長相乘得若干尺

以六除之得若干尺所得之數即為艙中容客之數 三凡輪船有上層樓面者距水面相

懸在此坐客船易傾側上層樓面不准載客 按船本駛船身帶小信外兩旁有餘地行人行走現在凡自一噸至八噸之小輪往往將船艙展闊寬與船身相等另於船身兩旁架設跳板以為行走之路

拖船 四該船或搭客居坐之處量明計長若干尺其居中之寬處計若干尺

寬長相乘得若干尺以六除之得若干尺所得之數即為該船容客之數 五凡拖船之有

煙篷者在此坐客船易傾側最為危險煙篷之上不准載客

令彼此隔閡。君嘗語余。從容相待。異日或可致富。余豈不知資財君所自有。但相愛如余兩人。亦何必需此。余無他懼。惟懼君自疑貧乏。貶損志氣耳。君幸以昔日之勞勃自居。毋忍而見棄。親暱如恆。況余兩人。皆可自主。此行何如。尙不可知。卽不幸所謀無成。余亦仍與君友。幸勿以此相愛之心。移之他人也。言畢。羅思欲辭去。勞勃急執其袖。曰。羅思。聞卿所言。令人感泣。但余之謝卿。令別相擇者。實以余愛卿之誠。而自愧不能作金屋以藏耳。曰。然則君將棄舊乎。曰。否。非余所願。余知世間儘有豪富子弟。而能供卿所欲者。貧困如余。能無顏汗。曰。惟君之心。能愛余欲。故惟君是擇。余豈斷斷於貧富乎。曰。羅思。雖然。如使卿貧我富。他人自必無言。今事勢相反。人將謂余艷爾之財。而妻爾。其奈之何。曰。余兩心相契。坦白無他。奚可因人言而自疑。余已與君訂婚。余兩人十歲時。所贈指約。不殊文定。此次偕行。亦無異新婚游歷。君此行縱不能致富。而於余心頗慰。余當罄所有。普濟倫敦貧民。以期與君近況相埒。君但資我餘生可也。噫。勞勃。君安可以錢財之故。而令余二人不得相合乎。

其後衆人附羅懇尼船行。閱四十八句鐘。遂抵英倫。麥爾夫人及勞勃等。擇倫敦著名客寓。於亨潑登可脫。居焉。麥爾聞信。卽來迎候。福既爲衆人擇定館舍。遂入城。福故廣交。於英倫多相識者。故去亨潑登時。卽以白髮綰面。掩其本相。免爲仇家所見。福與蘇格蘭約特警察

長韓起相識。急欲入城一見。及至奧格司福街。時已薄暮。既至警察署。晤諸署員。寒暄片時。即遣以展放杜倫所贈相片。名刺數紙。並詳記是人狀貌。懇為密訪。

福旋出利琴街。轉入奧格司福街。行甚遲。車馬皆突出其前。左右市肆林立。亦目若無睹。既經行酸勒司。將至蘇花。出日記簿。加意檢視。意似覓人居所者。既而曰。得之矣。在李羅陪來也。遂疾行。轉瞬已至。李羅陪來。初為指紳富家所居。今則時移勢易。皆尋常百姓家矣。福步經一半圓式之屋。雖不高大。然已傑出。止步審視。若不忍釋。約一旬鐘時。往返門前者三四久之。日昏。始登其階。一手攜囊。一手出名刺。擊門鈴。一女子出啓門。福曰。姑娘。請恕余唐突。未識某夫人在此否。女曰。否。此非其宅。曰。惜余忘其門牌號數。竊意必在此。姑娘抑憶及有客寓此。或寄膳於此者乎。幸以相告。女曰。否。室內惟余主母及其女姪。別無他客。福悵然辭去。

上燈時。福復詣其門。見其膳堂內。燈燭輝映。福自窗窺之。見室中陳一桌。桌設兩坐位。俄頃一婢入。置一物桌上。後隨一美婦。婦身材嬌小。粉臉金髮。衣紫綢衫。趨過婢前。即於案頭坐下。少頃。一男子入。先至窗前。曳窗帘下。若防人窺探者。自是家中所陳。及美婦舉止。遂不得見。然此男子甫入時。福眼光所及。似見此人身長。善修飾。面色微黑。似非善類。福遂履車歸。



自忖已見所欲見。此二人抑爲夫婦。抑爲姊弟。皆難臆決。且此婦已釋去素服。亦不解其何意。方揣想時。已抵史屈倫街寓所。

翌晨。福往密特炭潑爾巷。訪赫尼。會麥爾亦自亨潑敦來。赫尼與福素相識。且略知此案顛末。寒暄後。即令二人入室密談。福旋坐麥爾前。麥爾曰。福君。余等所謀。今殆失望矣。福曰。君何所見而云然。抑料案情大率如此乎。曰。然。曰。尙有他情節否。曰。無之。曰。然則有來請承繼丕斯理之產者乎。曰。無之。黑穀丕斯理。世系極清晰。其承繼者。當可得資二十萬鎊。福曰。與吾美之擁資百萬者等矣。君已登告白乎。曰。然。所登告白。辭切而詐。當必有來應者。曰。有人乎。曰。有之。曰。然則曷爲失望。曰。余恐所來之人。並非君所致疑欲得之人。福笑曰。試述其人之狀貌。麥爾默然。出一婦人之名刺與之。福取誦之。曰。蓋斯敦。雷脫姆。夫人。福曰。是即欲繼產之人乎。曰。有子女各一。一十二齡。一九齡。福曰。其證據全否。曰。全。於勞勃爲叔姪行。當爲繼產之第二輩。福復取閱名刺所誌居處。曰。居城中乎。其子女亦與同居乎。曰。惟其女在。其子殘廢。居醫院。婦因其子疾。不勝憂悶。故亟欲承繼此產。余恐此人。非君所料之者。福徜徉椅內。坦然曰。請言其狀。老乎少乎。美乎醜乎。麥爾知福拉史。亦與勞勃關切。料聞已言。必嗒然若喪。孰知其毫不介意。乃曰。雷脫姆夫人來請承繼此產。並無不合。故余料其必得。

羅脫福曰。余料其必不能得也。麥爾曰。此婦身材中等。肌體豐盈。然髮已斑白。不似四十許人。而面目韶秀。戴極深眼鏡。語音高銳。被灰色長衣。一望而知一敏捷女子也。言畢狂笑。福曰。聆君所言。似有不合。婦人之肥碩者。必無淺淡色澤。麥爾曰。君或已聞雷脫姆夫人乎。曰。余固知之。但余終不信其來承此產。余嘗識傑姆森夫人。君當聞之。余近知其居李羅陪來某宅。與雷脫姆夫人相友善。余故得聞雷脫姆夫人之名。曰。雖然。雷脫姆夫人。必非君所料之人。此事恐將棘手。福曰。余於此事。絕不慮及失望。余固知君心所度。然余料此事歸結。當已不遠。今須下此最後一手。惟須借赫尼君爲助。君亦曾以余等所謀告之否。曰。凡所知者。均已盡情相告。曰。然則曷請其來此。當與共議。

須臾。赫尼至。允相爲助。福曰。余固可早擒是人。但案情尙有未盡。恐有漏網者。故隱忍以待之。今尙未知是人姓名。已倩蘇格蘭約特警察長密訪。想可即得。余料是人必係爪牙。而非首惡。故欲其自投來此。赫尼曰。然則君訪得後。不卽捕之乎。曰。余於其在倫敦時。必遣人暗中注守。前曾見之於格倫維爾。雖情節尙有未明。然已知其大畧。世固有營求不以其道。而終身不名一錢者。此人即其類也。蓋其人好博。曾以所竊屈爾士之表。質於施嘎哥城某當舖。彼非不知此事之險。第屢博屢負。迫而出此下策。不久博勝。旋即贖去。蓋恐人蹤跡得之。

叢談

火星之新說 英國著名星學泊希維亞羅威爾。研究火星。歷有年所。近以其新說公于世。當三十餘年以前。治星學者已發見火星表面有二大運河。縱橫貫注。一名芝智斯。一名河們斯。然此兩運河。同時不能望見。故學者大疑。至是羅威爾乃釋之。謂嘗於某時運河之水。絕其供給。火星中固有人類。此運河實為人工所造成。然有駁之者。則謂運河之寬。達六十英里。決非人工所能開鑿。雖似有二大運河。實則為耕地。適當繁植茂盛之時。人誤認之云。是人皆信火星中有人類。棲息其間。不復目為怪誕之談矣。

水能生火 水為輕養二氣所成。分之則為輕氣養氣。合之則為水。是水與輕氣養氣。固一而二。而一者也。然水性能滅火。輕養二氣能生火。和而合之。遇火即燃。熱烈之至。豈可與比。是水與輕養二氣。質雖相同。而性則相反。會

叢談

有人欲考究善法。將水化為輕養二氣。售之於人。以得大利。然尚未得廉價之法。如以電過水。水即分為輕養二氣。然成本過重。終無大用。茲有意大利人名滿拿高。精於化學。近考數種化學藥料。能將水分為輕養二氣。此藥料成本甚輕。如將來此法得成。則每輕養氣十萬尺。祇值銀十五仙。較之煤氣。價廉六百倍有餘。而熱力則較煤氣尤勝。然輕養二氣。熱力雖大。僅火色無光。然製之使光。亦屬非難。每十萬尺亦不過成本二十五仙。現滿拿高之新法。尙未完備。將來考究愈精。可以奪煤氣燈電氣燈之利矣。

太陽熱之利用 美國南部之諸地方。凡家用之沸湯。皆利用太陽之熱。近來普及甚廣。其法用鋼製之桶。形似氣罐。塗黑而置諸屋頂。以曝太陽之熱。越一時。則空氣之溫度。增華氏之三十度。或至六十度。得沸湯之供給甚便云。

夏日試電法 空氣甚乾。最能阻電。冬日晴霽之時。以絲綢擦玻璃棍。生電極靈。夏日潮濕之時。以絲綢擦玻璃棍。生電間有不靈者。因冬日空氣甚乾。不令空氣走失。夏日

十五

甲辰

空氣。則各質俱潮。驗電最難。必用火爐。將絲綢玻璃。以及屋內空氣。烘使極乾。試驗乃靈。於潮濕之處。試電。易為潮濕物所引也。

臨流教育 美國市卡咕地方。有舊輪船一艘。有議情復使學童讀書於其中者。其法擬在本地河面。行駛往來。每日輪週三次。大約早則從流下而去。晚則從流上而歸。往復循環。生機活潑。使各童學習地理圖書。指點目前。俯拾即是。及其歸宿。則灣泊於架蘭花園之邊。時有教習人等在船演說。至於國上。更列西樂兩行。以適情快意。論者謂美國學堂林立。從無此特別之臨水教育云。

催眠術之醫院 有催眠術之老師。名海斯洛者。實美國克倫比亞大學堂教習。倡議欲建設一催眠術醫院於紐約城內。聞者大為激動。有某富室。允捐巨款。其外願捐款者亦甚多。海氏云。用此術以醫人之不康健者。及人之有僻性者。效者甚多。余曾醫一患喉症之童子。施術後。語之云。明晨汝病可愈。至明晨。果愈。當初患喉中筋脈已爛。索

用催眠術後。其筋脈即仍健全。如未患時。

醫癩新法 美國之蓋非埠。有格致家。近考出蜜蜂尾針一宗。制成藥水。實能療治癩症。取效甚奇。因日前有農人經染此症。四處徵醫。罔能奏效。忽一日。被羣蜂針刺。全身腫脹。痛楚異常。初不料苦盡甘來。旬日而腫脹漸消。因之手足舒徐。頗能運動。後更照法試演。竟獲痊愈。現在彼處製有機器。以捕獲蜜蜂。即用此機截斷尾針。取其毒水。配以別種。然後製成藥。且各蜂放出後。亦能照常釀蜜。並無損傷原質等情。現已購蜂局針五萬枚。以便製煉藥水矣。

治疾奇聞 美國楚珠省士灣亞埠。有西婦。名笠布。年將大衍。有瘋濕病。殞臥不能行動者數年。婦極苦之。一日忽陡起狂風。大雨淋漓。雷電交作。婦臥病房中。霹靂一聲。雷從婦房穿過。因電力極大。遂將婦摔倒在地。此時驟驚非小。休息數時。驚定之後。忽覺身體較曩時為安適。強起。已能行數步。經醫生考察。謂此婦之疾。已為電力攝去。此亦

奇聞也。

蟲可傷生。美國有博遊西人。名哥拉士。至醫院求醫。聲稱耳痛。據云前在支奴坑時。因酒醉。酣臥草際。想有毒蟲由此入耳。醫生驗之。空洞無物。仍痛甚。隨以水筒滿貯最烈之去毒藥水。射入耳中。出有白蟲三頭。醫生曰。此烏蠅之露絲蟲也。此種烏蠅。遇有人露宿。每從耳鼻處放卵。隨即化而為蟲。逐漸食入。遞至腦際。痛不可忍。每令人自盡而死。前在山多些。有受此害者。現仍留哥拉士在院。蓋恐其仍有卵子在內。而白蟲之出未淨云。

顏色黑白與地理之關係。人謂住於熱地之人。其色黑。住於寒地之人。其色白。此謬見也。蓋往日之歐羅巴人。以自已住于地中海以北。顏色頗白。而各種族之住于地中海以南者。顏色頗黑。故有此說。本非無所見而云然也。然今者大地全通。得遍查世界上所有住民實況。而精為比較。於是乃知前說之不得為確例焉。今查住于北半球最寒之地者。為阿美利加之愛士奇摩人。其所住之地。比歐

論

羅巴人所住為更北。而其皮膚乃褐色。決不足與歐羅巴人等白。又住于南半球最寒之地者。為南美利加之忒譯的費人。其皮膚亦褐色。比住于氣候溫和之地者。未嘗加白也。且住于南阿美利加之西部者。其氣候雖各殊異。而生人則同屬褐色。又於阿非利加之南方。雖同在一地方。同屬一氣候。而黃色之台丁突特。與黑色之勃西曼。乃雜處其間。其膚色所以不同之原因。屬別問題。今姑勿論。而住寒地者色白。住熱地者色黑之說。即可據此而破之矣。指甲生長之速率。德國生理家。近聚議於柏林京城。有某醫。向衆演說指甲生長之狀。其言曰。童子之指甲。長速於成人。寒季約一百三十二日。熱季約一百一十六日。自中根長至指尖。而右手之指甲生長。尤速於左手中之指甲。大指極遲。餘指無甚分別。曾驗過三萬人。舉無以異。特別偉人。墨洲加拿他。出一偉人。年二十一。身高已有二適當五。重一百八十五基勞。胸部週圍。長一適當四。手長二十七生的適當。此人係法種。聞其祖先皆偉體相。

十七

甲辰

樽也。  
 三百八十五磅之少女。美國南方有一村。村有少女。名  
 槽透者。年二十三歲。體重三百八十五磅。近方日夕增長。  
 身長雖不滿四尺八寸。然腰圍之闊。則有四尺半。若鼓氣  
 時。則有五尺。腰下須用六尺以外之帶。方得爲之量算。初  
 生時。亦與兒無異。至二十箇月後。已長至六十五磅。其母  
 不能抱。因爲定製極堅之孩床。至五歲時。往村遊玩。見一  
 雜貨行之天秤。投身立其上。一百磅之天秤。忽然躍起。幾  
 爲所壓斷。蓋因當時重量。已有一百六十五磅也。至二年  
 後。重二百一十一磅。以後漸次長大。至於今日云。  
 婦人生髮。以常人所見。必謂男子有鬚。婦人無之。直欲  
 以鬚之有無。爲分別男女之一端。此非的論也。先就男子  
 而論。生於巫來由地方者。鬚極稀薄。北阿美利加本部之  
 人。殆幾無有。至純乎爲愛土奇摩及哲治人。則雖謂之絕  
 無可也。若夫女子。則日本蝦夷之婦人。間有生鬚者。實非  
 窮膚塗墨。假冒混充也。澳大利亞土人。其女子亦多有鬚

兼者。至於法蘭西之女子。則其鬚之可認者。往往足與日  
 本男子之鬚鬚者同等。然則婦人無鬚之說。實與今日所  
 確實調查之事實。不能相容矣。  
 羅馬北方之古迹。在羅馬國北方太奎內亞地方。三千  
 年前之墓中。掘得古時蓋甲護身鏡。及黃金所作各物。雕  
 刻至精。可見古時以脫勒斯更之人。較古時羅馬人。尤爲  
 開化。  
 歷數奇境。天下有七奇境。第一爲埃及國尖形皇陵。第  
 二爲巴比倫懸空花園。第三爲羅馬之銅人。其足跨立二  
 山之頂。第四爲以弗所之大公廟。第五爲埃及國亞力山  
 大城之尖塔。第六爲羅斯之銅像。高一百零五尺。於主  
 前二百二十四年。爲地震所毀壞。第七爲印度回皇陵寢。



商務印書館出版  
類史歷

法蘭西史

每部一册  
價洋三角五分

本館編譯○凡五卷一上古政治二封建時代政治三立君政治四革命時代政治五今世政治自紀元前迄十九世紀一切人物政教風俗文治武略先後敘載詳審精密我國編譯史書向無法蘭西史此可爲之嘆矣

俄羅斯史

每部一册  
價洋五角

俄國伊羅瓦基伊著日本八代六郎原譯本館重譯○俄於我國最有關係其國內情亦最複雜是編起列侯時代迄前皇亞歷山德三世疆域之開拓政治之變遷鄰交之得失君權之隆替原原本本記敘賅博

日耳曼史

每部一册  
價洋七角

英國沙安著江甯張錫譯○書凡二十章三百八十三條自古以至近世其中盛衰分合吞併攻奪之迹靡不具載日耳曼處歐洲中原其先爲無數小邦互相剽竊幾無實日自威廉第一勝法後克成一統之業內安外攘遂稱雄於世界世有抱轉弱爲強之志者不可不熟觀其書

埃及近世史

每部一册  
價洋四角五分

日本柴四郎著本館譯○埃及久困於土耳其洎譚罕凱德阿刺起敢與土抗雖未能完全自主而英名偉績固已炳耀寰宇祇以繼體無人遂爾凌替其弊在國是不定舍己從人一切變法皆爲取悅外人之具故其事有損而無益終不免於亡國之慘誠我國之殷鑒也

商 務 印 書 館 出 版  
類 史 歷

世 界 文 明 史

每部一册  
價洋六角

日本高山林次郎原著本館譯○世界文明愈趨愈進然皆有所自來是書分紀東亞洋各國政教學術循流溯源凡有可為今日文明之證者無不備載展卷讀之不啻幸全世界民族之精華供吾賞玩即欲去蠻野而進文明亦可以識其途徑

支 那 教 學 史 略

每部一册  
價洋四角

日本狩野良知著本館譯○中國教化學術卓然為世界之先聲是編起自上古迄於國朝一切有關教學之事均能詳其沿革溯其菁華本本原原有條不紊我中國數千年來之文明讀此可以知其崖略有主張國粹之說者易取是編隨之

泰 西 民 族 文 明 史

每部一册  
價洋四角五分

法國賽奴巴著日本武澤野之助原譯沈是中愈子譯重譯○是書用普通歷史體例而特詳於政治禮制宗教風俗實業文藝諸端蓋惟此可以視文明之真相也全書譯筆精審詞意明晰毫無東文艱澀之習可用為學堂課本

大 學 堂 亞 美 利 加 洲 通 史

每部二册  
價洋七角五分

桃源戴彬編譯○紀載繁博凡地理人種文事武功及物產製造政教俗尚一切沿革靡不遐稽旁采搜討無遺讀之于神州大有可觀也



商務印書館出版  
歷史類

世界近世史

每部一冊  
價洋八角

日本松平康國著中國國民叢書社譯○自十五世紀末迄十八世紀其野蠻文明過渡之時代乎學問之復興宗教之革命君權之變遷皆於此數百年間現出無數變態中世之果於此時結最近世之因於此時種族世界近世史雖非歷史之全部實為世界歷史最發達之時代是編敘事簡而不漏論斷卓而不偏煌煌巨帙誠歷史上空前絕後之作欲研究世界變遷之狀態者必先親為快也

歐洲最近政治史

每部一冊  
價洋五角

日本森山守次著本館譯○泰西列國政治日新月異是書備舉最近世紀中憲法會盟變革戰爭諸政詳晰無遺瞭如指掌欲知歐洲富強之源者亟宜瀏覽

歐洲新政史上編

每部一冊  
價洋八角

德國米勒爾原著日本稻田孝吉綾部竹之助原譯本館重譯○歐洲政界進步之速祇在前一世紀而事變之紛紜亦惟此時為最劇而歐風雲今將移至東亞然苟察其覆轍善為因應革故鼎新未必不可免此慘劇也是書於歐洲各國大局之變遷政體之改良逐事紀載詳盡無遺全書都三十餘萬言實為近世史中最富最博之本願我國人無分新舊皆讀是書其所得幸福當不少也譯筆精審絕無尋常東文譯本逐紙沙石之病儘全書卷帙浩繁現在先出上卷讀出下卷

商務印書館  
出版  
哲學  
商業  
類

哲學要領

每部一册  
大洋二角

德國科培爾著日本下田次郎譯山陰蔡元培重譯○哲學要領事理之祖宗教流別而惟物惟心有神無  
神溯源則同泰西富強胚胎於是是書約舉哲學之總念類別方法系統皆以最近哲學大家康德黑智爾  
哈爾安門諸家之說為基礎發揮盡致且於古代哲學提要約元足示學者研究之法

德國工商勃興史

每部一册  
價洋六角五分

法國伯羅德爾著日本文部省譯本館重譯○德國工商之業至近年而益盛不知幾經培養始能臻此地  
步是書懸舉其所以致盛之由不外於國家保護學校教育我國近來重視商務提倡工藝凡為學者不可  
不急取研究也

萬國商業歷史

每部一册  
價洋六角

英國器實著日本林會登吉譯本館重譯○交通日便商戰日烈鐵路輪舟往來駢集而由古迄今以及各  
國互相關係之道非深加考察無以通曉處此商戰之局固當知其已然尤當審其所以然中國商業之不  
振亦由遇事無從考察耳爰亟譯印是編以資參考

高 游 印 書 館 出 版 類 史 志

希臘史

每部一冊  
價洋七角五分

日本桑原啓一著中國國民叢書社譯○泰西文化發源希臘欲知歐洲諸國今日之盛不可不溯其流而  
尋其源是書記載最詳譯筆雅飭譯民友先生序謂必為歐化家所歡迎非虛言也

羅馬史

每部二冊  
價洋八角五分

日本占部百太郎著鄒縣陳時夏章起清章師譯胡鈞同譯○羅馬為歐洲繼古開今之一大國其  
其歷史之關係重要不問可知是書取材豐富紀事詳明著者自序謂英雄豪傑志士仁人盛衰興廢相文學  
哲學美術雄辯之聲雲集羅翠肩望遠接驚天動地變幻出沒巖如山陰道上使人應接不暇洋洋乎誠史  
乘之大觀也書中附名人小像十餘幅美姿雅爽面目如生尤為本書之特色

蘇格蘭獨立史

每部一冊  
價洋二角

美國那頓著本館譯○蘇格蘭當十三四世紀間陷於英國其受壓制之慘無不忍言厥後蘇格蘭出卒能  
光復舊物再造新邦是編紀其先後戰績及修明內政恢復獨立之事有志者事竟成願我國人取以為鑑

商務印書館出版  
戰史類

義大利獨立戰史

每部一冊  
價洋四角

美國獨立戰史

每部一冊  
價洋四角

普奧戰史

每部一冊  
價洋五角

尼羅海戰史

附溫聖脫  
哥品杭戰史

每部一冊  
價洋二角五分

法國戰史

每部一冊  
價洋四角

飛獵濱獨立戰史

每部一冊  
價洋三角

處此物競世界戰爭  
爲不容已之事於以  
衛國於以保種舍是  
蓋未有能自存者也  
歐人尙武戰術日精  
陳迹具在足資取法  
京師大學堂新定章  
程高等學堂至第三  
年卽習兵學專以戰  
史教授 朝廷重武  
具有深意有志之士  
異日欲効命疆場以  
衛吾國以保吾種亦  
安可不鑑古證今而  
預爲研究耶

商 務 印 書 館 出 版

嚴 又 陵 先 生 新 譯

英 國 穆 勒 勳 約 論  
群 己 權 界 論

John Stuart Mill's on Liberty.

是書發揮自繇精神勸濟國  
羣小己二者權界平社會之  
凌犯振國民之精神大旨惡  
苟同而向持操履死法而尊  
公理平實地說實話無一毫  
文飾恣誕之氣而洵次之超  
眼界之闊真福族自是者對  
證之聖德原書風行字內久  
推傑作譯者精思妙筆更龍  
相副自序有言學者必明乎  
己與羣之權界而後自由之  
說乃可用則是書之出其有  
功於今日世道豈淺鮮哉太  
史公謂有國者不可不知春  
秋為人臣子者不可不知春  
秋今吾亦謂為國民者不可  
不讀權界論也先生以版權  
特歸本館許以專印發售書  
凡五篇都八萬言洋裝一册  
價銀八角

英 倫 甄 克 思

社 會 通 詮

Ed. Jenks' A History of Politics.

民族主義源於泰西近十年來  
國雖從其說者見有廣狹術有文野  
其辨外則一也惟是世界大通種界宜  
泯彼都先覺獨標新義權羣學天演公  
理發明宗法社會軍國社會之殊前板  
勝靈真一等而我國今正運行後極漸  
進大同而彼族已經幾及彼方升堂我  
猶門外急起直追猶虞不及又安可抱  
持陳說以自域進步乎甄君掌教英國  
鄂斯福大學是書為三年前印本就社  
會已然之迹而推其所以致此之由特  
彙陳官推倒兼說侯官嚴先生以其能  
裨我國社會遂譯數月書成以版權界  
本館專印行世現已出版洋裝一册價  
銀一元

備 務 印 書 館 出 版  
傳 記 叢 書

拿 破 崙 傳

每部一册  
價洋四角

日本矢島元四郎著中國范石譯○拿破崙名震環球世人無不欲知其生平是書搜羅至其幼年入學之日以及遺骸歸國之年內而家庭外而軍國以至一言一行之微無不備載有崇拜英雄之念者具取而三復之

克 萊 武 傳

洋裝每部一册  
價洋三角

英國馬可來著本館譯○英取印度始以商會終以戰爭實克萊武一人左右之今泰西人之心目已全注於我中國欲知印度之概者請讀是書

納 爾 遜 傳

洋裝每部一册  
價洋三角

日本中村佐美著江陰何雲卿劉張侯譯○近世海軍英國最稱其先者曰納爾遜君生平從事海軍者凡三十五載偉烈雄猷照耀世界讀此者猶有興起之心

開 地 名 人 傳

每部一册  
價洋一角五分

美國愛德華著無錫王汝宇譯○今日歐洲諸國對於全球其始皆由二三豪傑抗志抗海不避艱險搜覓新地風氣既開興起者衆國家坐享其利而殖民之地乃愈推愈廣矣是書彙集彼國開地名人已三十餘名各立一傳讀之可以增人進取之氣

日 本 近 世 豪 傑 小 史

每部一册  
價洋五角

本館編輯○凡四卷明治維新以來彼國傑出之材人人樂為稱道但知其略未知其詳不無遺憾本館因搜輯日本近世之有勳業學問俠義奇行者各列一傳著為是編讀之可知其人才之盛

商 務 印 書 館 出 版

嚴 又 陵 先 生 新 譯

英 國 穆 勒 約 論  
群 己 權 界 論

John Stuart Mill's on Liberty.

是書發揮自強精神勸導情國  
羣小己二者權界平社會之  
凌犯後國民之精神大旨惡  
苟同而尚特操賤死法而靠  
公理平實地說實話無一毫  
攻讎恣睢之氣而洵次之超  
眼界之闊真補袂自是者對  
證之聖藥原書風行字內久  
推傑作譯者精思妙筆更能  
相副自序有言學者必明乎  
己與羣之權界而後自由之  
說乃可用則是書之出其有  
功於今日世道豈淺鮮哉太  
史公謂有國者不可不知春  
秋為人臣子者不可不知春  
秋今吾亦謂為國民者不可  
不讀權界論也先生以版權  
持歸本館許以專印發售書  
凡五篇部八萬言洋裝一册  
價銀八角

英 倫 甄 克 思

社 會 通 詮

Ed. Jenks' A History of Politics.

民族主義源於泰西近十年來  
國體從其說者見有廣狹術有文野  
其非外則一也惟是世界大通種界宜  
但彼都先覺獨標新義據羣學天演公  
理發明宗法社會軍國社會之殊前板  
勝變夷一尊而我國今正運行後級漸  
進大國而被族已輕蔑及彼方升堂我  
對門外急起直追猶虞不及又安可抱  
持陳說以自欺進步乎願君掌教英國  
郭斯福大學是書為三年前印本就社  
會已然之迹而推其所以致此之由推  
查陳言推倒來說侯官嚴先生以其能  
導我國社會遂譯數月書成以版權具  
本館專印行世現已出版洋裝一册價  
銀一元

各國憲法略

每部一册  
價洋五分

日本某某著出洋學生編輯所譯○憲法為近世界立國之原最要惟各國成書卷帙多綜括非易是書旁徵博引事簡義全前凡七章分載憲法之源流後附國家思想異詞之要詳列編目明若掌文學者讀此一蔗足該全豹

各國國民公私權考

每部一册  
價洋五分

日本井上毅原著出洋學生編輯所譯○民權之說產於西界限不明沈弊甚重是書詳載公私權之界線與其作用而各國之異同古今之沿革無不備列洵為我國今日救時要書也

明治政黨小史

每部一册  
價洋五分

日本東京日日新聞原著出洋學生編輯所譯○國家不患有黨而患無政黨者其宗旨不同其徑術不同而其愛國之心則一也日本自明治維新改革政體而政黨以立國亦以強我國則戊戌變法以後新舊黨人互相傾軋而國家之危殆可知也



商 務 印 書 館 出 版  
政 治 類

海參崴公董局城治章程


每部一册  
價洋二角五分

俄國官本上海李家整譯○公董局俗譯工部局城治章程即警察之事李君憐旅居海參崴華人不明俄律每至誤干禁令爰譯是書俾我僑民有所率循全書共分十五類二百九十三條詳審周密無微不至今各省創辦警察兼設警察學堂良法美意正可則效

俄租遼東暫行省治律

每部一册  
價洋二角

俄國官本上海李家整譯○世人但知俄人佔我遼東而不知其佔後施治之法今讀是編可知俄人深慮矣北望邊疆戰雲蔽日正不知何日方克還我版圖也三覆茲編不禁竚然



館育教之中覽博國萬斯伊魯聖